



REVERENDISS. DN.
THOMAE DE VIO CAIETANI,
Cardinalis Sancti Xisti.

PRAECLARISSIMA LXIII. NOTABI-
lium sententiarum Noui Testamenti liberalis exposi-
tio, in duodecim capita distincta, quæ totidem
IENTACVLA Noui Testamenti,
ratione operis initio reddita,
inscribuntur.



VENETIIS,
Domipicium de Farris excudendum curabat. 1568.

THE
OFFICE OF THE
TREASURER

STATE OF NEW YORK
OFFICE OF THE TREASURER

IN SENATE,
January 1, 1885.
REPORT
OF THE
TREASURER
OF THE
STATE OF NEW YORK
FOR THE YEAR
1884.

ALBANY:
J. B. LIPPINCOTT & CO.,
PRINTERS,
1885.

ALBANY:
J. B. LIPPINCOTT & CO.,
PRINTERS,
1885.

CLEMENTI VII.
PONT. MAX.
THOMAS DE VIO S.



*Apientia Diuina, Cle-
mens V II. Pont. Max.
mensam, post perfectã pecc-
atorũ Summulam, instrue-
re quum Hungarica pere-
grinatio uetaret, ne iciuna omnino mens,
manusque transiret, Ientacula quædam
parare curaui. Absque ordine siquidem,
& delectu occurrentes nõnullæ per No-
uum Testamentum sententiæ literali sen-
su hic declarantur. Nec propterea finem
feci, quòd omnes declaratione dignas ar-
bitrarer me complexum esse, sed ubi ob-
tulit se commoditas inchoandi commen-
taria Psalmorum iuxta literalem sen-*

sum, omisſis Ientaculis conuiuio apparando uacandum credidi. Non dedignaberis itaque Pater beatissime, exiguum hoc munusculum ſuſcipere: quandoquidem, & mea omnia tuæ beatitudini debentur, & diuina eſt materia. Felix Vale.

INDEX EORVM QVAE IN HOC OPVSCVLO TRACTANTVR.

In primo Ientaculo de uerbis Domini circa
ipſius ex hoc mundo tranſitum, tra-
ctantur Quaſtiones x i i i.



RIMA, Cur Chriſtus reprehendit
ſuos diſcipulos dicentes. Vt quid per-
ditio hæc? poterat enim iſtud unguen-
tum uenundari multo, &c.

Secunda Quaſtio, Quantum ualeat
excusatio Domini: Opus enim bonum
operata eſt in me: nam pauperes ſem-
per habebitis uobiſcum: me autem nō

ſemper habebitis.

Tertia: Quotſum tria diſta à Domino excuſationi Mag-
dalenæ ungentis ipſum adiecta ſcilicet de ſepulturæ ſuæ præ-
uentione, de perpetua memoria huius unktionis in laudem
Magdalenæ futura, & quod ipſa Magdalena facit quod ha-
buit. Quarta, Quo pacto uerba Domini ad diſcipulos pro e-
mendo gladio, ſcilicet, Quando niſi uos ſine ſacculo & pera,
&c. ad literam uerificentur.

Item ad quid Apoſtoli dixerint: Ecce duo gladii hic. Et
cur Dominus meminerit perſecutionis ſuæ, non loquens de
ſui deſenſione.

Quinta, Quàm cōueniens fuerit hæc Domini ad Annam
iudicem reſponſio: Quid me interrogas?

Sexta, Quàm conueniens fuerit domini ad Annæ mini-
ſtrum percufforem reſponſio: Si malè locutus ſum, testi-
monium perhibe de malo. Si autem bene, quid me cædis? Itē cur
nō reſpōdit dominus Annæ ad interrogationē de diſcipulis.

Septima, cur Dominus à Caipha adiuratus ut diceret ſi
ipſe eſſet Meſſia: non ſolū ſe eſſe Chriſtum reſpondit, ſed,
Amodo uidebitis filiū hominis ſedēte à dextris, &c. adiecit.

Oſtaua, Cur interroganti Pilato. Tu es rex Iudæorum?
reſpondit Dominus: A temetiſo hoc dicis: an alij tibi dixe-
runt de me?

Tabula.

Nona, Cur interroganti Pilato: Quid fecisti? respondit Dominus: Regnum meum non est de hoc mundo, &c.

Decima, Cur ex uerbis domini inferenti Pilato: Ergo Rex es tu? respondendo subiunxit dominus: Ego in hoc natus sū & ad hoc ueni in mundum, ut testimoniū perhibeā ueritati. Omnis qui est ex ueritate, audit uocem meam.

Vndecima, cur interroganti Pilato: Mihi non loqueris? Nescis quia potestatem habeo, &c. respondit Dominus: Non haberes aduersum me potestatem ullā, nisi tibi desuper, &c.

Duodecima, cur interrogatus dominus ab Herode in multis sermonibus, nihil omnino respondit: quum tamen affligeret spes profectus.

Tertiadecima, cur Pilatus hanc Domini causam super crucem scripserit: Iesus Nazarenus Rex Iudæorum.

In secundo de diuersis documentis de filiis Dei tractantur Quæstiones quatuor.

Prima de uerbis Pauli ad Rom. 1. de unigenito filio Dei, quibus dicit: Qui prædestinatus est filius Dei in uirtute secundum spiritum sanctificationis ex resurrectione mortuorum Iesu Christi Domini nostri. Item expositio horum duorum ab Apostolo ibidem dictorum scilicet. Qui factus est ei ex semine Dauid secundum carnem. Et per quem accepimus gratiam & apostolatam ad obediendum fidei in omnibus gentibus, &c.

Secunda, de uerbis Ioannis Euangelistæ. Ioan. 1. de filiis Dei adoptiuis: Dedit eis potestatem filios Dei fieri: qui nō ex sanguinibus, neque ex uoluntate carnis, neque ex uoluntate uiri, sed ex Deo nati sunt.

Tertia, de uerbis Pauli Apostoli 1. ad Cor. 15. de baptismo quo generantur filii Dei quum dicitur: Alioquin quid facient qui baptizantur pro mortuis, si omnino mortui non resurgunt, Vt quid & baptizantur pro illis?

Quarta est de uerbis eiusdē apo. ad Gal. de hereditate filiorū Dei per fidē repromissa, non per legem, quū dicitur: Lex ordinata per Angelos in manu mediatoris. mediator autē unus non est. Deus autem unus est.

In ter-

Tabula.

Intertio de diuersis scripturæ dictis de sacerdotio, tres tractantur Questiones.

Prima, de uerbis Apocal. cap. 5. Fecisti nos Deo nostro regnum & sacerdotes, & ca. 1. fecit nos regnum & sacerdotes Deo & patri suo.

Secunda de uerbis Petri Apostoli in capitulo secundo primæ suæ Epistolæ. Vos autem gens electum regale sacerdotium, gens sancta, &c.

Tertia, de uerbis eiusdem Petri in eod. ca. ad quem accedentes, & ipsi tanquam lapides uiui superædificamini domos spirituales in sacerdotium sanctum offerentes spirituales hostias acceptabiles Deo per Iesum Christum.

In quarto de nouem beatitudinibus Euangelicis præmittuntur earum tractationi quinque quæsitæ.

Primum, cur dominus in principio has beatitudines proposuit.

Secundo, cur multas.

Tertio, cur tot, idest nouem.

Quarto, cur pluraliter.

Quinto, an gradatim enumerentur.

Prima beatitudo Euangelica est hæc: Beati pauperes spiritu: quoniam ipsorum est &c.

Secunda, Beati mites: quoniam ipsi possidebunt terram.

Tertia, Beati qui lugent: quoniam ipsi consolabuntur.

Quarta, Beati qui esuriunt & sitiunt iustitiam: quoniam ipsi saturabuntur.

Quinta, Beati misericordes: quoniam ipsi misericordiam consequentur.

Sexta, Beati mundo corde: quoniam ipsi Deum uidebunt.

Septima, Beati pacifici: quoniam filii Dei uocabuntur.

Octaua, Beati qui persecutionem patiuntur propter iustitiam: quoniam ipsorum est regnum, &c.

Nona, Beati estis quum maledixerint uobis homines & persecuti uos fuerint, & dixerint omne malum aduersum uos mentientes, propter me: gaudete, & exultate: quoniam merces uestra copiosa est in cœlis.

Tabula.

In quinto quinque tractantur sententiæ.

Prima, Matth. 15. Munus quodcunque ex me est, tibi proderit.

Secunda, ibidem: Omne quod in os intrat, in secessum emittitur.

Tertia, Luc. 16. Qui fidelis est in minimo, & in maiori fidelis est: & qui iniquus est in modico, iniquus est & in maiori.

Quarta, ibidem: Si Moysen & prophetas non audient, neque si quis ex mortuis, &c.

Quinta, Ioan. 1. Quotquot receperunt eum: dedit eis potestatem filios Dei fieri.

In sexto tractantur sex.

Primum, uerba Domini in cœna: Non bibam de hoc genimine uitis usque in diem illum; quum illud bibam uobiscum nouum, &c.

Secundum, uerbum Domini ad Iudam in eadem Cœna: Quod facis, fac citius.

Tertium, uerbum domini ad Petrum quum percussit Malchum: Conuerte gladium tuum in locum suum, omnes enim qui, &c.

Quartum, apud Marcum euangelistam: Adolescens autem quidam sequebatur eum amictus sindone super nudo: & tenuerunt eum, &c.

Quintum, Erat autem pasceue Paschæ.

Sextum, apud Ioannem, Accipite eum uos, & crucifigite.

In septimo tractantur tria.

Primum, est apud Lucam, de duobus discipulis euntibus in Emaus: Oculi autem eorum tenebantur ne eum agnosceret.

Secundum, unde scitur quod Thomas tetigit manus & latus Christi, ut doctores affirmant.

Tertium, Apocal. 5. Dignus est agnus qui occisus est, accipere diuinitatem.

Tabula.

In octauo declarantur ad peccatis quinque.

Primum, Matt. 12. Omne peccatum & blasphemia remittetur hominibus, spiritus autem blasphemiae non remittetur.

Secundum, 1. ad Cor. 6. Omne peccatum quodcumque fecerit homo, extra corpus est: qui autem fornicatur, in corpus suum peccat.

Tertium, 1. Ioan. ult. Qui scit fratrem suum peccare peccatum non ad mortem: petat, & dabitur ei uita peccanti non ad mortem. Est peccatum ad mortem: non pro illo dico ut roget quis.

Quartum, Apoc. 3. utinam esses calidus aut frigidus: sed quia tepidus es, incipiam te euomere ex ore meo: quia dicis, diues sum & locupletatus, & nullius egeo: & nescis quia miser es, & miserabilis, & pauper, & cæcus, & nudus.

Quintum, Apocal. ult. Qui nocet, noceat adhuc: & qui sordidus est, sordefcat adhuc.

In nono declarantur quatuor.

Primum, Matth. 19. Erunt duo in carne una: itaque iam non sunt duo, sed una caro.

Secundum, Matth. 21. & Luc. 22. Qui ceciderit super lapidem istum, confringetur: super quem uero ceciderit, conteret eum.

Tertium, Luc. 13. Ite & dicite uulpi illi: ecce eicio dæmonia, & sanitates perficio hodie & cras, & tertia die consumor: ueruntamen oportet me hodie & cras & sequenti die ambulare, quia non capit prophetam perire extra Hierusalem.

Circa quod quærentur tria. Primo, quorsum tēdant hæc de Herode uerba: quum in Euangelio non legatur quò ipse insidiatus fuerit Christo. Secundo, quid sibi uelit replicata hæc distinctio per tria tempora, hodie, cras, & tertia die: Tertio quid significetur per illa uerba, Quia non capit prophetam perire extra Hierusalem: quum Latina constructio nullam uideatur habere significationem.

Quartum, 1. ad Cor. 6. Omnia mihi licent, sed non omnia expediunt. Omnia mihi licent: sed ego sub nullius re-
fligat

Tabula.

Agar potestate, & cap. 10. Omnia mihi licent: sed non omnia ædificant.

In decimo tractantur quatuor Domini dicta apud Ioannem.

Primum, Io. 5. Si ego testimonium perhibeo de meipso: testimonium meum non est uerum. quum tamen Ioan. 8. dicat: Si ego testimonium perhibeo de meipso, uerum est, &c.

Secundum quoque Io. 5. Quomodo uos potestis credere, Qui gloriam abinuicem accipitis: & gloriã quæ à solo Deo est, non quæritis?

Tertium, Ioan. 14. In domo patris meis mansiones multæ sunt: si quo minus, dixissem uobis: quia uado parare uobis locum. Circa quod sunt tres quæstiunculæ. Prima, quid negetur per illa uerba. Si quo minus. Secunda, quid sit illud quod affirmat Dominus conditionaliter tamen, se fuisse dicturum discipulis, in illis uerbis, Dixissem uobis. Tertia, quomodo Dominus uadat parare discipulis locum: quum ipse dixerit filiis Zebedei parata esse electis loca à suo patre: & quum dixerit se in iudicio dicturum: Venite, possidete regnum paratum uobis à constitutione mundi.

Quartum est Ioan. 17. Et nunc clarifica tu me pater apud te ipsum, claritate quam habui prius quàm mundus fieret apud te.

In undecimo tractantur tria occultiora.

Primum est Io. 10. quum Dominus postquam dixerat se esse uerum Deum, Iudæis ipsum propterea lapidare uolentibus, respondit scriptum esse: Ego dixi, di estis, &c. ubi uidetur Dominus diuertere sermonem à deitate per essentiã, ad deitatem per participationem.

Secundum, ad Philip. 2. Qui quum in forma Dei esset, non rapinam arbitratus est esse se æqualem Deo: sed exinaniuit semetipsum formam serui accipiens.

Tertium, Apoc. 4. Tu creasti omnia: & per uoluntatem tuam erant, & creata sunt.

Tabula.

In duodecimo tractantur circa res gestas quinque.

Primum, Luc. 7. quo pacto mulier peccatrix stans lauerit pedes Domini lachrymis.

Secundum, unde constet ex Euangelio hanc mulierem peccatricem esse Mariam Magdalenam & sororem Lazari.

Tertium, cur Mar. 8. Dominus cæcum illuminauit paulatim: ita quod primo imperfecte, dum, dixit: Video homines ambulantes sicut arbores, & secundo impositione manuum perfecte ut clarè uideret omnia.

Quartum, cur Paulus Apostolus tam primæ ad Timot. 3. quam Tit. 1. tradens conditiones requisitas ad Episcopū, tradit tantummodo conditiones positiuas (puta sobrium, prudentem, &c.) & nunquam meminit conditionis comparatiuæ: scilicet quod sit dignior aliis.

Quintum, cur tentator Christi in prima & secunda tentatione dixit, Si filius Dei es, in tertia autem non hoc dixit: sed ad maximum scelus ausus est Christum prouocare.

Explicit Index.

CLEMEN-

I ENTACVLA NOVI TESTAMENTI, THOMAE de Vio Caietani, Cardinalis

Sancti Xysti.



CCVRK VNT in primis circa uerba domini nostri Iesu Christi, circiter, ipsius ex hoc mundo transitum quaestiones quatuor. Prima est de uerbis Domini in excusatione Magdalenae: Quid molesti estis huic mulieri &c. Secunda est de uerbis Domini ad discipulos pro emendo gladio: Quando misi uos sine sacculo & pera &c.

Tertia est de responsionibus Domini ad suos quatuor iudices: Annam, Caipham, Herodem, & Pilatum. Quarta est de causa ipsius Domini scripta: Iesus Nazarenus Rex Iudeorum.

Circa uerba siquidem Domini pro Magdalena admiramur primo, cur reprehensi sint discipuli ægrè ferentes effundi pretiosum unguentum in unctionem pedum unius pauperrimi prædicatoris tantam sanctitatem profitentis. Videntur siquidem rationabiliter indignati. Tum quia talis unctio ad delicias non qualescunque, sed pretiosas spectare uidetur magnorum nobilium. Et forte nullus erat celsus, ut ueretur tam pretioso unguento pro pedibus, sed pro capite. Christus autem ignobilis, secundum mundum (utpote filius fabri, & faber) & pedes eius ungebantur tam delicata unctione. Tum quia hodie scandalizarem, si uideremus aliquem prædicatorem sanctæ famæ, permittere se deliniri huiusmodi delitijs pretiosis: multum enim indecens iudicarem. Tum quia discipulis, quibus est mandatum, ut æmulentur charismata meliora, incumbere diuertere Mariam ab hac effusione unguenti, propter opus euidenter melius, scilicet ut uenderetur, & pretium daretur in pauperum elemosynam.

Admiramur secundo quantum ualeat excusatio domini.
Opus

Opus enim bonum operata est in me, nam pauperes semper habebitis uobiscum, me autem non semper habebitis. Ea differentia nanque temporis habendi pauperes, & ipsum (quia illos semper, ipsum uero non semper essent habituri) non apparet, unde inferatur, seu unde reddatur ratio, quod illa bonum opus operata sit.

Etenim ex ista differentia non tollitur, quin unctio illa fuerit excessiua, utpote delitiosa nimis, & impeditiua melioris boni, scilicet tantæ elemosynæ in pauperes: pro quibus tantò magis sollicitum oportet hominem esse, quanto nunquam deficiunt, sed semper durant.

Admiramur tertio de aliis tribus uerbis Domini adiectis, tanquam impertinentibus ad excusationem Magdalenæ ungentis ipsum, quorsum, hæc? Apposuit sepulturæ suæ præuentionem, apposuit perpetuam memoriam huius unctionis in laudem Magdalenæ futuram: apposuit, quod fecit hoc, quod habuit. Nihil autem horum excusat unctionem Magdalenæ. Non primum: tum quia præter intentionem Mariæ ungentis erat, quod ad sepulturam referretur; opus autem iudicatur bonum secundum intentionem operantis, non enim intendebat illa præuenire sepulturam, sed ungere uiuentem Christum; tum quia etiam pro sepultura, excessiua erat unctio tam prætiosa: in cuius signum Nicodemus pro sepulturæ Christi officio mixturam aloes, & mirrhæ, & non unguentum nardi pretiosi attulit. Non secundum: quia ad euentum spectat subsequuta laus, non ad intentionem operantis. Non tertium: quia omnino impertinens uidetur illa appositio, quæ nullus calūniaretur eam, quasi fecisset unctionem de alieno, aut de necessario sibi: quorū utrumque excluditur per hoc quod fecit quod habuit, ut facere bene posset.

AD clariorem intellectum Dominicæ sententiæ prænotanda est dispositio mulieris ungentis in animo suo, ut percipiatur, quale fuerit illius hoc opus ex parte sua. Ipsa siquidem credebatur Iesum esse uerum Messiam, quum soror eius Martha dixerit Domino, Ego credidi, quia tu es Christus filius Dei. multo enim magis ipsa Maria hoc credidit, quæ optimam partem elegerat.

Credidit

Credidit quoque eundem habere, potestatem dimittēdi peccata, iuxta, uerbum Domini ad eam: Remittuntur peccata tua, fides tua te saluam facit. Amabat quoque multum saluatorem: ut dictū sit de ea: Dimissa sunt ei peccata multa, quoniam dilexit multum. Ex tam sancta igitur mentis dispositione erga Christum uideri facile potest Mariam ad unctiōnem istam processisse, ut multa simul exqueretur officia: scilicet humanitatis, gratiæ, ac religionis. Humanitatis quidē: quoniam mos erat in religione illa unctiōnem exhibere. Vnde & Simon Phariseus quasi reprehēsus est à Domino, quod caput eius non unxisset. Et sicut consonum erat inuitato Christo ad cœnam præparare epulas lautiores (quæ scilicet magnatibus solent parari) quando sic decebat inuitantem: ita arbitrata est Magdalena decere se exhibere unctiōnem tantī viri inuitati delicatum ac pretiosum vnguentum. Gratiæ vero: quoniam memor recepti beneficii, remissionis scilicet peccatorum ungendo alias Christum debitricem se arbitrata est, ut iterum quam melius posset ungeret Iesum. Vnde primum pedes, ex quorum priore unctiōne ueniam hauserat, deinde caput, à cuius ore uerbum & ueniæ, & uitæ toties præceperat, non solū unxit, sed quodāmodo abluuit, pro quanto uersando vas vnguenti, effudit illud super caput: ut Euangelicæ testantur. Nec putauit pretiosum aliquid reputandū ad referendam gratiam de tanto beneficio. Religionis autē: quoniam Mesias Dei filio offerebat unctiōnem illam in ipso Mesias secundum assumptam carnem corporale refrigerium: & propterea putauit, & bene, oportet esse optimam ac preciosissimam huiusmodi unctiōnem.

Ex quibus omnib. simul collectis, manifeste apparet Mariam secundum rectæ rationis iudicium elegisse in huiusmodi delicata & prætiosa unctiōne bonum ac laudabile opus pietatis, piique obsequii in dominum Iesum Christum: & propterea discipulos indignatos de hoc, merito à domino reprehensos, quod molesti essent mulieri, dicendo: Vt quid perditio ista? Non enim est unguenti perditio, usus ille unguenti ad quem tot uirtutes incitabant: qui pro gratia referenda, pro pietate, quorū religione opportunus erat. Quod uero ad excusandos discipulos primo affertur (quia nimis delicata ac pretiosa

pretiosa unctio erat respectu tam pauperis, & pedum præsertim) excluditur per hoc quod Iesus erat & credebatur uerus Messias, ac per hoc dignior omnibus hominibus. Et neque hoc neque quodcunque aliud unguentum erat excessiuum respectu illius, & pedum eius. Quicquid enim cuiusque excellentissimo homini potest exhiberi. munus est ut condignum sit ad usum corporis ipsius Messiae & pedum eius. Ex tabat nihilominus spiritalis ratio ungendi pedes, q̄ dicta est.

Quod deinde subiungitur de rationabili discipulorum scandalo, excluditur per idem quia si hodie uideremus uerum Messiam testibus tot miraculis, teste tunc Lazaro præsentem, qui ex mortuis ueniens testabatur illum esse uerum Messiam, hoc est regem regum & Dominum Dominantium (unde multi ex Iudæis credebant in Christum) non scandalizaremur rationabiliter: sed rationabiliter admiraremur & stuperemus q̄ dignatur seipsum sic exinanire, ut istis nostris unctionibus deliniatur, ut à muliere ungatur ut istiusmodi refrigerii egeat. Irrationabiles autem homines fumerent eum Iuda occasione scandali. Quod denique subditur de melioris boni æmulatione (qua melius fuisset unguenti pretium in pauperes erogatum) a Domino excluditur: ut patebit de clarata responsione Domini. Sed & ex dictis excluditur: quoniam opus tantæ gratiæ, pietatis, & religionis non est minus bonum quam eleemosyna illa fuisset in pauperes: imo tanto maius bonum fuit, quanto Christus præstat omnibus pauperibus, quanto caput membris quanto Dominus seruis. Arguendi igitur discipuli erant. Ad admirationem de ratione reddita a Domino, quare opus unctionis huius non fuerit prætermittendum propter pauperes dicitur quod quia discipuli non solum prætulerant eleemosynam, sed uisuperauerant illam unctionem, dicendo, ut quid perditio ista? ideo Dominus utrumque confutando, primum asserit Mariam fecisse opus bonum, & hoc contra illud, ut quid perditio ista? Deinde non fuisse hoc prætermittendum propter eleemosynam faciendam: quia pauperes semper haberent &c. & hoc est contra illud, Potuit enim unguentum istud ueniri dari, & dari pauperibus. Et quidem quod opus illud fuerit bonum, dominica responsio in singulis clausulis probat.

Primum

Primum, ex illa præpositione in, dicendo, In me. Vbi recollito aliud esse credere Deum, & aliud credere in Deum. Primum siquidem commune est bonis & malis. Secundum autem proprium est bonorum: quia est actus fidei formatæ. Et similiter operari, aliquod bonum opus, commune potest esse bonis & malis, sed bonum opus operari in Christum, proprium est bonorum: quia significatur quod operando quis tendit in Christum, quod est charitatis progressus. Dicendo ergo quod Maria operabatur bonum opus in me: monstravit opus illud esse meritorium, & à charitate procedens. Deinde ex ratione comparationis ad eleemosynam, ex qua utrumque simul manifestatur.

Et si subtilius fuerit considerata, apparebit quod aliud primo occurru sensus offert, & aliud interius portat. Nam prima fronte ratio dominica ex duplici differentia inter eleemosynam & hoc humanitatis officium sibi exhibitum, docet non fuisse unctionem istam prætermittendam. una differentia est inter tempus inflans, & expectans: quia scilicet tempus faciendi eleemosynam non urget nunc, sed expectat: quoniam semper est: tempus autem exhibendi mihi huiusmodi humanitatis officia, nunc instat: quia non semper me habebitis in præsentia corporali carnis passibilis in qua sum modo uobiscum, & non solum non semper, sed paucissimis diebus sic me habebitis: fuit enim hoc ante sex dies Paschæ hoc est sabbato ante ramos palmarum. Altera differentia est inter certam personam & indeterminatos pauperes: quia scilicet obsequium hoc debitum est certæ personæ, mihi scilicet: eleemosyna autem debita est non alicui certo pauperi, sed pauperibus indeterminate. Vtranque siquidem differentiam dominica ratio manifestè affert, dicens. Nam pauperes (non hunc uel illum) habebitis uobiscum semper, & non instat nunc necessitatis articulus: me autem (ecce certa persona) non semper. Quali diceret: nunc tantum habebitis, scilicet uobiscum in carne passibili & indigente his obsequiis conuersantem. Ex ambabus autem differentiis simul iunctis relucet & communis doctrina quod humanitatis officia quæ alicui certæ personæ exhibere postulat certum tempus, non sunt prætermittenda propter communia debita. quæ indeterminate debemus

mus proximis. Non uult cœlestis magister ut non prætermittat conuiuium nuptiale, officium sepulturæ, pollicitum conuietum cum ciue, & similia, ut fiant eleemosynæ. Ipse enim qui est author gratiæ, non uenit deltruere, sed perficere rationem naturalem. Relucet & specialis ratio facti. Nam ex hoc ipso quod tempus illud quo talis tantusq; hospes officiosè tractari posset, præteribat: posthabendi erant pauperes non tunc instantes, quibus aliunde & tunc, & alias poterat bene fieri. Vnde liquet redditam esse rationem, & quod opus fuit bonum, & quod præponendum eleemosynæ pauperum, quæ ex illo prætio potuisset fieri.

Continet autem interius penetrata hæc ratio ratione personæ demonstratæ per illud pronomen me, superfluentem causam non solum bonitatis, sed excellentis proiectionis huius vnctionis. Tempus namque illud quod uerbum caro factum, inter homines homo passibilis, humanisq; officiis subditus, dignatum est conuersari: articulum constituebat vrgentis necessitatis ad exhibendum illi quæcunque possibilia officia & obsequia, nullius pretii, nullarumq; deliciarum finibus limitanda, quantum est ex parte ipsius meriti, & humani debiti. Vnde nulla ex parte vnctio ista minus bona fuit sed præferenda vndique curæ pauperum quæ cura quamuis debeat semper hominem sollicitare, non tamen ex alio debito officio auellere: & multo minus tollere debet hoc opus longè excellentius.

Ad admirationem tertiam de appositis tribus a Domino sententiis in hac causa, responderetur, Et circa ea quæ de sepultura dicuntur, notandum est vnctionem istam relatam esse ad Christi sepulturam ex dominicis uerbis, triplici relatione. hoc est per significationem, per præuentionem, per durationem. Significauit enim vnctio illa Christum dominum sepeliendum esse: testante domino apud Mattheum. Mittens hæc mulier hoc unguentum in corpus meum, ad sepeliendum me fecit: hoc est, sepelibilem me iudicauit. corpora enim sepelienda tunc temporis ungebantur. Præuenit quoque officium vnctionis pro sepultura vnctio illa: testante domino apud Marcum. Præuenit ungere corpus meum in sepulturam. Quamuis enim Maria ipsa nesciret, Dominus

tamen sciebat quòd impedienda erat ab unctione ipsius Christi defuncti: quia prius resurrexit, quàm potuerit ab illa ungi: & propterea nunc præuenisse dicitur officium sepulturæ: Durauit quoque unctio illa usque ad sepulturam (dicente domino apud Ioānem: Sinite illam ut in diem sepulturæ meæ seruet illud) pro quanto unctio illa ultima fuit quantum ad Mariæ unctionem: & sic per negationem succedentis, seruata usque in diem sepulturæ. Tanquàm si apertè diceret: Sinite illam: quia ista computatur pro tota uita mea usque ad sepulchrum, ita quod, nec uiuo, nec mortuo mihi exhibebit amplius officium unctionis. Totus autem huiusmodi sermo referens unctionem hanc ad sepulturæ officium à clementissimo magistro dictus est: ut intelligerent discipuli non quare Magdalena ungebat, sed quare ipse Dominus susciperet unctionem illam. Magdalena enim intendebat officium humanæ pietatis, gratiæ & religionis impendere Christo sed Christus opus illud suscipiebat ut sepeliendus: tanquàm si apertè diceret, Non puteris quod ut delitiosus ungor. nam ungor ut sepeliendus, ungor ut quàm citius moriturus: non est tempus hoc delitiarum, sed mortis, & sepulturæ. Et licet Mariæ animus ad hoc non tenderet ex se, ut motus tamen & directus à Spiritu sancto ad hoc tendebat significandum, præueniendum, ad seruandum, nesciens tunc quo ad hoc quid faceret: Quia igitur hæc uerba non sunt apposita ad alteram excusationem Magdalenæ, sed ad rationem ex parte Domini quare permisit se ungi, non oportet mirari quorsum hæc. Potest nihilominus hæc sententiam referri ad Magdalenæ excusationem, intelligendo illam, ut sit pars prioris sententiæ, utpote declaratio illius dicti, Me autem non semper habebitis. Tanquàm expresse rit quid intenderit per ly non semper, modicum ualde tempus: quia proximus sum sepulturæ: ita quod per hanc adiectionem declaratus est articulus instantis proximæ sepulturæ, & solliciti timoris fouentis animum Mariæ ad hanc unctionem. Doctrina si quidem Domini de ipsius morte ac resurrectione, erat adeò publica, ut etiam ad Iudæorum pontifices peruenerit, cum dixerint Pilato: Domine recordati sumus, quia seductor ille adhuc uiuens dixit, Post tres dies resurgam. Et quod tunc

proxima esset Domini mors, Magdalena cum aliis mulieribus audierat: ut patet ex eo quod cum dixisset paulo antè dominum, Ecce ascendimus Hierosolimam, & filius hominis tradetur, &c. & tertia die resurget: mater filiorum Zebedæi petiit, ut filii sui sederent ad dexteram, & sinistram ipsius in regno resurrectionis eius. Ex eo igitur quod Maria quæ multum diligebat Christum, tempus mortis Christi proximum meditabatur, sollicitaque erat ne fortè amplius similem communitatem officiosè obsequendi Christo non haberet: oblata tunc occasione conuiui Lazaro resuscitato, utendum duxit. Et sic etiam ex parte solliciti timoris adhibentis, quasi calcaria Mariæ, unctio ista nonnullum respectum ad sepulturam Christi habuit: & quia tempus urgens ad unctionem constituëbat, ad opus illud bonum reddendum pertinebat.

Nec obstat si non tam pretiosa unguenta ad usum essent sepulturæ, sed myrrha & aloë, quoniam ad sepulchra regum preciosiora adhiberi credibile est: & dignitas Messiae supra omnes & reges, & summos sacerdotes erat, & est: ita ut nihil quantumcunque aliis prætiosum, ipsi poterat condignè exhiberi. De apposita autem futura memoria huius unctionis, facile patet quod ad commendationem operis Magdalenz spectatur. Tum quia licet laudari præter intentionem Mariæ fuerit, esse tamen opus tale ut sit laude dignum, non est præter intentionem rectè operantis: quoniam intendit opus uirtutis, ac per hoc laude dignum. Tum quia laudandum esse ab Evangelicæ perfectionis uiris, maximum est testimoniū boni operis peracti. Monstrauit ergo dominus unctionem illam non solum esse irreprehensibilem, & præponendam tunc curæ pauperum, sed optimum fuisse opus: utpote & dignum perpetua laude, & quod perpetua esset prosequendum commendatione in Dei Ecclesia. Quorsum autem uerba quæ solus Marcus interferit (scilicet, Quod habuit, hoc fecit) tendant, non est difficile uidere. Ad occultam siquidem spectant tam Mariæ mentem, quàm ipsius Domini dignitatem. Murmurabant discipuli de pretiositate unguenti; respondet Dominus apud mulieris illius animum non esse unguentū hoc pretiosum; sed si pretiosius habuisset; pretiosius effudisset, tanti me fecit: sed quia non habuit pretiosius: quod ha-

buit, hoc fecit. Ac si aperte diceret, Vos arguendam putatis de excessus, & tamen secundum ueritatem dignitatis meæ & rectam fidē ac deuotionē huius mulieris, excusanda est quod non plus fecit, sed hoc quod habuit, fecit. Et igitur hæc Domini sententia & ad Mariæ opus commendandum, & ad discipulos confutandum non impertinēs, sed opportuna. Hæc de prima quæstione.

Circa secundam quæstionem de verbis domini ad discipulos tempore passionis imminētis (Quando misi uos sine sacculo & pera, nunquid aliquid uobis defuit? Dicunt ei, Nihil. At illis, Sed nunc qui habet sacculum, tollat similiter & peram, & qui non habet gladium, uendat tunicam, & emat gladium. oportet enim impleri de me: Et cum sceleratis reputatus est) quæstio non spernenda consurgit, quō pacto hæc verificentur ad literam: quādoquidem oportet ea ad literam uerificare: quoniam & Dominus ad literam loquitur de sacculo & pera, ut patet: ergo & de gladio: & discipulis de gladio ad literam intelligentibus & respondentibus, Ecce duo gladij hic: annuit Dominus dicens, Satis est.


Literalē igitur sensum intuendo, admiramur hanc Domini doctrinam. Primum, quia uidetur instruxisse discipulos ut sumerent arma defensiva pro sui defensione in imminente sibi persecutione Iudæorum: dum uendendam etiam tunicam pro emendo gladio consuluit, & passionem propriā pro ratione assignat: quia ipse ut iniquus tractandus est, sicut & fuit tanquam latro quæsitus & captus, & demum cum latronibus crucifixus.

Deinde quia uidetur docuisse discipulos, ut tempore persecutionis arma similiter caperent defensiva. hoc enim sequitur ex exemplo sui. Si enim contra persecutionem ipsius capitis sumenda sunt arma, consequens est, ut contra persecutionem membrorum armati progrediamur. Exemplum, inquit, meum dedi uobis, ut quemadmodum ego feci, & uos faciatis. Neutrū autem horum bene sonat, sed Christianorum piæ aures offendit: & utrunque à gestis Christi & sanctorum in suis persecutionibus dissonat: ut patet. Videtur denique doctrina hæc reuocare præcepta prius ab ipsomet discipulis data scilicet, Si quis percusserit te in unam maxillam,

præbe

præbe illi alteram, & similia. Et confirmatur: quia sicut mutauit hic Dominus præceptum de non portandis sacculo & pera, olim prohibendo, nunc concedendo: ita consequenter dicendum, quod mutauit præcepta olim data de omittenda defensione armata, concedendo discipulis, ut si contra eos consurgerent homines, resisterent armata manu. constat autem hoc prædicatoribus Euangelicis, quales erant Apostoli quibus loquebatur Dominus, non conuenire: quauis imperfectioris vitæ Christianis licitum sit.

Ad hanc quæstionem respondendo, dicitur quod hæc domini uerba ad literam non dirigebatur ad defendendū Dominum Iesum in imminente sibi persecutione: nec discipuli intellexerunt sumenda sibi fore arma pro defensione Christi. Manifesto utrūque: & primò eo quod simul eandem protulit sententiam de rebus tribus: scilicet sacculo, in quo portantur pecuniæ: & pera, in qua portantur uisualia, & gladio, quo protegimur ab inuasoribus. Constat autem quod ad perfectionem illam non erat opus sacculo, neque pera, cum ipsi non essent persecutionem passiuri, sed seruandi ab ipso Domino erant solo verbo. Si ergo me quæritis, finite hos abire. & ipse dixerat: Quos dedisti mihi, non perdidisti ex eis quenquam: ut Ioannes testatur. Sicut igitur non dicebat, ut tunc sumerent sacculum, & peram, ita nec dicebat, ut sumerent tunc gladios. Secundò ex eo quod dicentibus discipulis, Ecce duo gladii hic, respondit, Satis est. Si enim intendisset quod nunc sumerent arma, non dixisset satis esse ad defensionem suā. Constat namque non satis esse quod duos habere gladios dixerint, ad defensiuè armandum uiros undecim contra cohortem Pilati, & ministros Iudæorum cum gladiis, & fustibus, & similiter constat non satis esse necessitati tantæ, ut vendenda esset tunica ad emendum gladium, habere duos gladios inter tot personas, si propter imminens tunc persecutionem debuissent tunc singuli non habentes gladium, uendere tunicam, ut emerent gladium. Quia igitur dixit satis esse, monstrauit se non requirere gladios defensiuos sui contra persecutionem imminens. Tertio ex eo quod Petrus qui non expectata Domini responsione, gladium



pro magistri defensione eduxit, compescuit: *Conuertere, inquit, gladium tuum in vaginam.* Si enim intendisset instruere, ut pro eo gladio pugnarent, non retraxisset discipulum gladio pignantem. Clarissime quoque hoc idem patere potest ex uoluntaria passione (unde tunc etiam dixit, *An non possum rogare patrem meum, & exhibebit mihi modo plusquam duodecim legiones Angelorum?*) & mille locis scripturæ. Sed hæc sint allata ex illo proprio loco in illa materia, & in illa sententia. Secundum autem (scilicet quod discipuli non intellexerint de gladio sumendo pro defensione Christi) habetur ex eo quod uenientibus satellitibus ad capiendum Christum, discipuli videntes quod futurum erat, interrogauerunt Dominum, si percutimus in gladio? Si enim intellexissent instructos se fuisse, ut gladio pugnarent pro defensione Christi, non dubitassent, non petissent, Domine si percutimus in gladio? Non igitur intellexerunt Domini verba Apostoli ad hunc sensum ut pugnaturi gladio essent pro defensione Christi. Ad quid autem prædixerint, Ecce duo gladii hic, post dicitur: sicut etiam manifestabitur cur Dominus meminerit persecutionis suæ, non loquens de sui defensione. Quia igitur dominica hæc verba ad ipsius domini defensionem non dirigi manifestum ex litera est, consequens est, ut ex ipso Euangelii textu literalis sensus sumatur. Prænota ergo in hac litera quatuor. Primum est diuersitas temporis præteriti, & præsentis, denotata per *ly quando*, & *ly sed nunc*. ait enim Saluator, quando misi vos: & subdit sed nunc. Secundum est officium prædicationis, de quo sit mentio secundum præteritum tempus: & nulla sit de eo mentio in præsentem tempore: ait enim Saluator: Quando misi uos, proculdubio ad prædicandum: ut patet in Euangelii hist. Mat. Ioan. & Mar. 6. Et cum dicit, sed nunc qui habet sacculum, nihil dicit de missione ad prædicandum. Tertium est pro ratione huius doctrinæ assignari, quod ipse Dominus cum iniquis deputandus tunc erat.

Quartum, est modus dicendi: quia scilicet non dirigitur nouus sermo ad Apostolos in secunda persona, ut olim dixerat, non enim dicit, sed nunc tollite sacculum, & perati, & emi-

& emite gladios : ut olim dixerat , nihil tuleritis in uia , non sacculum , &c. sed ad tertiam personam conuertendo sermonem dicit : sed nunc qui habet sacculum , tollat similiter , & peram : & qui non habet , uendat tunicam , & emat gladium . Ex his habentur primò duo tempora : scilicet prædicationis , & persecutionis , non cuiuscunque , sed illius qua Christi discipuli cum iniquis reputandi essent . Ad designandum siquidem talis persecutionis tempus proposuit talem personam in persona sua : propter quod non meminit crucis aut mortis , seu deputationis cum iniquis . Habentur secundo duo genera Christianorum : scilicet prædicatorum in Apostolis , & aliorum minus perfectorum in tertia persona significatorum . Intendit igitur ad literam Dominus docere , quod mandata data olim de non uehendo sacculum , & peram , ad tempus prædicationis spectant : tempore autem persecutionis , & præcipuè quando reputabuntur ut iniqui , licitum erit cuiuscunque uolenti munire se & sacculo & pera , & gladio defensionis . Et diuersitatis ratio in promptu est : quia cum licitum est ad prædicandum ire , prædicationisque officio incumbere , & inueniuntur necessaria , retribuentibus auditoribus temporalia pro spiritualibus : & sicut de necessariis , ita nec de uita debetis esse solliciti : tempore uerò quo Christiani ut iniqui reputabuntur , non inuenientur qui retribuunt pro spiritualibus temporalia : & sicut de pecunia , & uictu licitum erit curam habere , ita etiam de uitæ conseruatione : quæ per gladium aduersus inuasores conseruare quandoque potest . Est ergo sermo dominicus de tempore persecutionis indeterminatè : & similiter de discipulis indeterminatè : ita quod illud aduerbiū temporis nunc , non demonstrat determinatè illud tempus passionis Christi , sed indeterminatè tempus persecutionis , præcipuè quando reputabuntur iniqui , & similiter illud relatiuum qui , non refert determinatè Apostolos , sed indeterminatè Christianum : & docet quod tempore persecutionis licitum est curam uitæ , uictus , & pecuniæ oportunæ suis discipulis habere . Et bene nota quàm optimè respondeant noua hæc Christi documenta priscis . Etenim sicut documenta priora (scilicet nihil tuleritis in uia) non sunt mandata , sed libertates

edendi & bibendi, quæ apud auditores uerbi Dei sunt: ita documenta hæc non sunt mandata, sed libertates curam gerendi uitæ & opportunorum. Docuit enim pius magister licita ambo esse: consuluit autem ut facerent sicut ipsi uidebant facere. Et Apostoli quidem ac sancti perfectioris uitæ imitati sunt gestæ Domini: imperfectiores autem utuntur libertate sibi à Domino declarata.

AD obiecta autem quantum oportet respondendo, dicitur quod Dominus deputationem suam cum iniquis, pro ratione attulit duorum. Primo temporis persecutionis, & non suæ defensionis. Ac si aperte diceret, Ex quo ego cum iniquis deputabor, tempus erit ut & mea membra cum iniquis deputentur. Secundo necessitatis: quali dicat, Tempus erit quo indigebitis his auxiliis: quia ego ipse relinquar deputatus cum iniquis. Si enim ego destitutus ero, ita ut cum iniquis deputer ad mortem: mei quoque discipuli deserentur similiter, & ideo concedo uolentibus recurrere ad huiusmodi humana adminicula uti posse illis. Apostoli autem tanquam non planè penetrantes uerba Domini (quoniam adhuc non erat eis apertus sensus, ut intelligerent scripturas, & pari ratione uerba dominica) dixerunt: Ecce duo gladij hic, tanquam aliquid pertinens ad propositum sermonem de necessitate gladij: cum tamen impertinens esset responsio ad intentionem Christi. Vnde & dominus non respondit, Tollite illos gladios uobiscum: quos non secum, sed ibi esse dixerant: nec respondit: Satis sunt: scilicet duo gladij, sed impersonaliter dixit. Satis est, & doctrinæ huic meæ & sollicitudini uestræ: ac si iuxta usitatum loquendi morem diceret: Sufficit hæc locutio: deponite hanc sollicitudinem: Et uerè sic erat agendum: quoniam uerba dominica dicebantur ad hoc ut post passionem domini imperfectiores: & in casu quando expediret, etiam perfectiores libertate hac uterentur. Clarissimè itaque patet quod non est dominus hortatus discipulos ad sumendum gladios pro ipsius domini defensione. Sed quod nec cōsuluerit discipulis suis ut sumerent defensionis arma contra suos inuasores, patet ex dictis: quoniam aliud est cōsiliū dare, aliud est docere quid licitè facere possent. Consuluit siquidem ipse discipulis facto sui exempli ut

arma non sumerent defensiva: tum retrahendo Petrum à percussione, tum aperiendo quòd plusquam duodecim legiones angelorum haberet in promptu, si uellet illis uti, tum uoluntariè patiendo se tanquam latronem capi, & cum iniquis deputari ad mortem usque crucis. Et hoc imitandum intellexerunt Apostoli iuxta illud Petri: Christus passus est pro nobis, uobis relinquens exemplum, ut sequamini uestigia eius. Docuit uerò dictis uerbis licere & imperfectioribus, adminiculis se humanis tempore persecutionis fulcire, non solum sacculi & pera, sed gladij defensiui: & perfectioribus in casu quo expediret ad humana confugere subsidia. Hac namque doctrina fretus apostolus Paulus, ad adminiculum humanæ appellationis ad Cæsarem confugit, quando hoc expedire iudicauit. Et rursus à parata contra ipsius uitam conspiratione Iudæorum, tribuni opem se eripi procurauit: quia similiter casus erat in quo expediebat sic suam corporalem uitam adiuuare, nihil ergo dissonans sanctorum gestis docuit dominus noster: sed id quod in casu etiam a perfectioribus fieri inculpabiliter posset, dignatus est per seipsum manifestare. Patet quoque ex dictis non esse priora domini præcepta per hanc doctrinam reuocata: sed declaratum est quòd prisca illa de uoluntariæ patientiæ operibus, non sic sunt intelligenda, quin pro loco & tempore liceat Christi discipulis moderata requirere humana adminicula. Ex hac namque doctrina domini, iuncta priori, didicimus considerata esse loca, tempora, ac occurrentia: & quando expedit præbere percutienti alteram maxillam, & quando expedit tueri ac adiuuare nos ipsos. Nec est uerum quod reuocata sint hinc documenta priora de non portantis sacculo & pera: sed documentis illis adiuncta sunt alia concernentia aliam temporis dispositionem: ita quòd hæc iuncta illis docent nos quòd quando expedit, sine sacculo & pera: & quando expedit, cum sacculo & pera procedamus: & quod illud præcipue tempore prædicationis seruandum intelligamus, hoc autem tempore necessitatis. Et hæc de secunda quæstione.

Circa tertiam quæstionem de responsionibus domini nostri Iesu Christi coram quatuor iudicibus, occurrit
primò

primò duplex admiratio coram Anna.

Altera est de illa responsione. Quid me interrogas? nam apparet & superflua & non decens personam illam tunc, superflua quidem: quia interroganti Pontifici Iesum de doctrina & de discipulis eius, sufficiebat dixisse doctrinam suam esse publicam: & propterea examinandos esse publicos testes qui audierant docentem: & non oportebat apponere. Quid me interrogas? Indecens autem: quia Dominus Iesus tunc se gerebat ut subditum. Non est autem subditi arguere iudicem præsertim de defectu tam paruo, scilicet quòd non debebat ipsum interrogare de doctrina tam publica. Et hæc indecentia tanta uisa tunc est, ut propterea unus ministrorum percussit Domini maxillam, dicens: Sic respondes Pontifici? Altera est de ista responsione data percussori: Si male locutus sum, testimonium perhibe de malo: si autem bene, cur me cædis.

Videtur dominus non seruasse consilium quod discipulis dederat. Si quis te percussit in unam maxillam, præbe ei alteram: non solum namque non præbuit alteram; sed contra percutientem argumento rationis insurrexit: debebat enim ipse seruare quòd seruari ab aliis uoluit. Occurrit secundo admiratio similis coram Caïpha: pro quanto adiuratus Dominus ut diceret, si ipse esset Messias: non solum respondit se esse Christum, sed adiunxit. Amodò uidebitis filium hominis sedentem à dextris Dei. &c. Apparet siquidem superflua hæc appositio. Nam si opportuna fuit, aut propter ipsos Pontifices & seniores:

Et hoc non: tum quia Dominus dixit tunc quòd ipsi audientes se esse Christum; nec crederent, nec ipsum dimitterent: tum quia ex hoc facti sunt peiores: dicentes; Blasphemauit: reus est mortis, &c. Aut propter alios: & hoc non tam quia alij iam aliàs hanc doctrinam de aduentu Christi ad iudicium audierant tum quia ibi non erant alij, nisi fortè ministri; qui etiam persequebantur Dominum: ut patet de ministris & ancillis infestis Petro. Occurrit tertio admiratio coram Pilato quadruplex: iuxta quatuor domini uerba ad Pilatum. Prima est circa illam responso-

riem, A temetipso hoc dicis, an alii tibi dixerunt de me? apparet siquidem impertinens ut interroganti Pilato Iesum. Tu es rex Iudæorum? respondeatur, si à temetipso hoc dicas. Non enim uidetur quomodo hoc spectet ad propositam interrogationem, aut quorsum tendat. Secunda est circa responsionem subiunctam Regnum meum, non est de hoc mundo, uidetur enim quod Dominus uoluerit se iustificare coram Pilato: tanquam diceret. Ego non me impedio de regno huius mundi, de quo accusor. Hoc autem non apparet consentaneum esse spontaneæ oblationi subiipsius ad patiendum, & subeundam sententiam mortis & crucem. Qui enim studet coram iudice iustificare suam causam: non quærit condemnari, sed potius euadere. Tertia est circa apposita uerba, Ego in hoc natus sum, & ad ueni in mundum, ut testimonium perhibeam ueritati, &c. Nam appositio ista ad aliquod trium ordinata est. Vel ad iustitiam suam apperiendam, & hoc (ut dictum est) uidetur inconueniens: quia non consonat iam uoluntariæ passioni. Vel ad instruendum Pilatum, & hoc erat superfluum: quia ille gentilis erat: & principium conuertendi ipsum non erat hinc sumendum. Vel ad propositam materiam de qua erat sermo: scilicet de regno suo, & hoc non apparet quomodo veniat ad propositum, & qua fuerit prudentia dictum. Quarta est circa ultimam Domini responsionem ad Pilatū: Non haberes aduersus me potestatem ullam, nisi tibi desuper datum est, &c. Apparent enim minus decentia uerba: tum quia satis generalia pro responsione darentur Pilato dicenti, Mihi non loqueris: nescis quia potestatem habeo crucifigere te, & potestatem habeo dimittere te? Tum quia nihil nouum aut ignotum, aut necessarium sonantia, ut propter ipsa dicenda Dominus silētium coeptum rumpere deberet. Quis enim ignorabat Pilatum habere potestatem à superiori quā constaret quod non erat princeps, sed præses deputatus à Romanis? Tum quia incompacte iuncta cum sequentibus? scilicet, Propterea qui tradidit me tibi, maius peccatum habet, in quo namque conuinceret hæc sententia de maiore peccati, cum præcedente de potestate Pilati, non appareat. Et multo minus appareat quomodo hæc ex illa inferatur cum

nota causalitatis : ut in licera sit inferendo . Propterea qui me tradidit , &c.

Occurrit quarto admiratio coram Herode , cur interrogatus Dominus ab Herode in multis sermonibus , nullum uerbum protulit : quum tamen ipse esset boni aliquid efficiendi apud Herodem , qui fidem Iudæorum p̄fitebatur : & de ipso scriptum est quod libenter Ioannem Baptistam audiebat , & audito eo multa faciebat , & Euāgelista dicit quod tunc gauisus est uiso Iesu , & quod multo tempore desiderauerat ipsum uidere , &c. ex his enim uidetur quod rationalis fuisset quæ dicit Pilato gentili , dicere Herodi fideli , utpote qui de Messia fidem habebat , &c.

AD quæstionem hanc de responsionibus Domini respondendum est ordine quo procescit ambiguitatum series. Vnde à uerbis dominicis coram Anna pontifice inchoādo , dicitur illa Domini uerba ad Annam , quid me interrogas : non superflua nec indecentia , sed opportuna decentiaque illum tunc fuisse. Quæ ut clarè intelligas , perspice dominum uidisse in interrogatione à pontifice facta duo implicari : scilicet rem , & personam . Res de qua interrogatio fiebat , erat doctrina cum discipulis , persona autem interrogata , erat ipse Iesus. Et quo ad utrumque oportuit Dominum sua responsione satisfacere . vnde de doctrina respondit primo quod erat publico posita tum ex loco publico , synagoga scilicet & templo : ita quod locus non solum erat publicus , sed publicus ad officium docendi : doctrinæ siquidem publicæ locus erat templum aut synagoga. Tum ex frequentia communi : quia illuc omnes Iudæi conueniebant. Tum ex qualitate temporis : quia semper quando scilicet templus docendi exposulauit : quando in templo , in templo , & quando in synagoga , in synagoga . Tum ex qualitate doctorum : quia in occulto locutus sum nihil . Deinde dixit qui essent de sua doctrina interrogandi , dicens , Interroga eos qui audierunt . Et protulit uniuersos ut publicos testes , non mortuos , non absentes , non nescios , aut immemores , sed præsentēs & scientes : Ecce , inquit , ipsi sciunt quid dixerim . Quò ad personam uero interrogatam respondit . Quid me interrogas : Quod dupliciter exponitur ,

ponitur, uel quid, hoc est cur me interrogas? Et sic petit causam non quare Pontifex interrogat, sed quare interrogat ipsum Iesum de doctrina: quum non appareat causa, quare ipse Iesus debeat interrogari de sua doctrina, quæ est in publico posita: ac per hoc interrogandi sunt illi qui audierunt & sciunt illam: sicut si doctrina fuisset posita in libro, non esset author interrogandus de doctrina qualis est, sed liber examinandus. Nec hæc petitio dedecebat subditum: quum Iob petitionem similem Deo porrexisset, Indica mihi cur me ita iudices? Et iuxta hunc sensum: quia Annas interrogauerat de doctrina publica Dominum, qui non debebat ante examinatum ab illis doctrinæ qualitatem examinari: ideo humiliter subditus Dominus petit causam quare ipse examinatur: ut si fortè ex causæ manifestatione oportet aliquid respondere, posset parere. Et sic uerba hæc decentia & opportuna inueniuntur.

Vel quid me interrogas) hoc est. quid est quod à me interrogando scire quæris? Et sic petit rem interrogatam: sicut Saulus petiit à Christo rem præceptam dicens. Domine quid me uis facere? Et iuxta hunc sensum supposebat humilis subditus pontificem interrogare ipsum de aliquo quod deberet ab ipso Iesu nosse, & non de iis quæ oportet aliunde cognosci: ac per hoc quia interrogatio de doctrina, pro quanto quærebat qualitatem doctrinæ, ad alios spectabat qui audierant: & non apparebat pro quo alio articulo spectaret ad ipsum Iesum: ideo humiliter petit, Quid me interrogas? Ac si aperte diceret: Quia non apparet quid est illud quod ego interrogatus respondere debeam, aperi quid est quod à me scire uis. Forte enim aliquem particularem articulum pontifex manifestasset se quærere: ad quem respondisset. Et sic percipere clarè potes non solum opportunam ac decentem, sed humilem reuerentemque fuisse hanc Dominicam responsionem: quam uis pontificis minister similis suo pontifici arguerit illam superbiam, nec dignum arbitrans dominum Iesum, ut etiam peteret quod ad seipsum spectabat nosse, ut posset pontifici satisfacere.

Ad alteram autem admirationem de responsione data percus-

percussori, respondetur quod dominus Iesus ita exhibebat se subditum & patientiæ exemplum, ut meminisset se esse doctorem mundi. Docuerat discipulos ut percutienti unam maxillam, præberent alteram: & nisi ipse dignatus fuisset interpretari sua documenta (quod scilicet intelliguntur pro loco, & tempore, & non in omni tempore, loco euentu, negotio, &c.) quis crederet interpreti alteri? Si ipse Dominus præbuisset alteram maxillam: quis se unquam uerum Christi discipulum credere potuisset nisi temper & ubique simile quid fecisset? & similiter nisi tollenti tuni- am, didisset & pallium? & sic de similibus. Modo autem ubi Dominus facto suo non præbui alteram maxillam, interpretatus est documenta sua huiusmodi non semper & ubique debere exequi, sed pro loco & tempore, &c. Oportuit ergo Dominum respondere, & non præbere alteram maxillam, propter nostram doctrinam. Respondendo quoque auctoritatem iustorum supra suos persecutores in se monstrandam suscepit, arguendo percussorem quod nec in modo loquendi excesserit, dicens, Si malè locutus sum, non dixit, si malum locutus sum, sed si malè: quia etiam ille reprehenderat ipsum de modo loquendi, dicens, Sic respondes? Undique ergo docemur in hac dominica responsione, dum & documenta interpretata, & auctoritatem iustorum insinuatam ab ipso nostro capite habemus.

Et si queratur, cur non responderit Dominus aliquid ad interrogationem de discipulis, dici potest, uel quod responsio de postrina erat quoque responsio de discipulis: quoniam ex qualitate doctrinæ pendet qualitas discipulorum. Vel quod percussio maxillæ interruperit responsionem Domini interrogantis, Quid me interrogas?

Ad admirationem de uerbis Domini coram Caipha, Amodo videbitis filium hominis &c. dicitur quod summò necessaria tunc fuerunt, & propter totum mundum, & propter ipsos pontifices ac seniores: ut inexcusabiles se nosse possent. Ad cuius clariorem intelligentiam sciendum summarie est, fuisse à prophetis de Messia prædicta sex. Primum, de uita sancta: propter quod miserunt ad Ioannem Baptistam querendo si ipse erat Christus. Secundum, de doctrina di-

uina propter quod etiam Samaritana dicebat quod Mesias docturus esset omnia . Tertium, de miraculorum multitudine & excellentia : propter quod Iudæi dicebant, Christus quum uenerit, nunquid plura signa faciet, quam quæ hic facit ? Quartum, quod ipse esset redempturus & saluaturus populum Israel : propter quod usque hodie Iudæi expectant Mesiam: ut educat eos de captiuitate & magnificet eos . Quintum, quod ipse esset Rex potentissimus : imò Rex regum, & Dominus dominantium . Vnde Magi quæsierunt . Vbi est qui natus est Rex Iudæorum ? & Nathanael & turba in die palmarum Christum regem appellauerunt . Sextum, quod ipse pauper humilisque conuersaturus esset cum hominibus : & morte turpissima cum sceleratis puniendus . Vnde Dominus discipulis Ioannis respondens de seipso, post enumerata potentiae suæ miracula, æstimationem pauperum, & mortis suæ ignominiam subiunxit, dicens: Pauperes euangelizantur : & beatus qui non fuerit scandalizatus in me, scilicet ob mortem meam.

Quia igitur hæc de Christo prædicta fuerant : & in ipso domino conspiciebantur impleta tria prima : & sextum pro parte executum : & pro reliqua parte, scilicet passione & morte tunc inceperat & fiebat : restabat ut de aliis duobus (scilicet quarto & quinto) Dominus manifestaret pontificibus quod in ipso erant implenda. Et quia erant implenda post resurrectionem suam, & non tunc: ideo Dominus & hæc implenda, & ordinem simul monstrare dignatus est, dicens quod ipse uenturus esset iterum cum gloria & potestate a dextris Dei, &c. ubi se Saluatorem & regem omnium aperuit. Et dicens : Ex hoc autem erit filius hominis, &c. monstrauit quod intercedente passione & morte exaltandus esset ad dexteram Dei, & uenturus cum gloria: Fuit igitur ualde necessarium ut Dominus mysterium duorum aduentuum suorum aperte distingueret, & ad primum spectare uitæ sanctæ, pauperis, humilis, &c. conuersationem cum hominibus, cum diuinæ doctrinæ & miraculorum excellentia, & passione ac morte ignominiosa ad secundum uero resurrectionem, saluationem manifestam non solum animarum, sed corporum, regiam dignitatem, dominium uniuersale

uersale &c. insinualet. Tum propter omnes q̄ audituri erant saltem per Euangelium : quia myſterium duorum aduentuū occultum ualde erat , intantum ut etiam dæmones uideatūſe latuiſſe. nam ſi cognouiſſent , nunquam Dominum gloriæ crucifixiſſent. Tum propter ipſos ſenes quia tunc dominus cōſpiciebatur ita abiectus, ſubdiectus, dereliectus, ut ne cogitabile uidetur quod ipſe eſſet futurus rex potentiſſimus ſaluaturus populum. Et ideo præmonuit tunc eos quod per hanc abiectionem ac ſubiectionem tranſiturus erat ad dexteram Dei, & iudicaturus orbem cum poteſtate &c. ut ſic quantum in ſe erat inſtrueret pontifices & ſeniores, ut ſi uellent, poſſent reſiſtere, nullamq̄ excuſationem ignorantia prætenderent : quare non aperuit nobis myſterium duorum aduentuum Meſiæ quum interrogauerimus & adiurauerimus eum. Erat que nunc oportunitas tempus maniſeſtandi myſterium hoc quando interrogatio & adiuratio facta à Pontificibus & optiſſimatis reſponſionem non habuiſſet completam & claram niſi duorum aduentuum myſterium fuiſſet apertum : & quando opus quod tunc exercebatur , ut uerbo maniſeſtaretur expoſcebat.

Tunc enim quia cauſa Ieſu quaſi impii iudicabatur , mouit ut cauſam & iudicium uniuerſi orbis acciperet.

Ad admirationem coram Pilato quadruplicem iuxta quatuor Domini uerba , dicitur ordinatè. Et ad primam de illis uerbis , A temetiſpo hoc dicis ? reſpondetur quod ratio uerborum fuit , ut Pilatus gentilis capax fieret reſponſionis dandæ ad quæſtionem propositam , Tu es Rex Iudæorum ? Oblataq̄ Ieſu nihilominus rationabilis eſt occaſio interponendi hæc uerba antequam reſponderet ad quæſitum. Occaſio ſiquidem fuit : quia Ieſu Domino introducto in prætorium pontifices manſerunt extra , ne contaminarentur ingrediendo domum yri gentilis durante ſolemnitate paſchali : & Pilatus ceremoniis eorum condeſcendens, exiuit ad eos , auditurus quam accuſationem afferrent aduerſus Ieſum. Pontifices autem accuſauerunt eum quod ſe Chriſtum regem feciſſet. Pilatus autem ingreſſus in prætorium ſine Iudæis, interrogauiſſet Ieſum , Tu es Rex Iudæorum ? Quia igitur dominus Ieſus abſens fuerat quum fuerat accuſatus à Iudæis , occaſionem rationabilem

rationabilem habuit querendi à Pilato, an ex se, an ex Iudæorum ore interrogationem hanc faceret. Ratio uero uerborum talium fuit, ne Pilatus falleretur à seniorum Iudæorum callida aculatione usurpati tituli regii. Si enim Pilatus ex se ipso de titulo regio inquireret, quum Pilatus esset gentilis: & nullum reputaret hominis regnum nisi de hoc mundo, interrogando, Tu es Rex Iudæorum, planè interrogaret de regno mundano & rege, quales sunt alii reges: & non oportuisset Dominum respondendo loqui de regno quod non est de hoc mundo, sed aliter respondere. Sed ubi Pilatus interrogat ex accusatione Iudæorum, qui ipsum ideo regem dicebant se fecisse quia dicebat se Christum & regnum Messiae non erat de hoc mundo, ideo prudentissime Dominus antequam respondeat interposuit an loqueretur ex se, an ore Iudæorum: ut confitens Pilatus se loqui ex ore Iudæorum, intelligeret propriam uocem, audiendo à Domino æquiocationem regni inter regnum Messiae, de quo loquebatur Pilatus ex ore Iudæorum nesciens propriam uocem, & regnum mundanum, de quo putabat Pilatus accusationem fieri, & sic capax fieret responsionis futuræ tanquam audisset. Tu putas facere officium tuum inquirendo de usurpato titulo regio secundum regna huius mundi: scito quod regnum Messiae de quo accusant me Iudæi, non est tale. Ad secundum autem de uerbis illis, Regnum meum non est de hoc mundo: dicitur quod aliud est iustificationi causæ suæ studere, ut euadatur sententia, & aliud est iustificare causam suam, quantum sufficit ad tollendam apparentem occasionem scandali.

Dominus Iesus coram Pilato non studebat iustificationi causæ suæ ut non damnaretur, qui ad hoc uenerat, ut morte turpissima afficeretur: sed quoniam ex hoc ipso quod seipsum affirmauerat Christum, ac per hoc regem, non nulla occasio poterat apparere Pilato gentili cogitando quod dominus Iesus aspirasset ad regnum Iudæorum, ideo prædicaret populo ideo Dominus Iesus hanc quæ apparere poterat scandali occasionem tollere curauit, distinguendo regnum Messiae seu suum à regno aliorum regnum penes causam & affectum. Penes causam quidem: quia regnum eius non est de hoc mundo non dixit, non est in hoc mundo: sed non est de hoc mundo,

Regnū enim aliorum est de hoc mundo. Non est aut à natura. Et hoc vel ut regnum patrisfamilias, quia naturaliter est rex in domo sua: ut in principio mundi erat. Vel ut regnum eorum qui nascuntur reges hæreditario iure: ut filij, & hæredes regū. Aut ab intellectu adiuto arte, uel industria: ut sunt ij, qui uigentes ingenio, industria multa se ad regnum prouehunt. Aut à potentia: ut tyranni. Aut à uoluntate: ut sunt ij, qui per electionem ad regnum perueniunt. Regnum oīum horū est de hoc mūdo, quia, ab ijs quæ huius mūdi sunt, causatur. Sed regnū Christi nō est ex hoc mūdo: utpote ex nulla huius causarū ueniēs. Sed ut Apostolus promulgauit, factus est obediens usq; ad mortē Crucis: p̄p̄ quod & Deus exaltauit illū, & dedit illi nomen q̄ est super omne nomē, ut in nomine Iesu oē genu flectatur cœlestium, terrestriū, & infernorum. Et propterea Dñs dixit Pilato, Regnū meū non est de hoc mundo. Et manifestauit hoc ex affectu: quia si ex hoc mūdo esset regnū meum ministri mei utique decertaretur ut nō traderer Iudæis. Si quærerē regnare, fecissem ut ministri mei, sequaces mei decertassent & adhuc decertarent, ut nō traderer Ioseph ab Arimathia, nec Nicodemus, nec Lazarus, nec quispiā unico et uerbo certauerit p̄ Iesu pendente, eius cā corā Pilato. Itaque ex hoc affectu percipere facile potes Pilate, q̄ Regnū meum nō est de hoc mundo, q̄ nō quæro populū auertere, ut regem me habeant. Et ex hac Dñi sententia intāctū apparentia scandali in mente Pilati sublata est, ut exierit ad Iudæos, dicens se nullā cām mortis inuenire in eo. Ad tertiā admirationē de subiunctis uerbis: Ego in hoc natus sum, & ad hoc ueni in mundū ut testimoniū perhibeā ueritati, &c. respondetur q̄ hæc uerba ordinantur ad propositā materiā de Regno Christi, & ad ideā tendunt quō priora uerba. Et sunt conuenientissimē induta & ex parte materiæ de qua erat sermo, & ex parte personæ ad q̄ sermo dirigebatur. Ex parte siquidē materiæ: nā sermo erat de Regno non ex hoc mundo, & q̄ Iesus erat rex non ex hoc mundo. Hæc aut figmenta reputantur à sapientibus huius mundi: & tanquā cōficta ab iis qui religionis curam gerunt propter populos, &c. & ideo Dñs ueritatem proponit se adeo tueri, ut uenerit in mundum, nō ut adiu-

ut ad inuentiones humanas prædicet, sed ut ueritati testimonium perhibeat. Ex parte uero Pilati, quia oportet eruditorem ex communibus sibi & auditori, & quantum potest ex gratia auditori, præcedere, ut sic capax fiat doctrinæ. Christo autem & Pilato non erat cõis ratio scripturarum, nec religionis cultus, sed solummodo naturalis mens ac per hoc ueritatis amor, nihil enim cõis ac amabilius est hominibus secundum mentem, quam sit ueritas. Merito ergo à ueritas studio processit suafurus uiro Gëtili quod non erat figmentum id quod de regno suo non de hoc mundo dixerat. Duplicauit autem significationem ingressus fui in mundum, per nariuitatem, & aduentum (dicens. Ego natus sum, & ueni in mundum) per duas in se naturas: ut homo. non natus est: ut Deus uero uenit in mundum, Deus homo factus. Et quoniam testimonium Christi de ueritate non erat ab omnibus suscipiendum fide debita, subiungit discernendo suscepturos à non suscepturis ex diuersa habitudine ad ueritatem dicens, Omnis qui est ex ueritate, audit uocem meam: hoc est: quicumque amator, inquisitor, susceptor, tutorque est ueritatis, non in hac, uel illa materia (puta Geometria, Physica, &c.) sed ueritatis, simpliciter, ita quod nulla uero repugnet: audit uocem meam: omnis siquidem talis est ex ueritate, hoc est ex parte se tenet ueritatis: & ex ueritate uenit, tanquam exemplatum ab exemplari, Oportuit autem Dominum apponere hæc uerba de auditoribus suis, ut hinc posset intelligere Pilatus duo. scilicet & qualitatem eorum qui audiebant ipsius Domini doctrinam, & sequaces illius erant, quod scilicet erant homines non uana sectantes, sed ueritatem amantes ac sectantes, & qualitatem regni sui, scilicet quod est regnum ueritatis: ita ut dignatus sit Dominus dicere de regno suo non solum negatiuam, scilicet non est ex hoc mundo: sed insinuare affirmatiuam, scilicet quod est regnum ueritatis, & simul articulum alium à Iudæis obiectum (scilicet quod subuertebat ac seducebat populum) tacite eligere eadem ratione qua articulum de usurpato regio titulo exclusit, & ad innocentiam discipulorum tuendam. Ex hoc enim quod ipse soli ueritati operam dabat: & ex ueritate erant qui eum audiebant, manifestè sequitur, quod nulla erat seductio, nulla subuersio, nullus ad malum, nullus ad uana prouocabatur: sed tota Christi prædicatio, totum Christi regnum, ex ueritate, & in ueritate, &

ad ueritatem erat. Poterat ex hac Domini sententia Pilatus occasionem discendi à rãtæ fanix magistro accipere: sed quã interrogasset. Quid est ueritas: non expectata responsione exiit ad Iudæos: utpote qui non curabat discere à Christo. Ad admirationem demum quartam coram eodẽ à Pilato de responsione illa. Non haberes aduersus me potestatem ullã nisi tibi desuper datum esset: dicitur quod hæc uerba Domini nõ sunt uerba generalia, sed singularissima, ac ualde nouam, occultam, singularemq; Christi innocentiam significantia. Inter Christum. n. & reliquos homines hæc erat differentia, qđ reliqui hoĩes habebant superiorem iudicem ex duobus capitibus (sc. & ex parte superiore: quia sic à Deo ordinatum est, iuxta illud Apostoli: Omnis potestas à Deo est, quæ à Deo sunt: ordinata sunt, & ex parte inferiore, hoc est ex proprio peccato, saltem originali, ex quo incidit homo ut ab homine punibilis esse.) Christus autem quia nullius omnino peccati particeps erat nihil ex parte sua habebat, unde potestas quæcunq; humana haberet aliquid contra eum: & propterea Pilatus ex sola parte superiore potestatem habebat aduersus eũ. Singularissimã ergo suã innocentiam Dñs significauit per hanc responsionẽ, dices q. nullam aduersus ipsam haberet Pilatus potestatem, nisi ei Pilato datũ esset desuper. Dixit desuper, & nõ dixit ei Romano imperio, aut Cæsarea auctoritatẽ: ut cõprehenderetur prima causa, diuina. sc. dispositio, cum secundaria, quæ erat potestas Romani imperii. Ac si apertẽ diceret: Quod habeas contra me potestatem, non ex demerito meo, sed quia ex præses. Et hinc optimẽ cum nota causalitatis inferuntur sequentia uerba. Propterea qui tradidit me tibi, maius peccatũ habet, propterea, quia. si innocẽs ego sum, qui me innocentem tradidit tibi tanquam manifestorem: maius peccatũ habet. Tu quidem peccas sciens, quod per inuidiam tradiderunt me tibi sacerdotes, & non respiciens: sed illi qui causa principaliter sunt, maius peccatum habent. Et quod iuxta hunc sensum intellexerit Pilatus Domini uerba, testatur Euangelista dicens quod exinde Pilatus uolebat dimittere Iesum ex audita quippe Iesum innocentia cum proprio peccato, mouebatur Pilati animus ad dimittendum Iesum.

Ad admirationem coram Here de, quare Dominus non responderit:

sponderit: dicitur quod Euangelista nullam explicans specialem interrogationem ab Herode factam, sed per uerba generalia narrans Hærodem interrogasse Dominum in multis sermonibus, simulque narrans quod sperabat uidere miraculū aliquod à Domino Iesu fieri, insinuauit interrogationes Hærodis non fuisse iudiciales, sed curiosas, eadem etenim curiositate, qua monebatur ad miraculum aliquod uidendum inducebatur ad proponendum Domino quæstiones curiosas: & propterea Dominus sicut noluit uti potentia sua ad faciēda miracula, ita noluit uti scientia sua ad satisfaciendum curiositati Hærodis, instituens per hoc nos ut & potestate, & scientia utamur ad ædificationem, & non ad curiositates, aut quascunque alias nanitates. Non suberat ergo causa respondendi Hærodi curioso, sicut affuit causa respondendi Pilato iudicialiter inquirenti, qui nescius de uero regno Mesix, poterat scandalizari, ut dictum est: Tacuit ergo Dominus corā Herode, ut haberetur & tractaretur ab Herode, ut fatuus, & & subsecutum est. Herodes quippe uir secundum mundum prudēs, conferens audita de Iesu ex fama, & obiecta à pontificibus, præcipuē quod faciebat se Mesiam, cum tanto Iesu silentio coram se interrogante in multis sermonibus, quibus usus potuisset ipsius Herodis beneuolentiam acquirere, & tueri se contra persecutores suos, causam habuit cogitandi quod Iesus esset uanus (utpote non loquens corā magnis uiris, sed corā uulgaribus) & eo amplius quod uideret Ioannē Baptistā prudenter secū loquentē, Iesum autē nec ad interrogata sua respondentē cernebat, censuirque quod esset ut fatuus tractandus, & sic illi sit ueste alba: Sed Saluator altissimo cōfilio sed illud uoluit, ut mundus hinc uideret quod non sapientibus huius mūdi uiis, non astutiis, non industriis humanis traxit ad suā fidem mundum, sed uiæ eius ad cōuertendum ad suum regnum mundū, fuerūt tales, ut sit habitus fatuus à principibus & sapientibus huius mundi. Propter quod ab omnibus indicibus uoluit reputari imō tractari ut fatuus, non uerbo, sed multiplici facto illusionis, nam à pōtificibus, & Herode & Pilato iudicatus et punitus est ut fatuus: Sciebat .n. quod sapientiæ seu astutiæ maximæ attribuitur facere se caput nouæ legis populorū, & ideo hanc de se opinionē, auferre studuit

tor propriis derisionibus, ut uel sic crederemus diuinum opus esse fidem Christi, Hæc de tertia quæstione.

Circa quartam quæstionem de scripta Domini Iesu causa (Iesus Nazarenus Rex Iudæorum) nonnulla dubitatio oritur. Tum quia in multis, quatuor. scilicet causis fuerat Dñs accusatus. scilicet de tributis non dandis Cæsari, de seductione populi, de blasphemia. scilicet quod filium Dei se fecit, & de læsa maiestate, quod se Regem facere curabat. Tum quia de nulla causa legitur Dominum se iustificasse nisi de ista. scilicet de regno (ut patet in Euangelio) ac per hoc minus uidetur quod ista debuisset scribi super crucem, utpote purgata. Et confirmatur: quia Pilatus qui scripsit causam, & postq̃ discussit hanc causam, pronūciauit Iesum non esse reum mortis: ac per hoc non esse reū læsæ maiestatis. Mirum est igitur quod scripsit hanc cām.

Ad hæc dicitur quod ex quatuor capitibus oportuit causam hanc scribi. Tum ex parte pontificum, tum ex parte causarū, tum ex parte Pilati, tum ex diuina dispositione. Ex parte quidē Pontificum. alia fuit causa impellens eos ad mortem Dñi Iesu, & alia fuit causa quam proposuerūt Pilato, ut Dñm Iesum damnaret. Nam causa mouens Pōtificum aīos: ad Dñi Iesu mortem, fuit amor propriæ dignitatis & auctoritatis, ne Romani tollerent locum eorum. Quum .n. temporibus illis multi quasi prophetæ insurgerent, & populos ad se conuerterent (ut Act. v. Gamaliel refert primò de Theodate, & deinde de Iuda Galilæo: & de Ioanne Baptista, Iosephus dicit Herodem ipsum cæpisse, quia timebat concursum populi, qđ non solūm potuit simul esse uerū cū causa incestus relata ab Euangelio, sed consonat Euangelio, tum quia Dñs audito casu Ioannis fecessit, quasi causa cōis ei, & Ioanni fuerit, scilicet concursus populorum ad eorum prædicationē: tum quia Dñs Herodem uulpeni appellauit, quasi astutē persequētem Ioannem prædicatorem sub specie complacendi Herodiadi.) Quia, inquā, tot cōcursus populorum erant, timebāt pontifices, ne tantus populorum concursus ad dñm Iesum pareret aliquam nouitatem, ob quam simul cum tot aliis p̄cedentibus cōsideratam Romani tollerent pōtificatū à Iudæis, & transferrent gentem Iudæorum in alia loca. Ob hanc causam dixit Caiphas, qđ expediret potius hominem mori, ne
tota

tota gens sic periret. Hac igitur causa in animo retenta pontifices excogitauerunt causam aliquam qua possent inducere Pilatum ad interficiendū dominū Iesum, & adinuenerūt dictas quatuor causas: scilicet de prohibito cēsu Cæsaris, de auersione populi, de blasphemia, de usurpata maiestate. Et quoniam in prima nō habebāt fundamēta, & secunda nisi colorare tur vt via ad quartam, nō sufficeret ad pœnam mortis, de tertia autē Pilatus nō se intromitteret (vtpote de pertinētibus ad quæstiones legis Iudæorū) deliberarunt astuto cōsilio crimen læsæ maiestatis imponere Domino Iesu: vt ex eo Pilatus, vtpote cōtra Cæsare moueretur ad condēnandū Dominū Iesum. Putauerunt enim se posse in hoc præualere, fundātes huius criminis causam sup cōfessione ipsius Domini qua cōfessus est se esse Christum ac p hoc Regē: & super cōmotione populi ad se vt Christū, ac per hoc vt Regem, ita q̄ pontifices licet accusauerint Dñm Iesum quatuor criminum: principaliter tamē tendebat ad crimē læsæ maiestatis: q̄ se Regem quærebat facere: sperantes ex hoc obtinere a Pilato dānationem Domini Iesu ad mortē. Ex parte quoq̄ causarum ipsarum quæ allatæ sunt, oportuit causam regni præualere; quia maiore habebat apparentiam, ex eo q̄ Dominus Iesus fatebatur se Christum: & ante quinq̄ dies clamantes ei turbas q̄ esset Rex, aduiserat ueniens Hierusalem sup asellum. Hæc enī causa multipliciter probata videtur. Primo ex ipsius Dñi Iesu verbis, quibus dixit se Christum. Secundo ex commotione populi à Galilæa usque huc. Et in hac probatione clauditur non solum seductio populi, sed commotio q̄ fuerat ante quinque dies illic, hoc est in Hierusalē: quū turba cū palmis, cum uestimentis stratis in uia, cum clamore dignitatis ac nominis regii cōcurrit ad honorandum Dominum Iesum. Tertiò, ex ipsius Dñi uerbis corā Pilato. Regnum meū, &c. Vnde & Pilatus dixit, Ergo rex es tu? quod Dominus Iesus non negauit. Fuit quoque aggrauatus: Si hunc dimittis non es amicus Cæsaris: omnis enim qui se regē facit, contra dicit Cæsari. Ex parte deinde Pilati causam regni oportuit præualere. Pilatus enī quum esset gentilis, & de eo quod filium Dei se fecit, nihil aut parum curaret (præsertim sciens q̄ per inuidiā mouebantur pontifices) & de sensu prohibito nulla

probatio haberetur, commotionem populi cum tali ingressu in Hierusalē considerauit, simul cum confessione ipsius Domini de regno suo non ex hoc mundo. Et uisum est tam ei quā Herodi q̄ Dominus Iesus esset non ut criminofus, sed ut fatuus puniendus. Consideratis enim dictis de regno alterius mundi, & gestis (scilicet q̄ super asellum non equi: cum palmis, non armis uilis turba, non magnates: repente, non ex condito, practica, inductione aut uocatione, transitorie & quasi in momento nō retinendo secum turbam, nec procedendo postea cum turba, sed ueniebat quotidie post, more solito in templum ad docendum) iudicauerunt uias has aspirandi ad regnum, non esse sani capitis. Et bene iudicabant de mundano regno loquendo, fatuum quippe esset per has uias quærere regnū terrenum, unde uterque (scilicet Herodes & Pilatus) tractauit Dominum Iesum ut fatuū. Instantibus nihilominus Iudæis q̄ non esset fatuus, sed malignus, utpote qui filium Dei se fecit, & q̄ astute inuertit causam regni in regnū alterius mundi, quum non posset negare q̄ se regem fecerit, commouendo populum ad se regē clamandum: Pilatus corripiendum flagellis Dominum Iesum censuit: ut utriusque fatuitatis scilicet & malitiæ ratione habita, punitus Dominus dimitteretur. Sed inualefcentibus Iudæis usque ad tumultum, elegit consideratis omnibus damnare Dominum Iesum læsæ maiestatis, eo q̄ causa hæc ad se directe spectans apud suum tribunal probata ac euidens ita erat ut nisi fatuitate excusaretur, iuste damnationem exposceret. De regno quippe non de hoc mundo ipse stultitiā putabat. Et quia Iudæi qui dominum Iesum magis nouerant, non adittebant excusationem stultitiæ quā ipse Pilatus admittendam putabat. ideo tanquam relinquens Iudæis criminis curā, se innocentem protestatus est in prolatione sententiæ qua dominum damnauit ad mortem crucis. Hæc uidentur ad literā coegisse Pilatū ad hanc causam scribendam. Sed hæc omnia ex quarto loco proposita cā (diuina scilicet prouidentia) disposita sunt, ut dominus Iesus damnatus & crucifixus uerū suū titulum supra suam crucem scriptum haberet. erat enim & est in ueritate, Iesus Nazarenus Rex Iudæorum, uisa quippe est diuina prouidentia iniquitate perfe-

quen-

quentiū & damnantiū Dominum Iesum ad perpetuam ueritatem regii tituli de Christo prophetati testificandam corā toto mundo. Vnde & Pilato prohibitus ne mutaret illum, sed dixit: Quod scripti, scripti, & tribus præcipuis linguis omniū linguarū uices gerentibus, ex ipsius etiam ternarij omnia complectentis perfectione, scribi disposuit. Hæc de quarta quæstione, Deo gratias. Posonij in die sancti Damasi M. D. xxij. Amen.

SECUNDVM IENTACV.

lum: In quo quatuor Quæstiones tractantur.



CCVRRVNT secundò circa diuersa sacra scripturæ documenta de filiis dei quæstiones item quatuor. Prima est de uerbis Pauli apostoli ad Romanos i. de unigenito filio dei, quibus dicit. Qui prædestinatus est filius dei, in uirtute, secundum spiritū sancti ficationis ex resurrectione mortuorū

Iesu Christi dñi nostri. Secunda est de uerbis Ioānis Euangelistæ. Ioannis primo, de filiis dei adoptiuis: dedit eis potestatem filios dei fieri: qui non ex sanguinibus, neque ex uoluntate carnis, neque ex uoluntate uiri: sed ex Deo nati sunt: Tertia est de uerbis apostoli Pauli primæ ad Corinthios xv. de baptismo quo generantur filij dei, quum dicitur: Alioquin quid faciēt qui baptizantur pro mortuis, si omnino mortui nō resurgūt: Vt quid & baptizātur p illis. Quarta est de uerbis eiusdē Apostoli ad Galatas tertio de hæreditate filiorū dei per fidem promissa, non per legem, quum dicitur. Lex ordinata per angelos in manu mediatoris: mediator autem nūnius non est: deus autem unus est.

Circa primæ quæstionis uerba difficultas est. Tum propter proprietatē sensus non enim propriè dictū uidetur de filio dei quod prædestinatus est filius dei: quantumcunque ratione humanæ naturæ uerū sit prædestinatu esse, ut humana natura sit unita filio dei in psona: & homo ille, scilicet Iesus filius beatæ uirginis, sit pdestinatus filius dei: quia significatur

catur suppositū illud quatenus est humanū suppositū. In propositis autē uerbis illud relatiuū qui refert filiū Dei: sicut primo loco ante positū idē relatiuū refert etiā filiū Dei, quā dicitur: Qui factus est ei ex semine Dauid secundū carnē. Itatim enim subdit: Qui prædestinatus est.

Tum propter ueritatem textus apud Latinos & Græcos, inter se, dū Latini codices communiter habent, Qui prædestinatus. Græci autē aliqui similiter habent. Aliqui habēt, Qui destinatus. Tum propter pluralitatem expositionum, dū uel prædestinatus est, exponitur prædestinatus est, uel declaratus est, uel quod relatiuum qui, refert filium Dauid seu hominis. Hæc enim ambiguitati attestari uidentur.

AD hanc quæstionē absq; quocunq; p̄iudicio cuiusuis expositionis respōdēdo (qđ subintelligi uolo tā in præcēdētibus q̄ ī sequētibus totius huius operis) dicitur q̄ sensus proprius literæ ex intētiōe Apostoli & cōtextu sumendus est. Intētiō Apostoli clarē apparet. Int ēdit. n. materia Euāgelij sūmariē explicare. Quū. n. proposuisset se apostolū & segregatū in Euāgeliū Dei de filio suo: explanandā duxit propositam Euāgelij materiā: scilicet de filio suo: quæ scilicet Euāgelium aperire de filio Dei. Et subiunxit tria comprehendētia totam Euāgelicam materiam. Primum est: Qui factus est ei ex semine Dauid secundum carnem.

Scđm est: Qui prædestinatus est filius dei in uirtute secundū spiritū sanctificationis ex resurrectione mortuorū Iesu Christi dñi nostri. Tertiū est: Per quē accepimus gratiā & apostolatū ad obediendū fidei in oībus gētibus. Oportebat. n. ut qui se Euāgelij nuntiū dicebat, explicaret qđ Euāgeliū cōtineret: ut sic ad Euāgelicā epistolā præpararet legentium animos. Cōtextus uero suadet specialiter duo. Alterū est, ut relatiuū ter repetitū (scilicet, qui factus, qui p̄destinatus, per quē accepimus) refert semp̄ illud primo propositū: scilicet filio suo, id est filio dei. Alterū est, ut similiter distinguatur, ordinetur & intelligatur ly scđm carnē, & ly scđm spiritum: ita quod sicut primo explicatur filius Dei scđm carnē: ita deinde explicetur filius dei scđm spiritum: ut sic plana cōstruētiō, & planus sēsus, nec minus altus. Et ut plenius intelligatur hæc inchoemus à primō. declarat itaq; mysteriū incarnationis

tionis quātū ad quinque. Primo, quantū ad psonā incarna-
tā, quod est ipse dei filius, per relatiuū qui: ita quod nec pa-
ter: nec Spiritus sanctus, sed filius dei refertur per ly qui: ut
patet in textu. Scđō, quantū ad motū incarnationis: qđ non
ex uirili semine, seu naturali more genitus est scđm carnē:
sed ex uirtute Spiritus sancti formatus scđm carnē: & hoc si-
gnificāt illud participiū factus. Ac si diceret: Qui nō naturali
uirtute scđm carnē genitus in materno utero; sed ab extrin-
seca. Spiritus sancti uirtute factus est: Simile habes ad Galat.
iiij. misit Deus filium suum factū ex muliere. Tertiō, quanti-
tū ad coniunctionē humanitatis cū deitate: quod scilicet iū-
cta est Deo ut organū coniunctum. duplex siquidem inueni-
tur organi genus. Quoddā coniunctum personaliter illi cu-
ius est instrumētum: ut manus est organū quo operatur ho-
mo. Quoddā uerō separatum scđm esse ab illo cuius est in-
strumentum: ut serra qua homo secat, serra enim nihil est ho-
minis secātis: sed aliud esse hēt, alia hypostasis est. Inter hu-
manitatē itaq; Christi & cæteras creaturas scđm cōiunctio-
nē ad deum hæc est differētia, quod reliquæ creaturæ se ha-
bēt ad deū ut instrumēta separata: ita quod deus utitur illis
instrumētis separatis. Et p p hoc oīa tā naturalia q̄ uolunta-
ria creaturarū opera deo attribuuntur in sacra scriptura.
Oīa (inqt Esaias) opera nostra operatus es dñe. & Iob. Pelle
& carnib. uestisti me: os sibus & neruis compegisti me &c.

Humanitas autem Christi iuncta est deo ut organum cō-
iunctum secundum esse personale: ita quod deus per huma-
nitatem assumptam operatur sicut ego per linguam meam,
per manum meam &c. Et hoc significatur in textu per pro-
nomē, ei, dum dicitur: Quia factus est ei, proculdubio deo,
Filius quippe dei secundum carnem factus est deo organum
coniunctum: quia deitas per humanitatem Christi opera-
tur: sicut per sibi coniunctum proprium organum: iuxta
illud, Saluauit sibi dextera eius, & brachium sanctum eius.
Ad quod ut uerē nouum & mirabile inuitauerat decan-
tandum præmittens: Cantate Domino canticum nouum:
quia mirabilia fecit. statim enim subdit saluauit sibi dex-
tera eius, & brachium sanctum eius. Ac si dixisset: Quum
deus salutē multipliciter potuisset operari: hunc tā modum

elegit,

elegit, ut per propriam dexterā & proprium brachium (hoc est per organum coniunctum) operaretur salutem in mysterio incarnationis . vnde & subdit : Notum fecit Dominus salutare suum &c . Quarto, quantum ad humanam genealogiam : quod scilicet ex semine Dauid : pro quanto , beata Virgo ex qua carnem habuit, filia fuit Dauid per tot generationes intermedias. Vbi clauditur veritas scripturarum, Messiam ex semine Dauid promittentium , & regia progenies : & quod peccator Dauid tanta gloria donatus est a Deo , ut de ipsius semine Christus prodiret, & ipsi fieret talis tātaque promissio, Quinto, quantum ad humilitatē: dū explicat q̄ secundū carnē, quā est infirma pars humanæ naturæ . Minus quippe mirū esset, si animam tantum humanam assumpsisset, quum sit naturæ intellectualis & immortalis, sed ubi constat carnem quoque assumpsisse, mirabile valde est , & longe magis exinanivit semetipsum carnem assumens. Factus ergo secundū carnē dū dicitur, nihil humanæ naturæ spretum monstratur. Simile quid legis apud Ioannem, dum dicit : Verbū caro factū est , propter dictā rationē, Est igitur literæ sensus ac ordo . Qui filius Dei secundum carnem factus supernaturaliter est ei Deo ut cōiunctū organū ex semine Dauid : pro quāto mater descendit ex p̄genie Dauid, Et aduerte quod prædictarū quinque conditionum duæ locantur ex parte subiecti scilicet qui secundū carnē : & tres ex parte prædicati, scilicet factus est ei ex semine Dauid .

Venio nunc ad secundum de quo præsens est quæstio . Vbi aduerte, quod ex parte subiecti locantur quoque duo , scilicet qui secundum spiritum : & ex parte prædicati locatur reliqua, scilicet prædeterminatus est filius Dei in uirtute sanctificationis ex resurrectione mortuorū Iesu Christi Domini nostri, ita quod sicut prius locutus est de filio Dei secundū infirmam naturæ humanæ partem , scilicet carnē: sic nūc loquitur de eodē filio Dei secundum supremam naturæ humanæ partem, scilicet spiritum. Et intendit quod secundum spiritum præordinatus est sanctificatiuus propria autoritate ex tēpore & causa propriæ resurrectionis qua resurrexit a mortuis, nō qualiscunque sed saluator Christus ac dominus noster, Quāuis enim infiniti fuerint modi apud Deum quibus sancti-

Sanctificare mundum potuisset. elegit tamen & statuit ab æterno ut uirtus sanctificatiua resideret ī spiritu qui est anima Iesu Christi: pro quanto uoluit ut omnis gratiæ plenitudo non solum ut in singulari sed ut uniuersali capite etiam cœlestis Ecclesiæ in illa anima habitaret: ita tamen quod sanctificator per eam non sanctificaret quali mendicato suffragio, sed propria autoritate ut filius dei ex una parte, & ex alia parte concausa & tēpus sanctificationis esset resurrectio ipsius. de huiusmodi enī causalitate scriptum est ad Romanos quarto: Resurrexit propter iustificationem nostrā. de tēpore uero Ioannis septimo: Nondū erat spiritus datus: quia Iesus nondū erat glorificatus. Et secundum hoc ut dictum est ex parte subiecti locatur duæ cōditiones (persona scilicet filii dei, & spiritus assumptus) dū dicitur, qui secūdu spiritū.

Potest & altius exponi spiritus: hoc est spirituale esse & operari, non determinando ad esse & operari, non diuinū aut assumptum: sed communiter significanda per spiritum: esse & operari spirituale quod in Christo fuit: quodcūque fuerit illud. Et sic ex parte subiecti duæ similiter conditiones locatur: scilicet persona filii dei, & esse operari spirituale quodcūque in ipso quomodolibet est: ita quod sicut primo locutus est de filio dei secundum esse carnale, dicendo qui secundum carnem, sic nunc loquitur de eodem filio dei secundum esse spirituale, dicens qui secundum spiritum.

Et licet ex parte subiecti sic ista diuersitas expositionis: ex parte tamen prædicati nō uariatur sensus: sed ponitur primores ad quā prædestinatus est, scilicet filius dei in uirtute sanctificationis: quia quod nō intelligitur hoc simplex. s. filius dei: sed totū copositū, scilicet filius dei in uirtute sanctificationis, ut res ad quam prædestinatus dicitur filius dei secūdu spiritum: sicut diceretur quod homo secundum intellectum præordinatus est, ut sit homo studiosus, ut sit homo beatus, & similia.

Numerantur autem in huiusmodi uerbis mysteria tredecim. duo ex hoc, q̄ ly prædestinatus apponitur ad ly qui secundum spiritum. Ex ipsa siquidem diuersitate uerborum dum qui secundum carnem dicitur factus est, &c. & qui secundum spiritū prædestinatus, &c. dicitur, intelligimus q̄ præcipuum

cipuū & primū in mysterio incarnationis est esse spirituale, ex hoc enim quod apponitur prædestinatio ad ly secundum spiritum: denotatur quod ordinatio diuina principaliter tendebat ad spiritum. hoc enim ipsum prædestinationis nomen secū fert. Et merito: cū q̄a spiritus lōge p̄stāior est carne: & esse spirituale lōge excellētius eē carnali. Tū q̄a caro assūpta à uerbo Dei est mediāte spiritu pro quāto ratio quod caro assumpta fuerit: fuit spiritus: hoc est, ideo caro assumpta est, q̄a erat materia spiritualis animæ, & nō ecōuerso. Rursus ex hoc quod qui secundum spiritū prædestinatus dicitur ad totum aggregatum, scilicet ut sit filius Dei in uirtute sanctificationis, intelligimus ad partē spiritus spectare principaliter sanctificare, nō quod caro Christi expers esset sanctificationis uirtutis (quum tactu carnis suæ sanctificauerit aquas pro baptismo, & tactu manus reddiderit sanitatem) sed qm̄ caro Christi hoc ipsum secundo & ex spiritali uirtute habebat: spiritus autē principaliter & ex proprio genere scilicet esse spiritali sortitus est. Tertium mysteriū (scilicet quod propria auctoritate sanctificaret) aperte mōstratur per primam partē aggregati prædicati, scilicet filius Dei: ex hoc enim quod prædestinatus ē filius dei, in uirtute sanctificādi, clare patet quod p̄destinatus est, ut s̄ctificet propria auctoritate. Filius quippe Dei propria auctoritate, quæ ē sua. Deitas sanctificat nō minus quā pater: quū sit unius & eiusdē naturæ & potestatis cum patre. Quartum mysterium ē plenitudo sanctitatis. Ex hoc enī quod nō dicitur sanctus sed in uirtute sanctificationis: aperitur talis tātaque sanctitas quæ nō solū ipsum repleat in se, sed uirtutē in eo ponat efficiēdi sanctitatē in aliis, fuit enī Christus plenus gratiæ & ueritatis nō solum in seipso, sed de plenitudine eius omnes accepimus. Quintū mysterium est uniuersalitas sanctificationis. Ex hoc nāque quod non dicit sanctificationis horum uel illorum, nec animarum tantum aut corporum, nec rationalium tantum aut irrationalium, monstratur quod in eo est uirtus sanctificationis omnium. Et uere sic est: quoniam ut dicitur ad Eph. i. Deus proposuit in dispensatione plenitudinis temporum instaurare omnia in Christo, quæ in cœlis, & quæ in terra sunt, in ipso. Rursus in eo quod nou dicitur sanctificationis talis (puta secundum

gratiam

gratiā prophetiæ, aut secundum qualēcunque aliā specialem gratiā) sed simpliciter & absolute dicitur, in uirtute sanctificationis: aperitur quod in eo est uirtus sanctificatiua secundū omnē speciē sanctitatis: ita quod huiusmodi uirtus sanctificatiua est uniuersalis, & secundum omnes sanctificationis species, & secundum omnia sanctificabilia: est siquidē caput super omnē Ecclesiā, tā terrestre, quā cœlestem, & hominum & angelorum: ut dicitur ad Ephes. i. & Colos. ij. Sextum mysterium & tempus quo incœpit sanctificatio hæc, dum dicitur resurrectione mortuorum: hoc est, ex resurrectione nō qualicunque, sed à mortuis (genitiuis. n. pro ablatiuo à Græcis ponitur) iuxta supra iductum uerbum Ioā. Nōdum erat spiritus datus, quia Iesus nōdum erat glorificatus. In cuius signū primo die resurrectionis dedit spiritum sanctū discipulis, insufflando in eos, dicēs, Accipite Spiritū sanctū: & dedit potestātē remittēdi peccata. Nec propterea intelligas ante resurrectionē Christi defuisse uirtutē sanctificādi, aut sanctificationē ipsā (qm̄ prius sanctificationis opera multa Dominus effecerat) sed quia principaliter, manifeste & uniuersaliter præordinata est sanctificatio exercēda à tēpore resurrectionis. Principaliter quidē, quia sanctificationes priores erāt quali dispositiones seu uix ad sanctificationē uniuersalē futurā post resurrectionē. In cuius signū etiā ipsi Apostoli quāuis mundi ex sermone Christi, ad huc cæci erāt, nō intelligētes scripturas: sed in die resurrectionis aperuit illi dominus sensū, ut intelligenrēt scripturas. Manifeste uero, quia tūc manifestata est uirtus Christi ex gloria resurrectionis. Vniuersaliter autē, quia in omnes gentes extūc salus prædicāda, & cōferēda ordinata est: ut patet in Euāgelio. Septimū mysteriū est concausa sanctificationis, quod scilicet resurrectio ipsius ordinata est cōcausa sanctificationis: ut scilicet filius Dei & propria auctoritate, & ministerio propriæ resurrectionis sanctificaret: nā sicut mortem nostram moriendo destruxit, ita uitā resurgēdo reparauit. Est siquidē ipsius resurrectio causa uitæ nostræ, tum animæ, quia surrexit propter iustificationem nostram: tum corporis. quia Saluatorem expectamus, qui reformabit corpus humilitatis nostræ cōfiguratū corpori claritatis suæ: dū ergo dicit ex resurrectionē mortuorū duo notauit mysteria, tem-

temporis scilicet, quo sanctificatio quali maturus fructus haberetur, & concula qua resurrectione indignitatem concusca di sanctificationem eleuata est. Octauum mysterium est integritas spiritualis esse: quandoquidem ex resurrectione effectum est corpus Christi spirituale, iuxta Apostoli sententiam primæ ad Corinth. xv. habuitque ex tunc Saluator esse spirituale integrum, hoc est secundum omnes naturæ assumptæ partes. Manifestaturque hinc, quod filius Dei secundum spiritum redundantem iam ex resurrectione in corpus secundum esse spirituale consummatum ex resurrectione, præordinatus sit sanctificator. Dicens itaque, ex resurrectione mortuorum tria dixit mysteria temporis, quo quasi fructus maturus sanctificatio haberetur: causalitatis, quia indignitatem concusca di sanctificationem eleuata est, & integritatis, qua consummatum est esse secundum spiritum per redundantiam ad corpus. Ex his tribus iunctis prioribus consurgit mysterium nouum quod sanctificare conuenit Christo ex diuina ab æterno prædestinatione secundum utranque naturam: diuinam scilicet & humanam non qualemcumque sed gloriosam: ut uerè impletam cognoscamus causam ab Euangelista assignatam, quare nondum erat spiritus datus quia Iesus nondum erat glorificatus hoc est; siquidem quod hic docet Apostolus, dicens: quod prædestinatus est filius Dei sanctificator ex resurrectione à mortuis, quia proculdubio glorificatus est. Spectant reliqua quatuor mysteria ad qualitatem resurgentis ad sanctificandum. Non enim posita sunt hæc uerba Iesu Christi Domini nostri ad quali circumloquendum reuerenter illum qui resurrexit: sed quum facile per pronomen substantiæ potuissent dicere ex resurrectione eius, si tantum significare uoluissent de cuius resurrectione loquitur, sicut per uerbum mortuorum significauit de qua resurrectione loquebatur: elegit Apostolus tot titulos apponere ut, & quis & qualis ex resurrectione præparatus sit sanctificator; ministraret. Decimum igitur mysterium monstratur per nomen Iesu quo non solum quis monstratur, pro quanto est nomen proprium: sed qualis, pro quanto à saluatione impositum illi est: ut dixit Angelus ad Ioseph Surrexit quippe ad sanctificandum Iesus, hoc est saluator, quum deuicta morte uniuersum genus huma-
num

num saluauit, uitam illius inchoando in propria uita corporali immortali, impassibili, &c. verè etenim impletum tunc est illud Psalm. Saluauit tibi dextera eius: quoniam ipse Dei filius per suam animam quasi iunctam dexteram saluauit libi ipsi corpus proprium uiuificando, & dotibus quatuor ab Apostolo explicatis. i. ad Corinthios xv. glorificando. Et uerè si Christus resurrexit, & nos resurgemus: ut ibidem dicitur. Vndecimum mysterium regie dignitatis monstratur per nomen Christi. Verè si quidem peruenit in regionem ualde distantem (utpote in regionem gloriæ æternæ) accipere si bi regnum, quum vnctus est vnctione gloriæ super omnes reges. Oportuit siquidem Christum pati hæc (scilicet iniurias & mortem) & ita intrare resurgendo in gloriam suam. Incœpisse ergo regnum Christi ex sua resurrectione mōstrat Apostolus, quum prædestinatum ipsum dicit sanctificationem ex resurrectione qua surrexit Christus: sicut etiam ex tunc incœpit executio consummatæ saluationis, quum surrexit Iesus. Tunc quoque incœpisse dominium eius, duodecimum mysterium aperit dicendo, Domini. Qui enim prius uenerat ministrare, subiici & mori, surrexit Dominus,) dicens: Data est mihi omnis potestas in cœlo & in terra. Non q̄ prius non fuerit Dominus, quum uerè dixerit: Vos uocatis me magister & domine, & bene dicitis: sum etenim) sed quia prius secundum humani corporis officia non uenerat dominium exercere, sed subiectionem, surrexit omni ex parte dominus: quum impletur illud: dominus regnauit, decorem (gloria corporalis) indutus est. Noster demum mysterio ultimo dicitur: non q̄ aliquis aut aliquid existimatur ab illius dominio (de quo scriptum est: Omnia subieciisti sub pedibus eius) sed quia peculiari modo dominus noster, hoc est fidelium est: tum quia dominatur in nobis: qui uoluntates nostras subiicimus illius mādatis: tum quia cultu fidei, spei ac charitatis gaudemus atque gloriamur in & de ipsius dominio. Fructus ergo resurrectionis dominicæ per ly noster notatur: ut non quasi inanis aut in tempus longinquum fructificaturus surrexerit, sed surrexit dñs noster, ut statim nos habuerit, ut nunquam nos omnino deseruerit. Prædestinatus ergo filius dei secundum spiritum: ut sit filius

dei in uirtute sanctificationis ex resurrectione quæ a mortuis surrexit Iesus Christus dominus noster.

Perspice lector in duabus explanatis sententiis collectam ab Apostolo materiam Euangelii de filio Dei dum & trinitatis & incarnationis ac incarnati uerbi tam secundum humilitatis quam gloriæ statum, & sanctificationis uirtutis. ac per hoc sacramentorum mysteria proposuit. Et ne quid remaneret intactum subiungendo tertium relatiuum, totam complexus est Euangelii materiam. Nam ubi de capite collegerat, ad Ecclesiam ipsius Christi corpus descendit: oportet enim euangelizare quoque unam sanctam in Christo Ecclesiam ut patet in symbolo. Quinque autem (ut breuiter perstringamus) de Christi Ecclesia proponit. Primo, coniunctionem cum Christo, non qualitercunque, sed dependendo ab ipso dicens per quem, iungitur enim Ecclesia Christo ut capiti: & ab ipso pendet, ut a capite pendet corporis uita. Secundo dona Christi in Ecclesia, & communia toti Ecclesiæ, dicens accepimus gratiam, & dona quibus diuersa membra seu gradus diuersi sunt in Ecclesia, dicens, & apostolatuum, in hoc enim primo gradu reliqui subintelliguntur. Tertio, finem intrinsecum propter quem distribuuntur gradus ac dona in Ecclesia dicens, ad obediendum fidei. Vbi fides non quæ sine operibus mortua est, sed formata quæ per dilectionem operatur positus est finis: nam obedientia fidei non est, ubi fides mortua est, uoluntate enim remanente obedire fidei, quæ diligendum Deum super omnia monstrat, non mouetur homo ad obediendum fidei. Rursus unitas fidei monstratur ex singulari numero: & non ut unusquisque in sua fide saluetur, sed obediatur fidei uni. Quarto, indiuisione uniuersalis Ecclesiæ aperit. Ex eo namque quod non in una tantum natione, sed in omnibus gentibus ad hoc unum, ut scilicet fidei uni, gratiam unam & apostolatuum unum accepimus: consequens est ut una atque indiuidua sit uniuersalis Ecclesia Christi in omnibus gentibus, iuxta uerbum Domini, Fiat unum ouile, & unus pastor. Quinto, finem extrinsecum, Pro nomine eius, tota enim Ecclesia ordinatur ad gloriam Domini Iesu Christi: nec sunt Apostoli, doctores, protectores, &c. pro gloria propria, sed pro gloria fi-

lii Dei. Habes ergo summarie ex uerbis Apostoli totam Euangelii materiam, quam intendebat Romanis proponere.

Ad ea quæ tanquam difficultantia materiam inducta in principio sunt, non est confutando, sed explanando summarie dicendum quod licet non admittatur quod qui refert filium Dei absolute, ut prædestinatus sit filius Dei absolute: admittitur tamen ut qui referat filium Dei factum secundum carnem ex semine David: hoc est filium Dei ut est filius hominis. Nec est inconueniens ut illa triplicitas relatiui sic ordinetur ut semper crescat, referendo immediate antecedens, in quo etiam prius antecedens clauditur: hoc est primum qui referat filium Dei: secundum qui referat eundem factum secundum carnem: tertium uero per quem, referat eundem non solum factum secundum carnem, sed prædestinatum, &c. Nec inconuenit diuerfas eundem textum habere expositiones etiam secundum sensum literalem: quoniam author sacre scripturæ est spiritus sanctus: qui plures simul sensus intendere potest. Vnde autem uarietas ipsius textus emerferit, non apparet. Quod enim ex translatione non contigerit, manifestat diuersitas textus etiam apud Græcos. nam apud Vulgarium legitur prædestinatus, & apud Origenem, destinatus. Vt unquæ sit textus uerificatur utroque modo: ut patet ex dictis. Hæc de prima quæstione.

Circa secundam quæstionem de uerbis Ioan. Qui non ex sanguinibus, &c. ambiguitas occurrit primò an una & eadem generatio negetur per tres negationes, non ex sanguinibus, neque ex uoluntate carnis, neque ex uoluntate uiri: an singulis negationibus respondeant singulæ generationes. Nā si una eademque generatio per omnes negatur, inutilis uidetur multiplicatio tot causarum. Ad quod enim opus est miscere in Euangelio naturalem hominum natiuitatem prouenire non solum ex sanguinibus, sed etiam ex uoluntate carnis, & ex uoluntate uiri? Si uero tres generationis species descriptæ dicuntur, falsum apparet, ex eo quod generatio ex uoluntate carnis non est diuersa a generatione ex sanguinibus. Concupiscentia quippe carnis non aliter generat filios, quam per commixtionem carnalem maris & foeminæ. Secundò, an una eademque uoluntas sit uoluntas carnis, & uoluntas uiri. Nā si locutio ista

propria est, oportet ex una parte unā fateri uoluntatē, quum non inueniantur in toto genere humano diuersæ species uoluntatum (quamuis enim animalibus appetitus multipliciter in plures species, uoluntas tamen nō multiplicatur) & ex altera parte nullam dicere uoluntatem carnis: quia uoluntas in sola ratione est, & appetitus est rationalis, & non carnalis seu sensibilis. Si uerò non curandum creditur de proprietate nominum, & duæ uoluntates quasi duo appetitus distinctè dicuntur (rationalis scilicet, qui propriè uocatur uoluntas, & sensibilis, qui appellatus est uoluntas carnis) tunc sententia teneri potuit, sed lingua cohibenda erat quod procul ab Euangelista esse debet.

Terriò, an filii Dei per adoptionem, dicantur propriè nati ex Deo, an secundum communem tantum usum quo in humanis adoptatus in filiū dicitur genitus ab illo per adoptionem: qui etiā in hac litera dicitur genitus ex uoluntate uiri. Quod enim propriè intelligi debeat, ex eo uidetur quod nisi propriè essent ex Deo nati, non essent propriè filij Dei. Quod uerò communiter accipiendum sit ex eo apparet quod uoluntariè genuit nos, dando nobis spiritum adoptionis filiorum in quo clamamus, Abba pater.

Ad hanc quæstionem dicitur q. Ioannes Euangelista triplicem ac per hoc omnem in humanis generationis modum complexus est. Primum quo uita naturalis acquiritur, & nascuntur filij hominum ex sanguinibus uiri, & mulieris. Secundum, quo uota morales consona carni, in bonis fit ex uoluntate carnis: hoc est ex electione eorum quæ consonant carni. Et hinc nascuntur filij huius seculi: quorum uita est circa aut necessaria aut utilia, aut delectabilia secundum carnē. Tertium, quo uita excellens consona rationi, in nobis fit ex uoluntate uiri: hoc est ex electione eorum quæ sola ratio seu uirilil animus æmulanda dictat. Et hinc nascuntur filij huius quoque seculi qui excellētes sunt, inter quos quidam heroes uocantur. Ita quod intendit Euangelista filios Dei netq; ex natura simpliciter, netq; ex natura adiuncta uoluntate carnis (hoc est studio ad quæcunq; spectant ad carnalia) neque ex natura adiuncta uoluntate uiri (hoc est studio officioso ad quæcunq; sunt, & esse possunt uirilil perfectionis, delectationis, aut glo-

riæ) nasci aut fieri. Et qm̄ ad aliquod horū trium spectat omnis generatio hominū secundum quodcunq; esse possibile; siue ex cœlo; siue ex quacunq; causa naturali aut uoluntaria (ut patet discurrendo, & applicando) ideo hanc triplicem generationem negando, aperuit Euāgelista aliunde quærendā esse generationem filiorum Dei, quā ex naturalibus aut uoluntariis causis creatis: & statim manifestauit quartum generationis modum, dicens, sed ex Deo nati sunt. Nec dixit, sed à Deo facti sunt (ut cæteræ creaturæ, quas dixit, & factæ sunt) sed dixit, sed ex Deo nati sunt; docens filios Dei tali modo procedere à Deo ut mereantur dici nati ex Deo, tūm propter naturalitatem in modo producendi: tū p p cōnaturalitatem rei productæ. Quæ qm̄ altioris speculationis sunt (utpote à Ioāne Euāgelista dicta) oportet altius inchoando aduertere bona creata distingui in duos ordines. Vnus est ordo naturæ; aliter est ordo gratiæ. In primo ordine sunt omnes substantiæ creatæ, & proprietates, actiones, passionēs; & quæcūque quomodolibet eis naturaliter conueniunt. In secundo autē quantum ad propositum spectat, inueniuntur quædā res quæ ita sunt de ordine gratiæ ut sint de genere Dei: ut charitas, & lumen gloriæ: Bona creata primi ordinis se habēt ad Deum ut artificata ad artificem: quæ sunt aliena à natura artificis: ut domus, arca, nauis, & alia huiūi testantur relata ad suos artifices. Charitas autem & lumen gloriæ quæ supremum tenent locum in secundo ordine, se habent ad Deum ut connaturalia ad id cui sunt connaturalia: ut ea quæ sunt secundum naturam ad naturam: sicut calere ad ignem; sicut moueri deorsum ad graue. Quod ex eo cognoscere potes: quia nihil horū pōtēse naturā aut cōnaturale alicuius creaturæ creatæ aut creabilis. Non potest siquidem fieri aliqua creatura quæ sit suapte natura beata beatitudine illa quæ consistit in fruitione promissa nobis in cœlesti patria: ut sit suapte natura amās Deum amore charitatis, quo distinguuntur filii Dei à filiis perditionis: qm̄ si aliquid horū posset fieri, posset esse aliqua creatura non indigens gratia Dei: sed ex propriis naturæ suæ haberet q; non posset peccare, & seipsam saluaret, scriptum est enim. 1. Ioan. iiij. Oīs qui natus est ex Deo, peccatū non facit, quoniā semen ipsius in eo manet: & non potest peccare, qm̄

ex Deo natus est, & rursus cap.v. Omnis qui natus est ex Deo non peccat sed generatio Dei conseruat eum. Quia igitur proprium est Deo esse naturaliter beatum dicta beatitudine, & amare naturaliter ipsum deum, sic. s. dicta charitate: cōsequēs est ut intelligamus bona creata quibus cōstituuntur filii dei hic quidem inchoatiuē per gratiam charitatis, in patria uerō complete per consummatam gratiam luminis gloriæ, esse de genere diuino, & Dei se habere ad illa ut ad cognata, ut ad cōnaturalia ut ad secundum naturam ipsius Dei, & propterea reliquæ creaturæ factæ dicuntur, filii autem Dei nati dicuntur. Iure siquidem nasci dicuntur, qui ad connaturalia producuntur, qui ad ea quæ sunt secundum Dei naturam eleuantur. Natiuitatis siquidem tam ratio quàm nomen ad naturā spectat. Si itaque ex termino consideres productionem filiorum Dei, natos ex deo intelliges quia sunt cognati ipsi summo deo. Si modum quoque inspicias, idem inuenies: Dupliciter siquidem aliquid à uoluntate efficitur, Vno modo absolute: ut quum eligimus, aliquid exterius operari: ut mederi, ædificare, &c. alio modo ex affectione ut quum ex odio, uel amore mouemur ad aliquid. Quod procedit exterius uoluntarie, dicitur fieri à uoluntate affecta, dicitur nasci ex uoluntate: quasi naturaliter illud proueniat: quia uoluntas affecta per modum naturæ operatur, habitus enim inclinat per modum naturæ: & quasi intrinseci principii rationem induit uoluntas affecta, quando ex affecta uoluntate simus tales: puta mites, aut iusti, aut auari, &c. Vnde Ioannes Euangelista eadem præpositione. s. ex, & eodem participio. s. nati, usus est in singulis particulis, dicens, non ex sanguinibus, non ex uoluntate carnis, non ex uoluntate uiri: sed ex Deo nati sunt. nam ly nati, subintelligitur in præcedentibus: Ac si replicasset: qui non ex sanguinibus nati sunt, neque ex uoluntate carnis nati, neque ex uoluntate uiri nati, sed ex Deo nati sunt. Filii siquidem hominum nati sunt in esse naturæ ex sanguinibus, & filii huius seculi cōiter nati sunt in esse mortali ex uoluntate carnis. hoc est uolūtate affecta carni, & similiter filii huius seculi egregiæ uitæ, nati sunt ex uoluntate uiri, hoc est ex uoluntate affecta uirilitali, Quorsum hæc: ut percipias filios Dei similiter ex deo natos. Voluntas siquidem dei omnium.

quo-

quomolibet creatorum causa est, sed reliquas creaturas producit quali uoluntate artificis: filios uero adoptionis producit quali uoluntate affecta, utpote ad cognatos naturæ diuinæ ad ea quæ sunt secundum naturam ipsius dei. Naturaliter enim afficimur ad connaturalia nobis. Et ex eadem radice profertur quod quasi principii intrinseci rationem induit in producendo filios dei, pro quanto tantum sapit principii naturalis. Ex utratq; igitur parte (hoc ē ex parte termini & ex parte principii) quantum admodum producendi tantam naturalitatis diuinæ inuenitur in productione filiorum dei, ut Ioan. Euangelista ad hæc aperienda dixerit, ex deo nati sunt, ut ly ex, & ly nati, utranque naturalitatem indicarent. Et ne hæc sista putes, audi Petrum Apostolum primo cap. ii. epistolæ. Maxime, & præciosa promissa donauit nobis, ut per hoc efficiamini diuinæ naturæ consortes. Audi Paulum ad Roman. viij. Quos præsciuit & prædestinauit cōformes fieri imaginis filii sui, ut sit ipse primogenitus in multis fratribus, Vbi uides filios dei in consortium diuinæ naturæ eleuatos, & ad cognitionem tantam cum deo suos filios prædestinatos, ut fratres sint primogeniti filij omnino naturalis ueritatis dei. Illum siquidem deus natura genuit uerum deum, nos autem uoluntariè genuit, ut simus primitiæ creaturarum, ut dicitur Iac. i. Vide demum quod Ioannes Euangelista tanti fecit mysterium per hæc, uerba prolatus de filiis dei, ut ne hoc impossibile crederetur, attulerit pro testimonio id quod est maxime super mirabile, scilicet mysteriū incarnationis, subdit enim: Et uerbum caro factum est. Tanquam diceret: Vt credas homines nasci filios dei scito deum esse factum carnem, ut habes in glossa. Sunt igitur in supremo totius uniuersi gradu, locati filij dei qui non ex sanguinibus, neque ex uoluntate affecta carni, neque ex uoluntate affecta uirilitati: sed ex deo nati sunt.

AD quæsitam autem dubitando ordinatè respondendo dicitur, & ad primum quidem quod tres generationes excludantur per hanc triplicem negationem: & quod generatio ex uoluntate carnis non appellatur hic generatio qua fiunt homines secundum esse naturæ, sed qua fiunt secundum esse morale ex uoluntate affecta huiusmodi carnalibus: quales

cōmuniter emergunt filij huius seculi ex huiusmodi affectibus: alij prudentes rectores, alij negotiatores, & id genus reliqui. Ad secundum uero quod hic est sermo de uoluntate propriè: & una ponitur uoluntas secundum substantiā, duæ autem secundum affectum. Voluntas liquidem una & eadē secundum se est quæ est carnis & uiri: sed geminatur propter diuersas affectiones, altera ad ea quæ uiriliter excellētia sunt: & uocatur uoluntas uiri: altera ad ea quæ carnalis necessitatis, utilitatis, aut declarationis sunt: & uocatur uoluntas carnis. Ad tertium autem, quod sermo Euangelistæ est de natiuitate propriè: quantum tamen suffert subiecta materia. Ut enim ex dictis aliqualis coniectura habere potest: nō fiunt & sunt filii Dei adoptiui, ut sunt & fiunt, filii adoptiui hominum, sed eleuantur in consortium & cognitionē diuinæ naturæ. Et propterea Ioannes Euangelista quum dixisset: Dedit eis potestatem filios Dei fieri: curauit tanto studio aperire modum quo fiunt filii Dei. Et post tot negatiuas manifestauit modum: scilicet quod ex Deo nati sunt. Dixit autem notanter posse coniecturam nunc haberi: quia idem Ioannes dicit: Nunc filii Dei sumus, & nondum apparuit quid erimus, quum apparuerit, similes deo erimus. Hæc de secunda quæstione.

Circa tertiam quæstionem de uerbis Apostoli. (Quid faciunt qui baptizantur pro mortuis? si omnino mortui non resurgunt, ut quid & baptizantur pro illis?) difficultas occurrit, ex eo quod sermo iste est uel de reprehensibili, uel de laudabili baptismo. Nā si de uituperabili baptismo, quo qui de fortè baptizabantur pro consanguineis defunctis sine baptismo: ita quod semel baptizabantur pro salute propria: & iterum baptizabantur pro proximis suis defunctis sine baptismo, erroneè putātes baptizari posse unū pro alio: Si de hoc inquā erroneo baptismo loquitur Apostolus, infirmum ual de argumentum ad persuadendam resurrectionem mortuorum assumit? dum ex fide & spe quā habet de resurrectione mortuorum isti qui baptizantur pro proximis defunctis, arguit quod mortui resurgent. Nam facillima & in promptu est confutatio huius argumenti: respondendo quod quemadmodum factum istorum est uanum, ita & fides ac spes eorū:

ita quòd argumentum hoc sumi ex hominū fide ac spe uana non oportet aliunde monstrare, quàm ex proprio facto quò baptizantur pro aliis. Ex hoc enim quòd inutiliter & uanè baptizantur pro aliis, argumentum habetur quod uana est fides & spes quam habent de resurrectione mortuorum. Si uero est sermo de laudabili baptismo, apparet quod oportet incurrere alterum duorum, inconuenientiam: scilicet uel æqui uocationem, uel improprietatem. Nā si exponitur pro mortuis, id est operibus mortuis, quæ sunt peccata (iuxta illud ad Hebræos ix. Sanguis Christi emundabit ab operibus mortuis) incurritur æqui uocatio. Nam in alia significatione sumitur, quum primo dicitur: Qui baptizantur pro mortuis, & in alia sumitur statim subdendo: Si mortui non resurgūt: ut patet. Et nihilominus quale argumentū hinc sumpsit Apostolus: quasi penes similitudinem nominis ex operibus mortuis ad homines mortuos, ex resurrectione per baptismum ab operibus mortuis ad resurrectionē à naturali morte procedens. Si autem exponitur pro mortuis, hoc est profitendo fidem ac spem de resurrectione mortuorum: pro quanto ij qui baptizabantur, profitebantur integrum fidei symbolum, in quo manifestè dicitur, Credo carnis resurrectionem, &c. ita quod pro tanto dictum est quod baptizantur pro mortuis, pro quanto baptizantur profitendo resurrectionem mortuorum. Si sic, inquam exponitur, incurritur improprietas sermonis. Nam improprie dicuntur baptizari pro mortuis, quia baptizantur profitendo resurrectionem mortuorum. Similiter posset dici baptizantur pro trinitate, quia baptizantur profitendo trinitatem.

AD hanc quæstionem respondetur, quod quum Apostolus non arguat ex fide aut spe, aut ex uerbis, sed ex facto (nam dicit: Quid faciunt qui baptizantur pro mortuis? & exponens illud factum esse baptizari pro mortuis, subdit: Si mortui non resurgunt, ut quid baptizantur pro illis: scilicet mortuis) oportet sensum horum uerborum sumere ex facto ex quo argumentum sumit Apostolus. Nescio autē melius factum hoc interpretari quàm ex doctrina eiusdē apostoli: qui ad Colos. ii. docet eos qui baptizantur, baptizari in persona mortuorum, & non solum mortuorum, sed etiam
resur-

resurgentium cum Christo, Consepulti, inquit, estis per baptismum Christo, in quo & resurrexistis per fidem operationis Dei, qui suscitauit illum à mortuis. Et rursus cap. iii. Si conurrexistis cum Christo, quæ sursum sunt querite. mortui enim estis, & uita uestra abscondita est cum Christo. Ritus baptismi habet, ut qui baptizantur, mergantur sub aqua: & per hoc repræsentent duas mortes: scilicet propriam mortem mortalem, & mortem Christi corporalem. Repræsentat enim se mortuos uitæ ueteri, sicut Christus mortuus est uitæ huius mundi. Mersio enim repræsentans sepulturam Christi mortui, ponens hominem qui baptizatur sub aqua, sicut corpus Christi positum est sub terra: repræsentat quoque hominem illum ita recedere à præterita uita, ut sit illi mortuus & sepultus. Similiter surgendo ex aqua repræsentatur duplex resurrectio, & Christi corporalis, & hominis spiritualis: ita quod ex hoc quod homo surgens ex aqua, repræsentat Christum à mortuis resurgentem: repræsentat quoque seipsum surgere in nouam uitam spirituales: nunc quidem quantum ad animam secundum rem: in futurum autem etiam quantum ad corpus in spe. Hoc est factum ex quo arguit Apostolus, dicens: Quid faciunt qui baptizantur pro mortuis: hoc est in persona mortuorum: si mortui non resurgunt, ut quid baptizantur pro illis: hoc est personam illorum agunt qui sic baptizantur pro mortuis sicut in repræsentationibus quidam agunt fortes quidam modestos, quidam clandos, quidam cæcos &c. & hi dicuntur operari pro cæcis, pro claudis, qui agunt personas illorum. Ex tali itaque baptismi ritu quo qui baptizantur, personam mortuorum agunt ad similitudinem Christi mortui, & consequenter personam resurgentium ad similitudinem Christi resurgentis argumentum sumpsisse apostolorum: intelligendum est tamen quia secundum hunc sensum inuenitur argumentum efficax. Vanum siquidem esset tale factum repræsentatiuum mortis & resurrectionis, si mortui non resurgunt. Tum quia exponitur litera sumendo argumentum a facto, iuxta uerba apostoli. Tum quia seruatur proprietates sermones, & nulla interuenit æquiuocatio. Tum quia cōsonat aliis documentis apostoli. Tum quia mihi incerti aut noui in Ecclesia Christi

per hanc expositionem ponitur.

Et aduerte, quod quia ex modo facti solus ritus baptismi per immersionem repræsentat mortē & resurrectionē, ideo Apostolus quali particulariter loquitur de facto illorū qui baptizātur in persona mortuorū. Et rursus ideo apposuit cōiunctionē, & dicendo: Vt quid & baptizantur? quali diceret: Vt quid non solū baptizātur: sed baptizantur pro illis: id est in persona mortuorū? Tanquā diceret: Vt quid tali ritu personā mortuorū & resurgētū assumūt quū baptizātur? Notā ter autē dixi ex modo facti: quia ex efficacia sacramēti semper baptismus quomocumque fiat, cōmori, & cōsepeliri hominem facit, & resurgere cum Christo in nouitatem uitæ.

Ad obiecta autem in principio, nō est aliter respondendum, nisi quod expositio illa de opinato illo erroneo baptismo, minus consona uidetur sensui Apostoli: qui ex facto manifestē arguit, & non ex spe facti. Hæc de tertia qōne.

Circa quartam quæstionem difficultas occurrit: quia nō apparet literalis sensus secundum planum literæ contextum. Non enim apparet ad quod propositum dicantur illa uerba: Mediator autem unius non est: Deus autem unus est. Constat namque ibi sermonem fieri de differentia inter legem Mosaicam, & promissionem factam Abraham in Christo. Et quantum apparet, extra propositum, extra contextū interpolatum est quod officium mediatoris est inter duos: & similiter quod Deus est unus. Quorum enim hæc hic, quantum in se uerissima sunt? Hæc est tota quæstionis ratio ac summa.

Ad hanc quæstionem dicitur quod referēdo clausulā illā in manū mediatoris, ad legē Mosaicā de qua est sermo: soluitur facile quæstio. Ad cuius clariorē & pleniorē intelligentiā colligenda antedicta summarie sunt. Posuit ibi Apostolus ex una parte Abraham promissionē (quā etiā testamentum à Deo confirmatum uocat) & ex altera parte Moyse legē, Et ex parte Abraham posuit quinque scilicet fidem, benedictionem, uitā, hæreditatem, & iustitiā. Ex parte uero legis cōtraposuit quatuor quinque, scilicet opera legis, maledictionem, uiuere in operibus legis, trāsgressionē, & peccatū. Et de mum concludit legem fuisse in custodiā, & pædagogum ad fidem

fidem Iesu Christi: in quo omnes homines uniuntur per fidem, & fidei sacramentum baptismi. Quum igitur ex parte promissionis Abrahamæ tot diuina bona posuisset Apostolus, & ita appropriasset Abrahamæ ut negasset illa à lege: quæstionē interpoluit, Quid igitur lex? Et statim respondet, propter transgressionem posita est, donec ueniret semen cui promiserat, ordinata per Angelos in manu mediatoris. Vbi quatuor cōditiones legis manifestat. Prima est, quod propter malum posita est, hoc est, lex non est posita ut faciat bonos & iustos: sed ut puniat malum. Et hoc significant illa uerba, Propter transgressionem posita est. Quum enim duæ sint partes iustitiæ scilicet declinare à malo, & facere bonum: lex scripta in hoc differt à fide Abrahamæ, quod lex ad malum potestatem habet: culpæ quidem puniendum: poenæ uero infligendum. Fides uero efficit bonum: quia ex fide uiuitur uita iustitiæ & dilectionis &c. At si contra hoc obiiciatur, non esse deterioris conditionis legem Moysi legibus humanis: quas constat positas esse non solum propter transgressionem arcendam & puniendā, sed etiam propter bonum uirtutis. Nam ad hoc ordinantur leges, ut fiant homines uirtuosi, ut patet ii. & v. Ethico. Maxime ergo lex per Moysen à Deo data ordinatur ad reddendos homines uirtuosos. Et confirmatur: quia legis præcepta sunt non solum de declinando à malo (puta. Non occides: Non mœchaberis. Non adorabis deos alienos &c.) sed etiam de faciendo bonum: puta, diliges dominum Deū tuum ex toto corde tuo &c. Honora patrem tuum. Ad hoc dicitur, quod aliud est loqui de fine legis, aliud est de effectu legis. Nam finis legis ad intentionem spectat: effectus uero ad potestatem & efficaciam legis. Si de fine est sermo. finis legis est bonum uirtutis: ad quod intendit per præcepta &c. ducere. Sed nulla lex scripta habet hanc potestatem, hancque efficaciam ut efficiat aliquem bonum: præcipere siquidem potest bonum, sed non facere. Seu respectu transgressionis seu mali habet lex potestatem & efficaciam puniendi. Punit enim malos, & puniendos arcet consequenter, ut experientia testatur. Apostolus autem non de fine, sed de effectu legis & fidei loquitur: & docet quod fides Abrahamæ facit hominem iustum ac uiuum &c. lex autem non

potest iustificare, aut uiuificare aliquem, sed potest punire. Et ideo propter transgressionem, tanquam materiam proprii effectus qui est puniatio, posita est, & non propter iustitiam seu uitam, in quam non potest uires suas exercere, nisi pro quanto dilabuntur in malorum ordinem in suis omissionibus. Lex enim præcipiens religionis seu pietatis opera, non potest efficere in subditis religionis aut pietatis officium: exercet uires suas puniendo: ut lapidatus est qui non sanctificauit sabbatum &c. Secunda est, quod est temporalis, scilicet ad Christum. Et hoc significant subiuncta uerba, donec ueniret semen cui promiserat: ita quod hinc habes quod lex Moyli non est perpetua, sed temporalis, Nec obstat quod pluries dicitur in lege Moyli, Legitimū sempiternum erit, aut aliquid simile: quoniam huiusmodi sempiternitas accipitur pro duratione cōuua populo Iudæorum. Est et sensus, quod est sempiternum secundum perpetuitatem populi: scilicet usque ad Mesiam: qui pater futuri seculi prædictus est, unum populum ex omnibus facturum nouo nomine Christianum: & iuxta uerbum Esaia, Et uocabitur tibi nomen nouum, quod os Domini nominauit. Scito tamē quod lex cum suis præceptis potest dici perpetua quantum est ex parte authoritatis humanæ, pro quanto posita est nō reuocabilis, nisi per ipsum Deum uerum. Et dicitur temporalis, pro quanto Deus uerus caro factus adimpleuit illa: & sic cōsummauit, nō consumpsit illam: iuxta illud, Nō ueni soluere legem, sed adimplere, ita quod finiunt legem nō consummendo ut cibus finitur, sed perficiendo: ut officium ducis exercitus finitur parata uictoria, iuxta aliud uerbum domini in cruce. Consummatum est. Tertia conditio est, quod lex est ex cælesti authoritate posita: utpote ordinata per Angelos. Quod etiam Stephanus protomartyr prius dixerat, Actū septimo: Accepistis (iquit ad Iudæos) legem in dispositione angelorum. Decuit ut inter tot quasi ignobiles conditiones quas de lege referebat Apostolus interponeret aliquā nobilem & gloriosam, scilicet quod ordinata fuit per angelos: in quo omnes humanas leges excellit: & authoritatem diuinam habere monstratur. Potest nihilominus ultra commendationem legis hæc particula ad secundam conditionē pertinere.

pertinere : ut scilicet significetur à quibus & ad quos lex erat usque ad semen promissum : intendens quod ordinata erat per Angelos temporalis : scilicet donec ueniret semen , Ac si aperte diceret : Lex est temporalis secundum quod est ordinata per Angelos , qui cognoscebāt huiusmodi temporalitatem : quanuis secundum quod est accepta hominibus , uideatur sempiterna.

Quarta conditio est quod est mediatrix : & hoc significat uerba illa , In manu mediatoris : hoc est in opere dimidiatoris. Et intendit quod lex fuit dimidiatoria : pro quanto fuit , data non toti generi , humano , sed uni parti , scilicet filiis Israel : & distinctiua fuit illius populi à reliquo mundo , Vnde etiam in uestibus signa discretiua à aliis mandauit lex . Et quod hic sit sensus literalis , apparet ex eo quod huic sensui omnia sequentia consonat : ita ut currant absque cespitatione aliqua . ut patet in sequentibus . Habuit ergo lex hanc conditionem quod fuit dimidiatiua generis humani , quo contra fides Abraham , semen eius Christum unitatem mundi facit . Vnde statim Apostolus subiungit , quod postquam reuelata est fides Christi , non est Iudæus , neque Grecus &c . sed omnes sumus unum in Christo . ut per hoc intelligas quod cessauit dimidiatio legis , ubi uenit unitas Christi , Vnde statim ex hac legis conditione . Apostolus materiam obiectionis assumit , dicens : Mediator autem unius non est : Deus autem unus est . Non dixit , Mediator duorum aut plurium est : quoniam non loquitur de officio mediandi , hoc est coniungendi uel concordandi duos uel plures : sed dixit negatiuam : scilicet unius non est , quia dimidiare non est facere unum , sed scindere unum . Et per oppositum Deus est unus in sua promissione : quia uni semini promissit benedictionem omnium gentium . Præmiterat enim quod Abraham dictæ sunt promissiones , & semini eius , non dicit , & seminibus quasi in multis : sed quasi in uno : & semini tuo , qui est Christus . Ad huius quippe unitatis promissionem , per quam constituitur totus mundus in unitate , spectat quod dicitur , Deus autem unus est , in sua promissione . Ita quod ex hac legis conditione quod est dimidiatoria generis humani , nascitur statim quæstio , assumpta propositione

fritione uniuersali quod dimidiator ut sic non est factius unius & è regione contrapposito q̄ Deus est unus in sua promissione. Nam hinc statim inferitur, Lex ergo aduersus promissa Dei pro quanto promissa Dei sunt in unitate generis humani in uno semine Abrahæ: & lex non est ad unitatem, sed ad diuisionem generis humani. Vbi uidere potest quàm ad propositum materiæ de qua tractat Apostolus, secundum hunc sensum dicta sint hæc uerba.

Sunt enim adeo ad propositum, ut fuerint ualde etiam necessaria ad pleniùs commendandam promissionem, & fidem Abrahæ supra legem. Vnitas namque uel diuisio generis humani maximam facit differentiam. Et ut pleniùs appareat ueritas dicti sensus, transeunda summarie est responsio Apostoli ad exortam objectionem, prænotando duo: Alterum est, quod licet hæc obiectio sit explicitè deducta ex ultima conditione legis, pro quanto quasi syllogizata est inde: insinuat tamen in litera quod ex aliis quoque legis conditionibus nascitur dicta obiectio, dum in numero plurali dicitur, lex ergo aduersus promissa Dei. Ex hoc enim intelligimus concludi legem esse aduersus multa promissa Dei & non solum aduersus utilitatem promissam. Et uerè apparet hinc quod sit & aduersus iustitiam promissam, pro quanto lex propter transgressionem posita est: & aduersus hæreditatem semen promissum, pro quanto durat donec ueniat semen, duratio siquidem legis quandiu est, tollit seminis illius aduentum: & e contrario: lex ergo aduersus promissa Dei apparet.

Alterum est, quod communis radix omnium infirmitatum legis quibus differt ac deficit à fide Abrahæ, est penes uiuificare seu iustificare animam. Etenim si lex posset iustificare, non propter transgressionem posita esset, sed propter uitam iustitiæ: & similiter non duraret donec ueniret semē, sed semper, utpote ipsam uitam semini promissam conferens, & similiter non dimidiaret genus humanum, sed uniret ipsum in uita spiritus. Et propterea Apostolus ad radicem securim ponit, soluēdo objectionē, dū cōmunē omniū infirmitatū legis rationē reddit, postquā respondit absit, & dicit: Si em̄ data esset lex q̄ posset uiuificare, uerè ex lege esset iustitiæ intel-

intelligē Apostolum subtiliter impotentiam legis tanquā ex necessitate materiæ se tenentem afferre. Ac si latius diceret: lex data est suapte natura impotēs uiuificaret: ita quod nō ex accidente infirmitate, aut ex aliquo defectu priuatiuo lex hanc infirmitatem, & consequenter cæteras cōcomitantes habet, sed ex hoc ipso quod est lex, sequitur quod lex est diuersa res à fide & promissione Abrahæ. In cuius signum lex distinguitur contra gratiam. Ioan. j. Lex per Moysen data est, gratia per Iesum Christum facta est, fides siquidem pars est gratiæ. Et quod hoc sit uerum, manifestatur: quia si data esset lex quæ posset uiuificare: ex lege uerē esset iustitia: quod esset contra promissionem Dei: quia si ex lege: iam non per repromissionem: ut superius dictum est, Igitur quod lex sit habens tot conditiones, ex naturali eius impotentia seu infirmitate est. Deinde subiungit quod non aduersus promissa Dei has conditiones habet lex, sed pro promissis Dei: pro quanto ex eis conditionibus transmittit subditos ad promissionem factā Abrahæ, dicens: sed conclusit scriptura omnia sub peccato, ut promissio ex fide Iesu Christi daretur credentibus. Ideo inquit, lex scripta clausit omnia præcepta tam de malis uitandis quā de bonis prosequendis sub peccato cognoscendo, concupiscendo, permanfuro ac puniendo: ut sic transmittatur ad desiderādum, & quærendum medicum redemptorem ac Saluatorem, Nulla enim ex parte infirmi uia quod uelit, & quærat medicum, melior est, quā morbum proprium auferri, & dura cognoscere, ac puniri, sine liberatione tamen.

Sic lex transmissit ad Christum. nam lex cognitionem peccati dabat (ad Rom. vii. Peccatum non cognoui nisi per legem) & puniebat, ut patet: ut concupiscentiam augebat occasione accepta: ut patet ibidem: & durationem peccati operabatur: pro quanto non poterat interius sanare aut adiuuare. In hoc autem quod scriptura conclusit omnia sub peccato, cōintelligūtur omnes antedictæ legis infirmitates, quia omnes sunt in uia colligatæ communi ratione, scilicet quod lex nō potest iustificare, sed sub peccato ponere ut facile est discurrendo deducere.

Soluta autem obiectione ex hoc quod infirmitates quidē has necessario habet: sed habet eas, & utitur eis transmittendo

do ad hoc ut promissio ex fide Iesu Christi daretur credentibus; ex tribus similitudinibus iuxta antedictas tres infirmitates seu condiciones legis, manifestat Apo. ministeriū legis quo seruebat, punitio semini custodiendo, ducendo, fouendo.

Prima similitudo est ad custodem expectantium in tenebris claritatem; ibi priusquam veniret fides. Et hæc responderet infirmitati legis quæ posita est propter transgressionem, qua concludit omnia sub peccato. Secunda est pædagogorum ibi, itaque lex pædagogus. Et hæc respicit illam infirmitatem in manu mediatoris datus, liquidem pædagogus est populo Israel tanquam puero electo præ aliis, segregando ipsum ab aliis iuxta illud Deut. xxxij. Pars autem Domini populus eius, Jacob funiculus hæreditatis eius. Vnde huic similitudini annectit Apostolus unitatem omnium hominum in Christo. Tertia similitudo est ad actores & tutores paruuli hæredis, ibi, Quanto tempore hæres paruulus est. Et hæc respicit illam infirmitatem, donec ueniret semen. Et est in his tribus similitudinibus perspicere statum eorum qui sub lege erant differentem à statu regeneratorum in Christo penes tria. In tertia quidem penes seruitutem & libertatem: in secunda uero penes in perfectionem & perfectionem: in prima autem penes iniustitiam & iustitiam: ut facile patet inspicienti textum Apostoli & applicenti. Et hæc de quarta quæstione. In festo circumcisionis Domini, Anno M. D. x x iij. Posonij.

TERTIVM IENTACVLVM,

in quo tres Quæstiones tractantur.



CCVRRVNT tertiò circa diuersa in nouo testamento dicta de sacerdotio quæstiones tres. Prima de verbis Apocal. cap. v. Fecisti nos Deo nostro regnum & sacerdotes. Et c. j. Fecit nos regnum & sacerdotes Deo & patri suo. Secunda, de verbis Petri Apostoli in ca. ij. primæ suæ epistolæ: Vos autem genus electum, regale sacerdotium, gens sancta &c.

Tertia de uerbis eiusdem Petri Apostoli in eodem capit.

E

Ad quem

Ad quem accedentes & ipsi tanquam lapides uiui superædificamini domos spirituales in sacerdotium sanctum, offerentes spirituales hostias acceptabiles Deo per Iesum Christum.

Circa uerba Apocal. occurrit quæstio, an sit sermo de sacerdotio proprie, an non? nam ad utranque partem ratio urget. Quod enim de sacerdotibus proprie loquatur, habetur tum ex eo quod sermo improprie dedecet diuinam reuelationem. Tum ex eo quod coniunctum sibi regni nomen sumitur proprie quum dicitur, Fecisti nos Deo nostro regnum & sacerdotes: Qua enim ratione non impropriatur regni nomen eadem ratione abducendum a proprietate non est sacerdotis nomen, quum simul ponantur.

Quod uero non proprie sacerdotis nomen hoc in loco positum intelligatur, habetur ex eo quod si proprie dictum est sequitur Christianos omnes aut saltem iustos, omnes saltem prædestinatos esse proprie sacerdotes. quod sanctæ matris Ecclesiæ pias aures offendit, utpote multorum hæreticorum dogma. Circa uerba quoque Petri Apostoli primo inducta occurrunt primo, similis quæstio: an sit primo de sacerdotio proprie. Nam quod sit sermo proprius, habetur, ex duobus. primo quia de dignitate populi Christiani loquitur: constat autem ad dignitatem spectare sacerdotium proprie dictum, & non per similitudinem. Secundo quia sermo iste sumptus est ex uerbis Domini scripti à Moyse Exod. xix. ubi constat de sacerdotio proprie dicto sermonem esse.

Quod autem non sit sermo de sacerdotio proprie, ex eo arguitur: quia sequeretur quemlibet Christianum donatum esse sacerdotio proprie dicto: & sic quilibet Christianus esset proprie sacerdos: Quod hinc tanto clarius sequitur, quanto manifestum est ad populum Christinum hunc sermonem dirigi, & non ad maiores in Ecclesia ad quos forte referri dicuntur sermones allati ex Apocalypsi. Occurrit deinde specialis quæstio, cur Petrus apostolus referens hæc Domini uerba, mutauerit illa. Nam in Exod. Dominus dixit: uos eritis mihi in regnum sacerdotale. Petrus uero dixit: Vos autem sacerdotium regale. Inter quæ quanta sit distantia, monstrat diuersa significatio substantiui & adiectiui. Circa denum uerba eiusdem Petri Apostoli ultimo allata, similis primo, occurrat

currit quæstio de proprietate sermonis: quia ex una parte lo-
qui in proprie dedecet sacram scripturam: & ex alia re sequi-
tur omnes Christianos esse sacerdotes, si sermo est proprius,
cum ad omnes dirigatur sermo iste, Quærit deinde, an ho-
stias dixerit spirituales diminutionis an excellentiæ causa: ut
scilicet horretur ad offerendum spirituales hostias, tanquam
meliores hostiis corporalibus uel tanquam ad quales
possunt.

A Nequam respondeatur, prædeclarandi sunt ex sacra scri-
ptura termini cum differentiis eorum. In duplici siquidē
significatione inuenitur sacerdotium in sacra scriptura, scili-
cet uel proprie, uel secundum similitudinem seu participatio-
nem quandam. Et proprie quidem frequentissimum est sacer-
dotis nomen in sacris literis. Secundum uero similitudinem
rerum quidem est ipsum sacerdotij nomen: sæpe tamen sacer-
dotalium operum nominibus scriptura utitur sic scilicet se-
cundum similitudinem seu participationem quandam: ut
tunc apparebit. Sacerdos igitur proprie diffinitur ab Aposto-
lo ad Hebræos quinto: Omnis, inquit, pontifex ex homini-
bus assumptus, pro hominibus constituitur in iis quæ ad
Deum sunt, ut offerat Deo dona & sacrificia pro peccatis. Nec
mireris nouitæ, si de sacerdote loquendo ad pontificis diffini-
tionem transire videatur: quandoquidem Apostolus: ut sy-
nonymis utitur pontificis & sacerdotis nominibus: ut patet
ibi in multis capitulis. Iuxta hanc significationem constat
appellari sacerdotes eos qui officium habebant offerendi Deo
sacrificia & oblationes: & sæpissime in scriptura nominari.
Sacerdotij uero nomine secundum quandam similitudinem
Petrus Apostolus utitur in uerbis in tercia quæstione indu-
ctis ut infra clare patebit. Opera autem sacerdotis pluries in-
uenimus ad secundum similitudinem applicatam ad actus
diuersarum uirtutum. Et de interiore actu poenitentiae
patet in Psalmista. Sacrificium Deo spiritus contribu-
latus. De actu abstinentiæ, ad Romanos duodeci-
mo. Exibeatis corpora uestra hostiam uiuentem san-
ctam, &c.

De actu diuinæ laudis, ad Hebræos xiiij. Offeramus hostiæ
laudis semper Deo, idest fructum labiorum consentientium

nomini eius. De actu beneficentiæ ibidem, Beneficentiæ, & communionis nolite obliuisci: talibus enim hostiis promeretur Deus. De actu martyrij. Sapientiæ ij. Tanquam aurum in fornace probauit illos, & quasi holocausti hostiam accepit illos. Et uniuersaliter de actibus iustitiæ in Psalmo dicitur: Sacrificate sacrificium iustitiæ. Hæc enim & alia huiusmodi per quandam similitudinem hostiæ & sacrificij dicuntur: pro quanto induunt rationem oblatores Deo ad eius honorem. Et similiter secundum similitudinem sacerdos dicitur qui hæc ad honorem Dei facit, pro quanto offert huiusmodi uirtutum actus Deo, ordinando illos in honore Dei.

Ex quibus habes primo quod sacerdos proprie est nomen gradus, ordinis, seu officij publici ad offerendum Deo sacrificium: non curando nunc differentiam inter ordinem, gradum & officium. Sacerdos uero similitudinarius, nomen est uirtutis: scilicet religionis seu sanctitatis afficientis animum ad diuinum cultum. Habes secundo conditiones tres requisitas ad proprie sacerdotem. Prima est quod sit ex hominibus assumptus. Et hinc gradus seu dignitas monstratur, ut interlin. glossa notauit.

Secunda est, quod sit pro hominibus constitutus. Et hinc publica utilitas monstratur, ita ut sit mediator inter Deum & homines constitutus pro hominibus in iis, quæ sunt ad Deum. Tertia est, quod offerat sacrificia. Et hinc facultas ad supremum oblatores Deo, monstratur: ad differentiam minorum etiam officiorum publicorum ad offerendum Deo laudes. Nunquam itaque intelligas sacerdotium aut sacerdotem proprie: nisi has in eo inueneris conditiones. Offerentes liquidem quæcunque uirtutum opera Deo: aut simulantur sacerdotibus: & participant sacerdotium, pro quanto actû oblationis exercent: sed à sacerdotio, & sacerdote proprie deficiunt pro quanto non ex publico sacerdotij officio offerunt. Et similiter oblata deficiunt à sacrificijs proportionabiliter: oblata deficiunt à sacrificijs proportionabiliter: ut infra clare patebit. Et si obiiciatur contra hæc quod qua ratione Christus offerendo seipsum in ara crucis, fuit uerè & proprie sacerdos: eadem ratione sancti martyres offerendo seipsum in ara ignis, & aliorum tormentorum, fuerunt uerè & proprie sacerdotes,

clotes ac per hoc ruunt omnia dicta: quoniam ex sola uirtute martyrij uoluntarij sacerdotium proprie dictum inuenitur. Et si hoc admittitur, non erit difficile deducere sacerdotium proprie dictum ad offerentes mortificationem carnis, & alia huiusmodi.

Ad hoc dicitur quòd inter Christum, & alios maxima est in hoc differentia, & pro nunc dicemus triplicem. Prima est, ex parte principij: quia Christus ex publico sacerdotij officio obtulit seipsum: ita quòd fuit constitutus sacerdos ad sacrificandum seipsum: quod de nullo alio etiam suspicari fas est: quia nullus sit sacerdos ad offerendum seipsum in sacrificium, sed ad offerendum in lege ueteri uitulum aut ouem, &c. & in lege noua corpus & sanguinem Domini: Christus autem Dominus ex hominibus assumptus à Deo patre, & pro hominibus constitutus est ad offerendum seipsum per mortem propriam in ara crucis: ut patet per Apostoli processum loquentem ad Hebræos. Secunda est, ex parte oblationis. Oblatio siquidem Christi fuit secundum substantiam oblationis uoluntaria: hoc est, mortuus est, quia ipse uoluit, non solum uoluntate diuina sed etiam uoluntate humana: non solum per modum acceptum acceptantis, sed per modum causantis, pro quanto in potestate animæ suæ erat prohibere mortem suam corporalem: quia erat anima glorificata, & noluit fieri huiusmodi prohibitionem. Vnde singularissime scriptum est de hoc uoluntario Esa. liij. Oblatus est quia ipse uoluit. Et ipse dominus dicit: Nemo tollit animam meam à me, sed ego ponam eam à meipso. Ioan. i. o. & de sua quo ad hoc potestate, subdit: Potestatem habeo ponendi animam meam, & potestatem habeo iterum sumendi eam. Reliquorum autem sanctorum martyrum oblatio non fuit uoluntaria quò ad substantiam: quia non erat in potestate eorum mori, uel non mori: quanuis in potestate eorum quandoque fuerint circumstantiæ moriendi, puta locus, tempus, modus. Nō fuit, inquam, uoluntaria nisi per modum acceptantis: pro quanto acceptauerunt mori pro honore dei, quasi, facientes de necessitate uirtutem. Tertia, ex parte rei oblatae. Nam sanguis Christi fuit suapte natura reconciliatiuus, satisfactiuus, &c. pro aliis: imò pro toto mundo, ut dicitur j. Ioan. ij. sanguis uero alio-

rum martyrium ipsis solis meritum est. Non est ergo similis ratio de sacrificio mortis Christi, & de sacrificiis mortis aliorum martyrum. Vnde manifestum fit Christum offerendo seipsum fuisse uerè, & propriè sacerdotem: sanctos autem martyres fuisse sacerdotes per quandam similitudinem, ut sacerdos est nomen uirtutis.

His præmissis respondetur ad primam quæstionem de uerbis Apocalyp. quòd sermo est utroque textu de sacerdote propriè. Recognoscuntur liquidem duo beneficia exhibita Christiano populo: scilicet regni, & sacerdotii. Vbi pro claritate aduerte magnam esse dignitatem populi si erigatur in regnum, & si concedatur ut sint ex eis sacerdotes: ut testatur priuatio eorundem: si enim regnum redigeretur in prouinciam, ualde degeneraret: & similiter si populus aliquis priuaretur, ut ex eis non possint fieri sacerdotes: aut (quod plus est) quòd in eis non essent sacerdotes, ualde degeneratur. Ad magnum ergo beneficium populi spectat concessio utriusque dignitatis: ut scilicet populus erigatur in regnum, & suos habeat ex suis sacerdotes. Vtranque itaque dignitatem collatam Christiano populo esse, Apocalypsis testatur. Et regnum quidem Dei est (ut dicitur ad Ro. xiii.) iustitia, pax, & gaudium in Spiritu sancto. Quod in præsentì incipit, iuxta illud Luc. xvi. Regnum Dei intra uos est. In futuro autem perficietur: tum quia nec iustitia, nec pax, nec gaudium in Spiritu sancto hic consummatur: tum quia Christus ipse expectauit regnare usquequo transiret ex hac uita. Fuit ergo Christianus populus regnum Deo, quò sit iustus, pacificus, & gaudens Spiritu sancto. Siste parum per hic, & nota primò dignitatem regalem explicari per regnum, non per Reges: ait enim, fecisti nos regnum. & non dicit, fecisti nos Reges, quia regnum directè sonat dignitatem uniuersitatis. Rex autem dignitatem personalem: ut hinc intelligas Christianos erectos propriè in regnum, & non in reges, unus enim solus est in Dei regno Rex, propriè loquendo. Nota secundo eandem excellentiam notari, quòd hic incipiat, & in futuro consummabitur: dum uerbo præteriti temporis dicitur, fecisti nos regnum, & uerbo futuri temporis subditur regnabimus super terram, quòd tunc ue-

rificabitur, quum Christiani correpnabunt Christo in terra uiuentium.

Nota tertio dignitatem regalem ita explicatam in præsenti, & in futuro per dicta uerba, ut intelligeretur excellentiam hanc ita esse uniuersitatis, ut ad personales quoque actus in futuro se extendat. Et propterea explicata est quò ad futurum per actus regnandi, dum dictum est, & regnabimus super terram, quò contra sacerdotalis dignitas explicata est per nomen personale, & nihil ad sacerdotes spectans dicitur de futuro: ut intelligeremus aliter communicatam dignitatem sacerdotalem, & aliter dignitatem regni: & similiter aliter, & aliter se habere ad futurum utranque dignitatem. Dignitas nanque sacerdotalis non sic est populi, ut quilibet sit pars sacerdotii: sicut dignitas regni sic est populi ut quilibet sit pars regni: sed sacerdotalis dignitas sic est populi, ut habeat ex suis aliquos sacerdotes. Et propterea textus utitur sacerdotis nomini: quod non est nomen collectiuum, sed singularis personæ. Et ut contentiosi ac proterui conuincantur, & uideant suauem dispositionem regni de sacerdotii populo concessi, exigere dictum intellectum, perspice, & clare intueri alium sensum (scilicet quòd quilibet de populo sit sacerdos) destruere seipsum. Nam si ex Christianis populus habet dignitatem sacerdotii, ut quilibet sit sacerdos, proprie loquendo, sequeretur de necessitate quòd nullus Christianus est sacerdos, quia sacerdos ex hominibus est assumptus, & pro hominibus constitutus in iis quæ sunt ad Deum, &c. Ac per hoc si quilibet est assumptus, & constitutus, nulli sunt ex quibus assumitur, & pro quibus constituitur: nisi si forè diceretur, quòd remanent infideles ex quibus assumitur, & pro quibus constituitur. Quod primo est ridiculum, sacerdotes nostros fieri pro infidelibus.

Deinde non effugit uim argumenti: quia si totus mundus esset Christianus, nullus Christianus esset sacerdos: quia nulli homines remanerent ex quibus sacerdos assumeretur, & pro quibus constitueretur, sicut si quilibet homo esset rex, nullus homo esset rex, quia nullus haberet super quos

regnaret. Sapientia ergo diuina disponens omnia suauiter, reuelauit Christiano populo utranque dignitatem collatam, ita ut intelligatur utraque suauiter collata, illa regia secundum suauitatem regni, sacerdotalis uero secundum suauitatem sacerdotij: ut scilicet ex Christianis aliqui sint assumpti & constituti pro aliis sacerdotes. Et sicut uerè & propriè dicitur, fecisti nos Deo nostro regnum, colligendo omnes Christianos in regnum Dei, ita uerissimè etiam dicitur fecisti nos sacerdotes Deo assumendo ex nobis & constituendo pro nobis aliquos nostrum sacerdotes, quoniam sic & uerissimè & propriissimè uerus est sermo iuxta subiectam materiam: & totus populus recognoscit beneficium utrunque esse suum, quamuis, diuersimodè, quia primum in singulis, secundum in quibusdam, ex singulis tamen & pro singulis. Et quia in patria non erunt sacrificia, sicut nec templum (iuxta illud Apoc. xxj. Templum non uidi in ea) ideo nihil in futurum de actu sacerdotis dicitur: quamuis sacerdotalis dignitas maneat in æternum. Et sic patet solutio primæ quæstionis, admittendo dicta Apocal. uerba ad uniuersum Christianum populum referri: quod tamen multi fortè non admitteret. Et uerba quidem allata ex v.c. non sunt populi Christiani, sed animalium & seniorum: à quibus distingui reliquum Christianum populum apparet intuenti textum, exprimentem ultra animalia & seniores angelos & omnem creaturam. in celo, super terram & c. Verba autem primi capituli Ioannis Apostoli Euangelistæ sunt. Qui erat sacerdos, & in persona ipsius & ei similium glossari possunt. Hæc de prima quæstione.

AD secundam quæstionem de uerbis Petri Apostoli pro quanto similem perit difficultatem patere potest ex dictis responsio. Et breuiter dicitur quod est, ibi sermo de sacerdotio propriè dicto, & q̄ scdm re significatur ubi utraq; dignitas, regni scilicet & sacerdotij, collata Christiano populo. Quò ad modum uero explicandi, aliter explicata est à Petro apostolo quàm fuit à Ioanne Euangelista: nā Petrus nō explicauit illā per nomē personale (non enim dixit, uos estis sacerdotes) sed per nomē ipsius dignitatis sacerdotalis, dicendo, Vos estis sacerdotium, ut per hoc eruditus quisque facile

facile posset intelligere quid significatur: scilicet quod in illis esset dignitas sacerdotii, scilicet in uobis est dignitas sacerdotii. Quod sufficiensimè uerificatur habendo ex seipsis quosdam sacerdotes: & non oportet uerificari sic, ut singuli sint sacerdotes: quia ut deductum est, si singuli essent sacerdotes, nullus esset sacerdos. Quum uero secundo quæritur, cur Petrus mutauerit uerba Domini in Exod. dum ibi dicitur, Regnum sacerdotale: Petrus autem ait, sacerdotium regale. Respondetur ea ratione factam esse mutationem, quia illud regnum utpote temporale, decorabatur dignitate sacerdotali tanquam illustriore: sacerdotium uero nostrum, quauis spiritualius, decoratur tamen regno Dei æterno, utpote clariore & meliore. hic enim factum est ut ibi regnum significaretur decoratum sacerdotali dignitate, dicendo, Regnum sacerdotale, hic uero sacerdotium significaretur decoratum regno, dicendo, Sacerdotium regale. Declaro singula. Promissit populo Israel Deus, si seruaret mandata sua, quatuor: ut dicitur. Exod. xix. Eritis mihi in peculium de cunctis populis (mea est enim omnis terra) & uos eritis mihi in regnum sacerdotale, & gens sancta. Vbi primò promittit. Deus habeturum se populum Israel in specialiter propriam re ad similitudinem peculii, quod specialiore quodam iure possidetur, quàm id quod cõiter habetur, unde & dicitur peculiũ castrense uel quasi &c. Propterea siquidem interponit, mea est enim omnis terra, tanquam diceret: licet ego si uim uniuersalis Dominus totius orbis cõmuni iure creationis, gubernationis &c. uos tamen eritis mei quasi speciali quodam iure, propter specialem curam quam habebo de uobis quasi de peculio. Et huic suo peculio adiecit tres dignitates, scilicet regni, sacerdotii, & sanctitatis. Regni quidē temporalis quoniam exigebat populum illum in temporale regnũ ipsius Dei, ita quod Deus esset illis rex, & ipsi essent eius regnũ. Nec hoc ego fingo, sed scriptura testatur multipliciter. Tum primi Reg. viii. ubi populo perente constitui sibi hominem in Regem, Dominus dixit ad Samuelē: Non enim te, sed me abiecerunt ne regnem super eos. Tum quia ibidem xii. Samuel dixit populo ad idem propositum. Dixistis, rex imperabit nobis, quum dominus Deus uester regnaret in uobis. Tum quia in

prefato viii. c. reprehenditur populus de hac sua petitione,
 quæ non esset reprehensione digna nisi ratione iniuriæ quæ
 faciebant Deo, refutantes illum pro rege, & uolentes habe-
 re hominem in regem sicut cætera gentes habent. Vnde po-
 pulus Israel paruo tempore dignitatem regni Dei retinuit:
 scilicet à Moysè usque ad Samuelem: postea autem in regnū
 hominis degenerando transiit. Et hoc etiam parum retinuit,
 sub tribus scilicet regibus tantum: Saule, David, & Salomo-
 ne. Nam postea non fuit amplius regnum hominis, sed scis-
 sum est in regna hominum. Temporalem ergo dignitatem
 regni Dei ut specialis Regis eorum promissam à Deo, si ser-
 uarent mandata eius, quia latens erat, quia Rex inuisibilis
 erat, oportuit decorare & illustrare claritate dignitatis sacer-
 dotalis, quæ in manifesto posita fuit, & propterea dicitur re-
 gnum sacerdotale. In cuius lignum suprema iudicia summo
 sacerdoti reservata sic erant, ut morte puniendus esset qui nō
 pareret iudicato: ut habes Deute. xxvii. Et reuocatio profu-
 gorum usque ad mortem summi sacerdotis decreta fuit Io-
 sue xx. Tertia demum dignitas (scilicet ut esset gens nō pro-
 phana, nō superstitiosa, non sacrilega, ut gentes ignorantes
 Deum, & colentes idola: sed sancta, hoc est dicata Deo uero
 per uerum cultum) manifesta est. Petrus autē apostolus mu-
 tauit peculium in genus electum, explicans & specialitatem
 electorum & originem per æternam electionem, & modum
 exequendi electionem per uiam generationis, generantur si-
 quidem Christiani per baptismum. Dignitatem uerò regni
 altiore insinuat sacerdotalis. Et uerè sic est: quia sacer-
 dotium Christianum est sacerdotium regni: sicut euange-
 lium est Euangelium regni, proculdubio æternum: ut expli-
 cat etiam Apostolus ad Hebræ. ix. Christus assistens ponti-
 fex futurorum bonorum, hoc est eorum quæ in futuro secu-
 lo expectamus. Constat autem longe melius & illustrius esse
 æternum Dei regnum, quàm præsens sacerdotium: quo-
 niam hoc sacerdotium est propter illud regnum, & non eon-
 trario. Rationabiliter itaque mutauit Petrus dicens, sa-
 cerdotium regale: propter excellentiam æterni regni, cuius
 est sacerdotiū nostrū. Et hoc ita accipito secundum literalē
 sensum scripturæ, ut non respuas etiā posse dici nostrū sacer-
 dotium

dotium regale, quia est secundum ordinem Melchisedech, qui rex & sacerdos fuit. Et hæc de secunda quæstione.

Ad tertiam quæstionem de uerbis eiusdem Petri Apostoli. Ad quæ accedentes &c. Respondetur quod sermo est hic de sacerdotio non propriè, sed metaphoricè. Quod ex cõtextu apparet. Tum ex præcedentibus: nã metaphoricè sermone præponit lapides uiuos, & superædificari in domos spirituales. Tum ex sequentibus, nam metaphoricè quoque sermone subiungit spirituales hostias. Ex his enim manifestum fit quod metaphoricè quoque loquitur de sacerdotio, exhortans fideles ut accedentes ad Christum spiritualibus pedibus, tanquam uiui lapides superædificentur in spirituales domos, & in spirituale sacerdotium ad offerendum spirituales hostias, ubi clarè patere potest totum sermonem esse metaphoricũ: & significari per hoc sacerdotium uirtutis, quo aliquis offert opera uirtutis Deo: ut supra diximus. In cuius signum appellatum est sacerdotium sanctum, à sanctitatis uirtute: cuius est afficere animum ad diuinum cultum. Sanctitas enim licet credatur illam et uirtus quæ est religio: in hoc tamẽ ab ea differt, quod ipsa primò respicit animum, religio uerò opera. Vnde uacantes exteriori cultui diuino, religiosi appellantur: sancti autem minimè, nisi animo mundo ad diuinum se habeant cultum. Ad mundo igitur animo offerendum uirtutis opera Deo, hortatus est, dum in sanctum sacerdotium prouehere Christianos studuit. Nec hinc sequitur aliquod inconueniens aut dedecens sacram scripturam: quoniam aliud est impropriè loqui, & aliud est metaphoricè loqui: ut patet: & metaphorica locutio frequens est in sacra scriptura.

Ad id uerò quod deinde quæritur de spiritualibus hostiis, an meliores sunt &c. respondetur dicendo tria, præmissa tamen prius ratione nominis. Actus uirtutum interior elicitus, & exterius imperatus, si ad honorem Dei fiunt, dicuntur spirituales hostiæ à communi ratione, quia hostiæ sunt secundum spiritum, sicut domus spiritualis dicitur, quia domus est apud spiritum. Interior autem uirtus: Actus ad Deum relatus, dicitur speciali etiam ratione hostia spiritualis, scilicet ratione materiæ: ita quod est utroque modo spiritualis,

& uocatur sacrificium inuilibile à sanctis doctoribus. Primum itaq; est, quod spirituales hostiæ secundum rationem hostiæ sunt diminutivæ hostiæ: hoc est, sunt hostiæ secundum quid, & non simpliciter, ita quod ly spiritalis est conditio quasi diminuens rationem hostiæ, seu dicens hostiam secundum quid. Hostia enim, simpliciter & absolute nomen est corporalis sacrificii. Exemplo. Domus est nomen rei corporalis: & propterea domus spiritalis non est domus simpliciter, sed metaphorice, seu secundum quid. Secundum est quod comparando hostias spirituales hostiis absolute, quæ sunt sacrificia corporalia: meliores sunt simpliciter hostiæ spirituales. Et ratio est: quia hostia spiritalis est uirtutis redditus hominem Deo gratum: & qua nemo potest male uti, sacrificia autem stant cum immundo animo, & illæ sunt propriæ bonis: istæ autem cōes sunt bonis malis: unde Esa. i. dominus dicit. Quo mihi multitudinem uictimarum uerari? incensum abominatio est mihi. Et tandem rationē reddens subdit. Manus uestre sanguine plenæ sunt. Et Dominus in Euangelio Mat. ix. Euntes discite quid est, Misericordiam uolo, & non sacrificium. quod scriptum est Osee vi. ubi adiungitur: Et scientiam Dei plus quam holocaustum. Misericordia enim & scientia Dei spirituales sunt hostiæ. Tertium est, quod hostia noui testamēti in seipsa quidem melior est omnibus, quā sit ipse Christus Deus noster. Sed oblatio eius ex parte offerentium non est melior hostiis spiritalibus, sed quādoque est pessima: ut patet. Quum Petrus ergo Apostolus ad offerendas spirituales hostias inducit, ad meliores offerētibus inducit, quanuis ad diminutiones in ratione hostiæ, Et hæc de tertia quæstione. Posonii in festo Pauli primi eremitæ.

Q V A R T V M I E N T A C V L V M :

de nouem Beatitudinibus Euangelicis.



CCVRRVNT quarto Euangelicæ beatitudines tractandæ, positiæ Matt. quinto. Circa quas antequam singulæ tractentur, quinque occurrunt quæsitæ, Primum, cur Dominus in principio has beatitudines proposuit.

secundo, cur multas. tertio, cur tot: in est siquem, quarto, cur pluraliter. Et quinto, an gradatim enumerentur. Et ad primū quidem quæsitum responderetur, Dominum in principio legis Euangelicæ beatitudines proposuisse duplici ratione. Altera est, quia sunt fines: quia perfectiones istæ quæ ut beatitudines proponuntur, sunt in præterita uita ut fines. Quod ex eo patet, quod quælibet earū proponitur ut uestita beatitudine ex ratione finis ultimi in patria. In qualibet siquidē beatitudine ponuntur quatuor. Primò, perfectio aliqua: puta esse pauperē spiritu esse mitē &c. secundo, ratio beatitudinis, in uerbo, beati. tertio deriuatio beatitudinis, in uerbo, quoniam quarto, finis ultimus in patria, puta regnum cœlorū, possidere terrā &c. Quia ergo in qualibet beatitudine ponitur finis ultimus futurus in alia uita (puta regnum cœlorum &c.) & hic finis, ponitur ut ratio beatus actum propinquam tali fini: puta esse pauperē spiritu, esse mitē &c. consequens ē ut quælibet sit finis. beatitudo enim habet rationē finis. Et merito. nā huiusmodi actus propinqui futuræ uitæ sunt supremæ perfectiones huius uitæ, & ideo habent rationē finis. Et propterea Saluator sapiētissime in principio Euangelicæ legis proposuit utrūque finē & eū scilicet ad quē tādē tēdimus assequēdum in patria: & eū seu eos quibus mediātibus in hac uita appropinquamus ad finē cœlestis patriæ. Finis enim habet rationē principii operabilibus, quia ex fine sumitur ratio operandi. Et hinc habes quā differēter à philosophis Saluator docuerit felicitatem huius uitæ. Illi namque quæsierunt huius uitæ felicitatē absolutē, hoc est in seipsa. Saluator autem docuit huius uitæ felicitatem relatiuē ad æternum patriæ gaudiū: & ideo ut dictum est proponens beatos, apponit quā ipsorum est regnū cœlorum aut aliquid simile. Et propterea illi posuerunt nomina

stram hic beatitudinem quasi præmiū ultimum. Saluator autem ponit nostram hic beatitudinem ut meritum propinquum pariens æternum infuturo præmiū. Altera ratio est, quia huiusmodi perfectionibus rationē habet exemplaris: ad quod in hac uia inspiciendo, mensurare possumus quantum proficiamus & quantum deficiamus a perfectionis apice, ut quum aliquis circa ea quæ sunt mansuetudinis curat proficere, mensuret se aspiciendo ad beatitudinem qua dicitur, Beati mites. Et sic de aliis. Ad secundum quæsitum (cur non unam sed multas posuit beatitudines) respondetur, quod quæadmodū in domo cœlestis patris mansiones multas esse docuit: ita multas beatitudines esse in hac uita reuelauit; quali uias multas perducentes ad cœlestem patriā: ut hinc disceremus non esse felicitatem Euangelicam in hac uita, sicut felicitas quam studuerunt ponere diuersæ philosophorū sectæ: quarū una excludebat aliā: ita quod nō erat felix, uerbi gratia apud Peripateticos, nisi perueniens ad cōtemplationē sapientiæ &c. Christus enim posuit sic beatos in hac uita pauperes spiritu, ut poneret etiā beatos mites, & rursus poneret etiā beatos misericordes &c. ita ut qui misericordię perfectione esset beatus, non excluderet eū qui mūditiē cordis beatus esset: & sic de aliis. Monstraturq; hinc cōesse toti humano generi beatitudines uitæ huius, dum aliis sic, & aliis scire potest.

Ad terriū quæsitū de certo numero, respondetur nouem apud Matth. à Domino propositas beatitudines cōsistentes in nouē affecutionibus perfectionū. Verū septē primæ (quæ solæ cōsueuerunt à multis dici beatitudines) consistunt in septē studiis agendi: vltimæ uero duæ consistunt in perfectione nō agendi sed patiēdi. Quæ inter se distinguuntur ex diuersa patiēdi ratione: dū ratio patiēdi in octaua est deitatis cōfessio secūdū quācūque uirtutē absolute: in nona uerō ratio patiēdi est confessio uerbi incarnati, quod speciale ingerere difficultatē immensitas mysterij monstrat. Sed ad hoc quæsitū plenior responsio post discussas oēs beatitudines apparebit; nō prætereūdo qd ideo solæ primæ septē cōputātur beatitudines: quia solæ ipsæ sunt in potestate studij nostri positæ ut potē in actionibus nostris cōsistētes. Nā reliquæ duæ non
sunt in

sunt in potestate nostra. persecutiones enim in iniquorū potestate sunt: & si nemo nos persequitur, nullus ē qui patiatur persecutionē propter iustitiā aut propter Christū. Septē igitur sunt beatitudines absolute: nouem autem suppositis persecutionibus contra iustitiā & contra Christum.

Ad quartū autem quæsitum (cur quælibet beatitudo pluraliter proposita sit, dicendo beati) respondetur hoc ideo factum esse, ut in qualibet beatitudine multitudo comprehenderetur infinita hominum qui possent si uellent esse secundū illam beati: ita ut non solum multitudo beatitudinem multitudinem monstret beatorum, sed quælibet beatitudo multos comprehendat in hac uita beatos: dum non singulariter dicitur, beatus, sed pluraliter dicitur, beati.

Ad quintum quæsitū ne idem pluries repetatur, seruanda est responsio post declaratas singulas beatitudines, tunc enim præintellectis ipsis beatitudinibus, gradus earum apparebit.

Circa primam beatitudinem (scilicet beati pauperes spiritu quoniam ipsorum est regnum cœlorum) scito duplicē inueniri expositionē. Primo ut declararetur perfectio hominis in ordine ad bona temporalia: quales sunt diuitiæ agri, domus &c. huiusmodi. Secundo, ut declararetur perfectio hominis in ordine ad quæcūq; magnificatiā hominē: ut sunt gloria, fama, dignitas, scientia, sanitas, pulchritudo &c. Et iuxta primum sensum, paupertatis nomen proprie sumitur spiritus uero sumitur pro uoluntate non quacunque, sed spiritali, non quomodolibet, sed per modum impulsus seu affectus: ita quod esse pauperem, spiritu est uelle spiritali ratione & impulsu seu affectu paupertatem: siue secundum exteriorem possessionem sit pauper, siue non.

Quod ut plenius intelligas, recolito apud philosophiam mortalem duas inueniri uirtutes circa dispositionem hominis in huiusmodi rebus: libertatem scilicet & magnificentiam. Satis enim bene dispositus est mortaliter homo in usu huiusmodi exteriorum bonorum, si est liberalis in mediocribus, & magnificus in magnis. Lex autē diuina in ueteri testamento alteriorem uidetur ingerere perfectionē auertēdo interiorem effectū ab homōi bonis. Diuitiæ, inquit, si affluant, noli

te cor apponere. Et rursus, Beatus uir qui post aurum non abiit, nec sperauit in pecuniæ thesauris: quis est hic, & laudabilis eum. Euāgelica autem doctrina perfectiorem animum format, ad contrarium (paupertatem scilicet) cor uertens. Et hoc dupliciter: Hoc est, uel statum paupertatis: iuxta illud si uis perfectus esse, uade, uende omnia quæ habes, & da pauperibus &c. Vel ad internum meritum paupertatis: iuxta hanc beatitudinem. Beati pauperes spiritu. Vbi uidere potes ad quantum perfectionis apicem ascendit pauper spiritu superato tam liberali quam magnifico recte utente temporalibus bonis superato quoque tollente affectum suum ab huiusmodi bonis, dum affectum suum ad contrarium (paupertatem scilicet) habet. Et quia paupertas non est laudabilis secundum se, ideo non est dictum. Beati pauperes uoluntate: sed spiritu: hoc est uoluntate spiritali: qualis est uoluntas paupertatis propter bonum spiritale. Et quoniam huiusmodi spiritalis uoluntas inueniri potest, uel per modum acceptatis (cuiusmodi est uoluntas hominis parati sustinere propter bonum spiritale paupertatem si illata fuerit) uel per modum affectus seu impulsus (cuiusmodi est uoluntas desiderantis propter bonum spiritale paupertatem: & hic modus longè præstantior est, & significatur per nomē spiritus) ideo descripti hoc in loco pauperes spiritu, ad summum perfectionis apicem se undum internum meritum peruenerunt. Nec minores sunt merito essentiali iis qui ob perfectionis studium exteriora relinquunt ut sequantur Christum: facerent siquidem & hoc pauperes spiritu, si uiderent expedire.

Aduerte hic tam pro hac quam pro aliis beatitudinibus, constitui beatitudinem in perfectionis apice, sic ut progressus & distinctio incipientium, proficientium, & perfectorum admittatur in qualibet. Et perfecti quidem beati absolute dicuntur: alii uero quantum sapiunt illas perfectionem, tantum sapiunt, beatitudinis. Verbi gratia, iuxta hanc beatitudinem perfecti sunt qui uoluntate spiritali per modum impulsus afficiuntur ad paupertatem, & simpliciter dicuntur beati pauperes spiritu. Vt proficientes uero sunt, qui spiritali uoluntate parati sunt paupertatem si uenerit, sustinere. Et quasi incipientes sunt, qui affluenibus diuitiis cor non apponunt.

Vide

Vnde, & utrique a beatis pauperibus spiritu non omnino excluduntur: sed inter ipsos quodammodo computantur. Ea sic de similibus. Hæc de primo sensu.

I Vsta secundum autem sensum, quo optima dispositio hominis ad quæcunque ipsum magnificentia describitur, Paupertatis nomen metaphoricè sumitur: & significat insufficientiam hominis ex seipso. Et bene nota quod non significat insufficientiam hominis, sed insufficientiam hominis ex seipso. Quod ut plenius intelligas, recolito hominem sicut, & quamlibet rationalem creaturam duo habere. Alterum ex seipso, & hoc est insufficientiam, & uniuersaliter defectus. Alterum, ex diuina largitate, & hoc est sufficientia, & uniuersaliter bonum. Docuit hanc distinctionem Apostolus. ij. ad Corint. iij. scribens, Non quod sufficientes simus cogitare aliquid à nobis, quasi ex nobis, sed sufficientia nostra ex Deo est. Vnde manifestè cernis Apostolum distinguere id quod conuenit nobis quasi ex nobis, & hoc esse insufficientiam, & id quod cōuenit nobis ex Deo, & hoc esse sufficientiam. Quod ut plenius adhuc intelligas, accipe exemplum ab aere illuminato siue à sole, siue à lucerna: est enim ibi distinguere id quod conuenit aeri ex se, & id quod conuenit aeri ex illuminante, aer nanque ex se nullum habet lumen, sed quantum est ex se, semper est tenebrosus: quicquid autem luminis habet, & quicquid potest ex lumine q̄ habet, ab illuminante habet. Sic quoque in nobis inuenitur, q̄ nos ex nobis nullum habemus bonum, sed defectus & insufficientiæ pleni sumus: ex Deo autem habemus quicquid boni habemus. Et sicut in aere quantumcunque illuminato semper durat tenebrositas quantum est ex parte aeris (quia semper aer, quantum est ex se, tenebrosus est) ita in homine semper perseverat secum insufficientia huiusmodi: quia quantumcunque perfectus non solum in hac uia, sed in patria homo sit, semper hanc conditionem retinet, quod quantum est ex se, est insufficientis ac defectiuus: propter quod de beatis Angelis scriptū est. Tremūte potestates. Bona siquidem à Deo nobis collata, non ad hoc conferuntur ut tollant huiusmodi insufficientiam, sed ut faciā nos ut Dei ministros, idoneos ac bonos, sufficientes, &c. ita q̄ nos tanq̄ ex nobis semper insufficientes inuenimur, & nosmet

tanquam Dei cooperatores & ministri, potentes, scientes, boni, & uniuersaliter sufficientes inuenimur: Habes ergo ex his omnibus quid metaphorice paupertatis nomine in proposito intelligamus: scilicet insufficienciam hominis ex se ipso. Spiritus nomine interiorem affectum per modum impulsus intellige. Restat ut explanetur quid significat hoc coniunctum scilicet Pauperes spiritu. Non enim significat proprie loquendo habentes pauperem spiritum. Vnde & Dominus non dixit, Beati pauperes spiritu, quod significaret habentes pauperem spiritum & in promptu ratio est, quia spiritus non debet esse pauper sed magnus & diues. pusillus enim spiritus uitium est, sicut paupertas spiritalis. Sed significat utentes in suo spiritu (id est affectu) paupertate dicta, hoc est in sufficientia propria. Quod ut plenius intelligas, considera huiusmodi paupertatem seu insufficienciam non esse de genere bonorum seu laudabilium, neque de genere peccatorum seu uituperabilium, sed conditionem necessario concomitantem rationalem creaturam. Et licet ipsa insufficiencia non sit in se laudabilis: usus tamen eius secundum rectam rationem ualde commendabilis est. Dictat autem recta ratio, ut huiusmodi insufficiencia utamur dupliciter in studiis, & affectibus nostris. Primo ut remouente prohibens: hoc est ut tollente impedimentum optimi progressus spiritus nostri. Impeditur siquidem plurimum spiritus noster, ut utamur illo tanquam sufficientes, usurpamus nanque tunc sufficientiam nostram tanquam ministrorum Dei: & facimus nostram absolute dum ad studia nostra & opera nostra procedimus tanquam sufficientes: quum tamen in ueritate aut sufficientiam ad id habemus tanquam Dei ministri uel totaliter non habemus. Si animi uteremur in sufficientia nostra applicando illam ad remouendum impedimentum studiorum nostrorum (hoc est ad remouendum impedimentum, quo scilicet procedimus in operibus nostris tanquam nolipsi sufficientes simus) sic paupertas huiusmodi redundaret in spiritum per laudabilem ipsius usum. Et sic quum dicitur, beati pauperes spiritu, significantur beati in suo spiritu utentes seipsis tanquam insufficientibus. Ac si aperte diceretur: Beati qui in affectibus: & studiis suis se habent tanquam insufficientes in seipsis. Utimur secundo lau-

dabiliter

dabiliter huiusmodi paupertate seu insufficientia per redun-
 dantiam in nostrum spiritum secundum conformes ipsi pau-
 pertati seu insufficientiae affectus: conformis nanque affectus
 huiusmodi paupertati est affectus subiectionis, recursusq; ad
 eum à quo est sufficientia. Sicut enim extrinsecus pauper cum
 obsecrationibus loquitur, non confidens in seipso, sed recur-
 rens ad alium, & subiciens se, ita interna hæc insufficientia
 seu paupertas parit affectum in se non confidentis, sed recur-
 rentis ad Deum, & subicientis se illi, & reuerentis &c. Et sic
 cōplectēdo totū beati pauperes spiritu dicuntur, q in opibus
 suis & seipsis utuntur ut insufficientibus, & affectus habēt cō-
 formes huiusmodi paupertatis. Et hoc à multis doctoribus ap-
 pellant paupertas spiritus. Sūma autē pfectio in huiusmodi pau-
 ptatis usu cōsistere uidetur ī hoc q quā deliberate opatur in-
 tus uel extra, non solum ex electione deliberatē & ex humili-
 tatis habitu inclinante, sed per modū impulsus seu impulsui
 affectus utatur seipso tanq insufficiente & rursus q homo in af-
 fectibus suis quos quasi non deliberando habet, utatur seipso
 tanquā in sufficiente, tanquā is qui spiritu Dei agitur. Et ad
 tam eminentē pfectionem designandam nomine spiritus Sal-
 uator usus est, dicens, beati pauperes spiritu. Quod fit ut pau-
 per spiritu excedat non solum cōmunē apud morales philo-
 sophos qui contra morālē supbiā rectē dispositus ponitur sed
 etiā humilē apud sacram doctrinam, qui contra tam latam su-
 perbiam bene dispositus est, quanto spiritus reuerentialis ti-
 moris Dei præstantior est utroque. Et humilitatis quidē exē-
 plum atq; magistrū se Dñs exhibuit, dicens. Discite à me quia
 humilis sum corde. Reuerentialis autē spiritus efficaciam in
 ipso Dño scripsit Apostolus, quod in omnibus exauditus est
 pro sua reuerentia: Extenditur autē hæc beatitudo ad quæcun-
 que magnificentia hominē (siue sint exteriora bona siue cor-
 poralis, siue aīæ, tā naturalia quàm gratuita) magnificamur
 enim ex diuitijs, gloria, honore, laude, sanitate, pulchritudine
 ingenio, scientia, prudentia, & demum infusis diuinis donis:
 ex quibus periclitamur, ne sufficientiam quum in nobis tan-
 quam Dei ministris ponunt usurpemus nobisipsis, unde &
 Paulus dicebat: Ne magnitudo reuelationum extollat
 me &c. Et propterea qui ad hanc beatitudinem perueniunt,

ij sunt qui implent præceptum Petri Apostoli, ad omnia se habentes ut cooperatores, & ministri Dei. Ait enim: Vnusquisque sicut recepit gratiam in alterutrum illam administrantes sicut boni dispensatores multiformis gratiæ Dei. si quis loquitur, quasi sermones Dei, si quis ministrat, tanquam ex uirtute quam administrat Deus, ut in omnibus honorificetur Deus. Et simile est de aliis operationibus præceptum intelligendum quoniam eadem est ratio omnium. Et quoniam internas nostras dispositiones ex delectatione, & tristitia cognoscimus, & mensuramus, si quis seipsum nosse uult quantum utatur, uel non utatur seipso ut insufficiente in operibus suis, aduertat quantum tangitur delectatione quum magnificatur, honoratur, laudatur, &c. ab aliis: aut etiam quum sibi occurrit se æstimari, magnificari, laudari, &c. Et similiter quantum tangitur tristitia, quum contraria horum de seipso occurrunt in animo, uel ab aliis inferuntur. Qui enim huiusmodi delectationibus, uel tristitiis tangitur, pauper spiritu non est: quoniam pauperi spiritu nihil est admirabilius, propria laude, nec gaudet aut tristatur de huiusmodi, nisi pro quanto Deus in suo ministro honoratur, uel dehonatur.

DE præmio autem huius beatitudinis (scilicet quoniam ipsorum est regnum cœlorum) duo dicenda essent. Primum, cur regnum cœlorum respondet huic beatitudini.

Secundo cui hoc præmium significatur per uerbum præsentis temporis, quum in aliis beatitudinibus ponatur uerbum futuri temporis. Et hæc secunda dubitatio communis est etiam octauæ & nonæ beatitudini: quoniam in his tribus significatur præmium per uerbum præsentis temporis: in reliquis uero sex per uerbum temporis futuri. Et rursus in his tribus significatur uerbum substantiuum, scilicet est: in aliis uero per alia uerba, uidebunt, consolabuntur, &c. Sed hæc communia in fine omnium beatitudinū dicentur. Ad primū autem in promptu est responsio ex illa diuina regula: Qui se humiliat, exaltabitur. Rationis siquidem ordo poscit ut qui uoluntario spiritu paupertatem amplexus est aut seipsum abiecit. Utendo seipso ut insufficiente, exaltetur in regni cœlestis diuitias celsitudinem dignitatem, gloriam, &c. quæ regni nomine importantur. Et hæc de prima beatitudine.

Circa

Circa secundam beatitudinem (Beati mites, quoniam ipsi possidebunt terram) aduertendum est mitem respicere duas materias: quarum principalis est uindicta, secundaria autem exterior mos. Et quantum ad uindicabilem materiam spectat, mites dicuntur qui non uincuntur à malo: sed uincunt in bono malum. Non enim uincuntur à malis iniuriarum, iræ, perturbationis & tristitiæ, sed imperturbati, & immutati accessibiles & tractabiles permanent sicut prius erant antequam huiusmodi uindicabilia occurrerent: uincunt autem in bono malum, dum affabiles utiles ac suaves seipsos exhibent iis qui puniendi seu obiurgandi occurrunt. Et hoc proprium uidetur esse mitis, unde apparet quod mitis superat lenem mansuetum, ac clementem, dum placida suauitate seipsum impugnantibus exhibet etiam utilem. Est autem perfectio hæc tanta, ut Saluator ipse magistrum ac exemplum eius specialiter se exhibuerit, dicens, Discite à me quia mitis sum. & Deum mereatur habere pro interno doctore, iuxta illud, docebit mites uias suas: Et Moyses (de quo Nu. xij. scriptum est quod erat mitissimus super omnes homines qui morarentur in terra) creditur à Diony. ob hanc uirtutem habuisse tantam cum Deo familiaritatem. Apparet quoque excellentia eius ex eo quod religionem ipsam reddit Deo acceptabilem, testante hoc Dauid, qui ut sua in Deum religio memorabilis apud deum esset propriam interponit mansuetudinem, quæ minus quid est quam mititas, dicens Memento domine Dauid, & omnes mansuetudinis eius: Sicut iurauit domino, uotum uouit Deo Iacob. Si introiero in tabernaculum domus meæ, &c. donec inueniam locum domino, tabernaculum Deo Iacob, &c. uotum siquidem, & iuramentum de inueniendo tam sollicitè locum domino quod fecerat mansuetudine interposita, memorabile apud deum proponit. Vnde multò magis acceptabilis foret, si mititas fuisset allegata. In secundaria uero materia (hoc est in moribus) superat mitis modestum, & affabilem: dum sicut in animo, ita in suis moribus exterioribus placida suauitate omnibus se exhibet, & sicut fructus arborum mitis ad se allicit. Quocirca totaliter (hoc est in utraque materia) mites meritò beati sunt, utpote suorum morum intus & extra possessores.

E T iure assignatur eis pro præmio possessio terræ: ut qui in hac ultia iura sua prosequi noluerunt ad superandos occupatores, fiant possessores terræ non instabilis aeris, aut fluentis aquæ bonorum temporalium, sed solidæ ac firmæ terræ uiuentium.

C Irca tertiam beatitudinem, Beati qui lugent, quoniam ipsi consolabuntur: occurrit statim quæstio cur lugere sine bonificante aliquo positum est inter beatitudines, quum lugere non sit de genere bonorum, sed computetur potius inter mala: quum tristitia sit mala naturæ (iuxta illud Eccl. 30. Multos occidit tristitia, & non est utilitas in illa) & nō sit bona moraliter: imò ut dicitur vij. Ethi. Prudens non intendit tristari. Et augetur quæstio ex eo quòd paupertas posita in prima beatitudine: quia non erat de genere bonorum posita est cum adiuncto bonificante, dicendo, beati pauperes spiritu, & non absolutè beati pauperes hic autem sine adiuncto bonificante dicitur, beati qui lugent. Occurrit quoque quæstio altera, cur inter beatitudines annumeratus est luctus, & non gaudium. In nulla enim harum beatitudinum dicitur, beati qui gaudent: quum tamen gaudium magis pertineat ad regnum Dei, quàm luctus. scriptum est enim, Regnum Dei est iustitia, pax gaudium in Spiritu sancto.

A D primam quæstionem respondetur de tristitia posse loqui dupliciter, uel absolutè, uel ex suppositione præsentium malorum. Et absolutè quidem neque est bona naturaliter, neque moraliter, quoniam, & nocet naturæ (utpote inquietudo eius) & nullam habet rationem moralis boni: & sic a prudentibus refugitur. Suppositis autem præsentibus malis tristitia bona est: utpote consequens & ad naturaliter & ad moraliter bonos actus, ponit enim tristitia præsuppositi præsentis mali in parte cognoscitiua sensationem seu perceptionem, in parte uero appetitiua refutationem. Et ambo bona esse ex eo patet, quod malè dispositus est qui præsentia mala, aut non percipit, aut non refutat, utpote insensibilis seu stupidus si non percipit, & corruptus si non refutat: ex his enim duobus bonis fit tristitia.

Et quia in dubium non uertitur: sed cōstat mala esse in hac uita, ideo tristitia si alias habet circumstantias, inter bona computari

putari potest in statu præsentis uitæ. Nec est posita à Donu-
no inter beatitudines sine aliquo bonificante: sed bonificatio
eius ex parte materiæ significata est ex hoc ipso quod dictum
est: Beati qui lugent, non hoc, uel illud, sed qui lugent abso-
lute. Ex hoc enim significatur qui lugent non ob malum se-
cundum quid (quale est omne malum temporale) sed ob ma-
lum absolute: quod solum est id quod est contrarium ab-
solute bono, quod est uita æterna: ita quod dicendo, beati
qui lugent, dixit, Beati qui lugent ob mala præsentia con-
traria uitæ æternæ, & sic bonificauit luctum ex parte mate-
riæ. Rursus bonificatus est luctus ex parte agentis, seu lu-
gentis, ex hoc ipso quod significatus est per modum actionis,
proculdubio humanæ ac per hoc uoluntariæ, ex hoc ipso e-
nim quod ponitur non quasi illata passio, sed quasi assumpta
uoluntariæ actio, ad ordinem moralium, & meritorum ad quæ
transfertur, lugere siquidem non est tam tristitia quam tristi-
tiæ effectus, sicut flere. Vnde & lugere dicuntur tã uiri quàm
mulieres, quandiu lugubres se exhibent ob mortem charo-
rum, uel aliquid huiusmodi, & Dominus ad Samuelem pri-
mi Reg. xvj. ait: Vsq̃uequo tu luges Saul. quû ego abiecerim
eum, tanquàm in potestate Samu- lis, esset lugere, est igitur
actio quædam. Et si his iunxeris quod lugere est secundum
se triste, & amarum quid resultabit hinc quod lugere impor-
tat uoluntariam actionem tristem seu amaram, ac per hoc ut
medicinalem actionem assumptam. Voluntas siquidem, recta
non assumit huiusmodi amara nisi sicut medicus utitur me-
dicinis: quoniam ex se non habent rationem appetibilis, sed
propter aliud. Vnde lugere ex hoc ipso quod significatur ut
tristis actio uoluntaria seu humana, bonificatum est ex men-
sura rectæ rationis ac uoluntatis. Et dicendo, beati qui lugent
significati sunt qui officiosè lugent. & ex integro significatio
nem adunando, quum dicitur beati lugent significatur beati
qui officiosè lugent ob præsentia mala contraria uitæ æter-
næ. Et propterea non opus fuit aliquod adiunctum bonifi-
cans explicite apponere, sicut in prima beatitudine apposi-
tum est. Paupertas enim non habet rationem actionis, sed
significatur ut defectus, & propterea indiguit adiuncto bo-
nificante. Secus autem est de luctu significato absolute per

modum actionis humanæ, ut declaratum est.

AD secundam uero quæstionem dicitur quòd quia beatitudines perfectiones summæ ponuntur, & gaudium præsentis uitæ inchoationis magis quàm perfectionis rationem habet (quoniam exiguum quoddã initiũ est æterni gaudij: utpote carens præsentia boni æterni de quo est) ideo inter beatitudines non est computatum secundũ seipsum. Sed nec omnino prætermissum est quoniam positũ est in suis radicibus in sexta & septima beatitudine: quoniam mūditiã cordis iuge conuiuiũ est, & pax gaudium magnum parit. Explicauit nihilominus Dominus in nona beatitudine gaudiũ, non ut ipsam beatitudinem, sed ut annexum, dicens Gaude te & exultare, quoniam merces uestra &c. Luctus autem merito inter beatitudines locatus est: quoniam maximam ponit perfectionem in uiatoribus inter tot & tanta mala præsentis peregrinationis constitutis. Quòd si non percipis, circũspice præsentia mala à uita æterna abducentia (puta quòd quandiu sumus in corpore, peregrinamur à Domino & patria cœlesti, quòd caro concupiscit aduersus spiritum, quòd tot mala peccatorum propriorum, alienorum continuè emergunt, quòd creaturæ factæ sunt in odium & in tentationẽ animæ hominũ, & in mœcupulam pedibus insipientium, quòd cogitationes mortalium timidæ, & incertæ prouidentia nostræ: & alia huiusmodi) & uidebis quàm insensati sumus, qui hæc præsentia nobis mala non sentimus: & si percipimus, quòd alieni à spiritali natura & uita sumus, si non displicent: & si displicere uidentur, si non propterea tristamur seu lugemus, sed pertransimus, quasi nostra non intersit, quasi in somnis huiusmodi mala uideamus: quasi non uerè displiceant. Et inde poteritis suspicere excelsam illorum perfectionem qui hæc sentientes & abominantes (utpote habentes pro consuetudine exercitatos sensus ad discretionem boni & mali) lugent, aut cum Dauid, Heu mihi quia incolatus meus prolongatus est, aut cum Paulo, Infelix ego homo, quis me liberabit de carcere mortis huius? aut cum Ezechiam, Recogitabo tibi omnes annos meos in amaritudine animæ meæ. aut cum Propheta, Vidi præuaricantes, & tabescebam: quia eloquia tua nō custodierunt, & similibus.

Et

Et sic videbis quàm necessarium fuerit in catalogo beatorum in hac uita adscribere etiam beatos qui lugent. Et meritò: quum enim delectabilia mundi huius plurimum à uirtute abducant, multatq; sint propterea bonæ animi dispositiones, seu uirtutes positæ circa delectationes & tristitias (ue continentia, abstinencia, sobrietas, temperantia, & poenitentia) longe excellentior perfectio lugentium inuenitur: qui non solum à delectationibus se alienant, sed ad contraria se erexerunt, assumendo uoluntarium luctum: fortiri à celesti patre in hac peregrinatione irriguum inferius: & irriguū superius: non uano aut sterili luctu tacentes, sed seminantes in lachrymis: hoc est, sementinam uirtutem lachrymis luctus tribuentes in uitam æternam fructificantem.

Sub hac beatitudine comprehenduntur qui in hac uita statum uoluntarij luctus sumunt pro coelesti patria: ut sunt religiosi, & aliæ personæ ab renuntiantes delitijs & delectationibus carnis ac mundi: & Dei seruitio in puritate se mancipantes in ueritate: quibus præmium suapte natura debitum reservatur, quoniam ipsi consolabuntur in coelesti patria. Hæc de tertia beatitudine.

Circa quartam beatitudinem. Beati qui esuriunt & sitiunt iustitiam, quoniam ipsi saturabuntur, dubium statim occurrit, an iustitia in proposito sumatur generaliter pro re & beatitudine seu bonitate qua recti seu boni dicimur: iuxta qd scriptum est, iustus ex fide uiuit. Vel specialiter ut specialis uirtus est, reddens unicuique quod suum est, de qua scribitur, Diligite iustitiam, qui iudicatis terram. Vtrunque enim ambiguitatis ratio est. Nam si sumitur generaliter iustitia, sequetur quod beatitudo hæc communis est, reliquis beatitudinibus, quia quælibet alia beatitudo aliquam specialem bonitatem seu rectitudinem ponit. & sic reliquæ beatitudines comprehenderentur sub ista tanquam species sub genere, quod est absurdum: si autem sumitur iustitia specialiter, sequitur primo quòd ad hanc beatitudinem ponatur spectare desiderium punitionis malorum: puta quod homicida occidatur: quòd latro suspendatur &c. quoniam punitiones huiusmodi iustitiæ sunt. Sequitur secundo ad hanc beatitudinem spectare desiderium punitionis propriæ: hoc est quòd
ipsemet

ipse metipsum puniatur iuxta propria demerita: quoniam hoc iustitia est. Vtrumque autem horum apparet inconueniens. Et primum quidem repugnat secundæ beatitudini: qua mites non solum elongant se à punitionibus, sed puniendis utiles se exhibent. Secundum autem contrariatur communi uiatorum desiderio: in quorum persona Propheta dicit: Non intres in iudicio cum seruo tuo: quia non iustificabitur in conspectu tuo omnis uiuens. Qui enim hoc petit, proculdubio desiderat se non subiici iudicio punitiuo.

Ad hanc dubitationem dicitur quod utroque modo intelligi potest hoc in loco iustitia, & si intelligitur iustitia specialis quæ reddit unicuique quod suum est: instendum est in hoc quod est sermo de iustitia absolutè & non de iustitia tali (puta punitiua seu uindicatiua) & similiter est sermo de iustitia absolutè, & non de iustitia in hoc. Iustitia autem absolutè, bonum iustitiæ importat: ac per hoc ad beatitudinem hanc directe spectat desiderare iustitiam absolutè, hoc est bonum iustitiæ, ex consequenti autè seu in casu necessitatis ad eandem spectat non refugere iustitiam talem: & similiter non refugere iustitiam in hoc. Et hinc soluuntur obiectiones. Vtraque namque obiectio desiderio iustitiæ punitiue soluitur per hoc quod non est hic sermo de iustitia tali, sed de iustitia. Huius contrarium non petit peccator dum refugit iudiciū: quoniam fugiendo unum modū iustitiæ petit alium iustitiæ modū. Fugit enim iudicari scđm propria merita, appetendo iudicari secundum merita Christi, iuxta uerbū Pauli ad Philippen. iii. Vt inueniar habens iustitiam quæ ex fide Iesu Christi. Vnde & ibidem Propheta petit, Exaudi me in tua iustitia. manifestans per hoc, appetere se iustitiam Dei: fugere autè iustitiā propriam. Si autem intelligitur iustitia generaliter pro bonitate seu rectitudine, optimè quadrat: nec sequitur aliquod absurdum. Tum quia alix beatitudines non attendūt ad formalem rationē generalis iustitiæ, sed ad quasdam rationes speciales: ut patet discurrendo per singulas. Et propterea formaliter loquendo non se habent alix beatitudines ad istam, ut species ad genus. Tum quia beatitudo ista attenditur penes perfectionem humani desiderij: quod in nulla alia beatitudine attenditur: ut patet discurrendo

discurrendo per singulas. Confurgit siquidē beatitudo hæc ex inopia bonorum seu bonitatis inuentæ in præsentī uita, sicut præcedens beatitudo (scilicet beati qui lugent) confurgit ex copia malorum præsentis uitæ : ita quod sicut ibi ex abundantia malorū quæ in hac peregrinatione inueniuntur, perfecti lugent: sic ex inopia bonitatis inuentæ in hoc exilio, perfecti esuriunt : & sitiunt bonitatem. Et propterea magis consonat literalī sensui sumero iustitiam generaliter quam specialiter. Est autem desiderium hoc non appellatum desiderium, sed fames & sitis, multiplici ratione. Tum ut ostendatur uehementia desiderii. Tam enim fames quàm sitis uehementem appetitum importat. Tum ut ostendatur quasi naturalitas, quemadmodum tam fames quàm sitis ex natura prouenit : ita desiderium uehemens iustitiæ ut naturale inest perfectis secundum naturam spiritualem secundū quā ex Deo nati sunt : iuxta illud, Quod natum est ex spiritu spiritus est. Tam ad ostendendam qualitatem indigentiae, quod scilicet perfecti desiderant iustitiam seu bonitatem tā quam cibum & potum, quo indigent esurientes & sitientes. Tum ad ostendendam integritatem desiderij, & ex parte desiderantis : quia scilicet utrumque desiderium habet famis & sitis, hoc est animæ & carnis : iuxta illud. Sirit in te anima mea : quā multipliciter tibi caro mea. Et ex parte iustitiæ desideratæ ut completi alimenti respondentis fami & siti : quoniam perfecti desiderant bonitatem omnifariam.

Locata est igitur in hac beatitudine perfectio eorum qui esuriunt & sitiunt iustitiam (hoc est iustitiæ bonum) usque adeo inueniri, & sic unicuique dari quod suū est, quo ad usque ad hoc perueniatur, ut Deus sit omnia in omnibus, in hoc enim consummabitur omnis iustitia, quum Deus erit in omnibus ratio omniū, & esuriunt ac sitiunt iustitiā (hoc est rectitudinem bonitatemque) inueniri ac augeri quo ad usque Deus sit omnia in omnibus : in hoc enim consistit consummatio omnis bonitatis. Et merito perfectis semper in hac uita esurire & sitire reputatur iustitiā : quia tāta est hic penuria iustitiæ, ut semper esurientes & sitiētes relinquat : iuxta illud. Qui edunt me, adhuc esuriēt : & qui bibūt me adhuc sitiēt.

Quo

Quò fit ut horum perfectio iustos superet, sunt. n. plus quam iusti, quibus non sufficit quòd ipsi sint iusti, sed esuriunt, & sitiunt iustitiam magnificari. Et sunt plus quam boni: quibus non sufficit quòd ipsi sint boni, sed ipsi esuriunt, & sitiunt bonitatem multiplicari, magnificari, &c.

Istis meritò saturitas quæ in hac uita haberi nequit, in cælesti patria in præmium reservatur: iuxta illud, Satiabor quùm apparuerit gloria tua. Hæc de quarta beatitudine.

Circa quintam beatitudinem. Beati misericordes, quoniam ipsi misericordiam consequentur, recole misericordiam uirtutem esse sub leuitiam alienæ miseriæ, hoc est defectus. Misericordia enim directè respicit defectum ut tollendum. Et possunt in ea considerari tria: scilicet operatio exterior, qua subuenit indigenti, affectus interior quo appetit subuenire indigentibus, & interior utriusque ratio, qua alienas miseras proprias facit: ideo & appetit tollere illas, & tollit illas si potest. Vnde misericors excedit tam beneficium quam munificium, communicat siquidem cum eis in primis duobus, hoc est in actu benefaciendi, & in appetitu benefaciendi, sed superior est eis in modo, dum misericors intantum afficitur ut alienos defectus proprios faciat, dum sic ad eos tollendos se habet, & afficitur, quasi proprii essent. Est autem tantæ eminentiæ misericordiæ uirtus, ut sola inter uirtutes deo propria dicatur: iuxta illud, Deus cui proprium est misereri. Et omnibus supereminat: iuxta illud Psal. Miserationes eius super omnia opera eius. Solus siquidem Deus naturaliter est miseriæ seu defectus expers: ac per hoc solus potest in miseriam absolutè, quæ omnem comprehendit. Et misratio eius, quæ misericordiæ actio formalis est quasi supernatans in singulis & omnibus operibus Dei inuenitur non solum materialiter tollendo aliquem defectum, sed formaliter quia ex intentione Deus ad hoc tendit, ut tollat in singulis & omnibus aliquem defectum. Propter quod merito appropriatur ei non solum quod est misericors, sed quod est miserator, iuxta illud, Misericors & miserator Dominus. Quo fit ut misericordes tanquam diuinam proprietatem participantes, inter beatos computentur.

Et uere ad summum perfectionis apicem in materia miseria-

riarum tollendarum ascenderunt, qui misericordes sunt simpliciter & absolute: hoc est, qui non solum iunctis sanguine, amicitia, ciuilitate, & cæteris huiusmodi necessitudinibus: sed miseris, quicunque sint illi, misericordes se exhibent, affectu quidem indefessè, opere autè iuxta uires: ut semper sint misericordes: miserratores autem quum possunt, aut occasio miserationis se offert.

Et licet proprias misericordiæ miserrias misericordia humana nō tradat obliuiois, iuxta illud, Miserere animæ tuæ placens Deo: perfectio tamen misericordiæ ad alienas tollendas miserrias tendit proprias eodem meritorio misericordiæ actu tollendas reddens.

Et propterea reponitur misericordibus in præmium ipsi misericordiam in cælo consequentur: hoc est a miserris omnibus leuabuntur. Iure enim ab omni debet exui miserria in patria, qua in hac peregrinatione aliorum miserrias quasi suas curauit. Hæc de quinta beatitudine.

Circa sextam beatitudinem, Beati mundo corde: quoniā ipsi Deum uidebūt, duplex quæstio occurrit. Prima est cur beatitudo hæc non significat aliquā. Munditiā enim nullam perfectionem significat, sed imperfectionem immunditiæ excludit: sicut nō peccare, nullā perfectionem sonat: sed imperfectionem peccati excludit. Omnes siquidem beatitudines non solum perfectionem, sed perfectionem summam ponere debent.

Secunda est, cur beatitudo hæc nullā operationem sonat: quū omnis beatitudo secundum operationem aliquam attē datur. Nam neque munditia, neque cor operationem significat: ut patet.

Ad primam quæstionem dicitur quod licet munditia simpliciter & absolute non significet perfectionem munditia tamen tale subiectum afficiens magnam ponit perfectionem: sicut non peccare absolute nullam perfectionem ponit: sed non peccare positum in utente libero arbitrio, magnā perfectionem ponit, maxima siquidē perfectio est quod homo utatur libero arbitrio sine peccato. Ita in proposito licet munditia sonet negationem immunditiæ, ac per hoc nullam perfectionem significet: munditia tamen afficiens cor,

scamus præparationem humanæ mentis ad uidendum Deū, non consistere in perficiendo partem speculatiuam (ut philosophi tradunt, ponentes sapientes maximè appropinquare Deo) sed in perfectione partis affectiuæ quæ cor uocatur: ita quòd ex hoc quod non doctis, & sapientibus, sed mundis corde promittitur uisio Dei: & scimus uiam, præparationem ac meritum perueniendi ad uidendum Deum, consistere nō in scientia & sapientia, sed in carnis munditia, si uisus consequenter quod communis est præparatio uiaque ista omnibus hominibus quantumcunque idiotis, & inruditis: quoniā mundiciam cordis minima uetula habere potest.

Hæc de sexta beatitudine.

Circa septimam beatitudinem (Beati pacifici, quoniam filii Dei vocabuntur) uide primò gradus perfectorum secundum pacem. In primo siquidem gradu sunt qui in seipsis pacem habent, hoc est tranquillitatem ordinis: ita ut lex carnis non repugnet legi mentis: sed ita spiritus imperat carni, ut totus homo inhæreat cum tranquillitate Deo. De istis scriptum est: Pax multa diligentibus legem tuam. In secundo uero gradu sunt, qui etiam cum omnibus hominibus pacem habent, iuxta Apostoli mandatum: Si fieri potest, quod ex uobis est, cum omnibus hominibus pacem habentes. In supremo autem gradu sunt quibus non sufficit quod in seipsis & cū aliis sint pacati, sed student ad faciendam pacem, unde & pacifici uocantur. Faciunt autem pacem, non hanc, uel illam neque omnem pacem (quā scriptū sit. Non ueni pacem mittere in terrā, sed gladium) sed faciunt pacem absolutē, hoc est cœlestem seu diuinam quam Saluator sibi propriam dixit, Pacem, inquit, meam do uobis quæ inimicitiam tollit inter hominem, & Deum: quæ cunctis in homine repugnantibus tranquillitati cœlesti contrariatur. Et rursus faciunt pacem non inter hos & illos sed simpliciter inter omnes, etiam pacis inimicos: iuxta illud, Cum his qui oderunt pacem, eram pacificus. Et propterea dicitur absolutē, Beati pacifici.

Hanc perfectionis beatitudinem insinauit Saluator in Apostolis, mandans illis ut pacem secum ferant in quantumcunque domum intrantes: & dicant non solo uerbo, sed studio

tur impossibile. Et patet sequela: quia ex eo quod patitur propter iustitiam, patitur iniustum: & ex eo quod uoluntarie, patitur uolens. Altera quæstio est, quomodo sumitur hic iustitia: in sua scilicet communitate, an restringatur. Nā si iustitia secundum suam cōmunitatem sumitur, non relinquatur locus nonæ beatitudini: quoniam sub iustitia, comprehenditur etiam illa. Si uero restringitur, oportet aut uoluntarie restringere, aut rationem restrictionis assignare: quoniam in littera nulla restrictionis nota ponitur.

AD primam quæstionem dicitur, quod proculdubio hic est sermo de pati non simpliciter & absolute (quoniā pati nullum bonum est) sed de pati uirtuosè, hoc est patienter & ex charitate: quod est pati uoluntarie, saltem faciendo de necessitate uirtutem. Nec ex hoc sequitur q̄ aliquis patiatur iniustum uolens ipsum iniustum, quamuis patiatur uolens ipsum pati. Vir enim bonus non uult iniustum quod sibi infertur, sed uult illatum sibi sustinere.

AD secundam quæstionem dicitur, quod hic est sermo de iustitia generaliter quidem sumpta, ut tamen distinguitur a mysterio uerbi incarnati. Et quod ratio restringendi iustitiam, inò restrictum ipsum uidetur ex littera ex hoc ipso quod apponitur noua beatitudo circa mysterium uerbi incarnati: ipsa nanque distinctio harum duarum beatitudinum cogit fateri earum diuersitatem, ac per hoc iustitiam in octaua sumi pro iustitia absolute, secluso incarnationis mysterio. Et uidetur directè iustitia considerari absolute, in ordine ad Deum etiam si mysterium incarnationis nō esset. Quo circa illi in octaua locantur beatitudine, qui tantæ perfectionis sunt ut pro quocunque uirtutis actu eligant tolerare quascunque eis illatas passiones: siue ille actus uirtutis sit secundus legem diuinam, siue naturalem, siue canonicam, &c. Iuxta hac enim beatitudinem Machabæi ut nō comederēt carnes porcinas contra diuinā legem. Ioānes Baptista ne omitteret correctionem Hærodis. Thomas Canthuariensis pro libertate Ecclesiastica, beati fuerunt: nullus enim horum passus est propter Christum proprie loquendo, sed propter iustitiam, in fide tamen Christi, sine qua nunquam fuit salus. Et quia cōtingit dupliciter pati persecutionem propter iusti-

tiam (uel ita quod & passio sit propter iustitiam, & persecutio rendat contra iustitiam: ut in exemplis allatis inuenitur, uel quod passio quidem sit propter iustitiam: persecutio autem non tendat contra iustitiam: quamuis materialiter sit iniusta; vt contingit ijs qui a superioribus credentibus iuste se facere affliguntur: ut de multis sanctis legitur inter religiosos uersatis) scito textum principaliter de primo modo patientibus propter iustitiam ita intelligi, ut qui secundo modo patientur propter iustitiam, non excludantur a numero beatorum qui patiuntur persecutionem propter iustitiam.

Istis regnum cœlorum iure datur: quoniam qui in hac uita amplexus est pati propter Deum, iustum est ut in futura uita sublimetur in agere, & qui hic non reuinit alijs subijci, sublimetur ut alijs prælit: quæ in Regno cœlorum includuntur, regnantes enim & præcellunt & imperant. Sed nõ caret quæstione, cur in octaua hac beatitudine repetitur præmium primæ beatitudinis, & non est appositum octauum præmium? Ad quod respondetur, duplici ratione hoc factum esse. Primo. ut quia duo ordines beatitudinum ponuntur (scilicet primus penes agere, & secundus penes pati) factum est ut prima utriusque ordinis uelut balis & fundamentum, respiceret præmium, quod inter præmia est uelut balis & fundamentum, scilicet regnum cœlorum. Secundo, ut neque agens patienti, neque patiens agenti præferatur, sed cōfessores martyribus, & martyres confessoribus æquales in essentiali gaudio monstrarentur.

Circa nonam beatitudinem (Beati estis quum maledixerint uobis homines, & persecuti uos fuerint, & dixerint omne malum aduersus uos nientientes propter me: gaude te & exultate, quoniam merces uestra copiosa est in cœlis) multa occurrunt quærenda. Primo, cur cæteris beatitudinibus descriptis in tertia persona, hæc describitur in secunda persona, dicendo, beati estis. Secundo, cur multiplicentur in hac beatitudine tot uexationum genera, scilicet maledictionis, persecutionis, &c. Tertio, cur huic beatitudini soli adiungitur, gaude te & exultate. Quarto, cur præmium huius beatitudinis solius describitur sub ratione mercedis. Quinto, cur in hac sola beatitudine indeterminatè ponitur præ-

præmium, non enim determinatur aliquid certum pro præmio, sicut in aliis beatitudinibus (puta regnum cælorum, possidere terram, &c.) sed indeterminatè dicitur: merces uestra copiosa est in cælis.

Ad euentiam horum aduertendum est hanc nonā beatitudinem consistere in patiendo ob confessionem uerbi incarnati. Singularissima siquidem tanti mysterii nouitas specialem habet difficultatem in nostra confessione: & propterea specialis perfectio posita est in persistendo patienter, & tolerando uarias tribulationes ob huiusmodi confessionem. Quo circa beatitudo hæc licet conueniat cum præcedente in hoc quod utraque consistit in pati propter bonum: differunt tamen in hoc quod illa habet causam quasi naturalem patienter tolerandi iniurias (quoniam uirtuosorum est imperturbatum persistere, & immobilem iniuriis) ista uerò causam habet omnino supernaturalē: quandoquidē fateri unum & eundem hominem Deumque uerum esse, &c. omnem excedit facultatem intellectus: & propterea beatitudo hæc tam dissimiliter ab aliis descripta est: nouiter siquidem inserta generi humano tam supernaturalis perfectio, decuit ut multis quasi priuilegiis decoraretur. Vnde ad primum quæsitum dicitur, quod ideo in secunda persona descripta est hæc beatitudo: quia noua perfectio hæc est inchoans in ipsis Christi discipulis, reliquæ autem tanquam cōmunes & antiquæ, quæ prius erant, in tertia persona descriptæ sunt.

Ad secundum uerò quæsitum dicitur, quod multiplicatio uexationum ad hoc spectat, quod Christus in Christianis & corde & ore & opere refutandus esset: habent enim Christi persecutores in corde Christum odio, & ore blasphemant, & tormentis persequuntur. Non sic autem contingit in octaua beatitudine: quoniam et si propter iustitiam aliqui uexantur, iustitia tamen communiter, & corde amatur, & ore laudatur, & illimet qui iniuste uexati sunt, laudabiliter recensentur inter uirtuosos. Nos autem prædicantes Christum crucifixum, quia Iudæis est scandalum, & gentibus stultitia: & apud sapientes huius mundi superstitio, omne genus mali insequitur, dum & odio habemur (quod secundum antiquam translationem hæc littera primo loco ponit, dicēs:

in illa die iustus iudex. In reliquis itaque beatitudinibus nulla facta est mentio de mercede, sed hoc ultimæ beatitudini reservatum est: quia in aliis nulla facta est mentio de Christo, cui in suis membris iure debetur æterna gloriæ: sed in hac sola. Ad quintum quælitum dicitur, quod indeterminatio mercedis ad immensitatem spectat præmii. ex hoc enim quod indeterminatè relinquitur copiosa merces, infinitum inlinuatur præmium: & hoc ad commendationem huius beatitudinis præ cæteris spectat. Et merito: quoniam si iuxta testimonium Salvatoris maiorem charitatem nemo habet, quam ut animam suam ponat quis pro amicis suis: nemo maiorem habet perfectionem, quam qui pro Christo amico suo animam suam ponit, quod ad hanc spectare beatitudinem constat. Postquam igitur octo beatorum genera in hac vita Salvator descriperat, ad suos dirigens sermonem discipulos, nonum beatitudinis genus in ipsis inchoadum hac nona beatitudine descripsit: simulque monstravit ad felicitatem esse ipsos euectos, eo ipso quod ad cognitionem & confessionem ipsius Christi asciti sunt, ut penetrarent beatos se esse in utraque sorte, scilicet & quum bona à Christo acciperent, & quum mala propter Christum paterentur.

Quantæ autem excellentiæ sit beatitudo hæc, non solum ex allato Domini testimonio patet sed ex eo quod principes Christianæ religionis (sancti martyres scilicet) in ea locati sunt.

Supere est nunc ut ad tres reservatas in fine huius tractatus quæstiones soluendas respondeatur: Ad primam igitur in principio huius tractatus propositam quinto loco (an scilicet beatitudines istæ gradatim enumerentur) respondetur affirmatiuè: ita quod gradatim enumerentur & secundum merita, & secundum præmia, semper namque ascenditur utrobique.

Et quidem quod merita temper ascendant, declaratur summarie dupliciter. Primo, ex parte materialium. Nam supra extiora bona quæ sunt materia patriæ beatitudinis, sunt vindicabilia quæ sunt materia secundæ: & supra vindicabilia, delectabilia quæ sunt materia tertiæ: & supra hæc sunt debita cuilibet, quæ spectant ad quartam: et supra hæc gratuita,

quæ sunt quintæ: supra quæ est immunditia omnis, quā tollit sexta: supra quæ est perturbatio, quam tollit septima: & super hæc persecutiones, quas superat octaua: & supra omnes est omne persecutionum genus contra Christum, quæ superantur in nona. Secūdo, ex parte interioris dispositionis animi. Nam etsi bene dispositus est qui nouit seipsum, & externa bona despicit, iuxta primam beatitudinem: melius tamē dispositus est qui etiam quum dispicitur & parui fit, uincit in bono malum, & hoc melior est, qui undique se in miseris circūspiciens, luget hanc peregrinationem, & hunc præstet cui proprium non sufficit bonum; sed cuique debitum sitit, hūc que excellit, qui nō solum debita cuique, sed gratuita ut subleuentur appetit & efficit qui autem ad uniuersam nitæ munditiā ascendit, altior est: & hunc superat, cui non sufficiūt mūda sed studet ad tranquillitatem ordinis efficiēdam, super hos quoq; omnes merito locatur qui propter hæc patitur, & uincit persecutiones: sed in supremo iure ponitur, qui incarnati uerbi luce perfusus, pro illo omnia patiendō superat. Si uero ad præmia spectetur, primum premiū inuenitur, quod beatorum est regnum cœlorum sed quia nostrorum potest esse aliquid quod non posidemus, secundo ponitur possessio eiusdem: & quia multa posidemus, cum tristitia, tertio ponitur consolatio, & quia consolati quandoque non ulque ad satietatem consolamur, ideo quarto saturitas ponitur: ita quod ponitur regnum cœlorum nostrum possessum, consolati usque ad satietatem: & quoniam satiati regno defectui remanemus quinto securitas à periculis omnium defectiuarum nostrarum conditionum per misericordiæ consecutionem ponitur, & quoniam parum est corrigere, nisi conuersatio cum rege habeatur: ideo sexto ponitur uisio Dei, & quoniam uidere Regem etiam seruatoribus conceditur: dignitas filialis superadditur septimo loco, ubi beati regent consolati, satiati, secuti, uidentes Deum ut filii Dei. his autem prestat regnum cœlorū duplici iure debitum, scilicet merito actionis, & merito passionis, quod octauo loco ponitur. & omnia demum excellit merces immensa, quæ ob sui infinitatē nō specificatur, quæ nono loco ponitur.

AD duas reliquas quæstiones in præmio primæ beatitudinis propositas (scilicet cur in beatitudine prima & octaua ac nona proponitur præmium per uerbum præsentis temporis, in aliis uero per uerbum futurum: & rursus cur in illis tribus per uerbum substantiuū, in aliis uero per uerba adiectiua responderetur quod differentia præsentis & futuri temporis monstrat aliquid præmii esse præsens in hac uita, & aliquid in futura reservari uita. Differentia autem uerbi substantiui & adiectiui monstrat differentiam inter substantiuū ius æternæ felicitatis, & ipsam æternam felicitatem in executione ita quod ex hoc quod uerbo substantiuo præsentis temporis (scilicet est, definitur præmium æternum, significatur quod in præsentī uita beati habent substantiuū ius æterni præmii. Et uerè sic est: quoniā (ut Ioannes testatur) tā sumus filij Dei: quod si filij & hæredes: ut Paulus inquit. Et quāuis quāto tēpore hæres paruulus est, nihil differt à seruo: est tñ Dñs omnīū. Quia igitur in præsentī uita adhuc positorum beatorū uerè est regnum cœlorū: ideo præsentis temporis uerbo substantiuo dicitur. Quoniam ipsorum est regnum cœlorum. Quia autē executio possessorij & fructus in alia seruantur uita, ideo per uerba futuri temporis adiectiua idem præmium describitur. Et quia substantiuum ius æterni præmij unum est & cōmune omnibus beatis, ideo in prima beatitudine utriusque ordinis agentium, & in prima ordinis patientium, ponitur huiusmodi substantiuum præsens, in reliquis autem ordinibus agentium multiplicitas fructuū qui in executione percipiuntur, explicatur.

Nona autem beatitudo multipliciter privilegiata etiam hoc habet. Tū quā licet scēda sit in numero patiētiū, caput tñ cōstituit nouū patiēdi: qm̄ sicut uerbū incarnatū passum instaurat oīa, ita passio pro Christo instauratiū est passionū, & propterea tanquam prima habet uerbum substantiuū præsentis. Tum & melius, ad denotandum quod sola hæc beatitudo ex propria ratione habet præsentiam præmij cœlestis statim: nam cæteræ beatitudines nihil habent in se unde statim ponant beatos in cœlesti patria: quia non claudunt in se Christum mortuum, qui aperuit cœlos (unde Ioannes Baptista & alij priores quamuis beati hic, non tamen cœlos

statim ingressi sunt) nona autem beatitudo Christum mortuum in seipsa continet. Propter quod in futuro Saluator ponit in illa uexationes, dicens, quum oderint, persecuti fuerint, & dixerint omne malum: tanquam delignans tempus post suam mortem ac resurrectionem, & propterea sola nona beatitudo statim hinc transfert in celos ex propria ratione. Et ad hoc delignandum priuslegium, propoluit. Saluator illius premium per uerbum substantiuum presentis temporis: tanquam diceret, quod uos propter me patientes non expectaturi estis, sed iam habetis mercedem copiosam statim ut hinc migratis, presentem. Et hæc de Euangelicis beatitudinibus. In monasterio sancti Martini de sacro monte Pannoniæ. dominica quinquagesimæ, Anno Domini. 1524.

QVINTVM IENTACVLVM: IN
quo quinque tractantur quæstiones.



CCVRRVNT quintò tractandæ quinque apud Euangelium sententiæ. Prima habetur Matthæi. xv. Munus quodcunque ex me est, tibi proderit. Secunda habetur ibidem. Omne quod in os intrat, in secessum emittitur. Tertia habetur Luc. xvi. Qui fidelis est in minimo, & in maiori fidelis est: & qui iniquus est in modico, iniquus est & in maiori. Quarta habetur ibidem. Si Moyses & prophetas non audiunt, neque si quis ex mortuis, resurrexit, credent. Quinta habetur Ioan. j. Quotquot autem receperunt eum dedit eis potestatem filios Dei fieri.

Circa Scribarum & Pharisæorum sententiã qua sub specie religionis tollebant pietatem, ambiguitas occurrit, quid significat traditio hæc. Qui dixerit patri uel matri, munus quodcunque ex me est, tibi proderit. Nam aliquod horum trium uidetur significare. Aut quod absolute religio qua aliquid offertur Deo, præferenda est pietati qua honoramus parentes. Et in hoc sensu traditio ista irreprehensibilis esset: quoniam sancta contineret doctrinã, cuius oppositum Dñs testatur.

Aut

Aut quòd in articulo necessitatis iam constitutis parentibus, filij religionis prætextu uacarent muneribus offerendis Deo omittendo pietatis officia debita parentibus. Et iuxta hunc sensum traditio hæc iniquam contineret doctrinam ut patet. Sed ex Evangelico textu non uidetur haberi hic sensus: quoniam nulla sit ibi mentio de necessitatis articulo, in quo constituti præsupponantur parentes, non enim dicitur: si dixerit homo patri uel matri in necessitate constitutis: sed absolute; si dixerit patri uel matri. Aut q̃ Deo iam licitè dicata uoto à filiis, propter supervenientem articulum necessitatis parentum, non essent in subsidium seu usum parentum conuertenda. Et iuxta hunc sensum usque in hodiernū diem approbatur traditio ista à multis doctoribus sacris. Et emergit hinc literalis quaestio: an de munere dicando Deo, an de munere per uotum dicato Deo sit sermo, quum dicitur Munus quodcunque ex me &c. magni siquidem refert utro modo intelligatur: Nam si de munere iam dicato Deo per uotum est sermo, traditio Pharisaorum diuinam uidetur habere traditionem pro fundamento. Si autem de offerendo munere est sermo, simplex religio in quaestionem uenit.

AD euidentiam sententiæ huius sciendum est dupliciter exponi posse traditionem Scribarum & Pharisaorū. Primò, ut uerba illa munus quodcunque &c. intelligantur ut excusantia. secundo, ut intelligantur tanquam obligantia. & siquidem sumantur ut excusantia, traditio ista consistit in duobus documentis. Primum est, quod filij uacarent diuinis oblationibus, non curando de subuentione parentum. Secundum est, quod filij excusarēt se cum parentibus de huiusmodi cōmissione & omissione his uerbis. Munus quodcunque ex me est, tibi proderit, hoc est, nō credatis me postponere curam uestri: quoniam offerendo Deo, curam uestri habeo: quoniam quod offero Deo, uobis proderit. Si uero uerba hæc ut obligantia intelligantur, sensus pharisaicæ traditionis est, q̃ si filius dixisset parentibus: totum quòd est ex me, uolo offerre Deo: ex tunc obligatus erat filius ad diuina Deo, ita ut non liceret ei quicquam facere pro parentibus. Et hunc sensum magis sonat textus euangelicus: quoniam

Mar. vii. postquam dictum est, Si dixerit homo patri aut matri corba, quod est donū quodcūq; ex me tibi profuerit: subiungitur: & ultra nō dimittis eū quicquā facere patri aut matri. ubi apparet q; postquam filius dixerat illa uerba patri aut matri, uetabatur filius facere quicquam patri aut matri: ac per hoc obligationē incurrerat ex uerbis dictis patri aut matri. Et iuxta hunc sensum collige quinq;. Primo, obligationē filij ad diuina: quæ ex allatis Marci uerbis habetur. Secundo, authoritatē qua habebatur ista obligatio. & hæc erat traditio scribarū & pharisæorum: ut in litera patet. Tertio, modū, quo cōtrahebatur hæc obligatio. Et ex textu habetur q; ex hoc ipso q; filius dicebat hæc uerba patri, consurgebat in filio hæc obligatio: sic docentibus scribis & pharisæis, si dixerit homo patri aut matri &c. Quarto efficacīā huius obligationis, quod erat adeo efficax ut redundaret in impietate erga parentes. Et hoc expressē Dominus dixit. Quinto materia obligationis. Et hæc erat totū quod erat ex filio. Et hoc insinuat textus dicens. Et ultra non finitis eum facere quicquam patri aut matri. vnde uidetur quod ista obligatio erat quædam mancipatio filij ad diuinum obsequium: & tam aetē exigebatur à scribis & pharisæis, ut non permitteretur filius facere quicquam patri aut matri. Vbi patet multipliciter errasse. Scribas & Phariseos. Primò quod ubi nulla erat obligatio, obligationem inducebant: non enim ex uerbis ad patrem aut matrem oritur mancipatio ad diuina, sed ex uoto quod fit non homini sed deo. Secundo, in extendendo huiusmodi ad obligationem ad negandum omne obsequium patri: quum tamen nulla sit tanta mancipatio etiam profitentium tria uota religionis, quæ non permittat multa facere patri aut matri.

AD quæsitā autē retrogrado ordine respondēdo dicitur q; non est hic sermo de munere dicato per uotum: tum quia nulla sit in textu mentio de uoto: tum quia materia non exigit ut admisceatur obligatio uotiuā huic textui: qui de traditione humana, & non de uoto quod spectat ad traditionem diuinā, loquitur tum quia expressē Marcus euangelista interpretatur corbam, hoc est donum. constat enim q; donum est datio liberalis, ac per hoc nō ex necessitate uo-

riua offerendum. Est ergo sermo de munere dicando Deo: siue illud munus intelligatur consistere in rebus exterioribus, iuxta primam expositionem: siue intelligatur consistere in toto q̄ poterat filius, iuxta secundā expositionē. Ad primū uerō quæsitā respondetur, q̄ sensus traditionis huius nullus illorum trium est determinatē: sed doctrina phariseorū & scribarum consistebat in hoc q̄ religio tāti faciēda est, ut propterea non sit curandum quid filius debeat patri aut matri: neq; sit curandū de distinctione, an pater egeat aut nō egeat. Et hoc testantur uerba Domini, primū dicendo q̄ traditio illa contrariatur præcepto de honore parentum: quod nihil aliud est dicere quā quod non curat de debitis pietatis officijs erga parentes, siue debeat ex articulo necessitatis, siue quomodolibet aliter. Secundo, dicendo, & ultra non dimittis eum quicquā facere patri suo aut matri. Hinc enim manifestē apparet, q̄ religionem adeo exigebant, ut pietas erga parentes ob religionem tolleretur, quod constat esse iniquissimum. Hæc de prima quæstione.

Circa secundam dubitationem de uerbo domini, omne quod in os intrat, in secessum emittitur. Physicorū obiecto occurrit, falsam esse hanc sententiam sic dicentium, quoniam aliquid alimenti quod per os sumimus, conuertitur in substantiam fumentium: ac per hoc non totum quod per os intrat, in secessum emittitur. Ad hoc dicitur, quod licet multipliciter glossari possit uerbum domini scriptum apud Matthæum: quia tamen Marcus euāgelista suppleuit quod Matthæus tacuit de uerbis Domini, ideo expositiones omnes superfluxæ apparent infra sensum literalem manendo. Marcus enim c. vii. afferendo hanc Domini sententiam dicit: Omne extrinsecus introiens in hominem, non potest eum inquinare quia non intrat in cor eius, sed in uentrem uadit & in secessum exit purgans omnes escas.

Vbi manifeste patet Dominum nō dixisse omne intrans in os exire in secessum: sed dixisse, omne intrans in os exire in secessum, purgans omnes escas: hoc est exire in secessum secundum partes purgatiuas escarum, ac propterea nullam esse ambiguitatem in Domini sententia patet si integra referatur: sed quæstioni locus est, ubi non integra sententia affertur,

affertur, ut à Matthæo recitatur. Hæc de secunda.

Circa tertiam quæstionem (de uerbis Domini . Qui fidelis est in minimo , & in maiori fidelis est : & qui iniquus est in modico , & in maiori iniquus est) ambiguitas occurrit quò ad primam sententiam . Tum ex experientia : quia multi fideles inueniuntur in rebus paruis : qui tamen in rebus magnis seu maximis fidem uiolant . Regnandi nanque gratia iusiurandum etiam uiolant , qui militarem semper fidem seruau erunt : & sic de similibus . Tum ex ratione : quia maior attractiuum , maiorem ingerit tètationem : ac per hoc qui nō superatus est à paruo attractiuo , superatur deinde à magno attractiuo ut fidem uiolet . Vnde non est secundum rationem consequens , ut quis fidem seruat in minimo , fidem seruaret in magno .

Similiter quò ad secundam sententiam experiētia testatur quod multi peccant in paruis , qui tamen nō peccarent in magnis . Multi enim sunt peccantes uenialiter , & mentientes officiosè : qui non peccarent mortaliter qui non mentirentur perniciosè . Habet quoque ratio , ut sicut non omnis infirmitas corporalis ducit ad mortem , ita non omnis lapsus spiritalis durat ad mortem animæ : ac per hoc nō est consequēs , ut qui iniquus est in modico , iniquus etiam sit in magno .

AD horum euidentiam recolendum est dupliciter ad aliquid operandum nos posse comparari : uel secundum rationem habitualis uirtutis seu uitii respicientis illud opus uel quomodolibet contingat : uerbi gratia ad operandum quod iustum est potest homo se habere uel secundum habitum iustitiæ (hoc est secundum quod inclinatur uirtus iustitiæ habituatam) uel quomodolibet aliter puta ex aliqua passione , aut ex aliqua amicitia , uel odio &c . sicut etiā in artificialibus ædificator potest habere ad construendam domum uel secundum artem ædificandi uel quomodolibet , aliter edificando prout uult . Quum autē fide de qua Saluator loquitur , uirtus quædam sit qua fiunt dicta , dupliciter de homine fideli loqui possumus . Primo , per se & formaliter , hoc est quatenus fidelis , & quatenus ex fide operatur . Et sic præculdubio qui fidelis est in paruo , fidelis est in magno aut maximo quoniam uirtutis obiectum quum non sit minimum quid , sed magnū aliquid

aliquid ac difficile: uirtus illa. quæ ad minima se extendit, multo magis ad magnum tendit tanquam ad proprium obiectum. Si uero loquamur de homine fidei per accidens (hoc est secundum coniuncta aut aduentitia accidentia) sic nulla est certa regula nisi quod faciat pro ut uolet. Et ex hoc capite contingit, ut multi fideles sint in paruis qui fideles non sint in magnis: non enim hoc prouenit ex defectu fidei, sed ex defectu non utentis fide. Nam quantum ex parte fidei qui ex fide bene se habet in paruis, multo magis ex eadem bene se haberet in magnis: sed tales in magnis ideo infideles inueniuntur, quia aliunde mouentur quam ex fide. Nulla enim uirtus adeo firmat animum hominis ad seipsam quin relinquat libertatem non utendi ipsa. Et per hoc patet responsio ad primam obiectionem. Ad secundam uero dicitur quod uirtus quum sit habitus de difficili mobilis, & circa difficile: aut non est, si & a magno sui generis attractiuo uincitur: aut si est, superat sui generis quæcunque impedimenta: Non enim temeraria superatur a superfluis delectationibus tactus, sed omnes eas moderando domuit. De attractiuo ergo tentate hominem ad perfidiam, dupliciter loqui possumus: scilicet per se, uel per accidens. Nam si loquimur de attractiuo spectante per se ad genus fidei: non est ratio maior corrumpendi fidei in maiori attractiuo, quam in minori: quin potius facilius est delinquere fidelē circa minima quā circa magna: quoniam circa magna tamquam circa propriū obiectū magis uigilat uirtus. Si uero de attractiuo extraneo sermo est, nihil officit proposito: quoniam sermo Domini per se & formalis est. Et per hoc facile patere potest quid dicendum sit ad obiecta contra secundam sententiam. Nam proportionaliter dicendum est de uitio iniquitatis, sicut dictum est de fidei uirtute. Est enim sermo Domini de iniquitate per se & formaliter: & intendit quod si quis ex iniquitate male se habet in modico, ex eadem iniquitate male quoque se haberet in magno, si magna materia præsentaretur. quoniam iniquitatis obiectum non est paruū quia (quum modicum pro nihilo reputetur) sed magnū aliquid, ac per hoc si iniquitas est tanta ut etiam ad minima deficiat animū: multo magis ad magna flectet tamquam ad propriam materiam. Unde & prouerbialiter dicitur: Cani lingenti cinerem ne credas farinam.

farinam. Obiecta autem in oppositum similiter solvuntur, quod scilicet militant secundum ea quæ sunt per accidens. Ex fragilitate siquidem humana, & non ex iniquitate peccat uenialiter qui non peccarent mortaliter, & similiter non ex mentiendi consummato vicio mentiuntur iocosè: aut officiosè, qui non mentientur perniciosè, sed ex aliis accidentibus. Non obstat quoque adducta similitudinis ratio de infirmitate: quoniam non dicit Dominus omnem infirmitatem ducere ad mortem: sed quod tam uirtus quam uicium si ducit ad modicum sui generis, ducit etiam ad magnum illius generis. Obiectio autem de genere in genus migrat: de infirmitate scilicet non mortali ad infirmitatē mortālē: Stat itaque Domini sententia p se & formaliter intellecta, firmissima ueritate solida. Hæc de tertia.

CIrca quarto loco propositam sententiam Abrahamæ, Si Moysen & prophetas nō audiunt: neque si quis ex mortuis resurrexit credet: ambiguitas occurrit. Tum quia experientia testatur quod multi gentiles ex miraculis uisis conuersi sunt ad fidem, qui nec Moysen nec prophetas audisset. Tum quia ratio ad hoc ducit, ut plus moueantur à Moyse & prophetis, si adiuncta fuerit resurrectio alicuius mortui quā ex Moyse & prophetis solis. Vnde usque hodie non desunt Christiani dicentes: Si uideremus unum mortuum resurgere, faceremus, diceremus &c.

AD hoc dicitur quod sententia hæc Abrahamæ duplicem instructionem continet. Docet nanque primo gratiam fidei: quod scilicet fides donum Dei est, & non est opus solius hominis, quantumcunq; moti à miraculis multis uisis. Et hoc aperte significant uerba hæc Abrahamæ dicentia quod quantumcunq; mortuus aliquis resurgens testetur hominibus de pœnis inferni, non propterea credent. Hinc enim habemus quod miracula uisa non sunt sufficientia ad inducendū nos in fidei uirtutem. Dico autem notabiliter in fidei uirtutem: ad excludendum fidem coactam (qua ex euidētia miraculorum & operum etiam dæmones uelint nolint credunt & contremiscunt) & quoniam ad literā Abrahamā loquitur de fide formata qua carebāt fratres diuitis: qui ex eo qd Abrahamā uocat patrē, testatur se & fratres suos fideles fuisse. Eo infra hæc doctrinā

doctrinā manēdo, nullā habet quæstionē Abrahæ sententiā.

Sed ultra hoc docet secundo statutam pœnam fidelibus paruipendentibus sacras scripturas: ita quod sententiā hæc intelligenda uidetur ut reuelatiua diuini iudicii: ut hinc intelligamus diuinā dispositione desertum iri eos qui Moysen & prophetas non audiunt: & ita induratos relinqui ut etiam si uiderent miracula, nō mouerentur propterea ad uerā charitatem. Et merito, quia ex eo q̄ diuinā largitatem quā prouidit nobis de Moysē & prophetis (hoc est de sacra scriptura) despiciunt: merentur ut nec per miracula uisa conuersionis gratiam consequantur. Nam tales se habent ad uerā cōuersionis gratiam consequantur. Nam tales se habent ad uerā conuersionem in Deum tanquam non diuinæ gratiæ sed humanum tantummodo opus sit uera Deum conuersio. Inde quidem asseuerant quod si uiderent mortuum resurgere, facerent & dicerent &c. Quo fit ut adeo sibi ipsis relinquantur etiam quum miracula uident, qui in se ipsis confidunt, quod si miracula uiderent, non conuerterentur. Et quod ita sit ut Abraham dixi, testatur Ioan. euang. ca. xi. distinguens. Inter iudeos præsentes resurrectioni Lazari, q̄ quidam crediderunt, quidam autem abierunt ad pharisæos, & dixerunt eis quæ fecit Iesus. Et inde pontifices & pharisæis conciliū collegerūt ut interficerent Iesum, ex hoc enim q̄ præsentiū in resurrectione Lazari quidā crediderūt in Christum, & quidam nō, manifesta sit ueritas sententiæ Abrahæ, quod non ex hoc q̄ aliquis ex mortuis resurgit, credūt homines, sed ex dono Dei. Est siquidē credere donū Dei. ut Apostolus dixit:

AD obiecta autem in oppositum dicitur quod licet commune sit tam fidelibus quam infidelibus hoc (scilicet q̄ credere est donum Dei, & non ex solis nobis quantumcunq̄ uideamus miracula) diuina tamen prouidentia, differentia ordinata uidetur inter fideles & gentiles: quod fideles qui habent Moysen & prophetas, si non audiunt illos, relinquantur sibi ipsis, ut nec ex miraculis conuertantur: gentiles autem qui hoc sacrilegio diuina non contempserunt, miraculis adiuuandi ad conuersionem sint, unde Marcus euangelista de conuersione infidelium dicit, Domino cooperante & sermonē cōfirmāte sequētibus signis. Et ad hāc denotantur

tandum differētiā Abraham damnato diuiti dixit, Habent Moysen & prophetas: audiant illos, significatur enim per hoc quod fratres illius diuitis erant de numero fidelium, qui habebant Moysen & prophetas. Vnde obiectio de gentilium conuersione ob miracula, non militat contra hanc sententiam. Ad alteram uerò obiectionem dicitur q̄ licet multiplicato moti uo ad conuersionem, facilius sit cæteris paribus hominis conuersio: in pœnam tamen datur fidelibus cōtemnentibus traditiones sacrarum scripturarum, ut nec ex multiplicatis motiuis extrinsecis cōuertantur. Arrogantib. enim sibi ipsis conuersionem si uiderēt miracula, resistit Deus subtrahendo conuersionis gratiam, scriptum est enim: Superbis Deus resistit. Et est sententia hæc Abraham intelligenda regulariter, nam non est propterea alligata manus Dei, ut non possit ex speciali gratia conuertere aliquem huiusmodi contemptorem excitando simul illum ex aliquo uiso miraculo. Hæc de quarta.

Circa uerba Ioannis Euangelistæ quinto loco proposita, Quotquot autem receperunt eum, dedit eis potestatem filios Dei fieri: triplex ambiguitas occurrit. Prima est, quid sit huiusmodi potestas. Secunda est, quomodo fiant ista duo simul, q̄ receperint Deum, & q̄ non sint filij Dei, sed habent potestatem ut fiant filij Dei. Nam si receperunt eum, iam sunt filij Dei: & si sunt filij, non opus habent ut fiant filij, quod enim iam est, non potest amplius fieri. Et contra si possunt fieri filij: ergo non sunt filij. & si non sunt filij, non receperunt eum.

Tertia est, quomodo consonant sibi inuicem hæc duo, scilicet potestas & fieri. Nam potestas actiuum significat principium, ac per hoc actionis est: fieri uero passionem significat, Dissonant ergo ab inuicem quod sit potestas fieri tantquam si diceretur potestas patiendi: quod uidetur implicare contraria simul, potestas. n. est potestas faciēdi, & nō patiēdi.

Ad horum euidentiam duo sunt prænotanda. Primum est, discretio eius q̄ est Dei ab eo quod ex nobis est in receptione qua Deum recipimus per fidem, Interueniunt si quidem in huiusmodi receptione duo: hoc est donum Dei, & uoluntarium opus nostrum. Nec separantur hæc duo secundum

cundum tempus ut uel prius tempore sit opus nostrū quam donū Dei, uel prius tēpore sit donum Dei, quā opus nostrū, sed simul tpe efficiēti nos dono Dei, recipimus ipsum credēdo. Secundū est discernere inter id quod de facto, diuina, pūdetia disposuit, & id quod potuisset, si uoluisset aliter dispo-
nere. Nā de facto disposuit diuina largitas, ut donū fidei annexū haberet donum diuinæ filiationis per adoptionē. Ordinauit liquidē immobiliter ut credentes in eū, diuinæ essent naturæ cōsortes. Potuisset autē si uoluisset ordinare, ut donum fidei nō haberet filialis adoptionis donum annexum, sed aliquod aliud præmiū apponere fidelibus suis dandum, quum nulla appareat ratio necessariæ cōnexionis in er fidem & cōlestem filiationē. Quibus prælibatis dicitur uerba Ioā. Euangelistæ dupliciter posse exponi, Primò de receptiōe p fidē ut sic: hoc est abstrahēdo à fide formata charitate. Et iuxta hunc sensum ptās est ipsa fides: quæ ut est qua credimus, uocatur fides: ut autē est qua possumus opari ad diuinum consortium nobis pmissum est potestas qua possumus filij Dei fieri. Et sic recipiēdo Deum per fidem, non sumus adhuc seu ex hoc filij Dei, sed possumus filij Dei fieri per charitatē: quæ sola distinguit inter filios Dei, & filios perditionis. Et licet huiusmodi potestas sit potestas agēdi, quia est potestas operādi, referēdo illam ad opera nostra: est tñ cum hoc & per hoc ptās patiēdi, referendo illā ad fieri & esse filium Dei. Nā per opera fidei præparamur ad hoc ut fiamus filij Dei ab ipso Deo, & nō ad hoc ut faciamus nosipsum filios Dei. Et propterea Euangelista non dixit. Dedit eis potestatem filios dei se facere, sed dixit, filios Dei fieri: ut potestas relata ad ultimū terminum, scilicet esse filium Dei, demonstraretur potestas nō agēdi, sed patiēdi: relata uerò ad opus propinquum quo præparamur ad hoc ut fiamus filij Dei, intelligatur actiua, in libertate nostra posita. Et sic sapientissimè & conuenientissimè utrunque simul dixit: scilicet potestatem, denotādo per hoc libertatem nostrā ad cooperādum & fieri filios Dei, denotādo per hoc quod non facimus nosipsum filios: sed à Deo simus filij Dei. Et per hoc patet solutio omnium obiectorum iuxta primum sensum. Si uerò exponantur uerba Euangelistæ, de receptione Dei per fidem formatam cha-

ritate idem est sensus & eadem essent repetenda: excepto quod hic non esset nisi ordo naturæ inter fidem & charitatem, & inter fieri & esse filium Dei. Vnde qui sunt perspicacis ingenij, & intelligunt quid interlit inter ordinem temporis & ordinem naturæ, applicare facile possunt prædicta ordini naturæ. Nā ut summarie dicatur, potestas est ipsa fides: & quotquot per fidem charitate formatam receperunt eum simul tempore receperunt tria scilicet posse fieri filios Dei, & esse filios Dei. Primum per fidem: secundū per charitatis susceptionem: tertium per ipsam charitatem. Sed primum prius natura quam secundum, & secundum prius natura quam tertium. Et secundum utrunque sensum significauit. Euangelista liberalitatem diuinam quum recipimus eum: quoniam hinc didicimus quod receptionem suam opus quodammodo nostrum donat diuina bonitas gratia fidei & potestatis diuinæ filiationis, & ipsa etiam diuina filiatione quandoque: hoc est si perfecta est receptio: hoc est si ex toto corde eum recepimus. Hæc de v. & omnibus præpositis. Budæ in die S. Gregorij. M. D. xxiii.

SEX TVM TENTACVLVM,
in quo sex tractantur.



CCVRRVNT sexto in his diebus dominicæ passionis tractanda sex: Primum, uerba Domini in cœna: non bibam de hoc genere uitis usque in diem illum, quum illud bibam uobiscum, nouum in regno patris mei. Secundum uerbum Domini ad Iudam in eadem cœna. Quod facis, fac citius. Tertium uerbum Domini ad Petrum quum percussit Malchum. Cōuerte gladium tuū in iocum suum, omnes enim qui acceperint gladium, gladio peribunt. Quartum apud Marcum Euangelistam: Adolescens autem quidam sequebatur eum amictus sindone super nudo, & tenuerunt eum &c. Quintum, erat autem paralceus Paschæ sextum apud Ioannem: Accipite eum uos, & crucifigite.

Circa primum difficultas nonnulla est: quia non apparet quoniam nouum uinum biberit seu bibiturus sit Christus cum Apostolis

postolis in Regno patris sui.

AD hoc dicitur q̄ quum Dominus dixit, quum bibam illud uobiscum nouum: ly nouum, potest esse nomen, & potest esse aduerbium. Et si est nomen, est sermo de spiritali uino, hoc est, gaudio nouo quod Christus in resurrectione sua ob nouam corporis immortalitatem affectus est, ita q̄ intendit se nō amplius bibiturum corporale uinum donec transeat ad spiritale uinum, id est gaudium immortalitatis quod bibiturus erat cum apostolis: quoniam participes eos erat factururus illius gaudii: iuxta illud: Iterum autem uidebo uos, & gaudebit cor uestrum, & gaudium uestrum nemo tollet à uobis. Et hic sensus cōsonat uerbis relatis à Luca Euangelista, dum refert Dominum non solum de potu, sed de cibo dixisse. Ex hoc nō manducabo illud donec impleatur in regno Dei, manifestans quod donec impleretur Pascha (hoc est donec figura transiret in ueritatem: hoc est Christus immolatus in cruce, expoliato inferno, demersoque diabolo, liberato mundo à tenebrarum seruitute, trāsiret ad inmortalem uitam etiam corporis) non esset amplius comesturus & bibiturus. Si autem ly nouum aduerbii uini habeat: uerificatur de potu corporali: prædixit enim iuxta hunc sensum Dominus, quod non esset amplius bibiturus uinum usquequo resurgeret à mortuis, & quod tunc esset bibiturus cum ipsis Apostolis uinum nouum, id est nouiter, hoc est impassibiliter, & nō ex indigentia aut siti, ut ante passionem indigebat potu & cibo, sed ex potestate. Et iuxta utrumque sensum duo prædixit Dominus discipulis. Alterū iustitiæ, scilicet quod nō esset amplius in hac passibili uita comesturus & bibiturus. Alterum lætitiæ celeriter futuræ, scilicet quod transibat tunc ad regnum patris sui: hoc est ad immortalitatem corporis per resurrectionem, quā intra triduum à morte sua futurā prædixerat. in qua immortalis uita participes eos esset factururus sui gaudii, non solū uidendo iuxta primam expositionem, sed etiam simul comedendo & bibendo iuxta secundam expositionem.

Circa secundam (scilicet: Quod facis, fac citius) admiratio nem infert impulsio hæc quoniam impellere Iudam ad accelerandum negotium prodicionis, alienum censetur non

solum à Dño, sed quocumq; uiro iusto, uerba aut hæc impulsu sonant ad negotium proditiōis exequendum.

A D hoc dicitur quod in negotio proditiōis Christi à Iudæ inuenitur aliquid boni, & aliquid mali. Et bonum quidem inuenitur triplex. Primum, secundum effectum, qui est passio Christi. Et quantum ad hoc uerba Christi, optantis sunt, quum dicit, Quod facis, fac citius, optat enim cito pati, ita quod iuxta hunc sensum non impellit Iudæ ad accelerandum actionem, sed optat celeritatem passionis. Et hoc suum desiderium aperiebat per hæc uerba Iudæ, tanquam diceret: Quod tu facis, desidero celerius pati. Secundum bonum est, bonum naturæ ipsarum actionum Iudæ. Omnis enim actio quantumcunque mala moraliter, quum sit res aliqua bona est bonitate naturæ: & ut sic est à Deo, Et quantum ad hoc, uerba hæc Domini sunt præceptiua, & significant ordinem diuinæ prouidentie ad accelerandum actiones Iudæ, ut tempore statuto à diuina prædestinatione adimpleretur passio Christi. Sicut enim malum non est Deum cooperari actionibus peccatorum quantum ad bonitatem naturæ: ita malum non est illas præcipere. Tertium bonum est, ordo mali culpæ, hoc est peccati ipsius Iudæ. Deus enim omnipotens qui mala ordinat in bonum, peccatum Iudæ ordinauit bonum passionis Christi & redemptiōis humanæ.

Et quantum ad hoc bonum ordinis, uerba Domini sunt uerba ordinantis, & uolentis adimpleri ordinem illum, ut edo iniquitate ipsius Iudæ ad bonum. Malum autem in opere Iudæ manifestum est, scilicet ipsum peccatum. Et quod ad hoc uerba Domini dupliciter exponi possunt. Primo permissiue. Et hoc est uerum quantum ad hoc quod Iudas peccauit. Secundo significatiue. hoc est quod Dominus aperiebat ipsi Iudæ clarè & apertè quod sciebat iniquum propositum eius: ut uel sic occasionem habere posset relapsendi, dum conspiceret magistrum suum tantæ sanctitatis esse, ut cognosceret secretissimum cor eius, & ad quid tunc ipse ire uolebat: & non solum quod sciebat in genere: Vnus uestrum me traditurus est. Debebat enim hinc poenitentia duci, qua postea ductus est, inutiliter, dicens: Peccaui tradens sanguinem iustum.

flum. Vnde quum in actione Iudæ relata ad Dominum Iesum, multiplex bonum desiderabile adesset, rationabiliter a Domino impulsus est Iudas ad faciendum celeriter unde tot bona confurgerent, relinquendo sibi ipsi curam suam culpam.

Circa tertium. Omnes enim qui gladium acceperint &c. ex capite obscura videntur hæc Domini uerba. Primo, quantum ad ueritatem sententiæ: quia non uidemus uerificari quod gladio pereant omnes qui gladium accipiunt, siue iuste siue iniuste accipiant. Secundo, ex applicatione istorum uerborum ad factum Petri. nam Petrus non uidetur peccasse utendo gladio percussiuo contra aggressores Christi, quum haberet iustum bellum, & manifesta esset iniquitas uolentium capere Christum.

Et si Petrus iuste usus est gladio, quare pro ratione retrahendi gladium dicitur ei, omnis enim qui gladium acceperit &c. aut enim hæc ratio non est ratio ad propositum factum Petri: aut si est ratio ad propositum, Petrus peccauit: quod est absurdum.

AD hoc dicitur quod non est sensus dominicæ huius sententiæ gladio materiali perituros eos qui gladium acceperint: sed sensus est, quod merebuntur gladio perire, uel quod patientur contra passum: hoc est tantum patientur quantum offenderunt: ut per correspondentiam poenæ gladij ad actionem gladij, intelligamus contrapassum. Et hoc proculdubio uerificatur, licet non secundum speciem, secundum quantitatem tamen poenæ: iuxta illud. Quantum se exaltauit in deliciis, tantum illi date tormentum. Et hic sensus uidetur magis consonus literæ pro quanto non loquitur litera de merito, sed futura poena, non enim dicit, merentur gladio perire, sed peribunt gladio. Et per accipere gladium intelligitur propria authoritate & uoluntate uti gladio. Principes enim & iudices non accipiunt quasi à seipsis, sed concessio sibi gladio à Deo utuntur: quoniam sunt ministri Dei, ad uindictam malorum: ut Petrus Primæ suæ Epist. c. ij. dicit, & Paul. ad Rom. xij. Priuatæ autem personæ defendentes se gladio absque culpa, non accipiunt gladium propria uoluntate: sed cōguntur ad inuasorū aggressionē uti gladio ad sui defensionē. Stat ergo solida dominica sententia, quod omnes qui tamquam à seipsis

acceperint gladium gladio peribunt: hoc est, non erunt impuniti, sed tantum patiuntur quando offenderint: Ad alteram uero obiectionem dicitur quod licet factum Petri ex parte intentionis suæ & iustissimæ ac piissimæ causæ fuerit laudabile, dupliciter tamen mali speciem habuit. Primo quia præceps apparet: dum sciens spontaneam magistri uoluntatem ad patiendum: non debuit præsepte magistro & requisito, Domine si percutimus in gladio: ante responsionem percutere. Secundo (quod magis urget) quia ad uindictam magis quam ad defensionem percussio illa spectabat. Nam præsepte cohorde præsidis & ministris Iudæorum, adeo quod erat turbamulta cum armis &c. prudens ratio non debebat mouere Petrum ad defensionem: quum uana prospiceretur huiusmodi defensio, & potius nocitura esset quam profutura. Prodesse siquidem non poterat contra tot & tales. Nocere autem multum poterat utpote qui ministros curiæ percussissent, & Domino imputaretur quod conatus fuerit se defendere propter hæc enim euitanda scandala Dominus statim Malcum sanauit. Quo fit ut percussio illa quasi ad uindictam tenderet: ut faciunt hi qui etsi non possunt euadare, uolunt tamen uindictam qualemcunque possunt facere antequam capiantur. Et sic percussio Petri habuit speciem uindictæ quæ priuatis personis illicita est. Verba ergo Domini non extra propositum allata sunt pro ratione retrahendi gladium à Petro extractum: quoniam factum Petri reprehensibile erat tanquam habens speciem mali: hoc est uindictæ. Et Petrus erat tanquam accipiens gladium, hoc est quasi propria potestate utens gladio ad quasi uindictam. Vt or autem istis quasi & tanquam. quoniam de ipso opere loquor, & non de intentione: Petri quia nesciens quid faceret ad defensionem magistri tenebat. Vnde Dominus ex duobus capitibus Petrum arguit. Primo, ex parte facti habentis speciem mali. Secundo ex parte impedimenti quod præstabat Petrus diuinæ ordinationis, nesciens quid faceret.

Circa quartum, de adolescente sequitur Christum incertum est quis fuerit: certum tamen uidetur quod nullus Apostolus fuit. Et quidem quod non fuerit Ioannes Euangelista, constat ex ætate. nam tunc temporis Ioannes non erat adolescens:

adolescens: quoniam transierat trigelimum ætatis suæ annum: ut patet computando annos quibus postea uixit usque ad nonagesimum nonum ætatis suæ annum. Obiit siquidē anno a passione Domini lxxii. uel lxxiii. imperāte Traiano quibus annis si addatur quod superest usque ad nonagesimum nonum suæ ætatis annum. manifeste apparet quod iam erat xxx. annorum ad minus tempore passionis Christi. ac per hoc non erat adolescens. Et quum dicatur iunior Ioannes reliquis Apostolis, cōsequēs est, quod nullus alius Apostolorū fuerit ille adolescens. Si quis etiam uerba Marci Euāgelistæ diligenter perspiciat, idem inueniet, nam quum dixisset quod discipuli omnes fugerent tanquam e regione cōmemorans adolescentem, subdit. Adolescens autem quidam sequebatur eū. Hinc enim insinuat omnibus Apostolis fugientibus adolescentem sequutum esse Christum: ac per hoc non esse illum de numero Apostolorum.

Suadetur quoq; tertio hoc idem ex modo quo opertus erat, scilicet lindone super nudo corpore, Non uidetur si quidem uerisimile quod Apostolus aliquis sic coopertus cœnasset cum Christo quū huiusmodi operimētum (scilicet quasi circumuolui uno linteamine) non sit ordinarius modus uestiendi, sed accidentalis iis qui surgunt ex lecto. Et hinc æstimari potest quod adolescens ille in lecto erat ibi in horto, & surrexerat, uel forte ad rumorem, uel ad aperiendū ianuam horti, uel &c. & amans Christum utpote frequenter conuersatum in illo horto sequebatur illum.

Circa quintum parasceue Paschæ scrupulus nonnullos occurrat ex eo quod dies ille quo passus est Christus, erat primus dies Paschæ utpote in cuius principio uespertino immolatus erat Paschalis agnus, primus autem dies Paschæ erat sanctus & nullum opus seruile in eo erat licitum: ut patet Leuit. xxiii. Quomodo ergo erat dies præparationis, ac per hoc operis seruilis, ut euangelistæ dicunt? Et confirmatur ex eo q; Lucas Euangelista dicit quod mulieres quæ cū Iesu uenerant de Galilæa, uiderunt monumentum & quēadmodum positum erat corpus eius, & reuertentes parauerunt aromata & unguentū: & sabbato quidem sibi uenerunt secundum mandatum. ubi apparet quod ipsa die Parasceues

abiectione: & propterea Pilati interroganti eos, Quam accusationem affertis aduersus hominem hunc? responderunt per locum ab authoritate propria, Si non essent hic malefactor, non tibi tradidissimus eum. Et tunc Pilatus sciens quod per inuidiam tradidissent eum, & uidens eos stare in sua dignitate & authoritate, quæsiuit repellere à se hanc causam, & dixit eis: Accipite eum uos, & secundum legem uestram iudicate eum. Vbi duo faciebat: quia & respondebat consequenter pontificibus, & saluabat uitam Christi. Respondebat quidem consequenter, tanquam dicens, Ex quo uos non uultis ut ego cognoscam de causa, sed uultis quod cognitio uestra sufficiat, accipite eum uos & iudicate. Saluabat uero uitam Christi, quia dixit, iudicate secundum legem uestram. Signanter enim Dixit uestram, & non dixit legem Moyli: ut per ly uestram intelligerent legem sibi permissam seu concessam à Romanis: siue illa lex esset ipsa lex Moyli limitata seu moderata à Romanis quantum ad iurisdictionem mortis, siue essent statuta aliqua à Romanis illis data. Et quod iste fuerit uerus sensus uerborum Pilati, testatur responsio pontificum quum dixerunt, Nobis non licet interficere quenquam. Tanquam dicerent: Iste malefactor meretur poenam mortis quæ excedit facultatem nostram. nobis enim non licet interficere quenquam. Hæc enim responsio quum constet quod non est uera secundum legem Moyli absolute (quia secundum Moyli legem licitum est eis interficere malefactores multos) opus est ut intelligatur secundum legem à Romanis permissam seu datam. Vnde patet ratio quare à principio pontifices recusarunt iudicare Christum: quia scilicet uolebant ipsum damnari ad mortem, quod eis non permittebatur ex illa Pilati remissione. Vnde non ualentes inducere quasi ex authoritate Pilatum ad damnationem Christi, descenderunt ad spiritalia crimina, accusantes ipsum in quatuor, quæ Lucas narrat &c. De secunda autem uice quum Pilatus dixit, Accipite eum uos & crucifigite, alia est ratio, & alius sensus. dixit siquidem hæc uerba Pilatus postquam examinata fuerat causa Iesu Christi & ab Herode & ab ipso: & adduxerat iam ipsum foras portantem spineam coronam &c. Et non dixit

eo sensu nec ea ratione ut pontificibus permitteret potestatem crucifigendi Christum (hanc enim libenter acceptassent) sed eo sensu & ratione, ut crimen tanti facinoris (scilicet interficiendi Christum innocentem) in pontifices retruderet: iuxta consuetum loquendi morem quo nos impulsus ab aliquibus ut faciamus aliquid quod à nobis uideretur iniquum, respondere solemus: ego non possum hoc facere, faciatis uos, non per hoc probantes aut cōcedentes quod ipsi faciant, sed retorquentes crimen in eos.

Et quod iste sic uerus sensus, & intentus à Pilato, & intellectus à pontificibus, patet ex parte quidem Pilati, quia addidit, Ego enim non inuenio in eo causam, scilicet mortis. Ex parte uero pontificum: quia directe responderunt ad retortionem criminis, dicentes se in hac petitione nullum peccatum incurrere, sed diuinam legem seruare, responderunt enim: Nos legem habemus, & secundum legem debet mori: quia filium Dei se fecit. Vbi petitionem suam ex lege diuina iustificarunt, & Dominum Iesum reum usurpatæ deitatis dixerunt: tanquàm si dicerent: Si de peccato agitur, non putes nos causam procurare iniquam: quoniam secundum legem procedimus. Vnde & Pilatus audito hoc sermone magis timuit displicere Iudæis absoluendo illum, quem lex eorum dignum morte facit. Nunquam ergo pontifices recusarunt iudicare Christum ad mortem: sed prima uice recusarunt iudicium sine facultate damnandi ad mortem. Secunda autem uice non recusarunt facultatem crucifigendi Christum, quia non eis oblata fuit, à Pilato per illa uerba, sed refellerunt crimen à se quod Pilatus in eos retorquebat prosequentes causam contra Christum. Et sic cessat quæstio & obiectio. Budæ in parasceue. 1524.

quo tractantur tria.



CCVRRVNT septimò in hac so-
lénitate Paschali tria. Primū est apud
Lucā Euangelistā de duob. discipulis
eūtib. in Emaus: Oculi aut illorū tene-
bātur, ne eū agnoscerēt. Scđm est vñ.
scitur, q̄ Thomas tetigit manus & la-
tus Christi, ut doctores affirmant. Ter-
tiū, q̄ in his dieb. legitur ex Apocalyp

sis c. 5. Dignus est agnus, qui occisus est, accipere diuinitatē.

CIrca primū, Oculi aut eorū tenebātur & c. dubiū occur-
rit, an sit sermo de oculis corporis, an de oculis animæ.
Qđ n. sit sermo de oculis corporis, ex eo apparet q̄ si corpo-
ralib. oculis ituiti fuissēt ipsū Christū: quū haberēt ex pristi-
na cōuersatione sensitiuā notitiā eius: uidēdo cognouissent
eū nō minus tūc q̄ ante resurrectionē. Vñ ex hoc ipso q̄ ui-
dētes ipsū nō cognouerūt eū, habetur q̄ aliqđ impedimētū
in eorū corporali uisione erat: quo fiebat ut uidēdo non co-
gnoscerēt ipsum sicut prius uidēdo cognouerāt. Quod uerò
sit sermo de oculis mētis, ex duob. apparet. Primo, quia illi-
met oculi detēti sūt ne eū agnoscerēt, q̄ postea apti sūt ī fra-
ctiōe panis, sed ī fractiōe panis sūt apti oculi interiores, ergo
de illismet dixerat Euāgelista q̄ oculi eorū tenebātur. Scđō
ex eo q̄ nō sufficiēs impedimētū cognitionis Christi allatū
fuit ex īpedimēto uisiōis corporalis. Nā p̄ sensū auditus
restabat sufficiēs uia ad cognoscēdū Christū. Audiēdo liqui-
dē p̄priā ipsius uocē dū loq̄retur in uia, & aperiret illis scri-
pturas: cognoscere poterāt, imo debebāt ipsū esse Christū, si
cut ante passionē cognouissēt ipsū uoce si audissent ipsū lo-
q̄ntē in nocte absq̄ hoc q̄ uiderēt ipsū. Vñ ex hoc q̄ neq̄ au-
diendo ipsius uocem cognouerūt ipsū esse magistrū suū, in-
sinuatur q̄ interiores erat illi oculi qui tenebātur ne agno-
scerent eum. Nihil enim spectat ad oculos corporeos cogno-
scere personam aliquam per auditum propriæ uocis.

AD hoc dicitur q̄ sine dubio de utriusque oculis uerifi-
cantur uerba Euāgelistæ: principalis tamen Euāgelistæ
intentio

intentio ad interiores oculos referri uidetur. Declaro singula. Quod enim oculi corporei discipulorum tenerentur ne agnoscerent eum, ex uerbis Marci Euangelistæ clarius precipitur. Nā Marcus explicat quod Christus duobus discipulis euntibus in uillam ostensus est in alia effigie, ubi manifestatur quod in oculis corporeis ambulantium discipulorum ostendebatur non propria Christi effigies, sed alia: quam Lucas insinuat ex uerbis discipulorum fuisse effigiem peregrini, dum dixerunt, Tu solus peregrinus es in Hierusalem, Aliam autem effigiem intellige, non quod aliquam figuram æream unius peregrini formauerit Dominus coram oculis illorum (quoniam Dominus seipsum eis monstrauit) neque quod in oculis discipulorum aliqua ægritudinis seu illuhonis species facta fuerit, qua impedita fuerit uisio colorum & figura ipsius Christi (quoniā nulla ad hoc ratio ducit) sed quod facies Christi immutabat tam diaphanum medium quam oculos discipulorum, non secundum omnem dispositionem quam habebat, sed secundum aliquid sic, & secundum aliquid non. Verbi gratia: immutabat secundum aliquid suorum lineamentorum, oculorum, nasi, frontis &c. Et secundū aliquid non, aut secundum aliquid coloris sui, & secundum aliquid non. Et sic apparebat, in alia effigie, & sic apparebat peregrinus non per formam seu figurā alteram, sed per subtractionem immutationis secundum omne quod suæ figuræ seu coloris erat: hinc enim apparentia fit alterius. Et parua huiusmodi uarietas in immutando sufficit ad alienam effigiem apparendam, & ad non apparendam propriam, quoniam species uisibilis sic deficiens ab integritate obiecti, repræsentat non talem faciem non tales oculos &c. ac per hoc repræsentat alienam effigiem. Constat autem hoc fuisse in potestate ipsius Christi, in cuius potestate erat efficere ut etiam præsens nō uideretur. Et sicut non miramur corpus Christi gloriosum non immutasse oculos corporeos discipulorum quatenus erat lucidum: ita non est mirandum quod non immutauit oculos istorum duorum secundum omnem dispositionem sui uultus. Ex hac ergo subtractione immutationis immutabantur oculi discipulorum ad uidendum Christum non sub propria effigie, & ad iudicandum ipsum peregrinum.

grinum. Et in hoc consistit impedimentum, quo oculi eorum corporei tenebantur ne eum agnoscerent. Et hæc quod ad impedimentum iudicij secundum corporalem uisionem sufficere uidentur. Sed quomodo auditus iudicium fuerit impeditum ut non discreuerint uocem Christi, non uidetur similis ratio. Nam fictioni simile uidetur, quod uox Christi aliter immutauerit auditum eorum quam formata ab ipso Christo fuerit aut quod secundum aliquid immutauerit, & secundum aliquid non. Vnde rationabiliter intelligimus quod sicut homines qui sciunt uariis loqui linguis, diuersimodè loquuntur dum diuersis utuntur linguis, & sicut qui personam alienam fingunt loquendo, ita quâdoque loquuntur ut à non uidentibus eos putentur illi esse quorum personam fingunt in loquendo: ita multo magis Dñs Iesus diuersis modis loquebatur & nō semper loquebatur modo quo cōsuetus erat loq̃ ante passionē, seruato tñ eodē idiomate. Et sic istis duobus discipulis aliter locutus est quam consueuerat ante passionem, ita quod uox non sonabat ipsum Christum ex hoc ipso quod non erat illo modo formata quo consueuerat formari ante passionem.

Et quod ita sit, ex Euangelio Ioannis accipere possumus dū eodē resurrectionis die Christus Dominus à Maria Magdalena nō est primò cognitus in uoce, dum ei dixit. Mulier, quid ploras? quem quæris? & quasi statim est ab eadem cognitus in uoce, dum dixit ei Maria. Ex hoc enim quod in secunda uoce tam breui cognouit, eum: & in prima prolixiore nō cognouerat, accipimus quod primum uocē Christi formauit quasi alienā: secundam autē more solito ante passionē: & propterea statim Maria cognouit eum. Ex hac enim solita & cognita Christi uoce, à Maria cognitus est: & non sufficienter ex hoc quod nominauit eam proprio nomine. Nam si secundum priorem uocem qua æstimabatur hortulanus, dixisset nomē proprium: Maria non habuisset rationē cognoscendi eum, sed interrogandi, unde me nosti: ex eo quo æstimabat illum hortulanum esse. Sed dum audiuit suauissimam illam uocem magistri sui, quā solita erat audire, uocari se nominatim, habuit sufficientissimam rationem cognoscendi eum. Si ergo duobus istis discipulis Dominus nec

propriam effigiem subtrahendo, aliquid immutationis corporalibus oculis monstrauit: nec solita uocem auribus eorum proposuit, & propterea interiores oculi eorum tenebantur, ne agnoscerent eum: ita quod pars interior cognoscitiua non habebat ex parte sensum unde iudicaret illum hominem esse Christum: quoniam nec per sensum auditus, nec per sensum uisus offerebantur sensibilia offendentia indiuiduum Christi. Præter hanc autem causam alia extabat causa impediens oculos internos, scilicet minus bona dispositio mentis eorum, quam ipsi met confessi sunt dicendo. Nos autem sperabamus, quamque Christus reprehendit dicens, O stulti & tardi corde &c. Hinc enim merebantur ut Dominus nec per uisum, nec per auditum se eis aperiret. Hinc etiam merabantur, ut dum aperiret eis scripturas, adhuc non cognoscerent eum.

Et per hoc patet secundum, scilicet quod principalis intentio Euangelistæ est loqui de oculis interioribus, qui ex tot partibus tenebantur ne agnoscerent eum nam ut dictum est, tenebantur ex parte uisus corporei, & ex parte auditus corporei, & ex parte desperationis, stultitiæ, & tarditatis. Et isti sunt quos fateri oportet apertos in fractione panis, si pro quia fractio panis non concomitanter, sed causaliter cōcurrit ad hoc quod illi cognoscerent Christum. Concurreret siquidem fractio panis concomitanter, si non ex ipsa fractione panis, sed dum frangeret Christus panem, discipuli cognouissent ipsum hoc est, si dum frangeret panem, figura Christi immutasset oculos illorum secundum se totam: & sic aperti dicerentur oculi eorum corporei. Sed hæc expositio dissonat à plano euangelij sensu, non enim replicatum esset quod narrauerunt Apostolis quod cognouerunt eum in fractione panis, si fractio panis concomitanter solum concurrisset, ita enim potuisset dicere quod cognouerunt eum in benedictione panis, aut in acceptione, aut in porrectione eiusdem, sicut dixerunt in fractione, quoniam Christus non solum fregit, sed accepit, sed benedixit, sed porrexit panem. Quocirca explicando solum fractionem, causam denotauerunt cognitionis. Et licet Euangelista non explicet modum quo fractio panis causauit in eis cognitionem Christi, attamen ex hoc ipso quod ponit fractionem ipsam fuisse causam cogni-

eionis , insinuat miraculum aliquod in illa fractione interuenisse, puta quod manibus frangebatur, sicut alij cultello incidunt, & hoc tanquam consuetum fieri à Domino ante passionem, mouit eos ad cognoscendum ipsum esse Christum, Ex eo enim quod isti duo discipuli narrauerunt Apostolis quomodo cognouerunt eum in fractione panis, manifeste intelligitur modum aliquem interuenisse in illa fractione, quo cognouerunt illi ipsum esse Christum Iesum, nam non dicit eos narraſſe quod cognouerunt eum, sed quomodo cognouerunt eum, nec dicit quomodo cognouerunt eum absolute: sed determinate, in fractione panis. Illud igitur aduerbium quomodo, determinans cognitionem in tali motus ad cognoscendum, scilicet in fractione panis, incitat nos ad intelligendum interuenisse in illa fractione panis, modum aliquem Domino Iesu Christo proprium, ex quo discipuli cognouerunt ipsum esse dominum Iesum. Et licet de hoc mirabili actu fractionis quod fuerit Christo consuetus ante passionem, Euangelia non expresse testentur, ex hoc tamen textu & ex Euangelio Ioannis non irrationabiliter sumitur. Ex hoc quidem textu non solum quia tanquam solitus Iesu Christi actus duxit istos discipulos in Christi cognitionem, sed etiam ex eo quod isti discipuli narrauerunt Apostolis quomodo cognouerunt eum in fractione panis: tanquam attestantes actionem Christi propriam, & ex consuetudine notam omnibus discipulis, quasi diceret Nos cognouimus ipsum certa cognitione quam uidimus ipsum frangere panem more solito, ut scitis quod consueuerat frangere.

Ex euangelio autem Ioannis. nam Ioan. ult. quando ad mare Tyberiadis Christus post resurrectionem manifestauit se discipulis, ad insinuandum per hunc consuetum actum Christum conuersatum cum discipulis, dicitur: Et venit Iesus, & accepit panem, & dabat eis, & piscem similiter. Hæc enim uerba ad id tendere uidentur, quod Christus tam panem quam piscem diuidebat discipulis propriis manibus: non enim integrum panem, neque integrum piscem illis dabat. Vnde & signanter euangelista apposuit ly similiter, ut declararet quod simili modo dabat piscem quo dabat panem

hoc est quod in manibus frangebatur piscem, sicut frangebatur panem. Hæc de primo.

Circa secundum de actu Thomæ ratio dubitandi est, quia in Euangelio non legimus Thomam tetigisse: sacri autem doctores, specialiter Leo & Gregorius tactum affirmant interuenisse.

Ad hoc dicitur, quod ex uerbis Domini recitatis in euangelio Ioannis, intelligitur Thomas tetigisse: nam per actum uidendi significauit Euangelista huiusmodi tactum. Quod non uoluntarie dicimus sed ex pluribus Euangelistis manifeste habemus. Apud Lucam namque Dominus ipso die resurrectionis dixit discipulis. *Palpate & uidete*: quia spiritus carnem & ossa non habet. Vbi *ly uidete*, non uisionem corporalem significat. sed certificationem cognitionis ex tactu, ita quod dicendo *Palpate & uidete*, dicebat, *Palpate & certificate uos*. Apud Ioannem quoque Dominus dixit Thomæ, *Infer digitum tuum huc, & uide manus meas*. Non enim digito uidere poterat manum, sed digito certificare se poterat de figura clauis in manu & propterea dicens, *Infer digitum tuum huc, & uide* dicebat: *Infer digitum tuum & certificate*. Nec euangelistæ usurparunt uidendi uocabulum ad designandam certam cognitionem, sed usitatum loquendi morem, sequuti sunt. Consueuimus enim uidendi uerbo uti non solum ad significandam corporalem uisionem aut intellectualem sed etiam ad significandam certam cognitionem secundum quecunque sensum. Et uidetur hic usus deriuatus ex certitudine sensus uisus. Vnde & in psalmo dicitur de sensu gustus spiritali: *Gustate & uidete quoniam suauis est dominus*. Ex hoc ergo quod in hoc proposito ipse Dominus usus est uidendi uerbo ad significandam certam cognitionem secundum tactum tam ad apostolos alios apud Lucam in die resurrectionis, quam ad Thomam apud Ioannem post octo dies: consequens est, ut affirmante Domino, quia uidisti me Thomas credidisti, affirmata sit certificatio secundum tactum quæ per uerbum uidendi significata & oblata ab ipso Christo erat: ita quod dicendo: quia uidisti, credidisti: dixit, quia tangendo certificatus es, credidisti &c. Vnde patet ex euangelio haberi quod Thomas tetigit; & propterea confessus est credendo, Domine

us meus & Deus meus. Hæc de secundo.

Circa tertium dubitandi ratio est: quia Christus Dominus ab æterno fuit Deus, nec per mortem desiit esse Deus: nā totus Deus erat in sepulchro, & totus Deus erat in inferno cū anima Christi. Quomodo ergo post resurrectionem suam de eo dicitur quod dignus est accipere diuinitatem, quasi non haberet illam.

Ad hoc breuiter dicitur, quod accipere dicimur aliquid nō solum si de nouo accipimus illud sed etiam si prius illud habentes de nouo utimur. Vnde & habens gladium dicitur, accipere gladium quando de nouo uritur illo.

Et iuxta hunc sensum Dominus Iesus licet ab æterno fuerit Deus, & nunquam deserit esse Deus: quia tamen post resurrectionem suam usus erat diuinitate sua manifestè, quam sub passibili carne tanto tempore occultam tenuit: & ex merito passionis suæ dicebatur sibi manifestatio gloriæ (ut Apostolus ad Philip. ij. dixit) ideo dignus post resurrectionē suā dicitur accipere diuinitatem, non de nouo ad habendum illā sed ad manifestum usum illius: qui usus usque ad diem iudicii, quo manifestissimè apparebit omnibus Deus, extēditur. Hæc de tertia & tota hac parte.

Budæ, sabbato in albis, 1524.

OCTAVVM IENTACVLVM:
in quo declarantur de peccatis quinque.



CCVRRVNT Octauo declaranda de peccatis quinque.

Primum est Matth. xij. Omne peccatum & blasphemia remittetur hominibus: spiritus autem blasphemiae non remittetur.

Secundum est primæ ad Corinthios sexto. Omne peccatum quodcumque fecerit homo, extra corpus est: qui autem fornicatur, in corpus suum peccat.

Tertium est j. Ioan. ult. Qui scit fratrem suum peccare peccatum

catum non ad mortem: petat, & dabitur ei uita peccanti non ad mortem, est peccatum ad mortem, non pro illo dico ut roget quis.

Quartum est apoc. iij. Vtinam esses calidus aut frigidus: sed quia tepidus ex incipiam te euomere ex ore meo: quia dixi diues sum & locupletatus, & nullus egeo: & nescis quia miser es & miserabilis, & pauper, & cæcus, & nudus.

Quintum est Apocal. ultimo: Qui nocet, noceat adhuc, & qui sordidus est, sordescat adhuc.

Circa primum Matth. xij. Omne peccatum, & blasphemia remittetur hominibus spiritus autem blasphemiae non remittetur: dubium occurrit de differentia posita inter spiritum blasphemiae, & reliqua peccata hominum quantum ad hoc quod spiritus blasphemiae non remittitur, reliqua uero remittentur. Nam aut est sermo de remissione quantum est ex natura peccati: & sic non saluatur differentia posita: quia commune est omni peccato mortali, quantum est ex parte sui esse irremissibile: quum faciat hominem dignum æterna morte, & constituat inimicum Deo. Aut est sermo de remissione secundum potentiam: & nec sic saluatur differentia posita: quia commune est omni peccato mortali posse remitti, non solum per omni potentiam Dei, sed per misericordiam eius solitam: tam per sacramentum baptismi, quam per sacramentum poenitentiae. Aut de remissione in actu, hoc est, quod reliqua remittentur, & hoc non. Et nec sic saluatur differentia posita: sed utrinque falsa uidetur: nam nec de omnibus reliquis peccatis hominum uerificatur quod quandoque remittentur hominibus quum multi damnentur propter huiusmodi peccata. Nec pro uero asserendum est aliquid quodcunque sit illud peccatum hominis in hac uita, quod nunquam remittetur: quoniam asserere hoc est ponere hominem illum in desperationē. Nā si certificatus esset quis per Domini sententiam quod peccatum spiritus blasphemiae nunquam remittetur, haberet causā desperandi habens tale peccatum, utpote certus de non consequendo remissionem.

Ad hoc dicitur quod quum manifeste spiritus blasphemiae distinguatur in litera contra blasphemiam, uidetur per spiritum

spiritum blasphemix intelligendum quoddam speciale blasphemandi genus: quod iudicio meo, constat ex maligna machinatione aduersus Deum: dum aliquis ad hoc dat operam ut quæ Dei esse cognoscit, aut putat, destruat, peruerat, alii attribuat &c. huiusmodi enim blasphemix genus merito blasphemix spiritus appellatum est, propter plenitudinem rationis blasphemandi, & propter consuetum loquendi morem quo appellamus hominem omnibus opponentem habere spiritum contradictionis: ita huiusmodi malignantes dicuntur habere spiritum blasphemix.

Inter hoc igitur crimen hoc spiritus blasphemix, & alia peccata & ipsas blasphemias differentia quo ad remissionem est, quod reliqua regulariter loquendo remittuntur hominibus, hoc autem regulariter loquendo nunquam remittitur: ita quod Dominus hanc differentiam reuelasse uidetur in hoc textu, Et quamuis etiam istis si poenitentia ageretur, uenia daretur: disposuit tamen diuina iustitia permittere istos impoenitentes perseuerare: ita quod sub hac Dominica reuelatione cadit non solum negatio remissionis, sed negatio doni poenitentia: tanquam si dictum fuerit quod peccantibus spiritu blasphemix nunquam conceditur remissio: quia nunquam concedetur ex gratia poenitendi. exigente hoc maxima illorum nequitia. Ad dubitationem igitur respondetur quod sermo est de actuali remissione non simpliciter & absolute, sed regulariter hoc est secundum communem cursum. Et quum obiicitur quod non omnia reliqua remittuntur etiam secundum communem cursum, respondetur, Dominum non dixisse quod omnia reliqua remittentur singulis hominibus, sed dixit, quod remittentur hominibus ad quod uerificandum sufficit quod remittantur aliquibus hominibus. Quod uero obiicitur de desperatione, soluitur dicendo quod talis non debet desperare: quoniam Deus non alligauit misericordiam suam communi cursui, sed præter illum seu supra illum pluries misertus inuenitur peccatorum, ut patet de latrone, de Paulo, de Magdalena, quos supra communem cursum statim ita euexit. Omni ergo conatu, ieiuniis, & eleemosynis, & orationibus, alienisque suffragiis tanto magis conari talis deberet ad diuinam implorandam misericordiam, quanto

remotioſiorem ſe ab illa conſtituit Hæc de primo.

Circa ſecundum. ꝓ. ad Cor. vi. Omne peccatū quodcūq; fecerit homo, extra corpus eſt: quī autem fornicatur, in corpore ſuū peccat, quæſtio occurrit tūm contra primā partē, tūm contra ſecundā. Contra primā quidē: quoniā falſum uidetur omne aliud a fornicatiōe pētm extra corpus eſſe. Apparet enim triplex inaniſta inſtantiā. Prima de comēſſationibus & ebrietatibus, quas conſtat pētm eſſe in corpore, & non extra corpus. Secunda de percutione & iulneratione ſuſcipiis: quū enim q̄s percutit aut iulnēſat ſeipſum maniſeſte peccat contra corpus ſuū plus quam inebriatis ſe. Tertia, de abuſu manū loco pedum: ut ſi quīſ ambularet in ore quadrupedū hinc em̄ maximē pecceret in corpus ſnū, debonēſtās illud, & abducēs ac deliciens ab humana dignitate, & efficiēs illud ſimile beſtiis. Contra ſecūdā uero parte: quū non apparet uera neq; ꝓ ſe neq; ꝓ accidens. Nō ꝓ ſe: quā li cet in peccatis contra naturam contumelia fiat corpori, (iuxta illud ad Rom. j. Vt contumeliis afficiant corpora ꝓpria) in peccatis tamen naturalibus, quale eſt fornicatio, nulla apparet iniuria corporis, ſed aīa: dū aīa ſubditur corpori, & inquinatur peccato: Nec ꝓ accidēs: quū nō oportet fornicantē nocere corpori ꝓprio, quū ſemē ſit de ſuperflue indiuidui &c. Et ſi ad ea quæ ſunt ꝓ accidens egrediēdum eſt: in ꝓꝓtu obiceretur quod plures occidit crapula, quam gladius.

Ad hoc dicitur, ſermonem Apoſtoli eſſe de peccatis humanis in genere: ita quod non intendit fornicationem comparare ſingulis peccatorum ſpeciebus, ſed communibus generalibus peccatis. nec loquitur de effectibus peccatorum, ſed de peccatis iſtis: & intendit quod ſolum peccatum fornicationis, & tanto magis adulterii, & ſimilium, eſt peccatum in corpus ꝓprium: hoc eſt, inſert iniuriam ꝓprio corpori. quū diſtinguitur enim peccatum in deū, in proximum &c. ſenſus eſt quod inſert iniuriam Deo, inſert iniuriam proximo &c. Ac ꝓꝓ hoc quum dicitur hic quod peccat in corpus ꝓprium, ſenſus eſt quod iniuriam facit ꝓprio corpori. Vnde ad obiecta contra primā partem reſpondendo, dicitur, quod neque comēſſatio, neque ebrietas iniurioſa eſt corpori ꝓprio in ipſo actu peccati, quamuis effectus eorum iniurioſus

iniuriosus sit corpori pro quanto illi nocet. & pro tanto dicuntur extra corpus esse quo ad iniuriam: quia extra corpus sumitur hincut distinguitur contra peccare in corpus proprium: in quo fornicatio à reliquis differre dicitur. De percussione autem & uulneratione propria, dicitur huiusmodi crimina computari extra generalem rationem peccatorum communium: ut patet ex hoc quod homicidium secundum communem suam rationem non ponitur peccatum in corpus proprium: & tamen occidere seipsum, maxime est contra corpus proprium. Vnde huiusmodi specialia peccata ut existentia extra cōparationem quam facit Apostolus, reiicienda sunt. De ambulatione uero more quadrupedum & similibus, dicitur quod quum hæc sint peccata plus quā humana (quoniam apud Philosophos sunt peccata bestialitatis) ualde remota sunt à cōparatione quæ ab Apost. fit. Ab ea uero quæ obiciuntur cōtra secundā partē, respondetur quod sermo est de iniuria quā per se facit fornicatio corpori propria. Et quum quæritur, quæ est illa iniuria? Respondetur quod est duplex, scilicet dehonorationis & subiectionis. De honorationis quidem: quia mēbra sua mēbra facit meretricis, qui enim adhæreret meretrici, unum corpus efficitur cum ea. Subiectionis uero: quia membra sua subiicit potestati meretricis, unde patet quod non oportet recurrere ad nocumenta per accidens, aut ad quæcunque alia per accidēs. Hæc de secundo.

Circa tertium, j. Ioan. ult. Qui scit fratrem suum peccare peccatum non ad mortē: perat & dabitur ei uita peccanti non ad mortem, est peccatum ad mortem, non pro illo dico ut roget quis. difficultas occurrit de differentia peccati ad mortem, & peccati non ad mortem, an sit sermo de morte corporis, an de morte animæ: ita quod si ad mortem corporis spectatur, peccatum ad mortem intelligitur finalis impœnitentia: hoc est quando homo moritur in peccato mortali absq; pœnitentia interiori: hoc enim est peccatum durās usque ad mortem corporis inclusiue, & propterea ducens ad mortem æternā. Si autem ad mortem animæ spectatur, uocatur peccatum ad mortem omne peccatum mortale: quia mors animæ est. Quæstio igitur est quis sit sensus Ioannis apostoli per hæc uerba. Nam cōtra primum sensum mili-

militant uerba ipsius textus dum dicitur . Qui scit fratrem suum peccare . De finali liquidem impœnitentia non potest aliquis dum uiuit scire quod peccat huiusmodi peccato : sed solum post mortem potest sciri quod peccauit finali impœnitentia: quoniam quandiu uiuit potest pœnitere: ac per hoc non ad huc finaliter impœnitens . Et propterea de hoc peccato non esset dicendum . Qui scit fratrem suum peccare : sed qui scit fratrem suum peccasse . Contra secundum uero sensum (iuxta quem solummodo peccatum ueniale est peccatū non ad mortem) militant duo uerba textus . Primum quum dicitur , & dabitur ei uita , nam peccans solum uenialiter , non eget ut detur ei uita: quum habeat ipsam spiritalem uitam per charitatem , quæ stat cum peccato ueniali . Vnde ex hoc quod dicit dabitur ei uita peccati non ad mortem , significat quod talis peccans non ad mortem , eget uita : utpote non habens illam , sed expectans ut detur sibi: quod non conueniunt peccato ueniali , sed mortali . Secundum , quum dicitur . Non pro illo dico ut roget quis . Nam hinc sequeretur Ioannem non dicere ut rogetur pro peccatis mortaliter : cuius contrarium Dominus docuit . Orate pro persequentibus uos , & fecit , orans pro crucifixoribus : & Stephanus orauit pro lapidantibus : constat autem hos omnes peccasse mortaliter , & non esse rationabile ut Ioannes euangelista discor det à doctrina & exemplis Christi & sanctorum : discordaret autem , si timeret orandum esse pro irretitis peccatis mortalibus .

AD hoc dicitur quod quum sermo omnis nisi per se intelligatur , incertus sit (utpote uagus per accidentia) per peccatum ad mortem intelligendum est peccatum quod per se machinatur ad mortem animæ: hoc est ex intentione abiicit uitam animæ , ut quum quis ex intentione non curat de salute animæ suæ , de paradiso , & huiusmodi . Dico autem ex intentione , propter eos qui non ex huiusmodi intentione , sed est consuetudine deliciarum & luxuriarum , ex consuetudine usurarum , & sic de similibus , uiuunt tanquam non curantes de salutæ animæ suæ: tales enim nō ex intentione peccat cōtra uitā animæ suæ , sed ex passionibus , infirmitatibus &c . Intēdit ergo Ioānes euangelista differētiā inter peccatores

atores contemptu propriæ salutis peccantes, & inter alios qui ex ignorantia, aut passione & huiusmodi incurrunt peccata mortalia. Et instruit Christianos ut quum uiderint aliquos peccare ex ignorantia, aut infirmitate &c. orent pro illis cum fiducia, quum uiderint autem peccantes ex contemptu propriæ uitæ, non præsumant petere pro eis ueniam, sed uel relinquunt eos in cursu suo, uel (ut Bernard. insinuat) gemant, si fortè diuina misericordia adiciat quod oratio non præsumit. Et bene nota quod Ioannes non affirmat repellendam esse orationem pro talibus, sed non audet dicere ut oreretur pro talibus. tanquam petitio uideatur præsumptuosa: ait enim non dico ut oret quis.

Et hic sensus consonare uidetur non solum toti textui & contextui, sed etiam gestis Sanctorum: nam Dominus orans pro crucifixoribus adiecit causam ignorantie: Quia nesciunt quid faciunt. Et Paulus pro quo exauditus fuit Stephanus, testatur se misericordiam consecutum, quia ignorans fecit.

Vnde patet quod neuter quæditorum sensuum est intectus ab Apostolo, sed ille quem diximus cui omnia consonare uidetur. Hæc de tertio.

Circa quartum Apo. iij. Vtinam esses frigidus aut calidus: sed quia tepidus es, nec calidus, nec frigidus, incipiam te euomere ex ore meo, quia dicis quod diues sum & locupletatus, & nullius egeo: & nescis quia tu miser es & miserabilis, & pauper & cæcus, & nudus, ambiguitas occurrit ex qua duplici capite. Primo quia inconueniens manifestum est attribuere alicui sancto angelo deliderium mali culpæ, ac per hoc non consonat illi dicere, utinam esses calidus aut frigidus: nam per esse frigidum intelligitur alienum manifestè esse à toto charitatis igne. Secundo: quia non consonant hæc duo sibi inuicem, scilicet tepor & feruor arrogantie, & tamen in litera utrumque dicitur hunc episcopum habere, nam primò dicitur, quia tepidus es, & deinde subiungitur: dicis quod diues sum & locupletatus, & nullius egeo. ubi superbiæ feruor magnus notatur quum falso sibi arroget diuitias &c. Tertio quia aliud est ex tepore, aliud ex ignorantia peccare: nam tepor ad infirmitatem animi spectare uidetur: &

propterea mirum est q̄ in litera iste dicitur tæpidus, & deinde subditur eius ignorantia dum dicitur, Et nescis quia miseris, & miserabilis, &c. Quarto, quia nulli debet imputari defectus non solum inculpabilis, sed impossibilis euitari, nullus (inquit Philosophus) imperabit cæco nato, sed hominem in hac uita nescire se esse absque charitatis grātia, est defectus & inculpabilis & ineuitabilis. nullus enim scit an odio uel amore dignus sit: ut dicitur Ecclesiast. ix. Inconuenienter ergo arguitur iste q̄ nesciat se miserum &c.

AD hoc dicitur, quod homo iste ultimo descriptus de quo est sermo, habet scđm planum literæ sensum conditiones quatuor: Prima est esse extra charitatē: quæ ex eo habetur quod describitur miser, miserabilis, pauper & cæcus secundum ueritatem. Secunda, est esse tæpidum: quæ clare patet in litera. Tertia est, æstimare se diuitem, locupletatum, & nullius egere. Et hæc etiam clare patet in litera. Et ponitur causa tæpiditatis: quoniam cum coniunctione causali in litera ponitur, dicendo, quia dicis quod diues sū &c. Quarta est, nescire se esse miserum & miserabilem, pauperem, cæcum & nudum. hæc quarta conditio similiter ponitur cum causa tæpiditatis: dum continuatur in textu cum antedicta causa sub eadem coniunctione causali: ut patet intuenti. Ex quibus omnibus colligitur huiusmodi hominem abundare multis ac donis siue naturalibus, siue gratuitis & multis bonis operibus: ita quod primum istius peccatum apparet superbia de multis bonis quæ in se recognoscit. Et hī singula discernimus, istius hominis oculus adeo perspiciebat bona quæ in se erant, ut erraret & superbiret. Erraret quidem, quoniam ex bonis secundum quid, æstimauit se bonum simpliciter: hoc est ex donis & bonis operibus quibus abundabat sine uera charitate æstimauit se etiam charitatem & illius dona habere. Hoc enim sonant uerba sua, dum interiori uerbo dicebat, Diues sum, & hoc quo ad donatam naturæ quā gratiæ, locupletatus sum, & hoc quo ad bona opera & studia, & nullius egeo, & hoc uniuersaliter quo ad bona quæcunque necessaria: ita quod æstimabat se nullo amplius dono egere, & tamen falsum erat: quoniam carebat charitate & gratia gratum faciente. Superbiret autem: quoniam

quoniam bonis illis quæ habebat seipsum magnificabat, nam dicebat: ego sum diues, ego locupletatus, ego nullius egeo: quum uir rectus debuisset dicere, quia fecit mihi Dominus magna qui potens est &c. Et Deum, non se magnificare: nec unquam prorumpere in tam temerariam æstimationem, quod nullius egeret. Nec intelligo hunc esse tanta clarum superbia, ut ex intentione superbiret (quoniam iam esset in numero non tæpidorum, sed frigidissimorum) sed quia per modum superbientis & tali æstimationi innitenti se habebat: quod ut clarius patebit, facit hominem tæpidum. Erat quoque huic superbix ac falsæ æstimationi annexum alterum peccatum negligentix. nam cum hæc æstimatione negligebat iste discutere interiorem dispositionem animæ suæ quo ad mala pœnæ attestantia malum culpæ. Nesciebat enim se esse miserum miserabilem, pauperem, cæcum & nudum, quæ sunt mala pœnæ attestantia malum culpæ. Et somentum huius negligentix, quamuis ex litera non habeatur, nisi antedicta superba æstimatio, uidetur tamen esse incertitudo charitatis: ita quod ex hoc, quod non potest homo scire certa cognitione se habere gratiam gratum facientem seu charitatem, neglexerit perscrutari antedicta mala sua: tanquam eiusdem rationis sit cognoscere habere se bona gratiæ & charitatis, & discutere huiusmodi mala: quod tamen non est uerum: nam & si homo non potest cognoscere in se esse donum charitatis infusæ, potest tamen discernere an sit pauper, & cæcus: paupertas enim consistit in penuria operum interiorum similium operibus interioribus charitatis: puta si habebat interiorem actum pœnitentiæ, si interiorem actum gratitudinis, si reuerentiæ & tremoris in Deum, si misericordiæ in proximos, si humilitatis in seipsum. Similiter de uisu, si uidebat eo modo uiuendi de quo scriptum est: Ad uidendum in bonitate electorum tuorum. uident enim electi in bonitate, propria quidem bona, ut Dei: propria uero mala culpæ accusando se, corrigendo, puniendo: propria uero mala pœnæ æquanimiter tolerando, bono aliorum gaudendo, malo aliorum condolendo &c. quo contra cæci uidentes superbia cordis sui proximos uident iudicando seu contemnendo, bona eorū partufaciendo

ui faciendo mala eorum accusando, indignando &c. bona quæ habent ut sua magnificando: mala, quæ habet excusando &c. huiusmodi enim paupertatē, cæcitatem & nuditatem uirtutum his annexam potest homo si uult diligenter in se discutere & cognoscere. Et in hoc iste homo defecit: neglexit enim huiusmodi mala pœnæ in se discutere, & sic nesciuit seipsum miserum &c. Ex his autem duobus (superbia scilicet & negligentia, consurgit in homine quædam confidentia, quali manendi in statu in quo stat. Ex eo enim quod æstimat abundantem in bonis, & nescit miseriam status sui, quasi securus incedit: etiam inde naturaliter procedit affectus tæpidus ad dona gratiæ gratum facientis habenda. Et propterea homo iste ponitur tæpidus ex his causis: scilicet quia dicebat diues sum &c. Et nesciebat se esse miserum &c. Huiusmodi autem dispositio tæpidi animi utinam non frequens inueniatur in iis, qui putantes se in gratia Dei esse, negligunt discutere interiorem animi sui dispositionem quo ad penuriam interiorem actum uirtutum, & interioris uisus animi. Signum autem tæpidi uidetur esse non progredi seu non augeri in interioribus actibus uirtutum infusarum.

Et licet ex recitatis in hac litera appareat iam hunc esse uerum literæ sensum, solidior tamen sensus iste apparet ex subiuncto consilio exhibito in textu isti homini, dum suadetur ei in remedium studium emendi aurum ignitū &c. In emendo siquidem duo inueniuntur contraria temporī. Alterum est appretiare seu magni æstimare id quod est emendum. Alterum est, exhibere pretium æquale rei emendæ. Et primum quidem spectat ad animum, secundum autem ad executionem operis. Quæ ideo tollunt tæporem, quia tæpidus non æstimat donum gratiæ tanquam emendum, nec studet in executione exhibere opera quasi æquivalentia ad gratiā: ad quæ tamen duo maximè debet assurgere tæpidus, & ut summè magnificat (quo caret) gratiæ donum & ut omni conatu exerceat se quali ad cogendum Deum: ut det sibi gratiam. Secundum quoque remedium quod adiungitur, idem testatur ad causas tæpiditatis relatum, nam quia ad malè uidendo bona quæ habet, & non uidendo mala quæ habet, tæpidus effectus est, medicina pro oculis ei offertur, quæ
impedimen-

impedimenta uidendi tollantur: inter quæ præcipuum est superbia, quæ collyrij unctione tollitur, sic à Christo discimus quia mitis est & humilis corde.

AD obiecta igitur ordinatè respondendo, dicitur dupliciter posse accipi metaphoram hanc de calido & frigido, & tæpido. Primo intelligendo per calidum manifestam charitatem, & per frigidum manifestam iniquitatem, per tæpidum uero medium: qualis descriptus est, qui sibi uideretur bonus, & tamen est malus. Et iuxta hunc sensum optat angelus magis frigidum quàm tæpidum: non ut meliorem, sed ut faciliorem ad resipiscendum: qui enim cognoscit se esse malum, facilius correctionem suscipit, quàm is qui putat se esse bonum & quasi tutus tæpet. Secundo, referendo metaphoram totam ad gustum seu sumentem. Et iuxta hunc sensum tam frigidus quàm calidus bonus est: nam & calida libenter sumimus: & similiter frigida libenter sumimus solum autè tæpidum abominabile est, utpote uomitum causans. Et sic optans angelus, utinam esses calidus aut frigidus, optat bonum. Utinam esses sicut cibus aut potus habilis ad sumentem, ut est alimentum calidum, & alimentum frigidum, Et hinc sensus magis consonat literè pro quâto parabola hæc ad hoc tendit, ut solū tæpidum abominabile dicatur, tanquàm uomituum, unde patet nihil mali per hæc uerba optari ab angelo. Ad secundam objectionem dicitur quod in isto homine tæpido esset feruor superbiæ & arrogantia, si ex intentione superbiret ad hoc ut se diuitem, locupletatum, & nullius egentem magnificaret, sed iste tæpidus non ex intentione sic superbit, sed ex modo se habendi, quandoquidem sic confidit in ijs quæ habet, tanquàm iudicans se locupletem, diuitem, & nullius egentem. Videtur enim quædam superbia sicca magis quàm superbiæ feruor: & propterea non inde aperte malus, sed tæpidus effectus est. Ad tertiam dicitur quod tæpor & ignorantia possunt subordinari: ita quod ambo possunt diuersimodè causare peccatum, tæpor immediate, ignorantia mediatè. Sic autem est in proposito, ignorantia enim propriæ miseriæ concausat tæporè, quo deinde peccatur. Nec ista simultas contrariatur diuersitati causarum peccandi, scilicet ex ignorantia uel infirmitate, quoniam illa diuersitas intelligitur

intelligitur secundum causas proximas: quando scilicet causa proxima est infirmitas, non ignorantia, aut e contrario. Secus autem est quum infirmitas circa unum actum subordinatur ignorantiae alterius rei praecedentis: ut patet esse in proposito. Ad quartam dicitur quod huic tepido non imputatur nescientia doni charitatis in seipso, sed ignorantia propriae miseriae: quae non est solum euitabilis, sed ualde culpabilis: ut patet ex dictis. Haec de quarto.

Circa quintum Apocalypsis ultimo. Qui nocet, noceat adhuc: & qui in sordibus est, sordescat adhuc, & qui iustus, iustificetur adhuc: & sanctus, sanctificetur adhuc, difficultas ex triplici capite occurrit. Primo, de veritate, quia utraque pars progressus, scilicet tam malorum quam bonorum falsa uidetur: nam multi hodie mali: cras boni, ut patet de Paulo & latrone &c. & similiter multi hodie boni, cras mali ut patet de Nicolao, Salomone &c. Secundo de decentia: quia haec uerba sunt angeli alloquentis Ioannem: indecens autem uidetur ut angelus sanctus dicat. Qui in sordibus est, sordescat adhuc. multo magis quam indecens fuerit iudicium inferre blasphemiae in diabolum: quod tamen non est ausus Michael archangelus, ut Iudas in epistola sua dicit. Tercio, de concessione temporis: nam Deus nemini dedit spatium male operandi (ut dicitur Ecclesiastici decimo quinto) imò ut Esaias dixit. propterea expectat Dominus, ut misereatur uestri. Quomodo ergo nunc angelus tempus propinquum denuntians dicit: Qui nocet, noceat: & qui sordet, sordescat: tanquam concedens malis tempus peiora facienda.

AD hoc dicitur quod literalis sensus horum uerborum ad praescitorum & praedestinatorum conditionem, ac tempus usque ad iudicium tendere uidetur. Ad cuius euidentiam prae-notandum est angelum more humano allocutum esse Ioannem in fine Apoc. monendo eum ne claudat librum Apocalypsis assignando pro ratione, quia tempus propè est. Consequemur siquidem quando in aliud tempus differenda est lectio libri, claudere librum reseruando ipsum ad tempus opportunum: quando uero tunc imminet tempus utendi libro qui inuenitur apertus, dicimus, ne claudas librum quia iam instat tempus

tempus vtendi illo. Sic Angelus Ioāni scribenti Apocalypsis librum dicit. Ne signaueris librum hunc, quia tempus instat exequendi ea quæ sunt scripta in illo. Et notanter ex parte instantis temporibus ad uniuersale iudicium, reddit rationem non sigillandi librum: duo nanque exequendorum genera in Apocalypsi reuelata sunt. Quædam adimplenda in tempore, & sunt quæ fient usque in diem iudicii, Quædam adimplenda in æternitate: & hæc sunt quæ fient post diem iudicii. Et quoniam illa quæ fient in æternitate, distat multum uidetur, ideo Angelus ex parte temporis & eorum quæ in tempore fiunt, reddit rationem non sigillandi librum, ut pote quia tempus iudicii instat & exequenda in tempore iam sunt. Et hoc denotauit dicendo, Tempus enim propè est. & dicit absolute tempus: quoniam tempus ad iudicium, & tempus absolute æquivalent: quoniam post iudicium non erit ultra tempus: iuxta illud: iurauit per uiuentem in secula seculorum, quod tempus non erit ultra. Et ad declarandum quod propinquum sit tempus iudicii, subiungit quasi epilogando totum quod interim agendum est scilicet quod ad implenda sunt prædictorum demerita, & prædestinatorum merita: ut ex his paucis adimplendis perpendatur breuitas temporis ad iudicium. Omnia enim quæcunque usque ad diem iudicii agenda sunt in his duobus consistere uidetur. Significauit autem Angelus hæc duo per proposita uerba: scilicet qui nocet, noceat adhuc &c. Quod ut facilius clariusque percipiatur, nota in his uerbis mysteria septem.

Primum est, quod tam in hominibus bonis quam in malis præsupponitur initium: & apponitur terminus per modum progressus perseverantis. Præsupponitur quidem initium dicendo, qui nocet, qui in sordibus est, qui iustus est, qui sanctus est: manifeste enim per modum præsuppositi hæc dicuntur: illa de malis, ista de bonis. Apponitur uero terminus, dicendo, noceat adhuc sordescat adhuc, iustificetur adhuc, sanctificetur adhuc. Et apponitur per modum perseverantiae quia sola perseverantia & in malis damnatur, & in bonis coronatur. Per modum quoque progressus: quia in uitæ termino & mali si possent adderent ad malum, & boni adderent ad bonum. Ex hac igitur ordinatio-

ne literæ intelligimus mysterium hoc quod de præscitis & prædestinatis est sermo: qui ex præsupposita prædestinatione & præscientia procedit, dum in malis ex præsupposito primo quali effectu reprobationis, scilicet prima præsciti iniquitate, & in bonis primo prædestinationis effectu, scilicet prima prædestinati iustitia, ad progressum termini ultimi in malo quod ad præscitos, & in bono quod ad prædestinatos. extenditur sermo: ita quod sensus est. Qui præscitus est nocens aut in sordibus, impleat mensuram iniquitatis suæ, & qui prædestinatus est iustus aut sanctus, adimpleat mensuram iustitiæ suæ. Secundum est quod in ordine malorum, solius iniquitatis: & in ordine bonorum, solius bonitatis, mentio sit, ut clare patet. Hinc enim per malos præscitos, & per bonos, prædestinatos intelligimus: quia Ezechiele teste didicimus quod Deus obliuiscit omnium iniquitatum quas fecerat, qui conuersus in bono perseverat usque in finem, & similiter omnium bonorum quæ fecerat, aduersus & perseverans in malo usque in finem. Tertium quoque ad hoc idem mysterium est, quod licet in isto decursu temporis usque ad iudicium interueniat diuersitas bonorum & malorum secundum presentem gratiã uel nequitiam, ut patet: nulla tamẽ de hac diuersitate hic mentio fit: quia huiusmodi diuersitas non remanebit iudicanda, sed sola diuersitas quæ est secundum bonitatem prædestinatam, & malitiam præscitam simpliciter. Quartum est ex modo loquendi, dum non enuntiando per uerbum indicatiuum (non enim dicitur nocebit, sordescet, iustificabitur, sanctificabitur) sed per uerbum imperatiuum noceat, sordescat, iustificetur, sanctificetur, exprimitur huiusmodi progressus perseverans siue in bono siue malo. Hinc enim ordo diuinæ præscientiæ ac reprobationis & similiter prædestinationis insinuat. nam inter primum peccatum præsciti, & posteriora hæc est differentia, quod primum est tantummodo permissum: posteriora uero sunt & permixta & ordinata in pœnam prioris: iuxta illud ad Ro. j. propter quod tradidit illos Deus in reprobum sensum &c. Et propterea de posterioribus peccatis tanquam de speciali modo subiectis ordinationi diuinæ, imperando ordinem ac tolerantiam eorum dicitur, sordescat, & noceat. De bonis

nis autem prædestinatorum clarum est quòd non solum sub ordine, sed etiam sub efficientia diuinæ prædestinationis denotatur : Apparet quoque in utrisque denotari per hanc mensuram eorundem, nam & diuina prædestinatio definiuit usquequo merita prædestinatorum progredientur & similiter diuina dispositio ordinauit usquequo sustinebit in multa patientia seu tolerabit demerita præscitorum. Et hoc fortè denotant hæc uerba determinata illo aduerbio, adhuc. Cum his quoque omnibus ætine quòd per huiusmodi loquendi modum, sordescat, noceat &c. humana libertas aliquem designatur; ut soleamus dicere relinquentes in sua libertate, faciat, dicat &c. Quintum est diuersitas ordinum tam in bonis quàm in malis. Nam ponuntur duo ordines bonorum ad denotandam disparitatem præscitorum inter se, aliis minus malis, & aliis peioribus existentibus, & similiter ad denotandam diuersitatem prædestinatorum bonorum & malorum. Mali siquidem denotantur per eos qui in sordibus sunt: peiores uero per nocentes: boni quoque notantur per iustos, meliores uero per sanctos. Quemadmodum enim paratæ sunt prædestinatis diuersæ mansiones in domo patris cœlestis: ita & præscitis in inferno diuersa tormenta parata sunt pro diuersitate demeritorum.

Sextum ex ordine quo reuelata dicuntur, sumi pōt. Ex hoc enim quòd prius præsciri, & demum prædestinati politi sunt intelligi potest ipse qui in rei ueritate est ordo inter tolerantiam præscitorum & prædestinatos, nam tolerantur præsciti propter prædestinatos: in xta illud. Nolite nocere terræ neque arboribus, quo ad usque signemus seruos Dei nostri in frontibus eorum. Ex rursus quum sancti martyres suspirare: ut ad diem iudicii pro corporum resurrectione, dictum est ut expectarent adhuc modicum tempus, donec impleatur numerus fratrum suorum. ita quod manifeste patet Deum tolerare malos donec impleatur numerus electorum: imo & ipsos præscitos & etiam dæmones ordinat Deus ad exercitium electorum, quibus omnia coöperantur in bonum. Septimum est continuatio horum uerborum cum promissione aduentu celeris ad iudicium, dum cū nota

copulationis & demonstrationis quali præsentis subiungitur in persona Christi. Et ecce uenio cito : & merces mea mecum est reddere unicuique iuxta opera sua. Ex his enim manifestum uidetur quod de præscitorum demeritis & prædestinatorum meritis adimplendis & per Christum iudicandis est sermo in præsentī litera.

Ad obiecta ergo in oppositum ordinatè respondendo, dicitur, uerba hæc pro utraque parte esse uerissima de præscitis & prædestinatis intellecta, nam & præscitus quisque impletur tandem suas iniquitates : & prædestinatus quisque tandem sua merita, quod per hæc uerba significatur. Vnde non obstat uarietas interpolationum secundum præsentem iusticiam uel iniquitatem : quoniam de termino præsens est sermo. Ad secundum uero dicitur quod aliud est dicere imprecatiuè, aliud est dicere ordinatiuè. Et quod licet dedecens appareat quod Angelus imprecetur malum, non tandem dedecet illum dicere ordinationem mali ut accidit in proposito ut patet ex dictis. Ad tertium uero dicitur quod licet uerum sit Deum nulli dare spacium peccandi, formaliter intelligendo: hoc est quia nulli dat tempus ad hoc ut peccet: cum hoc tamen stat quod suauiter regendo creaturas rationales relinquendo illas in manu consilij sui, permittas eas peccare, & in multa patientia sustineat post peccata nos perseuerare in illis. Sic autem est in proposito : in quo & plus adhibetur diuinæ bonitatis, pro quanto etiam in peccatis bonum ordinis sui adhibet. Propter quod non solum permissiue, sed ordinatiue concessum est tempus peccandi: materialiter tamen intelligendo respectu peccati. Concessit enim Deus tempus ut non peccaretur, sed quo quæ fiunt peccata ordinarerentur, & in bonum cederent electorum.

Hæc de quinto. Budæ, in die Sancti
Vincentij confessoris.



CCVRRVNT nonò quatuor declaranda. Primum Matthæi xix. Erunt duo in carne una, itaque iam non sunt duo, sed una caro. Secundum Mat. xxj. & Luc. xx. Qui ceciderit super lapidem istum, confringetur: super quem uero ceciderit conteret eum. Tercium Lucæ xij. Ite, & dicite uulpi illi: ecce eicio dæmonia, & sanitates perficio &c. Quartum j. ad Corinthios Omnia mihi licent sed non omnia expediunt &c.

Circa primum (scilicet, Erunt duo in carne una: itaque iam non sunt duo, sed una caro) difficultas occurrit ex duplici capite. Primo, de qua carne est sermo, an scilicet de carne coniugum inter se, an de carne coniugum in sua prole. Nam contra primum sensum militat ueritas: quia non est una numero caro coniugum: sed quantuncunque inuocantur, semper remanent duæ: quoniam non continuantur: sed solo tactu iunguntur. Contra secundum uero militat requisita sufficientia quia licet uerum sit quod coniuges sunt duo in una carne prolis, hoc tamen non sufficit ad uerificandam Domini sententiam: nam ad uerificandam rationem Domini infereris, Quod ergo Deus coniunxit, homo non separet, ex igitur illius carnis unitas ex qua sufficienter inferatur inseparabilitas coniugum. Cõstat aut quod ex unitate carnis prolis non sufficienter inferatur inseparabilitas coniugum, quoniam coniuges non habent hanc unitatem antequam uxor sit grauida, ut patet, ac per hoc separabiles essent coniuges steriles, & etiam antequam uxor sit grauida, quia non sunt adhuc duo in carne una prolis.

Secundo de quali unitate est sermo an de unitate coniugali, an de unitate carnali. Nam si de carnali intelligitur, sequeretur q. etiam fornicantes essent inseparabiles, quia effecti sunt caro una carnaliter. Si aut de coniugali est sermo, obstat Apostolus j. ad Corinth. vj. ubi ex allegato testimonio Gen. Erunt inquit duo in carne una, dicit: qui adhæret meretrici unum

corpus efficitur.

AD hoc dicitur quod sermo est de carne ipsorum coniugū & de unitate numerali carnalis generationis principij perfecti ac iusti: ita quod sensus est, quod erunt duo in carne una hoc est in uno carnalis generationis perfectio iustoque principia. Et quidem quod interueniat hic unum carnale generationis principium perfectum, clarè patet. Nam licet mulieris & uiri sint duæ carnes & singulæ sint duo partialia principia generationis, ambæ tamen concurrunt ad integrandum unum numero completum generationis principium. Quod uero hoc unum carnale perfectum principium sit etiam iustum in coniunctione coniugum, ex eo patet quod inter coniuges & fornicarios hæc est differentia quod in fornicarie se commiscantibus inuenitur hoc tantum, scilicet quod integrant unum completum generationis principium, sed non inuenitur alia conditio, scilicet iustitia, hoc est quod illud principium sit non solum completum, sed iustum: in coniugibus autem cōiunctio sit ad integrandum non solum unum perfectum sed etiam iustum generationis principium. Vnde & in Gene. ubi primo ponuntur hæc uerba præmittitur. Adhærebit uxori suæ, & subiungitur, Erunt duo in carne una, per nomen uxorē significans quod de iusta unitate loquebatur dicendo: erunt duo in carne una. Et Dominus tam Matth. xix. quam Marci x. intulit in neutro gen. Quod ergo Deus cōiunxit, homo nō separet, & non in masculino genere. Quos ergo Deus coniunxit: per illud enim denotauit unum iustum generationis principium, quod Deus coniunxit in cōiugio. Propter quod signa ter ponitur Deus author coniunctionis istius. Coniunctio si quidem uiri & mulieris quatenus iusta, à Deo est singulariter tanquam ab institutore ipsius. Et quidem in plantis perfectum generationis principium unum natura coniunxit, faciens in una plāta uirtutem utriusque sexus, in animalibus uero unum generationis completum principium appetitus animalis coniunxit, trahens ad cōmitionem maris & feminae. In hominibus quoque unum generationis principium perfectum appetitus carnalis facit: ut patet in fornicarijs, adulterijs, & incestuosis cōmixtionibus, sed quod completum generationis principium unum sit etiam iustum fecit Deus instituendo in humano ge-

nere

nere coniugium. Et propterea infertur, Quod ergo Deus coniunxit, homo non separet.

Et per hoc patet responsio ad utrūque ambiguitatis caput, & solutio omnium obiectionum, nisi obiectionis allatæ ex Apostolo. Ad quam dicitur quod Apostolus ibi usus est illa authoritate quantum ad id quod est materiale in unitate coniugij hoc est quantum ad ipsam corporum cōmixtionem qua fit unum perfectū generationis carnalis principium hoc enim sufficiebat suo proposito. & non quantum ad totum quod in illis uerbis Genesis comprehenditur. Vnde non obstat integritati totius sensus. Hæc de primo.

Circa secundum. Omnis qui ceciderit super lapidem istum confringetur, super quem uero ceciderit: conteret eum: difficultas occurrit, an huiusmodi diuersitas significet diuersam grauitatem peccatorum, an diuersam grauitatem poenarum: hoc est iuxta primum sensum denotetur diuersa grauitas peccati infidelitatis ex una parte & aliorum peccatorum ex alia parte, ut per cadentes super lapidem denotentur alij peccatores: per eos uero super quos cadit lapis, denotentur infideles. Et contra hunc sensum militant duo; Primum est quod agricolæ contra quos directo hæc uerba dicuntur, non peccabant in fide, imo dixerunt: Hic est hæres. Secundo, quia Pet. ii. inter cadentes super lapidem computantur infideles: dum ibi dicitur de Christo: Et lapis offensionis & petra scandali iis qui offendunt, nec uerbo credunt. Iuxta secundū uero sensum denotetur differētia inter poenas præsentis uitæ, & futuræ: ita quod cōfractio cadētium super petrā, denotet poenam præsentis uitæ, contritio uero seu comminutio eorū super quos cadit lapis, denotet poenas æternas. Et hic sensus extra propositum apparet: pro quanto de poena agricolarum præsentis temporis Dominus loqui uidetur, dicēs: Aufertur à uobis regnū & dabitur genti &c.

AD hoc dicitur quod uerba ista ut pote metaphorica assumpta à Domino, pro magna parte ex viij. c. Esa. multipliciter exponi possunt: uidetur tamen mihi ad literam tendere hanc metaphoram ad diuersam grauitatem poenarum: ita quod metaphora consistit similitudine patientium diuer-

simode à lapide, dupliciter enim contingit pati nos à lapide; uel quod impingendo seu ruendo cadamus super lapidem; ut contingit, tam ambulantibus cadentibus super lapidem, quam ruentibus ex aliquo loco cadendo super aliquem lapidem: uel quod lapis cadat super nos; ut contingit quum proficitur uel demittitur super nos lapis. Vtroque enim modo quum patiamur à lapide, minus patitur cadēs super lapidem: & hoc designatur per contrafactionem, dum dicitur: Qui ceciderit super lapidem istum, confringetur, magis autem patitur super quem cadit lapis, & hoc designatur per comminutionem, dum dicitur, Super quem uero ceciderit, comminuet eum, magis enim patitur qui comminuitur, quam qui frangitur.

Vult ergo Dominus docere, quod licet peccādo in ipsum Christum qui significatur per lapidem, incurratur poena: maior tamen poena incurritur ab iis super quos Christus ipse iratus est. Et reuera nulla est maior poena quā sit Christi ira, tam in hac uita, quam in futura. Quum enim Deus iratus est ita quod in furore suo punit, indurat cor subtrahendo gratiam: punit etiam & temporaliter & æterna etiam poena sensus: ut patet in Herodē & Iudā &c. Et hoc directe uidetur ad propositum Saluatoris, qui contra scribas & pharisæos intendebat declarare eis acerbiter poenā, quam ipse erat eis illaturus, & in hac uita puniendo eos, per Romanos tam acerbē, & in inferno. Nec obstat quod de ereptione regni fiat sermo: quoniam dupliciter puniendi erant agricolæ, scilicet tollendo ab eis uineam, & altis locando (quod spectat ad translationem regni à iudæis in gentes) & malos male perdendo: quod spectat ad punitionem Iudæorum per excidium à Romanis in præsentī uita, & ad dannationem æternam in futuro. Et hæc uidentur uera ad literam quantum ad illos.

Extendendo autem sententiam hanc ad omnes quia Dominus extendit eam ad omnes, referente Euangelista quod uniuersaliter dixit. Omnis qui ceciderit super lapidē &c. significari potest eadem sententia, scilicet q̄ offendētes Christum non erunt impūies: uerū tamen nisi sint tales super quos cadat furor Christi, ut lapis comminues erit plaga eorum curabilis: nam illi super quos Christus cadit indurans eos, incurabiles

les sunt, utpote cōminuti. Hæc de secundo.

Circa tertium (scilicet uerba Domini de Herode tetrarcha: scilicet, *Itē & dicite uulpi illi: ecce eiicio dæmonia, & sanitates perficio. hodie & cras, & tertia die consumor, uerumtamen oportet me hodie & cras & sequenti die ambulare quia non capit prophetam perire extra Hierusalem*) quæstiuntulæ occurrunt tres:

Prima, quorsum tendant hæc de Herode uerba, quum in Euangelio non legatur quod ipse insidiatus fuerit Christo Domino: sed potius quod desyderabat eum uidere, quod gauisus est ipso uiso, quod interrogauit in multis sermonibus. quod sperabat aliquod signum uidere fieri ab eo, quod nihil morte dignum in causa ipsius iudicauerit.

Secunda, quid sibi uult replicata hæc distinctio per tempora, hodie, cras, & tertia die.

Tertia, quid significatur per illa uerba, quia non capit prophetam perire extra Hierusalem: quum latina constructio nullā uideatur habere significationem. nunquid deerrāt uocula Lucæ euangelistæ ad significandum q̄ oportebat Christum mori in Hierusalem?

AD hæc breuiter dicitur q̄ Herodes idē uulpes appellatus est a Domino, quia dolose incedere uidebatur. Et uere intentionem occidēdi Christum uidetur habuisse: quamuis postea uidens illum despexerit, & non currauerit occidere illum utpote non æstimans ipsum sicut æstinauerat Ioānem Baptistam. Nam si tanti fecisset illum sicut Ioannem, eandē habuisset de eo sententiam quam habuit de Ioanne propter eandem causam, scilicet concursum populorum ad prædicationem eius.

Apparet autem dolositas Herodis ex euangelio tripliciter in simulatis signis. Primo, quia ex una parte uolebat occidere Ioanem: ex altera parte contristatum se monstrauiť, quum puellā petiit in disco caput Ioannis Baptistæ: similiter ex una parte libenter Ioannem audiebat; ex alia parte uolebat quod prædicaret populo; sed incarcerationi ipsum simili quoque modo ex una parte deuinxit ipsum in carcere & occidit propter Hefodiadem: ex altera parte explebat intentum suum de occidendo Ioannem propter concursum

populorum: ut Iosephus testatur: Vnde Dominus audiens, quod Herodes uolebat ipsum interficere, & uidens intima cordis Herodis, merito appellauit ipsum uulpem: utpote occulte in mente sua insidiantem uitæ ipsius domini quod ex subiunctis uerbis quæ referenda dicit Herodi, colligi facile potest.

Vnde ad secundo quæstiunculam dicitur, quod Dominus & perfectionem operum suorum primo, & modum perficiendi opera sua secundo non obstante quacunque Herodis dolo sitate, in hac iterata temporum distinctione declarauit.

Nam primo tria uniuersalia opera se perfecturum declarauit: scilicet eiectionem dæmoniorum, & in hoc clauditur expulsio malorum perfectionem sanitarum: & sub huc clauditur collatio bonorum, & sacrificium mortis suæ: in quo est mysterium æternæ uitæ &c. deinde modum quo prædicta perfecturus erat (scilicet ambulando) aperuit: quia ad literam discurrebat Christus eiiciendo dæmonia, conferendo sanitates &c. Vtrunque autem distinxit per tres dies ad significandum totum tempus ordinatum ad hæc perficienda, & ad modum perficiendi adimplendum. ternarius enim perfectionem significat, & rursus principium, medium, & finis, perfectionem significant. hodie autem principium, cras medium, & tertia dies finis est. Et ipsa quidem opera absolute sibi Dominus attribuit dicens: Ecce eiicio dæmonia &c. modum uero perficiendi cum nota necessitatis significauit, dicens, oportet me ambulare, ut & suam uoluntatem & necessitatem implendi diuinam præordinationem significaret, definierat si quidem Deus ut Dominus Iesus discurreret prædicando tanto tempore, & in Hierusalem occideretur, non ab Herode, sed a Pilato. Ad tertiam quæstiunculam dicitur, quod constructio literalis inuenitur, si ly Hierusalem sit nominatiui casus, & ordinanda sic est litera: quia Hierusalem non capit prophetam perire extra: hoc est, quia Hierusalem non recipit, non est, capax huius gratiæ: scilicet prophetam perire extra. Tanquam diceret, quod Hierusalem tanquam operam dat occisioni prophetarum, quod non recipit uitationem huius mali, quod est occidere prophetas. unde & statim Dominus subiungit, Hierusalem Hierusalem quæ occidis prophetas &c. assignans per causam quare in tantum malum deueniret

nerit ob suã obſtinationẽ &c. ut patet i textu. Hæc de tercio:

Circa quartum ſcilicet, Omnia mihi licent, ſed non omnia expediunt: omnia mihi licent, ſed ego ſub nullius redigar poteſtate &c. ambiguitas duplex occurrit. Primo, circa primam partem quoniam contraria implicare uidetur, ſcilicet licita coram Deo, & non expedientia propter offenſionem hominum qui inde impediunt a bono. Nam ſi non expediunt ad bonum, iam non ſunt licita: & ſi ſunt licita, non impediunt a bono. Deinde circa ſecundam partem: quia aut eſt ſermo de reductione totali ſub alterius poteſtate, aut de ſubiectione quo ad aliquem actum pro tunc. Si primo modo ſermo non uidetur ad propoſitum. perinde eſt enim ac ſi dixiſſet: ſed ego ſub nullius ero perpetua poteſtate, quod ad nullum uidetur propoſitum Apoſtoli in illo loco. Si ſecundo modo, ſupbia uidetur & ſtulta & i poſſibilis ſententia: quã impoſſibile uideatur hominibus conuerſantibus hæc evitare. Nam ſicut qui litigat, ſubiicitur pro tunc quo ad liſem ſub iudicis poteſtate: lic qui nauigat, ſubiicitur pro tunc quo ad nauigationem ſub naturæ poteſtate: & qui ueſtem conficiendam tradit artifice, ſubiicitur pro nunc quo ad actum illius artificis poteſtati. Quomodo ergo uerificabitur hæc Apoſtoli ſententia?

Ad hoc dicitur quod in his ſententiis Apoſtolus prudentiam docere intendit circa opera licita ex ſuo genere: hoc eſt nulla lege ſibi prohibita. Et ex duplici capite docet abſtinendum quandoq; fore a licitis. Primo ex parte finis, ſecundo ex parte operantis. Et ſi adiunxerimus quod ipſe poſtmodũ c. x. docet. Tertio abſtinendum eſt ex parte circumſtantiarum. Et ex parte quidem finis dicit, Omnia mihi licent, ſed non omnia expediunt, ex parte uero operantis dicit, Omnia mihi licent, ſed ego ſub nullius redigar poteſtate, ex parte uero circumſpectantium dicit, omnia mihi licent, ſed non omnia ædificant. Ex fine ſiquidem ratio pendet eorum quæ ordinantur ad finem: ac per hoc ex fine diſcernuntur quæ impediunt, & quæ expediunt ad finem: atque inde uolentes finem conſequi, eligenda decernimus quæ expediunt (hoc eſt quæ impedimenta tollunt, quæ utilia ſunt ad talem finem) & reſutamus tã impediencia quã inutilia, utpote nana.

Verbi gratia, licebat Apostolo uiuere de euangelio: sed quia alicubi non erat hoc utile ad finem intentum, scilicet fructum spiritalem prædicationis, abstinuit ab hoc licito. Ex parte uero operantis pensanda sunt ualde quæ sunt: quoniam multa decent unum quæ dedecent alterum. Specialiter autem libertas seruanda est: ut scilicet homo non se obliget alicui, unde postea detineatur ut non possit aut quasi non possit libere exercere officium suum, aut quod decet ipsum facere uel omittere. Verbi gratia: licet uxorem accipere sed quia per coniugium subalterius potestate uterque coniunx redigitur, est quandoque abstinendum à nuptiis, quando scilicet hunc homo detinetur, ut non possit studio autem arduo alicui negotio uacare. Ex parte uero circumspicientium constat operationem moderandam uel omittendam quandoque esse: nam quamuis opus sit licitum, si tamen inde offenduntur non maligni, sed infirmi, sed pusilli, abstinendum est ab illo opere ut non scandalizentur, ut non ruant inde in peccatum aliquod. Verbi gratia: licet uesci quocunque cibo: quia omnis creatura Dei bona est: si tamen quandoque contingat aliquos ex qualitate aut hora cibi scandalizari, abstinendum est. Diligenter autem in omnibus licitis, quæ quandoque omittenda sunt, distinguendum est: quia dupliciter contingit omittenda esse quæ licita sunt. Primo, quia in tali casu effecta sunt illicita ratione scandali annexi tunc; uel ratione nocimenti quod tunc emergeret, uel ratione otiositatis tunc occurrentis (hoc est quod tunc fieret si fieret) & sic de similibus. Et in huiusmodi casibus sermo Apostoli intelligendus est de licito secundum se: ita quod sensus est: omnia non prohibita, mihi licent secundum se sola considerata; cum hoc enim stat quod ex adiuncto aliquo singulari accidente fiant illicita, uel ex parte finis uel ex parte personæ, uel ex parte spectantium. Secundo, quia melius est in tali casu omittere illa: ita quod sermo Apostoli sit de licitis non solum secundum se, uerum etiam in casu illo occurrente. Et licet utroque modo possint uerba Apostoli glossari, si spectetur ad primam cuiuslibet sententiæ partem (scilicet omnia mihi licent) ter repperitami, si tamen subsequentem cuiusque partem spectetur, secundum sensum solum quælibet sententia sonat: ducti

folius melioris negatio contra ponitur in singulis ad licitū. In prima siquidem ait, omnia mihi licent, sed non omnia expediunt. ubi negatur melius expeditionis bonum. Et nō dixit, sed aliqua impediunt, ubi affirmaretur malum impediementi. In secunda quoque ait: omnia mihi licent, sed ego sub nullius redigar potestate: ubi negatur melius libertatis bonum. Et non dixit, sed ego sub nullo redigar peccato: ubi mala peccati seruitus oporteret. In tertia demum ait: omnia mihi licent, sed non omnia ædificant, ubi melius ædificationis spiritualis bonum negatur. Et non dixit, sed quædam destruunt seu scandalizant: ubi malum scandalii opponeretur. Et propterea sententiæ istæ de licitis quæ ex consilio omittenda quandoque sunt, intelliguntur iuxta planum litteræ sensum.

AD obiecta autem in oppositum respondendo, dicitur falsum esse quod omnia non expedientia sunt illicita: imò falsum etiam est omnia impediencia esse illicita, multa enim sunt quæ impediunt à meliori bono fine, quæ tamen sunt licita: ut patet de coniugio impediencia contemplari libere quæ Domini sunt, & tamen est licitum: & sic de aliis. Ad aliā obiectionem dicitur quod non refert intelligere hanc sententiam de perpetua uel temporali subiectione: quoniam sermo Apostoli non tendit ad euitandam omnem subiectionem, ut obiectio interpretatur, sed ad euitandam subiectionem siue simpliciter, siue pro tunc, quæ detineret ipsum à meliori opere. Nam si prudentia huius mundi renuit quandoque petere uel suscipere aliquod beneficium ab aliquo, ne inde quasi alligatus sit ad aliquid committendum uel omittendum quod ipse intendit committere uel omittere: multo magis prudentia Iesu Christi docet hominem abstinere quandoque ab aliquo licito: ut liber totaliter sit ad ea quæ religionis aut sancti officij sunt. Experientia siquidem testari uidetur, multa meliora bona omitti à religiosis, propterea quia non usi sunt hoc Pauli consilio, Omnia mihi licent, sed ego sub nullius redigar potestate: sed alligauerunt seipsos particulatim beneficijs, seu personis & inde detinentur & abstrahuntur à melioribus bonis. Hæc de quarto. Budæ, die nona Aprilis. 1524.

DECIMVM IENTACVLVM:

in quo quatuor tractantur.



CCVRRVNT decimò tractanda quatuor apud Ioannem euangelistam.

Primum Ioan. v. Si ego testimoniũ perhibeo de meipso, testimonium meum non est uerum. Secundum quoque Ioan. v. Quomodo uos potestis credere, qui gloriam abinuicem accipitis, & gloriam quæ a solo Deo est non quæritis? Tertiũ Ioan. xiiij. In domo patris mei mansiones multæ sunt: si quominus: dixissem uobis: quia uado parare uobis locum.

Quartum est Ioan. xviij. Et nũc clarifica tu me pater apud te metipsum claritate quam habui prius quàm mundus fieret apud te.

Circa primum (scilicet, Si ego testimonium perhibeo de meipso, testimonium meum non est uerum) dubium occurrit ex duplici capite: Primo quia conditionalis ista falsa uidetur, siue antecedens demonstraret Christum inquantum homo, siue inquantum Deus. Nam Christum non solum secundum diuinam naturam erat inpeccabilis, sed etiam secundum humanitatem assumptam, ac per hoc secundum quamcunque naturam perhibeat testimonium de seipso, non potest mentiri: & consequenter testimonium eius erit uerum, cuius oppositum conditionalis ista significat. Et augetur dubitatio ex eo quod ipsemet Dominus Ioannis octauo, quum dixisset, Ego sum lux mundi: & Iudæi opponerent ei, tu de teipso testimonium perhibes, testimonium tuum non est uerum? respondit Iesus: & dixit eis: Et si ego testimonium perhibeo de meipso, uerum est testimonium meum: ubi clarè apparet dominum asserere contrariam conditionalem.

Ad hoc dicitur q̃ simpliciter & absolutè loquendo conditionalis secunda quam protulit Dominus Ioan. viij. est uera & asserenda: illa autem quæ ex Ioan. ut allata est, non

non est extendenda, sed exponenda iuxta contextum ad præcedentia. Duo liquidem ante illi uerba, Dominus dixerat, ex quibus sensus intentus per hanc conditionalem accipi potest. Primum est, Non possum ego à meipso facere quicquam. Ex quo sumitur quòd in antecedente huius conditionalis subintelligitur ly à meipso: ita q̃ conditionalis est ista: Si ego à meipso perhibeo testimonium de meipso, testimonium meum non est uerum. Et sic conditionalis uerificatur: quia si à seipso non potest facere quicquam, non potest quoque à seipso perhibere testimonium uerum de seipso, & si à seipso testimonium perhiberet de seipso, testimonium eius non esset uerum: utpote contrarium origini ueritatis: quoniam ipse non est ex seipso. Et est ista conditionalis de genere illarum quarum tam antecedens quàm consequens est impossibile: ut si leo uolat, leo habet alas, & simile. Simili quoque modo uerificatur dicta conditionalis si exponatur iuxta secundum quod præmiserat Dominus ibidem, scilicet quia non quæro uoluntatem meam, sed uoluntatem eius qui misit me. Hinc enim subintelligitur in antecedente dictæ conditionalis ly quærens uoluntatem aliam quàm eius qui misit me: ita q̃ conditionalis est ista: Si ego quærendo uoluntatem aliam, quàm eius qui misit me, testimonium perhibeo de meipso, testimonium meum non est uerum, quia quærendo aliam uoluntatem quàm patris, contrariaretur ueritati: & sic testimonium suum non esset uerum. Sed sic etiam conditionalis est uera: & tam antecedens quàm consequens est impossibile. Illa autem conditionalis quæ dicitur Ioan. viii. glossa non eget, quoniam ut sonat uera est: & dupliciter ibi à Domino probatur. primò, quòd ad ueritatem in se: scilicet quòd testimonium eius uerum est secundum rem, dicendo. Quia scio unde uenio, & quò uado: hoc est, quia ex certa scientia totius progressus mei loquor: scio enim unde ueni, à principio, à patre ab æternitate &c. & quò uado, ad patrem, ad cælum &c. Quia enim quod scimus loquimur, & quod uidimus testamur: ex certitudine suæ scientiæ probat Dominus testimonium suum esse uerum, Secundo, quantum ad sufficientiam

sufficiētiā legitimā, quia in lege uestra scriptum est, & duorum hominum testimonium uerum est, ac per hoc multo magis uerum est testimonium æterni filii & patris. Ego sum qui testimonium perhibeo de me ipso: & testimonium perhibet de me qui milit me pater. Potest quoque accipi & tertia probatio quò ad ueritatem præsumptionis ex subiunctis uerbis Domini in eodem cap. Ego gloriā meam non quæro, sed honorifico patrem meum &c. Præsumi siquidem potest testimonium de seipso falsum, propterea quia homo quærit proprium bonum seu propriam gloriā, sed ubi homo bona dicit de se (ut Christus prædicabat se Deum) & propriam non quærit gloriā, non est locus præsumptioni aut suspicioni quòd testimonium eius non sit uerum. Et propterea omnia colligendo amplectimur simpliciter & absolute ueram esse hanc conditionalem, scilicet si ego testimonium perhibeo de meipso, uerum est testimonium meum, est si quidem uerum & re & lege, & præsumptione. Re quidem, quia sic esse scio: lege autem, quia duo testes, præsumptione uero, quia non propriam, sed patris gloriā quæro. Et per hoc patet solutio obiectionum.

Circa secundum. Quomodo potestis credere, qui gloriā ab inuicem accipitis, & gloriā quæ à solo Deo est, non quæritis? dubitatio occurrit ex duplici capite primò, circa primam partem, Quomodo potestis credere, qui ab inuicem gloriā accipitis? Nam aut est sermo de fide informi? & sic experientia testatur in multis Christianis quòd credunt & tamen ab inuicem gloriā accipiunt, ponendo ultimum finem in gloria. Si uero est sermo de fide formata charitate, apparet sermo Domini per accidens: nam omne peccatum mortale tollit charitatem: & gloria non directè opponitur charitati, sed odium. Vnde qua ratione obiectum est peccatum uanæ gloriæ ad impediendum fidem formatam: pari ratione quòdlibet aliud peccatum obici potuit, & maiori ratione obici potuit peccatum aliquod directius oppositum charitati: inuidia, odium, discordia. Circa secundam deinde partem, scilicet, & gloriā quæ à solo Deo est non quæritis, duplex difficultas occurrit. Prima: quia nulla uidetur gloria quæ à solo Deo sit, quam etiam gloria filiorum Dei sit, non

à Deo solo, sed à Deo & alijs iuxta beatæ uirginis uerbum. Beatam me dicent omnes generationes, & in Psal. sancti dicunt de seipsis Tunc dicent inter gentes. Magnificauit Dominus facere cum eis. Secunda difficultas est, quia quærere gloriam quæ a solo Deo est, non spectat ad amorem Dei, sed ad amorem proprium, non enim hoc spectat ad amorem amicitiae sed ad amorem concupiscentiæ qua homo concupiscit sibi bonum gloriæ. Et propterea etiam si homo quæreret gloriam quæ a solo Deo est, quum per hoc proprium bonum quærar, non euaderet difficultatem seu admirationem de fide formata charitate, quæ est amor amicitiae ad Deum. Undique ergo obscura apparent hæc Domini uerba.

AD hoc dicitur posse duplicem sensum habere illa uerba, Qui ab inuicem gloriam accipitis: Primus est: qui accipitis humanam gloriam, ut finem ex intentione præstitutum. Et iuxta hunc sensum duo maxime impedimenta fidei opponuntur, Alterum positium; scilicet inanis gloria, Alterum priuatiuum, scilicet non quærere gloriam cœlestem. Et inanis quidem gloria fidei impedimentum præstat, & ex parte principii, quoniam oportet credentem intellectum captiuare in obsequium Christi, qui autem humanam gloriam quærat, non se subiicit: sed exaltare studet, ut habeat unde glorificetur. Et ex parte termini: fides enim est sperandarum substantia rerum. Qui autem mercedem suam constituit in gloria humana, ad illius fastigium tendit non ad speranda quæ per fidem promittuntur.

Non quærere autem gloriam cœlestis patriæ maximum fidei impedimentum est: quia tollit motiuum ad credendum. Venisse siquidem ad fidem homines propter amorem cœlestis gloriæ quam audierunt promissam credentibus, non opus est probare, & similiter perseverare homines in fide ob similem amorem; constat. Et potest iuxta hunc sensum intelligi dominica hæc sententia de fide tam formata quam informi. Et si de formata fide intelligitur, sensus est: Quomodo uos potestis credere? quasi diceret: Nullo modo potestis uos credere fide uiua, qui finem uestrum habetis in gloria humana, & cœlestem non quæritis. Si uero de fide informi intelligitur, sensus est: Quomodo potestis credere? quasi diceret:

ret: Difficile aut male potestis credere, qui humanam gloriā haberis pro fine &c. Secundus autem sensus est, Qui ab inuicem gloriā accipitis, hoc est, qui delectamini in gloria humana. Et iuxta hunc sensum principale impedimentum si dei ponitur priuatiuum: hoc est, non quærere gloriā cœlestem: ita quod principalis uis impedimenti consistit in hoc quod non quæritur cœlestis gloria. Et delectari in humana gloriā, ut secundarium impedimentum appositum hic est, & ad maiorem confutationem eorum: nam ex hoc quod delectamur de gloria humana, reprehensibiles magis sumus quod non quærimus gloriā cœlestem. Si enim ab appetitu gloriæ alieni essemus, quasi excusabiles essemus à fidei impedimento scilicet, quod nō quærimus gloriā, quæ à solo Deo est, utpote qui de nulla gloria curam haberemus, sed ubi nos appetitores sumus gloriæ, & ea gloria, quæ secundum quid est gloria (qualis est humana) delectat nos: confutamur, si eā quæ uera, & simpliciter gloria est, non quærimus: qua fides habetur & seruatur. Erit ergo sensus. Quomodo uos potestis credere qui delectamini gloria humana, & gloriā quæ à solo Deo est, non quæritis? Et potest exponitam de fide uiuā quam mortuā: ut superius expositum est: hoc est, nullo modo quantum ad fidem uiuā: & difficile uel male quantum ad fidem mortuā. Nam aut cum difficultate, aut debilitate fides ab iis haberi uidetur propter supradictas rationes, minus tamen difficile, & similiter minus malè ab iis fides in formis haberi potest quā à prius dictis, qui ex intentione gloriā humanam præstituerunt sibi finem. Nam qui ex huiusmodi intentione ad gloriā humanam anhelant: aut non credunt, aut uix credunt: qui uero ex passione ad gloriā humanam trahuntur, debilitantur in fide coipso quod seipsos extollunt: quoniam fides in subiugatione sui ipsius consistit. Ad intuendum autem qualiter sermo Domini est per se & non per accidens distinguendum est de fide secundum se, uel secundum suum motiuum, & similiter de oppositis si dei uel secundum se, uel ratione sui motiui. Nam licet fides secundum se sit in intellectu, quia tamen est in intellectu moto a uoluntate, motiuum ad fidem ex parte uoluntatis se tenet. Et quia ut dicitur viij. Ethic. amabile quidem bonū

vniciuque autem proprium: uoluntas affecta ad proprium bonum non quodcunque, sed cœlestis gloriæ est motiuum hominis ad fidem. Et huic motiuo clare patet opponi priuatiuè seu negatiuè non quærere cœlestem gloriam: contrariè autem quærere inanem gloriam. Et propterea Dominus fidẽ ex parte motiui cõsiderãs ambo opposita iniecit, contrariam quædam dicens, qui ab inuicem gloriam accipitis, priuatiuum uero dicens, & gloriam quæ à solo Deo est, non quæritis.

VNde ad obiecta respondendo dicitur quod (ut patet ex supradictis) præsens sententia de fide: utroque modo, scilicet tam informi quàm formata potest intelligi: & quum obijciatur contra fidem informem, quoniam multi cum inani gloria habent fidem informem: iam ex dictis patet solutio, quod si tales ex intentione habent inanem gloriam pro fine: uix habent fidem informem: si uero ex passione trahuntur ad inanem gloriam, sicut ex passione peccant homines in aliis uitiis: malè habent fidem pro quanto debilitantur in habendo fidem, ut declaratum est. Ad id uero quod deinde obijciatur contra fidem formatam, quod obiceretur impedimentum per accidens, iam patet solutio, quod scilicet est impedimentum per se ex parte motiui ad fidem, & consequenter ad charitatem per quam fides operatur: Ad primum uero contra secundam partem obiectum dicitur trifariam inueniri gloriam. Aliqua namque est gloria quæ est ab hominibus solis, hoc est non à Deo, ut quum laudatur peccator in derisionis animæ suæ, & iniquus benedicitur ab hominibus.

Quædam uero est gloria quæ est & ab hominibus & à Deo: ut quum commendamur de actibus uirtutum: actus enim uirtutum approbantur à Deo, & laudatur ab hominibus.

Quædam uero gloria à solo Deo: & hæc est gloria filiorum Dei per adoptionem, Quæ gloria dicitur esse à solo Deo tripliciter. Primo quo ad radicem gloriæ, quia a solo Deo est filialis adoptio, quæ digna est gloria. Secundo, quo ad notiã in hac uita: quia solus Deus nouit qui sunt eius. Tertio, substantialiter, quia gloria filiorum Dei consistit substantialiter in hoc quod à Deo homo cõmẽdatur. Cõmẽdationẽ autem aliorum accidentaliter respicit: ita quod si à solo Deo & à nulla creatura cõmẽdaretur, sufficit adoptionis filio. Et ex hoc capite uidetur ad li

ad litteram exponenda ista Domini sententia, dum contra gloriam quæ est hominibus, gloriam quæ à solo Deo est, opposuit.

Et ad hunc etiam sensum Paulus Apostolus dicit. Non enim qui seipsum commendat, ille probatus est: sed quem Deus commendat. & non dixit, sed quem homines commendant: neque dixit, sed quem Deus & homines commendant, ut doceret quod in sola commendatione Dei consistit substantialiter gloria filiorum Dei. Vnde conceditur quod gloria filiorum Dei est etiam ab aliis, sed accidentaliter: à solo autem Deo substantialiter: sicut beatitudo sanctorum substantialiter consistit in fruitione Dei: accidentaliter autem societate aliorum sanctorum. Ad ultimum autem de amore concupiscentiæ dicitur, concependo quod appetitus gloriæ quæ à solo Deo est ad amorem concupiscentiæ spectat: quia homo concupiscit sibi ipsi bonum huiusmodi gloriæ consistens in sola commendatione diuina: & quod affectus iste, licet non sufficiat ad charitatem, quæ est amor amicitiae ad Deum, sufficit tamen ad hoc quod sit motiuum ad fidem & charitatem. Nam quum gratia perficiat naturam, & naturæ ordo habeat ut amicabilia quæ sunt ad alios, ueniant ex amicabilibus quæ sunt ad seipsos (ut Philosophus dicit ix. Ethico.) consequens est ut huiusmodi gloriæ amor moueat & inducat ad fidem & charitatem: quæ ita facit hominem amicum mei, ut faciat etiam eundem concupiscere sibi ipsi hanc gloriam. Et quia Dominus de motiuo & conseruatiuo fidei ex parte nostri loquebatur: ideo de huiusmodi amore tam sanctæ concupiscentiæ locutus est hic: qui paulo superius de amore amicitiae erga Deum eisdem dixerat. Scio quod non habetis dilectionem Dei. Hæc de secundo.

Circa tertium, In domo patris mei mansiones multæ sunt, si quo minus, dixissem uobis: quia uado parare uobis locum, quæstiunculæ tres occurrunt. Prima est, quid negatur per illa uerba: si quo minus. Secunda est, quid est illud quod affirmat Dominus conditionaliter tamen se fuisse dicturum discipulis in illis uerbis dixissem uobis. Tertia est, quomodo Dominus uadit parare discipulis locum: quum ipse dixerit filiis Zebedæi parata esse electis loca à suo patre, dicere

dicendo, Sedere ad dexteram uel sinistram meam nō est meū dare uobis : sed quibus paratum est a patre meo. Et rursus dixit se in iudicio dicturum, Venite possidere regnum paratum uobis a constitutione mundi. Quomodo ergo uadit parare, si iam parata sunt ?

AD hoc dicitur sequendo sensum qui mihi uidetur literalis quod per illa uerba si quo minus, negatur unitas mansionis in domo cœlestis patris: ita quod sensus est, Si non essent in domo patris mei multæ mansiones. Quas multas esse affirmauerat ad declarandum discipulis quod licet omnes habitaturi essent in domo patris sui : diuersas tamen sortituri essent habitationes in eadem communi domo pro diuersitate meritorum, ut hinc non desperarent de æterna beatitudine minus perfecti. Si enim in domo cœlestis patris unica tantum esset mansio (hoc est unicus esset gradus beatitudinis) oporteret in hac uita æqualia esse omnium sperantium beatitudinē merita, alioquin non possent pertingere ad illam unicam mansionem: ac per hoc imperfecti qui ad æqualitatem perfectorum non ascendunt, non haberent locum in illa beatitudine, utpote quibus non deberetur illa unica mansio ille beatitudinis gradus. Et propterea Dominus subiunxit, Dixissem uobis, hoc scilicet quod in domo patris mei non est nisi unica mansio ut per hoc studeremus fieri omnes æquales in meritis. Magna siquidem consolatio est Christianis data ex hac Domini sententia, In domo patris mei mansiones multæ sunt, quandoquidem & imperfectis & perfectis & magis perfectis, & breuiter omnibus diligentibus Deū quantumcunq; parum certa data est spes suæ mansionis : ita ut quilibet secundum sua merita inuenturus sit mansionē propriā in una communi domo cœlestis patris. Et ad corroborandum hanc spem, consolandaq; diuersa discipulorum studia ac merita, non sufficit Domino affirmare in domo patris mei mansiones multæ sunt: sed adiunxit si quo minus, hoc est, si non esset sic: hoc est si non essent multæ mansiones, sed esset una tantum mansio, dixissem uobis hoc ipsum. Et dignatus est reddere rationē quare dixisset eis hoc: quia scilicet ex officio mihi incumbit: quia officium meum instat exercendum: scilicet quia uado parare

L uobis

uobis locum. Ac si aperte diceret: ad me spectat significare uobis multitudinem uel unitatem mansionum in celesti domo quia uado parare uobis locum. Et propterea significauit uobis quod multæ sunt & si non essent multæ, sed una significassem uobis. Et loquitur Dominus more humano. Ad præparatorum liquidem locorum spectat denunciare uenturis dispositionem mansionum suarum, ut præcipue secundum unitatē uel multitudinem. Magna liquidem datur consolatio uenturis quam prædicitur eis quod quilibet habiturus est mansionem propriam in eadem communi domo. Et per hoc patet responsio ad duas primas quæstiunculas. Ad tertiam uero dicitur quod licet præparatio celestium mansionum ab æterno fuerit secundum diuinam prædestinationem (iuxta uerbum Domini: quibus paratum est à patre meo) & regnum cælorum à principio mundi paratum sit etiam secundum executionem inchoatiue, pro quanto in sanctis angelis inchoauit regnū cælorum comune eis & futuris hominibus electis; Dñs tñ Iesus quodā speciali modo per mortem resurrectionem & ascensionem uam, iuit ad parādum uobis locum. Ex parte quidem nostri: quia iuit ad tollendum impedimenta tam naturæ quam personalia, & ad donandum nobis dona, quibus præparamur ad cælestes mansiones. Nondum enim erat spiritus datus (inquit Ioā. quia Iesus nondum erat glorificatus.) Ex parte autem paternæ domus, quia aperuit ianuam felicitatis, & in possessionem posuit genus humanum ipsius cæli supremi. Et sic diuersimode intelligendo, & mansiones parate prius erant, & per dominum Iesum præparandæ adhuc alio speciali modo restabant. Hæc de tertio.

Circa quartum, scilicet, Et nunc clarifica tu me pater apud te ipsum claritate quam habui antequā mundus fieret apud te difficultas occurrit de re petita. Nam apparet implicationem fieri in hac petitione: quia petitur quod habetur, imo quod habitum est ab æterno petitur enim clarificatio filij apud patrem quam filius habuit apud patrem ab æterno. Hinc enim difficultas consurgit, quia petitio est rei non habite. Rursus aut petitur clarificatio filij secundum humanam naturā, aut secundū diuinā. Nō secundū diuinā: quia stulta uideretur huiusmodi petitio. Nullus enim nisi stultus petit quod deus sit Deus

deus, aut quod deus sit omnipotens: & similia: Nec secundum humanam, quia falsum est quod ipsa claritate habuerit apud patrem antequam mundus fieret: hoc enim cõperit filio secundum deitatem: ut patet.

AD hoc dicitur quod sine dubio petit hic Christus dominus clarificationem sui secundum humanam naturam. Et ad literam petit clarificationem resurrectionis, ascensionis & sessionis ad dexteram patris cum annexis usque ad diem iudicii exclusiue: ut ex apposisitis duabus conditionibus colligitur, Prima est apud temetipsum: hoc est, da mihi gloriam apud te, hoc est gloriam consistentem in commendatione tua. talis enim est gloria Christi usque ad iudicium. Apud deum siquidem commendatur & glorificatur, apud homines uero partim blasphematur, partim parum æstimatur, & si glorificatur fide, glorificatio ista in commendatione diuina consistit. Altera conditio est illud aduerbium nunc, denotans tempus præsens quod tunc, scilicet à tempore mortis ipsius inchoauit; quum cœpit triumphare de inferno; ex his enim intelligimus quod dominus petit secundum humanam naturam quantum ad tempus præsens glorificari apud patrem, hoc est gloria, consistente in commendatione ipsius dei: hoc est (ut vno uerbo dicatur) gloria spiritali: quæ in commendatione dei consistit. Ad huiusmodi enim gloriam spectat quicquid habuit humana natura in Christo post mortem: & gloria fidei quam apud fideles habet in hac uita. A tempore uero iudicii erit tunc gloria extensa ad totum uniuersum, uelint nolint inimici eius.

AD obiecta autem in oppositum dicitur quod per charitatem habitam ab æterno, duo possumus intelligere. Vel charitatem humanæ naturæ assumptæ a uerbo: & tunc est sensus, Clarifica tu me pater temetipsum, ponendo in executione claritatem, quam habui per prædestinationem antequam mundus fieret apud te, quia antequam mundus fieret, apud deum erat prædestinata gloria humanitatis Christi. Et iuxta hunc sensum confortat dominus erroneam stultitiam illorum qui negligunt petere ea quæ prædestinata sunt à deo, dicentes, Si deus prædestinauit sic fore, nõ oportet me orare, nõ oportet me sollicitari. Esse dominus

Christus fatetur se scire prædestinatam sibi gloriam; & cum hoc orat ut prædestinata gloria mandetur executioni, docens nos hac sua oratione ut etiam si sciremus nos prædestinatos oraremus & operemur, ad hoc ut prædestinata executioni mandarentur. Possumus quoque per habitam claritatem intelligere claritatem æternam ipsius filii Dei, & tunc est sensus, Clarifica tu me pater apud te ipsum, quasi extendendo ad humanitatem claritatem meam diuinam, quam ab æterno habui. Et iuxta hunc sensum denotatur differentia inter glorificationem humanitatis Christi, & glorificationem aliorum sanctorum, penes hoc quod glorificatio cæterorum est ab extrinseco ueniens; glorificatio autem humanitatis Christi est uelut ab intrinseco deriuatiua; quoniam deriuatur à propria gloria suæ personæ. Vnde Ioan. 1. de uerbo incarnato dicitur, uidimus gloriam eius quasi unigeniti à patre, quia gloria ipsius quæ apparuit, ex intrinseca gloria unigeniti à patre emanauit. Petit ergo Dominus ut executioni mandetur hoc, scilicet quod gratia sua æterna deriuetur gloria in seipsum secundum humanam naturam nunc apud patrem, modo prius expositio. Et uterque sensus literalis est & uirtus, nec habet dissonantiam aliquam; quoniam licet secundum uerba uideatur peti quod habetur, secundum tamen sensum petitur alio modo habendum quod uno modo habetur: quia iuxta primum sensum petitur habēda gloria in executione quæ habebatur in prædestinatione. Iuxta secundum uero sensum petitur habēda gloria per deriuationem: quæ habeatur secundum essentiam in eadem persona. Vnde non dixit, Claritatem quam habuit humanitas mea, sed quā habui ego, petit enim in se secundum humanam naturam deriuari gloriam, quam ipsemet habet secundum diuinam naturam ab æterno. Hæc de quarto. Budæ, die xiiii. Aprilis. [1 5 2 4.]

in quo tria tractantur.



CCVRRVNT undecimo tria occulti-
ora tractanda. Primum Ioan. x. quum Domi-
nus Iudæis respondit: Ego dixi dii estis &c.
Secundum est ad Philippenses ii. Qui quum
in forma Dei esset, non rapinam arbitratus

est &c. Tertium est Apoc. iiii. Tu creasti omnia: & propter uo-
luntatem tuam erant, & creata sunt.

Circa primum ambiguitas magna occurrit, cur Dominus
quum dixisset se esse uerum Deum, dicendo, Ego & pa-
ter unum sumus: & Iudæi uellent ipsum propterea lapidare
tanquam blasphemum, dicentes, Tu homo quum sis, facis
teipsum Deum: cur inquam diuertit sermonem Dominus à
deitate per essentiam ad deitatem per participationem affe-
rendo Psalmum loquentem de uiris excelsis, Ego dixi dii
estis. Videtur enim ex hoc dominum uoluisse occultare
ueritatem, qua dixerat se esse uerum Deum, & reddere ra-
tionem quare non blasphemauerit: quia sacra scriptura attri-
buit Dei nomen etiam uiris excelsis. Apparet siquidem
quod seipsum uoluit intelligi Deum simili modo sicut illi
quibus dicitur: ego dixi, dii estis. Et hinc sequeretur Arria-
na hæresis quod Christus nō se dixit uerum Deum per essen-
tiam dicendo, Ego & pater unum sumus, sed exposuit se
esse Deum per participationem inducendo hanc Psalmi
authoritatem: Et augetur difficultas ex subiunctis uerbis
de seipso: scilicet quem Pater sanctificauit & misit in mun-
dum. Nam sanctificari alienum est à Deo per essentiam:
Filius enim Dei non est sanctus factus, sed est sanctus ge-
nitus. Et propterea affirmando se sanctificatum à patre, affir-
mat se factum sanctum à patre: ac per hoc non esse
Deum per essentiam, sed esse sanctum factum: sicut e-
tiam Hieremiæ dictum est: antequam exires de uena-
tre, sanctificaui te: Undique ergo hæc domini uerba in-
decentia uidentur tunc maxime quando de eius deitate
agebatur.

AD hoc dicitur quod licet prima faciæ hæc domini uerba diuersiua uideantur, & ad condescendendum debilibus Iudæorum intellectibus, aspicere impotentibus ad claritatem suæ deitatis, dicta à domino: perspicacius tamen intuitibus apparet oppositum. nam per hæc uerba Dominus & recte respondet obiectioni Iudæorum, & seipsum amplius manifestat esse uerum Deum. Ad cuius ueritatis euidenciam aduertendum est dominum dixisse inueniri tripliciter communicatum Dei nomen. Primo, per originem, dicendo, Ego & pater unum sumus. Secundo, per participationem diuini sermonis: dicendo, si illos dixit deos ad quod Dei sermo factus est. Tertio, per gratiam unionis personalis dicendo, quem pater sanctificauit & misit in mundum. Dominus namque noster Iesus Christus quatenus filius Dei est uerus Deus est per originem æternam à patre: quatenus uero filius hominis est, uerus quoque Deus est per gratiam unionis personalis naturæ humanæ assumptæ ad personam filii Dei: ita quod per gratiam unionis effectum est ut homo, ut filius hominis, ut Iesus Christus esset uerus Deus, iuxta uerbum Apostoli ad Hebr. i. Tanto melior angelis affectus, quanto differentias præ illis nomen heræditauit. cui. enim dixit aliquando angelorum, Filius meus es tu? Quia igitur Iudæi obiecerant Christo quod blasphemasset, propterea quia quum esset homo, faciebat seipsum Deum: dominus di recte respondet non esse blasphemiam quod homo sit Deus, intelligendo de Deo uero, quia per gratiam unionis personalis ipse uerus homo erat uerus deus. Et ut hoc possent intelligere, manuduxit eos per illos qui facti sunt dii per gratiam diuini sermonis, ita quod cognoscendo homines inueniri deos per gratiam uno modo ascenderent ad credulitatem quod per gratiam excellentiori modo (scilicet per gratiam unionis personalis) inuenitur homo deus uerus ex hoc enim quod uterque modus quo homo est deus, ad gratiam spectat rationabiliter, conuenienter ac sapientissime dominus manducebat Iudæos ex uno modo ad alium, ex inferiori modo ad superiorem, ex gratia multis communi ad gratiam singularissimam soli naturæ assumptæ à Filio dei concessam. Vnde & dominus etiam in modo

loquendi argumentatus est ab inferiori gratia ad superio-
rem, a communi ad singularissimam dicens. Si illos dixit de-
os ad quos sermo dei factus est, quem pater sanctificauit &c.
Insinuando ex differentia inter numerum pluralem & singula-
rem, scilicet illos, & quæ: & ex differentia gratiæ (scilicet ad
quos sermo dei factus est, & sanctificauit & misit in mundum)
rationem suam ascendere & procedere ab inferiori gratia ad
superiorem, imò ad supremam. Vbi etiam aduerte quod quia
Iudæi dixerant, Facis teipsum deum: Christus respondet,
quem pater sanctificauit, & misit in mundum attribuens quod
pater fecit, & quod non ipse usurpat sibi esse deum.

Verba autem illa, quæ pater sanctificauit & misit in mun-
dum, ex duplici capite significant gratiam unionis persona-
lis. Primo, ex vi illius relatiui quem, quod est relatiuum substanti-
æ & refert hypostasim. Inter sanctificationem siquidem aliorum
hominum & Christi hominis hæc est differentia: quod sanctifi-
catio aliorum primo refertur ad animam, & mediante anima
ad personam quæ sanctificatur: sanctificatio uero Christi ho-
minis primo terminatur ad personam: nam ex hoc ipso hu-
manitas Christi fuit primo sancta, quia facta est in hypostasi
uerbi. Et propterea de Christo homine singularissime dici-
tur, quem pater sanctificauit, hoc est personaliter sanctum
fecit. Et licet sanctitas illius personæ non sit facta in se, est ta-
men facta sanctitas illius naturæ assumptæ: sicut persona
filii dei est facta persona illius naturæ. Sanctificatus ergo
singularissime dicitur Christus homo: pro quanto sanctus
factus est secundum naturam humanam ex personalitate diuina.
Et hinc pater quam excellentior sit huiusmodi sanctifi-
cationis gratia, quam sit gratia sermonis dei: ob quam scrip-
tum est. Ego dixi dii estis. Et illa quidem gratia est allocu-
tionis ad homines præ existentes: ista autem est ad consti-
tuendum substantialiter hominem sanctum hoc est hominem
deum, quoniam per antonomasiam sanctitas soli deo attri-
buitur: iuxta coelestem hymnum, Sanctus, Sanctus dominus
deus. Et ad propositum de Christo dixit Angelus Luc.
i. ad beatam uirginem. Quod ex te nascetur sanctum. Nec
solum uerificantur hæc secundum rem, sed etiam seruata pro-
prietate locutionis. Etenim sicut Christum uere dicitur

sanctificatus ratione gratiæ habitualis in anima ipsius, ita uerè dicit sanctificatus ratione gratiæ unionis personalis cõcessæ humanitati ipsius. Et quia hæc sanctificatio est & prior & potior illa. imò est causa illius (utpote faciens hominem Deum uerum in persona significata per relatiuum què) ideo protuldubio de sanctificatione per gratiã unionis hæc Domini uerba intelligenda sunt. Et quoniã profundus nimis est huiusmodi intellectus: ad quem Iudæi ascendere nō poterant, adiunxit bonus Dominus alterum manifestũ caput unde poterat huiusmodi unionis gratiã percipere, addendo illud uerbũ: & misit in mundũ. Nã etiam si sanctificatio cõi modo acciperetur ex isto adiuncto intelligeretur una persona filij Dei & filij hominis. fuerũt liquidẽ multi alij sancti facti, sed nullus fuit cui contenerint hæc duõ: scilicet q̃ fuerit sanctificatus, & fuerit missus in mundum. Et nota bene ly in mundum (hoc est in uniuersum. & non in mundum uisibile tãtũ, sed simpliciter & absolutè in mundum) quoniam qui mittitur in mundũ, extra mundũ erat: extra quem solus Deus est, omnes enim res, partes sunt mundi, ac per hoc sunt in mũdo sicut partes toto: excepta sola illa re quæ Deus est, quæ etiã scđm philosophos est bonum extrinsecum totius uniuersi, ut patet xij. Meta. Ex hoc igitur q̃ unusmet homo est ille quem pater sanctificauit & misit in mundum, etiã si sanctificatio cõi modo intelligeretur, sanctificatur q̃ unusmet homo est & uerus homo & uerus Deus: quatenus sanctificatus, uerus homo: quatenus missus in mundum à patre, uerus Deus, p̃ hoc in uerbis istis significatur gratia unionis personalis qua factum est ut filius hominis esset filius Dei: qua manifestè excluditur q̃ blasphemauit Dominus Iesus: qui quum homo esset, & filius hominis, dixit: quia filius Dei sum. dixit, ego & pater unum sumus. Et sic manifestum est q̃ Dominus non timuit perseverare in confessione suæ ueræ deitatis, nec diuertit sermonem ad deitatem per participationem: sed quum dixisset se uerum Deum per essentiam (quod uerificatur de ipso quatenus est filius Dei) apparuit Iudæis & nobis quod etiam quatenus est filius hominis, est, per gratiam unionis uerus Deus & ad hoc intelligendũ manuduxit eos per illos qui dicti sunt dii per gratiam sermonis diuini

diuini. vnde non dedit Arrianis occasionem errandi, sed perscrutandi ad intelligentiam suæ doctrinæ. Et quæ hæc fuerit ad literam intentio Domini, manifestatur per subsequentiæ verba. nam hæc quæ dixit de identitate suæ personæ quæ erat unus Deus & homo, statim probat subiungendo: si non facio opera patris mei, nolite mihi credere. si autem facio: & si mihi non uultis credere, operibus credite: ut cognoscatis & credatis quia pater in me est, & ego in patre. Vbi ex unitate operationis suæ & patris, probabat unitatem substantialē sui & patris, quā prædixerat. Vnde etiam Iudæi auditis his, quia intelligebant hanc Dñi responsionē ad idē tēdere quod dixerat (scilicet ego & pater unum sumus) propter quod uolebant eum lapidare, non quieuerunt: sed his auditis, ut Euāgelista dicit, quærebant eum apprehendere, sed ipse exiuit de manibus eorum. Ex quo facto manifestius redditur, quod diximus, scilicet quod sermo domini non erat ad diuertendum, sed ad manuducendum eos ad ueritatem quam dixerat. Si enim fuisset diuersius sermo, non perstitissent ut apprehenderent eum & lapidarent extra templum, utpote persistentem in blasphemia. Et per hæc patet solutio ad quæsitæ omnia. Hæc de primo.

Circa secundum ad Philip. ij scilicet, Qui quum in forma Dei esset, non rapinam arbitratus est esse se æqualē Deo, sed exinaniuit semetipsum formam serui accipiens: difficultas ex multis capitibus occurrit. Et primo quia impertinentia multa uidentur hic apposita. Quum enim apostolus intēderet dicere Christum quum esset Deus, semetipsum humiliasse ad incarnationem &c. impertinens primum uidetur quæ æqualitatem ad deum immisceat: sufficiebat enim dicere, Qui quum in forma dei esset, exinaniuit semetipsum &c. Rursum, Si æqualitas ad deum inferenda erat, quorsum inferitur iudicium seu arbitrium de æqualitate? Satis enim fuisset dicere: Qui quum in forma dei esset, & æqualis esset deo, exinaniuit semetipsum. Iterum. Si æqualitatis arbitrium interponendum erat: quorsum de non rapina sermo hic est, ubi ad humilitatis uirtutem hortabatur Apostolus Christi exemplo, non ad fugam uitiorum? Nec caret denique scrupulo quorsum Apostolus incarnationem appellauit euacuatio

nem ipsius filij, dicendo exinaniuit semetipsum, quum multa interueniret euacuatio in hoc mysterio. Secundo, magna est difficultas circa contextum huius sermonis, non enim apparet ad quid respicit illa aduersatiua coniunctio, sed, quum dicitur, sed exinaniuit semetipsum. Videtur .n. q̄ debuisset dicere & tamen semetipsum exinaniuit: quoniam ex hoc dicto, qui quum in forma dei esset, non rapinam arbitratus est esse se æqualem deo (quo dicto significatur q̄ Christus cognouit non rapina sed natura esse se æqualem deo) consequenter subiungendum erat, & tamen exinaniuit semetipsum: & non subiungendum erat sed exinaniuit semetipsum: quoniam nihil præmissum, cui aduersetur ly sed.

Ad euidentiam huius sententiæ perspicere oportet prius intentionem & sensum: deinde ad uerba descendere Apostoli. Intentio eius (ut ex contextu apparet) est exemplū humilitatis, qua superiores nobis inuicem nos arbitremur, ex Christi actione asserre, præmiserat enim, In humilitate superiores sibi inuicem arbitantes, & subiunxit exemplum de Christo cum causali coniunctione dicens: Hoc enim sentiret in uobis, quod & in Christo Iesu.

Exemplum autem Christi consistit in duobus.

Primo, in mysterio incarnationis, de quo nunc est sermo: deinde in mysterio passionis, de quo post subiungitur, humiliavit semetipsum. Ex mysterio autem incarnationis intendit Apostolus humilitatis exemplum asserre, assignando rationē quare Christus recognouit Deū ut superiorem & hoc directē seruit proposito, quo instruebat Philippenses ut in humilitate superiores sibi inuicem arbitarentur. nam si Christus quum sit Deus, arbitratus est Deum superiorem sibi: tanto magis homo debet hominē superiorem sibi arbitrari. Et quoniam Christo Domino huiusmodi subiectio nō cōuenit ex natura (qm̄ ex natura æqualis est deo) sed ex libero arbitrio quo uoluit incarnari: ideo Apostolus mira subtilitate radices ex parte rei & intellectus humilitatis oīs & humilitatis istius singularissimæ incarnationis in hac sn̄a tagit. Qd̄ ut clarius intelligatur, recolendū est q̄ humilitas ex parte rei cōsurgit ex aliqua minoritate: ex parte autē intellectus cōsurgit ex cognitione & iudicio illius minoritatis ex hoc em̄ arbitror

arbitror alium mihi superiorem, quia in aliquo minor sum illo: & recognosco me in aliquo minore illo: si enim essem minor, & non recognosceré me minore non propterea essem humilis. Et per oppositum si aliquam minoritatem habeo respectu alterius, & æqualem me illi facio seu iudico, rapinam committo, rapino enim qualitatem quam non habeo, quum sim minor. Et hinc amplius sequitur: quod si nos superiores nobis invicem non arbitraremur, rapinam committeremus: quia quilibet minor quam sit altero, æqualem saltem se faceret illi, ac per hoc raperet æqualitatem. Quibus prælibatis sensus Apostolicus est, quod Christus istus quum Deus esset, non ex iudicio rapinæ æqualitatis divinæ, sed ex propria voluntate recognovit Deum superiorem, formam servi accipiens. Et per id quod dixit non ex iudicio rapinæ, excluditur primo omnis minoritas à filio dei. Si enim minor in aliquo esset deo, iudicium quod esset æqualis deo, esset iudicium per rapinam: ac per hoc quod non ex iudicio rapinæ æqualitatis divinæ incarnatus est, declaratur quod non ex iudicio alicuius minoritatis in seipso, sed, ac per hoc quod non ratione alicuius minoritatis subiectus est deo. Fuisset siquidem ex iudicio rapinæ divinæ æqualitatis subiectus, si ex iudicio alicuius minoritatis in seipso subditus esset, arbitratus (& merito) rapinam. esse se æqualem deo, quod minore se cognosceret. Sed non ex rapinæ iudicio, sed ex mera sua voluntate subiecit, se deo formam servi accipiens, Excluditur secundo omnis cautela rapinæ æqualitatis divinæ, siue quantum ad rem, siue quantum ad effectum, siue quantum ad æstimationem aliorum. Fuisset siquidem ex iudicio rapinæ huiusmodi incarnatus, si cavens ne deo debitum honorem usurparet sibi aut cavens ne in affectum celsitudinis divinæ veniret, aut cavens ne æstimeret ab alijs deus, formam servi accepisset. Sed omnis huiusmodi cautela excluditur ex hoc quod non rapinam arbitratus est esse se deo æqualem in omnibus & per omnia: hoc est, hoc quod non ex iudicio rapinæ divinæ æqualitatis quomodolibet, sed spontanea voluntate formam servi accepit. Et potest hæc sententia causam denotans subiectionis Christi ad deum, suam voluntatem, & non iudicium de minoritate, aliqua in se cognita, adhuc duplicem sensum habere. Primus est, intelligendo per æqualitatem ad deum æquali-

æqualitatem intrinsecam. Et tunc est sensus, quod Christus quum in forma Dei esset, non ex iudicio rapinæ diuinæ æqualitatis (hoc est non ex iudicio, quod cognosceret se rapere diuinam æqualitatem: quia non ex iudicio quo se recogno- sceret in aliquo minorem patre vt quia minore patre hono- rare uoluerit patrem accipiendo formam serui.) sed propria uoluntate semetipsum exinaniuit, formam serui accipiens. Alter sensus est, intelligendo per æqualitatem ad Deum æ- qualitatem puram: hoc est æqualitatem non adiunctā serui- tuti. Et tunc est sensus quod Christus quum in forma dei es- set, non ex iudicio rapinæ æqualitatis puræ. (hoc est non qd iudicauerit rapinā permanere se in pura æqualitate ad deu) sed propria uoluntate adiunxit seruitutem æqualitati, dum exinaniuit semetipsum formam serui accipiens. Et iuxta huc sensum intēdit dicere Apostolus, quod si Christus quum in forma Dei esset, uoluisset permanere patri æqualis purè (hoc est æqualis sine adiuncta minoritate, quam per incarnationē sibi adiunxit) non commisisset rapinam, quoniam in forma Dei erat: hoc est, quia Deus uerus erat. Et propterea non ra- tione alicuius debiti, aut defectus, aut minoritatis &c. sed so- la uoluntate semetipsum exinaniuit, formam serui accipiens: hoc est, fecit se minorem, quum esset æqualis, non minuendo æqualitatem, sed adiungendo æqualitati minoritatem. Et hic sensus ultimus qui includit primum, & addit, magis uide- tur amplectendus ad literam, quia saluat ad literam tum pro- prietatem uocabulorum, tum claritatem & facilitatem sentē- tiæ & exempli ad humilitatem. Iuxta hunc siquidem sensum filius Dei uerè & propriè exinaniuit semetipsum: hoc est eua- cuauit personam suam, non aliquo intra suam personam cō- tēto, sed puritate æqualitatis ad patrē. nam ubi prius erat pa- tri æqualis, & nullo modo minor, modo est æqualis & mi- nor. Et signanter dixit semetipsum: quia ita suam personam fi- lius exinaniuit; hoc est euacuauit puritate æqualitatis, quod non personam patris aut spiritus sancti euacuauit tali purita- te. Spiritus em̄ sanctus æqualis patri ita est qd nullo modo mi- nor: & similiter pater ita est æqualis filio & spiritui sancto, qd nullo modo minor. Solus autem filius est qui est & æqualis & minor, quia semetipsum exinaniuit: hoc est, euacuauit pu- ritate

ritatē æqualitatis diuinæ formam serui accipiens, hoc est adiungens æqualitati seruitutem. Similiter iuxta hunc sensū sententia & facilis & clara est, ut decet epistolarē textum, & præcipuè in exemplis. Inuenitur siquidem ad commodatum ualet bene sic intellectum exemplum Iesu Christi ad humilitatem; ex hoc quod quum esset Deus, & nosset quod non esset superbia rapina permanere in diuina æqualitate pura, uoluit propria uoluntate suam personam euacuare puritate æqualitatis, adiungendo sibi seruitutem qua patrem superiorem haberet. Si ipse sic fecit, quanto magis nos (quos oportet arbitrari rapinam, esse nos æquales aliis: quia minores in aliquo sumus) debemus superiores nobis inuicem arbitrari? Rursus, satisfacere quoque inuenitur hoc exemplum præcedentibus immediatè uerbis: scilicet non quæ sua sunt linguli considerantes, sed ea quæ aliorum: quoniā hinc habemus quod Christus Iesus quū esset filius Dei, nō quæ sua sunt, scilicet diuinam æqualitatem puram considerauit secundam, sed ad salutem aliorum exinaniuit semetipsum formam serui accipiens. Et si altius scrutatus fueris, inuenies maximum humilitatis exēplū, quoniā quum in forma Dei esset, secūdū Dei formā nec haberet nec habere posset ullo modo superiorem, secundum uerò personam non haberet quoque superiorem, nec habere posset superiorem seruata puritate æqualitatis: maluit euacuare suam personam puritate æqualitatis formam serui accipiendo, ut haberet superiorem quam in suæ æqualitatis puritate persistere. Propter quod formalissimè apostolus non dixit formā creatā, sed formā serui, ut æqualitati minoritatē seruile adiunxisse intelligeres, non solū ad confundendā nostrā superbiā, qua supiorē ullum, si fieri posset, nollemus, sed ad impellēdū ad hūilitatē qua supiores nobis inuicē arbitremur, imò ad tā diu uacandum humilitatis affectui, donec sentiamus in nobis q̄ & in Christo Iesu sentimus donec affectemus ob aliorū bonū superiores alios nobis facere euacuādo non circūdatibus non condignitatibus nostris, & inferiorum aut etiam subditorum personas agendo & si non semper extrā, saltem intus.

AD uerba autem descendendo, dicitur q̄ oportuit Apostolum meminisse æqualitatis dū tractaret de extremis, scilicet

licet superiore & inferiore (dixerat enim, superiores sibi inuicē arbitantes) æquale enim medium est inter maiorem, & minorem. Oportuit quoque de arbitrio æqualitatis loqui, dum de causa rationabili, hoc est agente à proposito tractabat. Rapinam quoque inseruit: quoniam rapina æqualitatis ita contrarium humilitatis significat ut radicem humilitatis scilicet minoritatem ostendat. Et scito quod ut contextus planus litteræ habeat, negatio super uerbum construenda est: ita quod littera sic ordinetur Qui quū in forma Dei esset, non est arbitratus rapinā esse se æquale deo, siue æqualitate intrinseca, siue æqualitate pura: hoc est, non ex iudicio rapinæ æqualitatis. sed semetipsum exinaniuit (in quo clauditur quod uoluntariē se exinaniuit) formam serui accipiens. Et sic aduersatiua coniunctio habet cui aduersetur, dū causa aduersatur causæ, hoc est uoluntas aduersatiuē ponitur ad nō iudiciū rapinæ. uerba enim hæc licet nō p modū causæ inducūtur quātum ad sonū uerborum, ut causas tamen continētia intelligēda sunt. Et sic intellecta, p aduersatiuā cōiunctionē causa affirmata, scilicet uolūtas, cōtraponitur causæ negatæ: scilicet nō arbitrio rapinæ æqualitatis, & significatur q nō ex iudicio rapinæ sed sponte exinaniuit semetipsum. Hæc de secundo.

Circa tertium Apocal. iiii. Omnia creasti, & per tuam uoluntatem erant, & creata sunt: difficultas occurrit, quo pacto uerificatur quod omnia quæ Deus creauit, per suam uoluntatem erant, & postea creata sunt. Dupliciter enim res dicuntur esse, uel in seipsis, uel in suis causis: sicut domus dicitur esse uel in seipsa quando est facta, uel in mente artificis antequam fiat. Neutro autem modo uerificari possunt hæc uerba. Non deesse rerum in seipsis: quia tale esse non habent antequam creatæ sint. in textu autem dicitur, erant & creata sūt. Nec deesse in arte diuina: quoniam creatura secundum esse quod habet in Deo, est creatrix essentia, & est ipse Deus: iuxta illud Ioannis primo. Quod factum est in ipso, uita erat. ac per hoc non dependent secundum tale esse à uoluntate Dei, & consequenter falsum est dicere quod, per uoluntatem tuā erant: sicut falsum est dicere q ipse Deus est per uoluntatem suam, debuit eī dicere, & per naturam tuam erant, aut saltē per intellectum tuum erant.

AD hoc dicitur q̄ proculdubio sermo iste intelligitur de creaturis secundum quod sunt in mente Dei summi omnium artificis.

Et quum obiiicitur quod creaturæ non sunt in mente Dei per uoluntatem Dei, sed per naturam seu intellectum eius : respondetur q̄ creaturæ dupliciter intelliguntur esse in ipso summo opifice. Primo, simpliciter & absolutè ut effectus sūt in causa à qua produci possunt. Secundo ut effectus producendi sunt in causa. Et ut percipias hanc distinctionem, considera quod præter creaturas productas & producendas, multa sunt alia in diuina potestate quæ posset producere, quæ tamen nunquam produxit nec producer. Et ex his eleua mentis oculos, & considera Deum gloriosum in duplici signo naturæ, hoc est considera primo ipsum secundum se, hoc est non considerata determinatione uoluntatis eius ad producendum aliquas creaturas, & sic uidebis omnes creaturas tã quandoque productas seu producendas quam nunquam productas seu producendas habere esse in Deo ut in causa potente illas producere. Et loquendo de tali esse creaturarũ in Deo dicendum est quod sunt in Deo per naturam, & non per uoluntatem Dei: quoniam hoc conuenit Deo ex sua natura, & non ex libero arbitrio. Si uero consideres ipsum Deum gloriosum deinde in secũdo signo (hoc est quum uolũtas sua libere determinauit se ad producendum: ita istas creaturas, puta quæ sunt, fuerunt, sunt, aut erunt in hoc mundo, quod nõ alias, quæ nunquam fuerunt, sunt aut erāt) uidebis differentiam inter creaturas & creaturas in Deo: in hoc q̄ quedã sũt in eo solũ in potetia quia scilicet possunt ab ipso fieri: quædam uero sunt in eo non solum sic sed etiam ut producẽdæ: & quod creaturæ quæ sunt in eo hoc secundo modo, scilicet producẽdæ per uoluntatem ipsius Dei habent hunc essendi modum quoniam ex libera dei uoluntate quasi translatæ sunt de ordine possibiliũ absolutè ad ordinem producendorum quandoque. Et de creaturis secundum tale esse Apocal. loquitur. Et uerum dicit quoniã per uoluntatẽ dei quæ creata sunt erant producibilia, quamuis p̄ naturã dei erāt simpliciter possibilis. Et sic creaturæ ut producẽdæ erant in arte dei

Dei per suam uoluntatem, & creaturæ sunt per eandem uoluntatem.

Ad obiectionem antè in oppositum quod creatura in Deo est creatrix essentia & uita &c. respondetur distinguendo, formaliter, uel identicè: hoc est quod creaturæ in Deo secundum illam rem qua sunt, non sunt per uoluntatem, quia sic sunt ipsa deitas: sed formaliter ut sunt producendæ, sunt per uoluntatem quemadmodum actus liberi arbitrij diuini formaliter est per diuinam uoluntatem in Deo: nam quia uult eligit; & idem ipse actus identicè (hoc est secundum rem quæ est) quia est ipsa deitas, per naturam est, non per uoluntatem. Hæc de tercio. Budæ, die uigesima Aprilis. 1524.

DVODECIMVM IENTACVLVM,
in quo quinque tractantur,



CCVRRVNT duodecimo consideranda circa res gestas quinque. Primum, Luc. vij. quo pacto mulier peccatrix stans lauerit pedes Domini lachrymis. Secundum, unde constet ex Euangelio hanc mulierem peccatricem esse Mariam Magdalenam & sororem Lazari. Tertium, Cur Marc. viii. Dominus cæcum illuminauit paulatim, ita quod primo imperfectè, dū dixit, Video homines ambulantes sicut arbores, & secundò impositione manuum perfectè, ut clarè uideret omnia. Quartum, Cur Paulus Apostolus tam j. ad Timot. iij. quā ad Titum j. tradens condiciones requisitas ad Episcopum, tradit tantummodo positiuas (puta sobrium, prudentem &c.) & nunquam meminit conditionis comparatiuæ: scilicet quod sit dignior alijs. Quintum, Cur tentator Christi in prima & secunda tentatione dixit si filius Dei es, in tertia autem hoc non dixit, sed ad maximum scelus ausus est Christum prouocare.

AD primum horum dicitur quod Lucas Euangelista exuberantiam fletus & lachrymarum in illa peccatrice descripsit ex hoc quod non potuit continere lachrymas, imo lachrymarum profluuium usq; ad sui prostrationem ad pedes Christi: sed

sed tanta esset commotio ad fletum, & affectus ad irrigandū pedes lachrymis, ut adhuc stans, id est erecta profluuium lachrymarū incœperit ad pedes emittere. Propter quod signanter Euangelista non dicit q̄ stans rigauit pedes eius, sed q̄ stans cœpit rigare: significans per hoc incontinentiam & exuberantiam lachrymarum.

AD secundum dicitur q̄ ex Euangelio Marci ult. habetur Mariam Magdalenam esse illam de qua Dominus eiecerat septē dæmonia. Et quoniā Marcus ideō descripsit eā à septē dæmonijs, ut denotat & dignitatem hominum peccatorū qui ad Christum conuersi sunt per hoc quod Christus mulieri olim tam peccatrici resurgens primō apparuit: consequens est ut per septem dæmonia intelligantur uniuersa uitia: ut Greg. optimē exposuit: alioquin non fuissent ex hoc peccatores dānificati. Nā uexari corporaliter hominē à septē dæmonijs non est peccatum sed pœna: ac per hoc non fuisset denotata mulier peccatrix: sed mulier afflicta à dæmonijs. Quum itaque Maria Magdalena cui Christus resurgens primō apparuit, sit illa quæ uniuersis uitijs erat subiecta: & nulla alia legatur nisi illa quæ erat in ciuitate adeo peccatrix: ut etiam proprio nomine non meruit nominari: rationabilis ualde apparet communis opinio eandem dicens Mariā Magdalenam, & peccatricem apud Lucam. Et confirmatur ex eo quod Lucas ipse post lachrymas mulieris peccatricis, sequenti capitulo ponens mulieres Christi sequaces, ante omnes ponit Mariam Magdalenam: nominans eam iam, Christi pedissequam, cuius peccatricis nomen tacuerat. Simile enim quid fecit de Matthæo Euangelista: dum sedentem ad telonium nominat Leui, quem postea in catalogo apostolorum nominat Matthæum. Firmatur quoque non solum eadem sententia, sed etiam quod ipsa fuerit soror Lazari, ex uerbis Ioannis Euangelistæ, dicentis de Maria sorore Lazari, Maria autem erat quæ unxit pedes Domini unguento. Ex tempore enim quo Ioannes hæc uerba dixit, habetur ipsam fuisse, quæ olim unxerat pedes Domini unguento. nam per hæc uerba descripta est ante resurrectionem Lazari, ac per hoc ante tempus cœnæ in qua Lazarus resuscitatus unus erat ex discumbentibus ante sex dies Paschæ, quando Maria iterum

unxit pedes Domini. Ex quo enim Ioannes scripturus erat: cœnam illam & unctionem quæ ibi acta postea fuit, nō erat soror Lazari describenda per futuram unctionem uerbo præteriti temporis, scilicet unxit: sed ad significandum præteritam unctionem, quam descriptam sciebat à Laica Euangelista, descripsit eam à præterito actu, ut ad quantam gratiam sint peccatores à Christo admissi, significaret. Vnde & utitur simili modo loquendi quo utitur in descriptione aliarum personarum ex præteritis actibus. Quum enim describit Nicodemum sepeliendum Christum, dicit quod ipse est qui uenerat primum ad eum nocte. Et similiter qui describit Caipham iudicantem Christum, ait Erat autem Caiphas qui cōsiliū dederat Iudæis &c. Ita quoque de sorore Lazari dicit, Maria autem erat quæ unxit pedes Domini unguento, & extersit capillis suis. Constat enim quod nulla alia pro tunc erat quæ unxit pedes Domini, & extersit capillis suis, nisi peccatrix apud Lucam. Nec solum ex tempore, sed etiam ex loco idem confirmatur. Nam in eadem domo utraque unctio facta insinuat eandem esse personam ungentem, cui commoda erat illa Domus. Prima siquidem unctio facta est in domo Simonis Pharisei. Secunda quoque in domo Simonis leprosi: quia Dominus curauerat eum à lepra, ut glossa dicit. Ex quo apparet, quod tam commoda, imò & familiaris domus Simonis erat Mariæ sorori Lazari: ut fortè (quod etiā aliqui putant) in eadem domo sub diuersa tamen contiguatione habitaret Maria Magdalena. Quod ex tribus elici quodammodo potest. Primo, ex eo quod domesticè uidetur ingressa super conuiuantes, quando primum rigauit pedes eius, ut cognouit quod accubuisset in domo Simonis Pharisei, quasi nacta loci commoditatem. Secundo, ex eo quod quasi ad manū habens dum cœnaretur ante sex dies Paschæ, accepit alabastrum unguenti &c. Tertiò, ex eo quod in domo Simonis Martha ministrabat. Et confirmatur adhuc eadem sententia ex fiduciali augmento familiarium actuum: Nam quū Dominus Iesus à mulierum conuersatione esset tam alienus, ut discipuli uidentes eum loqui cum Samaritana, mirarentur quod cum muliere loquebatur: credibile non est quod mulier aliqua causa fuerit prima uice ungere caput ipsius: sed quod

mulier

mulier illa quæ prima uice pedes lachrymis lauit, & gratum suū officiū fuisse experta est dū audierit p̄p̄ea sibi dimissa esse peccata multa: post multū temporis animæquior facta ex multis sibi monstratis beneuolentiæ signis, & multis p̄ceptis effectib. gratiæ spiritualis, tñ fiduciæ acceperit, ut iterū pedes & caput simul unxerit rationalis processus fiduciæ admittit qui usq̄ adeo excreuit ut ad resurgētis Dñi amplexū amoris ardor magnitudinis lætitiæ incitauerit, quum prohibita est a Dño dicēte. Noli me tāgere. Quod. n. tūc in amplexū ruere uolebat, insinuat primò ipsa Dñi phibitio: qui tñ nō prohibuit eā osculari sibi pedes qm̄ scriptū est. Accesserūt & tenuerūt pedes eius. Attestari ēt dicitur incorrupta adhuc caro in sola frōte capitis eius perseverans utpotē quā Dñs manu in mortali tetigit prohibens eā. Noli me tangere: hoc est enim signū q̄ uultum suum Magdalena non ad terrā uersus pedes dirigebat, sed nesciēs quid faceret ad amplexū. Et hæc dicta sint, ut p̄cipiatur q̄ unamet p̄sona fuit quæ primò p̄ remissione peccatorū lachrymis rigauit pedes eius postea animæq̄ or facta ad caput ungēdū ascēdit: & post resurrectionem ardēs magistri amore in amplexus ruere uoluit, hm̄oi. n. fiduciæ p̄gressus idētitatē p̄sonæ mōstrat. Et quū cōstet q̄ Maria Magdalenæ fuit quæ fecit hunc ultimū actū & q̄ Lazari fuit quæ fecit penultimum: & quod peccatrix mulier quæ fecit primum: consequens ex hoc & tot alijs antedictis est, ut ex euangelicis dictis credamus unā & eandem esse Mariam Magdalenam, sororem Lazari, quæ erat in ciuitate peccatrix, ut Ecclesiasticum ēt officium testatur. Hæc de secundo.

AD tertium dicitur quod ratio talis quasi imperfecti morbi curandi fuit duplex: una ex parte cæci: quia scilicet indispositus erat ad recipiendum subitam sanitatem perfectam: ut patet ex eo quod ipse non rogabat pro seipso, sed alij rogabant pro eo. Hæc tamen causa non est sufficiens: quoniam legitur Dominum subito curasse paralyticum submissum per tegulas, ad fidem aliorum, ipso paralytico tacente.

Vnde altera causa ex parte Domini simul cum prædicta concurrat: scilicet ut doceret nos miraculosa Dei opera non solum esse quæ subito perfectè fiunt: sed etiam procedendo

scribit ei quod instituat Episcopos in Creta : & dat ei regulam circa conditiones eligendorum ad Episcopatum, nullus certe culpæ posset Titum præficientem Episcopos iuxta regulam Pauli præcisè, ac per hoc non curatè de comparatiuis, potuisset enim semper dicere: faci iuxta regulam à te mihi traditam: tu in culpæ, si insufficienter me instruxisti : Secundo, quia ipse Paulus Apostolus Act. xx. ait ad Ephesios in persona omnium quibus prædicauerat : Mūdus sum à sanguine omnium, non enim subterfugi quo minus annūciare omne consiliū, dei uobis. Quomodo nanquē omne consiliū dei annūciaisset, si tradendo regulā de eligēdis Episcopis, tā necessariam conditionem tacuisset.

Dicendum ergo uidetur quod propterea Paulus Apostolus hanc conditionē comparatiua tacuit quia per se loquendo non est necessaria: dico autem per se: quia Episcopatus dupliciter considerari potest: uel secundum id quod conuenit ei per se: uel secundum sibi annexa. Et siquidem consideretur secundū sibi annexa (scilicet superioritatē, honorē, dignitatē, beneficium ecclesiasticum) sic est in genere bonorum: Et quoniam huiusmodi annexa sunt communia bona Ecclesiastica, & debita membris Ecclesiæ ut distribuantur illis, idcirco secundum hæc exigitur conditio comparatiua: ut scilicet digniori maiora dentur, & oppositum facere, est uitium acceptionis personarum. Et iuxta hoc intelligenda est doctrina dicentium quod oportet in foro conscientie eligere digniorem ad hoc & non sufficiat eligere bonum seu dignum quia uitium acceptionis personarum est exhibere bona debita sic, ut minus dignus præponatur magis digno. Si uero consideretur episcopatus secundum id quod conuenit sibi per se, sic est in genere onerum: ut patet ex actu sibi proprio, qui est pascere oues & agnos Christi iuxta uerbum domini Ioannes ult. hoc enim onerosum manifeste est & pure onerosum. Propter quod dominus uoluit q̄ Petrus ex amore quem haberet ad ipsum dominum, subiret tale onus. Et Paulus Apostolus docet dicens. Qui Episcopatum desyderat, bonum opus desyderat, non bonam dignitatem, non gradum, non beneficium, non honorē &c. sed opus tantum ac per hoc onus. Unde & merces operatio debetur: iuxta illud Matt. xx. Voca

operationis, & redde illis mercedem. Nec obstat puritati one-
 ris quod pastorale officium gradum, potestatemq; superiorē
 per se supponit aut constituit: quoniā huiusmodi gradus ac
 potestas non concurrit ut bonum personæ quæ assumitur
 ad pastorale onus: quia non datur ei ut bene sibi sit, sed pro-
 pter necessitatē aut utilitatem ouīū. Et ut unico dicatur uer-
 bo, totū pastorale officiū ordinatur per se ad bonū nō pasto-
 ris, sed Ecclesiæ Christi: ac per hoc in genere nō bonorū, sed
 onerum distribuēdorū personis Ecclesiasticis per se locatur.
 Considerādo itaque episcopatū per se, nulla apparet ratio q̄
 requiratur cōditio cōparatiua: nā ex parte personæ quæ eligi-
 tur, cessat ratio acceptionis p̄sonarū: quia nō distribuitur cō-
 mune bonū, sed cōmune onus. unde nō cadit acceptio perso-
 narū, nisi forte plus grauādo illū cui datur. Ex parte uero Ec-
 clesiæ cui superintendere debet, non est maius debitū, quam
 ut sufficienter ei provideatur: quia Ecclesia ipsa nō habet ius,
 nisi ad sufficientem habendum pastorem. Cuius signum est
 locus querelæ, si sufficienter ei prouideretur. Et ad supereroga-
 tionis bonum spectat, si plus quam sufficiens ei detur pastor.
 Et confirmatur ex cæteris prouisionibus officialium quæ in
 mundo fiunt, nam ubique rectæ rationis satisfit, si sufficien-
 ter ciuitatibus oppidis, regnis administrationibus &c. proui-
 detur. Et ad hanc sententiam ducunt duæ prius inductæ ra-
 tiones pro sufficientia doctrinæ ab Apostolo traditæ: ambæ
 enim multum cogunt. Et si contra hanc sententiam applice-
 tur illa ratio: scilicet quare elegis ex duobus sufficientibus
 minus dignum: in prōptu est responsio, quia non teneor eli-
 gere meliorem: sed multis existentibus, locus est gratificatio-
 ni, nec est acceptio personarum præeligere minus dignum,
 sufficientem tamen, sed libertas. Et si his adiunxeris quod tē-
 poralia bona annexa pastoralibus officiis, per accidens cōcur-
 runt: uidebis consequenter quod omnibus consideratis suf-
 ficit etiam in foro consciētiæ ad euitandum peccatum mor-
 tale, eligere sufficientem: quoniam actus humanus indican-
 dus ex suo genere est secundum id quod est per se: quamuis
 peccet postponens digniorem sine rationabili causa ex eo q̄
 præter rectam rationē temporalia annexa dispensat. Et spe-
 stat hoc peccatū reductiue ad uitium acceptionis personarū:

Dico

Dico autem reductiue: quia non per se in hoc actu fit dispensatio bonorum, sed per uiam concomitantia. Qui autem in dispensatione pastoralium officiorum ad bona dignitatis, honoris præbendæ &c. dispensanda directe respiciunt, uitium per se incurrunt acceptionis personarum, si digniorem absque rationabili causa post ponunt: & mortale consequenter ex suo genere peccatum incurrunt. Hæc de quarto.

Ad quintum de tertia Christi tentatione dicitur, quod diabolus eadem intentione qua duas præcedentes, tertiam exercuit tentationem: scilicet animo explorandi, si ille homo erat filius Dei. Sed non eodem modo ingresit tertiam, quo ingrederetur primam, & secundam: nam illas aperte hoc continentes proposuit, istam uero occulte & insidiosè ad hoc tendentem. Cogitauit enim apud se callidus tentator per uiam indirectam explorare, si Iesus erat filius Dei. Et duo proposuit (alterum est, se daturum ei omnia regna mundi: alterum ut cadens ipsum adoraret) non ea intentione, ut putaret Iesum daturum consensum ad hæc: sed quod respondendo ad primum, induceret Iesus aliquam auctoritatem scripturæ: ex qua omnia mundi esse ipsius Iesu haberetur, ac per hoc non indigeret, ut à tentatore sibi darentur: & sic tentator haberet intentam explorationem. Vel saltem respondendo ad secundum, increparet eum dicens; Tu debes me adorare, non ego. te: uel aliquid simile, ex quo haberet intentam explorationem. Sed Dominus uersutias eius præuidens, nihil de Messia dixit, sed tantum de adoratione Dei solius. Hæc de quinto. Viliaci, in die sancti Viti. 1 5 2 4.

Expliciunt præclarissimæ xij. Ientaculum noui Testamenti
Reuerendissimi domini Thomæ de Vio Caietani
Cardinalis Sancti xisti lucubrationes:
quibus circiter lxiiij. difficiles Testamenti sententia
subtilissimè enarrantur.

Pag. 447. uer. 28. ut det dum. debet dici, ut det quasi præ-
tium locationis seu censum singulis annis tot aureos, usura
est: quum sint contractus ficti ad palliationem mutui & usu-
ræ. Octauus similis antedicto est. Si quis egens Romæ pecu-
nijs accipit à numulatio mille aureos ad rationem cambij
pro Lugduno. & tamen Romæ reddendi sunt, usura est: quia
cambium est fictum ad palliandum mutuum sub usura. De-
cimus similis est. Si quis cum egente pecunijs palliat mul-
tos contractus simultaneos (puta dicit se uendere tot pan-
nos mille aureis reddendis octauo mense: & se emere illos
ab eodem pro octingentis aureis nunc soluendis, & sic dat
nunc octingentos, & fit contractus pro mille hinc ad octo
menses) usura est palliata sub multis contractibus. Nec ex-
cusatur ex eo quod ipse non est deterioris conditionis quam al-
ter qui emeret illos pannos pro octingentis. tum quia inter-
uenit pactum de retrouendendo sibi, perdendo ducentos,
quod non interuenit cum alio, tum quia iste in ueritate non
uenderet illi nisi propter hoc lucrum.

Usura mentalis dupliciter consideranda.

DE mentali autem usura duo dicenda occurrunt, scilicet
peccatum, & restitutio. Et peccatum quidem consistit
in hoc quod speratur ex mutuo lucrum absque conuentione
aliqua implicitè, uel explicitè. Vbi diligentissimè distingue
inter speratum seu desideratum lucrum, uel ex mutuo, uel
ex uera gratitudine animi. Nam si quis mutuatur sub spe quod
ex mutuo aliquod lucrabitur, usuræ crimen incurrit, & resti-
tuere tenetur quicquid lucri ex mutuo sibi provenit. Si ue-
rò mutuatur quis sub spe quod ille qui mutuatur erit gratus: ita
quod iure grati animi de suscepto mutui beneficio gratuito
mittet munera aliqua, non est usura, nec tenetur ad aliquam
restitutionem huiusmodi munerum: quia non ex mutuo,
sed ex gratuiti beneficij collati recompensatione, ad quam
beneficiatus ex morali debito tenetur, lucrum reportat. Ve-
rùm quia quandoque animi non concordant hinc & inde,
oportet discernere distinguendo quod si utriusque (scilicet
mutuantis & mutuum accipientis ac aliquid plus dantis) in-
tentio

tentio est pia, ita quod nec mutuās sperat ex mutuo, nec dās dat ex mutuo, sed sponte gratus de beneficio recepto, nulla est usura, nulla est opus restitutione. Si uero utriusque intentio tendit ad mutuum (hoc est, quod mutuans sperat ex mutuo lucrum, & dans aliquid plus, dat malè libenter, quasi patiens usuram, seu redimens uexationem suam) mutuans usurarius mentalis est, & tenetur restituere quicquid sic lucratus est: quia usurarium lucrum est. Si autem claudicat intentio tantum ex parte accipientis (quia scilicet qui accipit mutuum, dat quasi inuitus quasi soluens usuram, aut redimens suam uexationem, mutuans tamen optima intentione mutuauit & accepit munera bona fide credens ex gratitudine sibi dari) nullum interuenit usuræ peccatum. Ad restitutionem tamen tenetur quando scit non liberè sibi hæc donata, si ex illis factus est locupletior, alioquin non tenetur ad restitutionem quia bona fide ad omnia se habuit, & sibi imputet qui mala opinione concepta dedit. Si autem claudicat intentio tantum ex parte mutuantis (ita quod mutuans corrupta intentione mutuatur & accipit aliquid plus: sed qui accipit mutuum gratiosè donat ex animi gratitudine & beniuolentia ignota ipsi mutuanti) mutuans inuoluitur peccato mentalis usuræ, & non potest retinere quod turpiter ex parte sua accipit: sed quantum est ex parte suæ conscientiæ teneretur restituere illi qui dedit. Verum si postea nouit gratiosè sibi donatum, potest acceptare ut donatum: nec tenetur restituere, sed poenitentiam agere de suo peccato.

Aduerte quoque circa mentalem usuram ex parte mutuantis, quod si quis non uult mutuare alicui quem putat aut nouit ingratus, & libenter mutuatur alicui què uidet gratum, non propterea inuoluitur peccato usuræ mentalis: sed sequitur naturalem inclinationem qua actiones nostras ad eos qui digni sunt: dirigimus. Et similiter ex parte accipientis mutuū: si quis est gratus & multa impendit obsequia ac munera alicui, ut ille ad ampliora beneficia mutuū exhibendi gratiosè ac beneuolè prouocetur, ad nullum peccatum prouocatur mutuante.

Accipere ad usuram an et quando sit prohibitum.

Ad usuram accipere.

AD usurā accipere, nullum peccatum secundum se est: quia nihil aliud est quàm ad mutuū accipiendum agere, & ad usuram patiendum, quorum neutrum habet mali culpæ & rationem. Potest tamen peccatum esse: ut si absque rationabili causa quis subeat hoc dānum, & alterius utatur iniquitate. Non est tamen mortale peccatū, sed ueniale, absque rationabili causa hoc facere. Esto tamē hic cautus lector & penetrator dictorum: quoniam aliud est loqui de accipiendo sub usura, & aliud de inducendo hominem ad faciendum usuram. Primum enim nullum sonat peccatum, ut dictum est & ideo ex causa rationabili licet. Secundum autem semper est peccatum mortale: ita quòd nulla necessitate excusatur aliquis a peccato mortali cum inducit per se (hoc est ex intentione) aliquem ad peccandum mortaliter: dicente Apostolo, Digni sunt morte, non solum qui faciunt, sed etiam qui consentiunt facientibus. Minus autem est consentire quam inducere. Et propterea dicitur & bene, quod licitum est mutuū accipere sub usura apparato usuram facere, non autem ab imparato: quia non licet inducere ad faciendam usuram, sed uti iniquitate parati. Hoc est, licet mihi petere ab homine mutuū & pati quod ille ex ac mea petitione accipiat, occasionem apponendi suam malam uoluntatem usurariam. Sic enim nec ego induco illum ad usuram nec consentio ipsius male uoluntati: sed induco illum ad mutuandum, & consentio meæ passioni qua patior usuras.

A



SERIES CHAR.
TARVM.

a b. A B C D E F G H I K L M N O P
Q R S T V X Y Z. Aa Bb Cc Dd Ee Ff.
A. B. C. D. E. F. G. H. I. K. L. M.

Omnes sunt quaterniones, præter Ff,
qui est duerniones.

VENETIIS, Apud Dominicum Farreum.
M D. LXVIII.

